



HEEK GENT




4


Digitized by Google



~~Al~~ Hist 6239

Hist- 6239






J. B. van Steenberg Pen H

Jan Masson et papine Masson
sont, tous deux très habiles et bien
versés dans l'histoire de France.

C. Major




HISTOIRE DE LA VIE,

FAICTS HEROIQUES,
ET VOYAGES, DE TRES-
valleureux Prince Louys, III. Duc de
Bourbon, arriere fils de Robert Comte
de Clermont en Beauuoisis, Baron de
Bourbon, fils de Sainct Louys.

EN LAQVELLE EST COMPRINS
*le discours des Guerres des François contre les An-
glois, Flamans, Affricains, & autres nations,
sous la conduicte dudit Duc, pendant les
regnes de Iean, Charles cinquiesme,
& Charles sixiesme Roys
de France.*

IMPRIME'E SVR LE M. S. TROVVE' EN
la Bibliotheque de feu M. Papirius Masson Foresien,
Aduocat en la Cour de Parlement.

*Antres-Chrestien Roy de France & de Nauarre,
LOYS XIII.*



A PARIS.

Del'Imprimerie de FRANÇOIS HUBV, rue S. Iacques
au soufflet vert, deuant le College de Marmoutier: Et en
sa boutique au Palais en la galerie des prisonniers.

M. DC. XII.

Avec Priuilege du Roy.

DE LA VIE

DE M. DE LA VIE

ET DE SES VOYAGES

EN ALGERIE, EN TUNISIE,

EN ESPAGNE, EN ITALIE,

EN FRANCE, EN ANGLETERRE,

EN SUISSE, EN ALLEMAGNE,

EN RUSSIE, EN Pologne,

EN PRUSSE, EN DANEMARK,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,

EN SUÈDE, EN NORVÈGE,



AV ROY.



J R E,

C'est à iuste tiltre que
ceste Histoire voulant
paroistre aux yeux de vos subiects, a
souhaité de paruenir à vostre Maie-
sté : laquelle Histoire est des actions
& vie du magnanime & Catholi-
que Prince L O U Y S, troisieme
Duc de Bourbon, sorty du Sang du
Roy Saint Louys, de la tige duquel
vous auez l'honneur d'estre descen-
du, comme vous en portez la Cou-
ronne & le Nom si celebre en la me-
moire des François. Je l'ay trouuée
en la Bibliotheque de feu mon frè-

EPISTRE.


re M. Papirius Masson, Ad-
 uocat en vostre Cour de Parlement,
 entre ses escrits concernans les An-
 nales des Roys & Princes vos pre-
 decesseurs, & ay creu qu'elle vous
 estoit deüe, comme au legitime suc-
 cesseur d'iceux. S'il est vray (S I-
 R E) que l'Histoire soit neces-
 saire aux Princes, que ce soit le
 plus digne Liure des Roys, &)
 qu'ils en doivent rechercher la co-
 gnoissance de bonne heure, i'ose bien
 me promettre cest heur pour celle cy,
 qu'elle sera veüe par vostre Maie-
 sté d'un bon œil entre toutes les au-
 tres, puis qu'elle discourt en gene-
 ral des affaires de vostre Royaume,
 & particulièrement des fruiçts de
 l'une des plus hautes branches dont
 vostre Maiesté Royale est yssue.
 Ayez la donc (S I R E) s'il vous

EPISTRE.

plaist, pour agreable, & recognois-
sez la vostre pour le suiet dont el-
le parle, comme vous appartenant,
parce qu'elle vous est présentée par
celuy qui faiet continuelles prieres à
Dieu pour vostre prosperité, &
qui est

De vostre Maiesté,

Le tres humble & tres obeyssant subiect
& seruiteur I. Masson, Archid. de
l'Egl. de Bayeux.



ADVERTISEMENT AU LECTEUR.

FAISANT mettre sur la Presse l'Histoire de la vie de tres-valeureux Prince Louys, troisieme Duc de Bourbon, laquelle a esté escripte par le commandement de tres-excellent Prince Charles, Comte de Clermont en Beauuoisis, fils aîné de Iean Duc de Bourbon & d'Auuergne, Comte de Forests, & Seigneur de Beaujèu, Je n'y ay rien voulu changer, bien que i'y aye recogneu des mots assez anciens, afin de n'encourir le blasme de ceux qui n'ayment les Escriuains qu'au mesme langage qu'ils ont escrit, seullement ay-je mis sur la fin vne Epistre d'un nommé

ADVERTISS. AV LECTEUR.

Laurent Preuner , d'autant que par
icelle il dedie audit Duc Loys, la tra-
duction qu'il fit par son comman-
dement du liure de Ciceron intitu-
lé, *De Senectute*.

à iiii

A MONSIEVR MASSON
ARCHIDIACRE DE L'EGLISE DE
Bayeux, sur l'Histoire de la vie de Loys Duc de
Bourbon; qu'il a dediée au Roy.

Nullement ne craignez, que ne soit ce présent,
Tresbien reueu du Roy, & qu'il ne luy agrée
Car c'est de ses ayenlx vne fleur ramassée,
Dont l'odeur luy plaira, & luy redra content.
Il verra que ce n'est, en HENRY seulement,
Que la valeur s'estoit comme en son lieu rangée,
La prudence s'estoit comme cheſ soy logée,
Bref toutes les vertus ont print hebergement.
Mais que du Tige Saint duquel il tient le Sceptre,
A, vn LOYS DE BOURBON, aussi tiré s'estre,
Tout sage, tout vaillant, plein de religion.
Terrible aux ennemis, & aux siens debonnaire,
Par ainsi la vertu se rendre hereditaire,
A la race Royall' des Princes de BOURBON.

PI. DESCAYEVL, CONS. DV ROY,
& Pre. de Mehun.

LE MESME AV LECTEUR.

Laisse cet Amadis & ce Richard sans peur,
Ces quatre fils Aymond, ne lis ces Amours folles,
Ce sont mensonges purs, ce sont vaines parolles,
D'y employer le temps c'est perdre son labour.
Lus cet' Histoire cy, qui est tres-veritable:
Tu verras la valeur, d'un Prince de BOURBON,
Et de deux Connestabl' du Guesclin, Et Clisson,
La fuite des Ang'ois, & leur fin miserable.
Des duels, des combats, Et tu verras encores
Soubz les loix de ce Duc, & de son drappeau
Les armes des François s'esclater iusqu'aux Maures,
Le sçauoir t'en sera vtil honnestes & beau.



TABLE
DES CHAPITRES
CONTENVS AV PRE-
SENT LIVRE.



Comme le Duc Loys de Bourbon alla en hosta-
ge en Angleterre, pour le Roy Ieā. chapitre 1.
page 1.

Comment le Duc Loys de Bourbon repaira
d'Angleterre en son Duché de Bourbonnois, &
qu'il dict à ses Cheualliers. chap. 2. pag. 5.

Comment le Duc de Bourbon donna à plusieurs Cheua-
liers son ordre de l'Escu d'or le iour de l'An: Et comme
Chauneau où le Duc estoit logé, luy presenta le liure pe-
loux qu'il auoit faict contre les Nobles, & qu'il en feist.
chap. 3. page 8.

Comment le Duc de Bourbon exposa la signifiace de l'Es-
cu d'or aux Cheualiers, & Messire Philippes des Serpens
parla pour tous, & le Duc repliqua aux parolles. ch. 4. pa. 12.

Comme le Duc de Bourbon manda ses gens pour prendre
certaines places en son pays que les Anglois tenoyent.

Comment pour l'honneur de Dieu il faisoit la feste des
Roys. chap. 5. pag. 16.

Comment la Roche sur Allier fut prise par le Duc & ses
Capitaines, Beauvoir où estoit Enfer & Montescot, & l'or-
donnance qu'il feist. chap. 6. pag. 19.

Coment le Duc de Bourbon alla à Paris vers le Roy Char-
les, & la Duchesse sa femme. chap. 7. pag. 21.

Comme Messire Loys de Sanxerre dist au Duc de Bourbon
qu'il parlast au Roy d'aller deuant Saincte Seuer. chap. 8
pag. 25.

Comment le Connestable Claiquin, & Messire Loys de
Sanxerre eurent un peu de noise pour la prise du Marechal

TABLE DES CHAPITRES.

d'Angleterre.

chap. 7. pag. 27.

Comment Anglois furent desconfits deuant Bresloire en Poictou, par Messire Louys de Sanxerre, & comme le Connestable prist la Bastie de S. Maur sur Loyre. chap. 10. pag. 29.

Comment le Roy de France feist de belles ordonnances sur le faict de ses guerres & de ses pays, & comment le Duc de Bourbonnois & le Connestable s'entr'aymoient. chap. 11. pag. 32.

Comme par le Duc de Bourbon, le Connestable, Messire Bertrand, & Messire Loys de Sanxerre fut prinse & gaignée Sainte Seure en Lymosin. chap. 12. pag. 34.

Comme plusieurs places furent prises en Poictou par le Duc de Bourbon & autres. chap. 13. pag. 40.

Comme la Duchesse de Bretagne fut prise, & le Duc de Bourbon la deliura. Et comment aucuns Barons Bretons s'allierent au Roy, & comme le Connestable desconfist les Anglois deuant Chiffesch. chap. 14. pag. 43.

Comme Messire Loys de Sanxerre fut faict Marechal de France, & comme le Duc de Bourbon & le Connestable allerent en Bretagne guerroyer par le commandement du Roy, & quelles places ils prindrent. chap. 15. pag. 47.

Comme le Duc de Bourbon, le Connestable, & le Marechal prirent les Isles de Iarsee & de Grenesie deuant Bretagne, & comme ils assiegerent Brech, & quels mots mandoit Messire Robert Canolle au Connestable. chap. 16. pag. 51.

Comment le Duc de Bourbon partit de Bresch, & mena avec luy aucuns Barons Bretons à Paris, lesquels il retint en son hostel, & feirent serment au Roy. chap. 17. pag. 55.

Comme le Duc de Bourbon enuoya de ses gens à Plancy, & qu'ils feirent contre les Anglois à la barriere amoureuse. chap. 18. pag. 58.

Comme le Duc de Lancastre presenta la bataille deuant Troye. chap. 19. pag. 61.

Comme le Seigneur de Clisson deltroussa partie des Anglois es faulxbourgs de Sens: & comme Anglois cheuaucherent par Bourbonnois. chap. 20. pag. 63.

Comme le Duc de Bourbon, les gens, & les Angevins, prist Briues la gaillarde, & autres places. chap. 21. pag. 65.

Comme le Duc de Bourbon ayde au Duc d'Anjou de la guerre en Guyenne, & les places qu'ils prindrent: Et les

DES CHAPITRES.

donc que feist le Duc d'Anjou au Duc de Bourbon. chap. 22. pag. 69.

Comme le Duc de Bourbon alla en Sauoye visiter sa sœur la Comtesse; Et comme aucuns des siens allerent en Prusse, chap. 23. pag. 72.

Comme le Roy Charles ordonna le Duc de Bourgogne & le Duc de Bourbon, aller guerroyer en Normandie contre le Roy de Nauarre. chap. 24. pag. 77.

Comme l'Admiral de Vienne print Ponteau de mer par l'ayde aux gens de Bourbon, la Rye en Angleterre, & le Prieur de Leaux. chap. 25. pag. 81.

Comme le Duc de Bourgogne fut esleu pour passer en Angleterre: Et pourquoy l'armée ne setint. ch. 26. pag. 85.

Comme le Duc de Bourbon sceut nouuelles de la prise de Belleperche par les Anglois, où la Duchesse sa mere fut prise. chap. 27. pag. 87.

Comme le Duc de Bourbon assiegea Belleperche, & comme le Comte de Bouquignan le contresiegea. chap. 28. pag. 91.

Comme le Duc recouura Belleperche, & comme le Comte de Bouquignan se partit & puis retourna, & comme le grand David fut mort. chap. 29. pag. 95.

Comme le Roy bailla la charge au Duc de Bourbon de la conquête de Poictou: comme le Seigneur de Clifson fut secouru, & comme Montcontour fut pris. ch. 30. pag. 103.

Comme Poictiers se rendit au Duc de Bourbon au nom du Roy, & autres places, & la Rochelle, & comme à Bennon feurent tous tuez par le Connestable: aussi comme la Duchesse mere au Duc fut deliurée. Et comme le Captal de Bus fut prins. chap. 31. pag. 107.

Comment le Duc de Bourbon ot la charge par le Roy, & le Duc de Berry, d'aller guerroyer en Auvergne, les places qu'il ot, & comment il feit rendre les calices aux Eglises que ceux des trois Crox auoient pillées. chap. 32. pag. 111.

Comment le Duc de Bourbon araisonna les Seigneurs d'Auvergne, d'assieger la Roche Sennadoire qu'il assiegea. chap. 33. pag. 115.

Comme present le Duc de Bourbon en son ost se combatit le bastart de Glarins, pour la querelle du Sieur de Montravail, contre vn Galcon Anglois. chap. 34. pag. 117.

Comme le Duc de Bourbon print honorablement la Roche Sennadoire, & autres places qu'il rendit au Duc de

T A B L E

- Berry. chap. 35. pag. 122.
 Comme le Duc de Bourbon se meist en ordonnance pour aller en Espagne la premiere fois, pour cuidoer voyager en Grenade. chap. 36. pag. 126.
 Comme le Duc de Bourbon alla en Auignon visiter le Pape, & faisant son chemin, le Roy d'Arragon le festoya, comme le Roy Henry d'Espagne luy feist grand' chere. Et pour il s'en retourna pour s'en aller en Grenade. ch. 37. pag. 129.
 Comme les Ducs d'Anjou & de Bourbon ne peurent retenir le Connestable Claiquin au seruice du Roy. chap. 38. pag. 135.
 Comme le Connestable Melsire Bertherand se partit de Bretagne, sur l'esperance de s'en aller en Espagne; passa par Bourbonnois, où le Duc le festoya, & alla deuant Chastel neuf de Raudon, où il mourut, & ot le chastel. chap. 39. pag. 140.
 Comment les Princes, Ducs, en France, du sang Royal, menerent le ieune Roy Charles couronner à Rheims: Et de ceux qui furent mandez à Nantes à le garder des Anglois. chap. 40. pag. 144.
 Comme Melsire Pierre de Bueil d'Anjou alla à Nantes se joindre avec les gens du Duc de Bourbon. chap. 41. pag. 148.
 Comme les gens estans à Nantes pour le Roy de France, se contindrent contre les Anglois. chap. 42. pag. 150.
 Comment le Comte de Bouquignan se leua de deuant Nantes: Et comment les quinze Anglois ne feirent leurs armes aux quinze François. chap. 43. pag. 153.
 Comment cinq nobles hommes François feirent armes à Vennes, contre cinq nobles hommes Anglois, & qu'il en fut. chap. 44. pag. 158.
 Comment les armes accomplies, Melsire Guillaume Farinonne Anglois, & Melsire Iean de Chastelmorant, feirent armes, qu'il en fut, comme le Cheuallier fut en prison, & comme Chastelmorant dist de belles parolles. ch. 45. pag. 161.
 Comme le Duc de Bourbon entreprint la charge par le Roy, & le Duc de Berry, pour la seconde fois aller guerroyer en Poictou, & comme il ot Taillebourg. chap. 46. pag. 167.
 Comme le Duc de Bourbon ot Bour Charante, le Faon, où fut pendu le Cordellier & Moleon, où il feist le mal temps. chap. 47. pag. 172.

DES CHAPITRES.

Comment le Duc de Bourbon assiegea Vertueil, & comme la mine y fut ordonnée à faire. chap. 48. pag. 177.

Comme le Duc de Bourbon se contentoit mal de laisser le siege de Vertueil, & pour cela soy enuoya excuser au Roy. chap. 49. pag. 181.

Comme le Duc de Bourbon se combatit en Mine à Vertueil, & comme il ot le chastel. chap. 50. pag. 184.

Comment les gens du Duc de Bourbon en son absence, & les Poicteuins, conquererent Corbies, les Grauges, & Mont-vaillant. chap. 51. pag. 191.

Comme par le sens & aduis du Duc de Bourbon, Anglois se leuerent de deuant l'Escluse. chap. 52. pag. 196.

Comment le Duc de Bourbon retint en son seruicé au gouuernement de ses pays, le Seigneur de Nourrys. chap. 53. page 200.

Comment le Sire de Nourris, seexploicta au seruice du Duc de Bourbon & qu'il feist. chap. 54. pa. 203.

Comme le Roy de France entreprist le voyage d'aller en Flandres. chap. 55. pa. 206.

Comme par le bon aduis du Duc de Bourbon, & du Sire de Coucy, le Roy de France eut la bataille contre Flamans à Rosebeque. chap. 56. pa. 211.

Comment le Roy à son retour de Flandres entra à Paris, où premier entra le Duc de Bourbon. chap. 57. p. 219.

Comme les armures de Paris furent portees au Louure par commandement du Roy qui les receut, & comme le Duc de Bourbon parla au Sire de Nourris beaux mots chap. 58. page 223.

Comment le Duc Philippes de Bourgongne entreprist le passage d'Angleterre. chap. 59. pag. 225.

Comment le passage d'Angleterre fut rompu, & comment le Duc de Bretagne traicta partir les Anglois de Bourbonnois. chap. 60. p. 231.

Comment par le conseil du Duc de Bourbon, deux Cheualiers furent enuoyez deuant en Espagne, pour ayder au Roy Henry, de sa guerre. chap. 61. p. 236.

Comme le Duc de Bourbon, alla en Espagne la seconde fois. chap. 62. p. 240.

Comment le Duc de Lancastre se leua du siege de Burghes en Espagne, & que le Duc de Bourbon le suyuit en Portugal, où ils ne voulut consentir au traictis du Duc d'Espagne avec les Anglois. chap. 63. pag. 243.

T A B L E

Comme le Comte Phebus de Foix festoyale Duc de Bourbon en la ville d'Ortais, lequel s'en retournoit d'Espagne. chap. 64 page 247.

Comme le Duc de Bourbon alla guerroyer en Bordelois, par l'aduis du Comte Phebus, & qu'il feist. chap. 65. p. 250.
Comme le Roy de France alla en Allemagne guerroyer le Duc de Iuilliers, & que le Duc de Bourbon ot le chastel de Dul par le moyen d'un sien vallet d'Eschançonnerie. ch. 66. page 254.

Comme le Roy de France alla guerroyer le Duc de Guerles, & comme celluy Duc & celluy de Iuilliers s'accorderent au Roy. chap. 67. p. 259.

Comme le Roy & le Duc de Bourbon baillerent gens au Connestable Clifson pour ayder au Comte de Ponthieure, contre le duc de Bretagne. chap. 68. p. 261.

Comme le Connestable Clifson besongna en celle guerre, & comme S. Brio se rendit à luy. ch. 69. pa. 265.

Comme le Roy alla visiter Languedoc son païs, & avec luy son frere, ensemble le duc de Berry. & le duc de Bourbon. chap. 70. page 269.

Comme l'Ambassade de Genes vint au Roy luy requerant qu'il luy pleust bailler puissance de gens pour passer en Affrique. ch. 71. p. 272.

Comme le duc de Bourbon emprist le voyage d'Affrique, & quel Seigneurs s'offrirent aller avec luy, dont il fut content, & les retint tous. chap. 72. page 275.

Comme le duc de Bourbon enuoya deux Cheualiers au Roy, qui luy accordast ce que les Geneuois requeroient, qu'il respondit, & comme le duc vint à Marseilles. cha. 73. page 280.

Comme le duc de Bourbon partit de Marseille alla à Genes, & comme en belle ordonnance descendit deuant Affrique, & l'assiegea, & comme Sarrazins feurent reboutez. chap. 74. page 285.

Comme le duc de Bourbon parla au Conseil deuant Affrique, & comme le siege fut enclos, & l'ordonnance de le garder. chap. 75. pag. 290.

Comme le Roy de Thunes Sarrazin accompagné d'autres deux Roys vint deuant Affrique, l'escarmouche qui y fut faicte, & comment le duc de Bourbon y escarmoucha & les Seigneurs, iour apres autres. chap. 76. pag. 293.

Comme l'assaut fut donné par le Seigneur de Bourbon, &

DES CHAPITRES.

la compagnie à la ville d'Affrique, & comme Sarrazins se maintindrent contre Chrestiens. chap. 77. p. 299.

Comme le Duc de Bourbon alla pour faire retraire Boucicaule ieune, & comme le Duc courut les tentes de Sarrazins. chap. 78. pag. 304.

Comment le Duc de Bourbon, & autres partirent du siege d'Affrique, & la belle maniere de partir. ch. 79. p. 309.

Comme le Duc de Bourbon à son retour d'Affrique prist en Sardaigne aucunes places baillans viures aux Sarrazins, & comme par fortune arriva en Sicille, où le Seigneur de Clermont le festoya. Comme il appaisa les Sires de Plombain & de Lerbeaux contre Geneuois, & puis alla à Martelle. chap. 80. pag. 317.

Comme le Duc de Bourbon apres son retour d'Affrique, feit son mandement pour ayder la Comtesse de Sauoye sa sœur, & de son douaire qu'on luy tenoit à tort. ch. 81. p. 324.

Comme le Duc de Bourbon alla à Paris deuers le Roy. chap. 82. page 329.

Comme le Roy de France alloit en Bretagne faire guerre au Duc, & comme pour vne maladie qui luy vint, & luy conuint retourner. ch 83. page 332.

Comment l'Auteur parle yn peu de fortune, & quiluy en semble. ch. 84. pag 336.

Comme le Duc d'Orleans fut occis à Paris, & comme le Duc de Bourbon auoit mere douleur. ch. 85. p. 339.

Comment l'Auteur commande fort la patience du Duc Loys, & la belle vie qu'il menoit. ch. 86. pag. 343.

Comment le Duc de Bourbon print congé du Roy, s'en vint en son pays, où il ordonna de ses besongnes: Et comme le Sire de Nourrys par son bon conseil pouruoya aux affaires du Duc. ch. 87. pa 348.

Comme le Duc de Bourbon enuoya de ses gens en l'Euesché de Mets en Lorraine, en l'ayde de son parent le Cardinal de Luxembourg, qui ores est Sainct. ch 88. p. 354.

Comment le Duc de Bourbon enuoya de ses gens à son nepueu le Comte de Sauoye, & le terrible assault qui fut à Syon en Valleis. chap. 89. pa 359.

Comme le Duc de Bourbon auoit intention de faire plusieurs voyages honorables. chap. 90. pa. 366.

Comment le Duc de Bourbon auoit en propos d'vser sa vie aux Celestins à Vichi, avec quatre Cheualliers, & comme a Souuigni luy vindrent nouuelles que Ame de Viry guer-

T A B L E

royoit son pays de Bresse, & le bon remede que le Duc y
meit. chap. 91. pa. 369.

Comment le Duc de Bourbon vint à Ville-Franches, où le
Roy de France luy enuoya gens d'armes pour luy ayder de
la guerre contre Sauoyens. Comme Ambreu fut pris. En
comme le Comte de Sauoye rendit Aime de Viry au Duc.
chap. 92. pag. 375.

Comme le Duc enuoya de ses gens au Marechal Bouci-
cault, dont Chastelmorant estoit chef, & qu'ils feirent auant
qu'ils feussent à Gennes. chap. 93. p. 382.

Comme le Marechal Boucicault & les gens au Duc de
Bourbon desconfirent le Marquis de Vorse, & les Brigans
deuant Milan. ch. 94 p. 386.

Comme le Duc Bourbon feit son mandement pour ayder
ses nepueux d'Orleans. chap. 95. pag. 391.

Comment le bon Duc Loys de Bourbon trespassa de ceste
vie. ch. 96. p. 396.

Comment le Duc Loys est digne de recommande. ch. 97.
page 404.

Extrait

Extraict du Priuilege du Roy.

PAr grace & Priuilege du Roy il est permis à M. Iean Masson Archidiacre de Bayeux, de faire imprimer par tel Imprimeur que bon luy semblera, *l'Histoire de Louys, troisieme Duc de Bourbon*, Et ce iusques au terme de six ans finis & accomplis, à compter du iour que ledit Liure sera acheué d'imprimer. Pendant lequel temps deffences sont faictes à tous Imprimeurs, Libraires, & autres de quelque estat, qualité, ou condition qu'ils soient, de non imprimer, vendre, contrefaire, ou alterer ledit Liure, ou aucune partie d'iceluy, sans le consentement dudit exposant, sur peine de trois cent liures d'amende, à nous applicable, & d'amende arbitraire, car tel est nostre plaisir. Donné à Paris le 28. iour de Decembre, l'an de grace, 1611. Et de nostre Regne le deuxiesme.

Par le Roy en son Conseil.

Signé,

COMBAULT.

EN vertu du Priuilege cy dessus mentionné, I'ay M. Iean Masson Archidiacre de Bayeux, faict transport à François Huby, Maistre Imprimeur & Marchant Libraire en l'uniuersité de Paris, du Priuilege cy dessus mentionné, pour en iouyr selon le contenu d'iceluy, sans que nul autre y puisse pretendre aucun droit pendant ledict temps.

Acheué d'imprimer le 25. Ianuier, 1612.



LA CRONIQUE DE
LOYS, DVC DE BOVRBON.

PROLOGVE.

T Res-Noble Seigneur Charles,
Comte de Clermont, aîné fils
de puissant Prince Jean, Duc
de Bourbon & d'Auvergne,
Comte de Forest, & Seigneur de Beau
jeu, qui auez la charge & gouuernemēt,
& administration de ses terres & Sei
gneuries en son absence, & estes Lieute
nant du Roy de France en ses guerres,
pource que vous entendez droictement à
biē vser de vostre dignité, vous vous recor
dez des proüesses & vaillances de voz
predecesseurs. Et pour le grand desir qu'a
uez leur voyes ensuyure, vous apleu cō
mander à compiller, & descrire un li
ure de leurs faicts, & par special les œu

PROLOGVE.

ures d'armes, & Cheualleries vertus,
bonnes mœurs, belle vie & bonne fin,
du hault & excellent Prince tres-renom-
mé, le Duc Loys de Bourbon vostre
ayeul, & me ordonner ceste description,
& que ce seroit l'un des singuliers plaisirs
que ie peusse à vous, & à vostre Hostel.
Fay volontiers obey à vostre comman-
dement, combien que ce m'ayt esté chose
greueuse de si haults faiçts entreprendre
pour l'insuffisance de mon esprit; & aussi
de mon rude langage: mais pource que la
lecture plaise aux liseurs & escouteurs,
i'ay mis l'histoire en assez cõmũ parler par
le decret, & memoire de honoré Cheualier
IEAN Stre de CHASTELMORANT, qui a
mon aduis & selon verité parloit plus de
veoir que d'ouir, & singulier deduiçt pre-
noye en escoutãt par sa parolle l'honorable
vie du Duc Loys, pour les tres grands
biens que le Cheualier me disoit auoir de
luy reçeus, & aussi l'honneur que auoit
eu en sa compagnie. Si eusse bien peu pro-

PROLOGVE.

*fité en ce volume, si le vaillant cheuallier ne m'eust aydé en celle besongne qui les faicts des batailles auoit frequenté. Pourtant plus asseurement, ie Jean Dorronuille Picard nommé Cabaret, pauure Pele-
rin, apres les memoires de luy euës, & la minute par moy faicte, entrepris à descri-
re & à grosser par chapitres les loüables faicts d'iceluy Duc & tres-noble Baron, le Mardy vingtneufuiesme de Mars, l'an mil quatre cent vingtneuf apres Pasques, volontiers commenceray & ay suiuy du liure la matiere qui est telle.*

HISTOI



HISTOIRE DE LA VIE DE LOYS DVC TROISIÈSME de Bourbon.

*Comme le Duc Loys de Bourbon alla
en hostage en Angleterre pour
le Roy Iean.*

CHAPITRE I.

C'EST l'Histoire de tres-excellent, puissant, & tres-noble Prince, le Duc Loys de Bourbon, Comte de Clermont, grâd Chambrier de France, duquel ie considere l'excellence & la noblesse: pource que selon la droicte ligne de generation, ou degré de consanguinité, est descendu par genealogie de tres-glorieux S. Loys, iadis Roy du Royaume de France, comme vous orrez. Iceluy Seigneur Roy saint Loys, de la Royne sa femme, eut plusieurs fils: Dont l'un nommé Robert

fut Comte de Clermont, lequel espousa la Baronne de Bourbon, & de Robert yffit Loys, premier Duc en Bourbonnois. Car Sainct Loys celle Baronnie esleua en Duché apres son retour de Damiette, & prist à femme celuy Loys, Dame Marie de Haynault, sœur au Comte Guillaume. Duquel Loys & Marie descendit le Duc Pierre, qui espousa la sœur au Roy de France nommé Philippe, & de Pierre & Ysabel sa femme, fut Loys de Bourbon le troisieme Duc, dont cestuy liure est faict. Lequel Duc fut requis pour aller en Angleterre apres la prise du Roy Iean, qui fut pris deuant Poictiers en bataille, laquelle gaigna le Prince de Galles cōtre luy, l'an mil trois cens cinquante six. Si obeyst le Duc Loys de Bourbon & y alla, & si feirent maints autres Princes du Royaume de France du sang Royal, comme les Ducs d'Anjou, Berry, & autres, & montoit la pleigerie du Duc, pourquoy il estoit en hostage, la somme de cent mille francs d'or. Et la Royne d'Angleterre qui lors viuoit, femme du Roy Edoüart, de l'Hostel de Haynault, estoit sa parente à cause de la mere au Duc, estant du lignage de Haynault, & par la velleur, belle ieunesse que la Royne treuua au Duc de Bourbon son parent, qui estoit moult

bel & gracieux Cheualier, & qui aymoît l'honneur sur tout, bien regardoit aussi les bonnes mœurs dont il estoit plain, & le sien lignage, & qui fut vn Cheualier fort amoureux, premierement enuers Dieu, apres enuers toutes Dames, & Damoiselles, plain de gracieuses parolles, & ne pouuoit estre en lieu où il ouyst dire mal de Dames ne de Damoiselles, & ce a vse tout son tēps, comme à plain est escript en aucuns liures qui sont faicts de luy, dont les vertus furent tant agreables à la Roynne d'Angleterre, & aux Dames du pays, & à tous autres Cheualiers & Escuyers d'honneur, que le Duc Loys alloit par tout le Royaume à son plaisir, & venoit souuent esfois deuers la Roynne à sa Cour, où s'esbatoit aucunesfois au jeu des dez, où la Roynne passoit temps volontiers. Et celle grace d'aller & venir par tout és festes & esbanoyz, auoit le Duc Loys par sa gracieuseté, ioyeuse parolle, & bel viure, ce que nul tenant les hostages n'auoit. Et tant que par le Royaume d'Angleterre, Dames, Damoiselles, les Cheualiers Escuyers, l'appelloiēt le Roy d'honneur & de leesse. Et demeura le Duc Loys de Bourbon en celuy hostage à ses propres cousts, frais, & despens, pour son souuerain Seigneur, l'espace de sept ans & plus, mon-

tant la despence à la somme de quarâte mil francs passez, sans le principal qui montoit cent mil francs d'or. Lesquelx cent mil francs, les pays de Bourbonnois & Beauuoisin payerent comptās avec toute sa despence. Car en ce temps là le Roy Charles de France qui viuoit, fils du Roy Iean, qui mort estoit en Angleterre, auoit tant affaire en son Royaume, tant par les esmotions d'aucunes ses communes appelez iaques & maillets, comme pour le Roy de Nauarre & d'autres grandes compagnies qui luy estoient contraires, que le Roy n'auoit peu ayder au Duc, nonobstant que le Roy de France eust espouse sa sœur aînée à femme, & le Roy Pierre d'Espagne l'autre, que l'autre de ses sœurs eut par mariage le Cōteverd de Sauoye, vn grand Seigneur & vaillant. La quarte espousa le Côte d'Harcourt, la cinquieme le Seigneur d'Allebret, & la sixiesme fut Prieure de Poissy, & la tante du Duc Loys pour mary le Roy de Behaigne.

Comment le Duc Loys de Bourbon repaira d'Angleterre en son Duché de Bourbonnois, & qu'il dist à ses Cheualliers.

CHAP. II.

LE Duc Loys de Bourbon apres la mort du Roy Iean, paya toute la finance dont il estoit pleigé, & eut plaine quittance du Roy d'Angleterre, puis passa la mer & s'en reuint en France, & l'en amena vn grand Cheualier d'Angleterre appellé Messire Hue de Caurelay à Clermôt en Beauuoisin, & là demeura le Duc l'espace de deux mois pour payer aucuns restes qu'il deuoit encores en Angleterre, & depuis en de grands frais, lesqueulx porterent la finance que le Duc deuoit en Angleterre, & aussi l'argent pour son venir en Bourbonnois, & de Clermont partit ledit Duc Loys, s'en vint en son Duché de Bourbonnois à Souuigny où il arriua deux iours deuant Noel, l'an de grace mil trois cens soixâte trois, & de son aage l'an vingthuit. Car il auoit grande deuotion à deux corps saincts Maiol & Odille, gisans illec honorablement au Prioré, & y seiourna volontiers, pource que s'estoit l'vne des bonnes

viles de son pays, & là vindrent par deuers luy ses Cheualiers & Escuyers, qui bien sceurent l'auenüe, au iour de la feste moult liez & ioyeux du repairement de leur Seigneur. Et vint là Messire Griffon de Montagu, & Messire Guyon freres, Messire Guichart Daulphin, le Sire de Chastelmorant & de la Pailisse, le Sire de Chasnentes, Messire Guillaume de Vichy, Sire de Buffech, le Sire de Chastel de Montagne, Messire Lordin de Saligny, Messire Regnault de Basarne Sieur de Champroux, & maints autres Cheualiers & Escuyers du pays de Bourbonnois. Et n'estoit point de bonne heure né qui n'y venoit, & à la ville de Souuigny le iour de Noel, lendemain, & l'autre fut mené la plus grande vie que l'on pourroit faire, & le quart iour des festes dit aux Cheualiers le Duc en riant. Je ne vous veux point mercier des biens que m'aucez faicts. Car si maintenant ie vous en merciois vous vous en voudriez aller, & ce me feroit vne des grandes desplaisances que ie peusse auoir: car depuis sept ans ie ne fus aussi lié comme ie me trouue entre vous. Car ie suis en la compagnie où ie veux viure & mourir, & vous prie à tous que vous vueillez estre en compagnie le iour de l'an en ma ville de Moulins, & là ie vous veux

estrenner de mon cœur & de ma bonne volonté que ie veux auoir avec vous. Et veux aussi que m'estreniez au plaisir de Dieu, car i'ay esperance de me gouverner par vous & par vostre bon conseil és choses qui toucheront mes pays & le bien de cé Royaume, lesquelles ie me veux employer à mon pouuoir, à vostre bon ayde, en vous priant si acertes comme plus puis, que vous me vueillez ayder à recouurer le temps que i'ay perdu, & bouter auant l'hostel dont ie suis failly : car i'ay le cœur & le vouloir de non estre oiseux, & de cecy ie vous prie avec les autres biens que m'avez faicts, que vous me vueillez ayder : car ie veux viure & mourir avec vous, & ie pense qu'aussi faictes vous avecques moy. Et pour le bon espoir que i'ay en vous apres Dieu, d'oresnauant ie porteray pour deuise vne ceinture où il y aura escrit vn ioyeux mot, **ESPERANCE**. A celle heure les belles parolles du Duc finées, la Baronnie qui là estoit Cheualiers & Escuyers ploroient de ioye, en disant. Benois soit Dieu, car nous auons Seigneur & Maistre.

Comment le Duc de Bourbon donna à plusieurs Cheualiers son Ordre de l'Escu d'or, le iour de l'An: Et comme Chauueau où le Duc estoit logé, luy presenta le liure peloux qu'il auoit faict contre les Nobles, & qu'il en feist.

CHAP. III.

L'An qui couroit, mil trois cens soixante trois, cōme dit est, aduint que la veille du iour de l'An fut le Duc Loys en sa ville de Moulins, & sa Cheualerie apres luy, & se logea en ladiète ville en l'hostel d'un de ses bourgeois, appellé Hugmenin Chauueau, qui estoit grand Procureur de Bourbonnois. Et le iour de l'An bien matin se leua le gentil Duc pour recueillir ses Cheualiers & nobles hommes pour aller à l'Eglise nostre Dame de Moulins. Et auāt que le Duc partist de sa chambre les vint estrener d'une belle ordre qu'il auoit faicte, qui s'appelloit l'Escu d'or. Et en celuy Escu d'or estoit vne bande de perles où il y auoit escrit **A L L E N**. Et premier de celle Ordre fut estrené le Seigneur de la Tour, Messire Henry de Montagu, fils de Messire Gilleffelin, le second Messire Guichard Daulphin, le tiers Messire Griffon de Montagu, Messire Hugues

de Chastelluz, l'aisné de Chastelmorant, le Sire de Chastel de Montaigne, l'aisné de la Pallisse, Messire Guillaume de Vichi Sire de Buissèts, Messire Philippes Desserpeine, Messire Lourdin de Saligny, le Sire de Chantemerles, Messire Regnault de Baserne, le Sire de Champroux, le Sire de Veauffé, le Sire de Blot, Messire Guillaume de la Motte, Messire Pierre de Fontenay, du pays de Berry. Et plusieurs autres Cheualiers qui retindrent l'ordre de l'Escu d'or, & setenoit chacun à moult honoré de le receuoir, & non sans cause. Et en bailant ledit ordre commença à dire le Duc de Bourbonnois àvn chacun. Messseigneurs, ceste Ordre del'Escu d'or que i'ay faicte, signifie maintes choses honorables pour tous Cheualiers & autres, lesquelles ie vous diray apres le Seruice diuin & que nous aurons disné, à fin que les iurons & promettons tous ensemble. De laquelle chose le mercierent moult humblement, & pour la responce de tous les Cheualiers parla Messire Guillaume Dames, Sire de Vichi en partie. Tres-hault & puissant Prince, & nostre tres-redouté Seigneur, veez cy vostre Cheuallerie qui vous mercie tres-humblement de la belle Ordre & grands dons que vous leur auez donnez, lesquels ne

vous scauent que donner à ce iour, fors qu'ils vous offrent leurs corps & leurs biens & ce que Dieu leur a donné, qu'il vous plaise les recevoir de bonne estreine à cestuy premier iour de l'An, nonobstant qu'ils y sont obligez à le faire : mais leur cœur est ferme & leur volonté est pareille. Le Duc Loys oyant les parolles du Cheualier les mercia bien chèrement de leur tresbonne volonté, & leur dist plainement. J'ay au iourd'huy receu les plus belles estreines que Seigneur peut recevoir, quand j'ay reçu le cœur de si nobles Cheualiers que ie tiens que vous estes, pour venir à l'entention que ie desire. Et sur ce se partirent, & alla se Duc oyr Messe, où en la compaignie estoient huit Barons, & bien iusques à quarante Gentilshommes de nom. La Messe celebrée tint court le Duc avec ses Barons, & luy revenu en la salle où il y auoit bon feu allumé, se presenta Hugnemin Chauueau, & apporta vn liure de demy pied de hault, qu'il auoit fait secrettement contre tous les Nobles de Bourbonnois, Cheualiers & Escuyers, lequel Chauueau vint deuant le Duc disant. Mon tres-redouté Seigneur. Vous estant en Angleterre où vous auez demeuré longue saison, ie me suis prins garde de vostre Iustice & des faits

de vostre pays, & ay mis en escrit tous les
forsfaicts & desobeyssances que les Che-
ualiers, Escuyers, & Nobles d'arriere-fiefs
ont faict, qui sont si grands qu'ils ont con-
fisque tous leurs biens, & aucuns en y a, le
corps. Et pource à ce iour del'An ie le vous
donne, & vous faicts la plus belle offre que
vous sur faicte depuis que vous comparti-
stes d'Angleterre, & ay mis sept ans à le fai-
re, & s'appelle mon liure le Peloux. Si vous
prie mon tres-redouté Seigneur que vous
le faciez executer, & ce sera vn tresor à vous.
Le Duc Loys de Bourbon qui escoute son
hoste Chauueau, luy fist responce en telle
maniere. Hoste, vous avez mis longue estu-
de & grande peine en sept ans que i'ay de-
meuré en Angleterre à deffaire ma Cheua-
lerie & la Noblesse de mon pays, dont vous
avez fait comme œuvre de mauuais vilain,
& bien ressemblez la nature d'ot vous estes
yssu: car quant Seigneur vous prend en son
seruice veul l'estat d'ot vous estes, vous vous
descognoissez, & ne regardez point à la fin
de vostre commencement, que n'estes rien
sinon par le Prince esleu en tel office où il
vous met. Et quant est de ce, Chauueau,
que vous me dictes que vostre liure Peloux
soit executé, & bref le sera faict deuât vous.
Certes il me semble que vous n'avez mie

d'escript en vostre liure les biens que m'ont faict mes Barons qui m'ont jetté de prison, mais y auez mis les grandes haines que vous auez à eux, comme telles gens de vostre estat ont. Finie la parole du Duc, il prist le liure Peloux de la main de Chauueau entre ses mains, & appella ses Barons & leur dist. Mes amis tirez vous pres, venez & veez que ie feray de ce liure que cestuy hôte m'a presenté, lesquels y vindrent. Et adonc le Duc rua le liure au feu où il fut ars deuant Chauueau, qui cuidoit obtenir audience contre les Nobles pour les faire destruire, dont les Cheualiers & Escuyers mercierent humblement le Duc de la grande franchise qu'ils veoient en luy, & fait ce cy si franchement que la renommee en durera tant qu'il vesquit, & en durera cent ans apres sa mort, & grande leesse fut à tous ses Barons, car plusieurs en y auoit qui se doutoient.

Comment le Duc de Bourbon exposa la signifiante de l'Escu d'or aux Cheualiers, & Messire Philippes des Serpens parla pour tous, & le Duc reплика aux paralles.

CHAP. III.

POUR la solemnité du iour del'An, apres la Messe s'assist le Duc à table, & fut grand le disné & plain de ioye, de la noble

Cheualerie & Escuirie qui là estoit, & apres disné graces diètes à Dieu, prononça le Duc Loys de Bourbon à ses Barons & Cheualiers del'Ordre del'Escu d'or, lequel auoit vn bel chappel verd en sa teste, & dist. Messieurs, ie vous mercie tous de mon Ordre qu'avez prise apres ma venuë d'Angleterre, & vous veux dire que l'Ordre signifie & porte. Ladiete Ordre signifie que tous Nobles qui l'ont & qui le portent, doiuent estre tous comme freres, & viure & mourir l'vn avec l'autre en tous leurs besoins, c'est à sçauoir en toutes bonnes oeures que Cheualiers d'honneur & Nobles hommes doiuent mener. Et outre qu'ils ne soient en lieu à ouyr blasphemer Dieu qui le puisse escheuer. Et prie à tous ceux de l'ordre qu'ils vueillent honorer Dames & Damoiselles, & ne souffrir en ouyr mal dire: car ceux qui mal en dient font petit de leur honneur; ils dient d'vne femme qui ne se peut reuancher ce qu'ils n'oseroient dire d'vn homme, dont plus en accroist leur honte: Et des femmes apres Dieu vient vne partie del'honneur de ce monde. Le secôd article de cest ordre si est, que ceux qui le portent ne soient iangleurs ne mesdisans l'vn de l'autre, qui est vne laide chose à tout Gentilhomme: mais porter foy l'vn à l'au-

tre comme il appartient, à tout honneur & à Cheualerie. Et mes amis, dist le Duc, au trauers de mon Escu d'or est vne bande où y a escript, ALLEN, ALLEN, c'est à dire, allons tous ensemble au seruice de Dieu, & foyons tous vn en la deffense de nos pays, & là où nous pourrons trouuer ou conquerir honneur par faict de Cheualier. Et pource, mesfreres, ie vous ay dit que signifie l'Ordre de l'Escu d'or laquelle vn chacun à qui ie l'ay baillee le doit iurer & promettre de le tenir, & moy le premier. Lors s'agenouïllèrent les Cheualiers tous deuant luy, & luy dirent, que c'estoit la plus belle Ordre dont ils ouyssent mais parler, & le remercierent moult humblement de ce qui luy auoit pleu les mettre en ce nombre de son Ordre, & luy firent tous le serment en sa main, & les sermens faicts parla vn Cheualier de Bourbonnois nommé Messire Philippes des Serpens, vn des vaillans Cheualiers de ce Royaume qui dist au Duc. Tres-hault, tres-puissant Prince & nostre tres-redouté Seigneur, veez cy vostre Cheualerie qui est tant lye & ioyeuse que au monde pourroit estre, de la grace que Dieu leur a faicte, qui les a ostez de tenebres où ils auoient demouré quinze ans. Et regrécient Dieu qui leur a donné la voye d'honneur

& de clarté. Et sur ce respondit le Duc Loys à Messire Philippes des Serpens. Je remercie à mes bons loyaux seruiteurs les choses qu'ils me dient : mais nonobstant la douleur & couroux qu'ils ont eu de ma demeure, se sont montrez bons & feaux subjects : car i'auois en mon pays plus de douze places qui destruyoient mes hommes, lesquelles vous auez deliurees de mes ennemis, dont ie vous sçay bon gré, & sont cestes. Verrieres, Bleth, Veros, le Bourg des barres, Sainct Amand, Laichier, Montrond, Sainct Germain le Puy, Peffo, les Borbes, Bourg le Comte, Baignols, & Chante-merle. Ausquelles places vous tous mes loyaux seruiteurs & subjects, vous estes tellement employez en mon absence, que la plus grand part d'icelles ont esté deliurees, moy estant prisonnier. A laquelle deliurance vous beau cousin Messire Guichard Dauphin, & Messire Griffon de Montagu, le Sire de Chastelmorant, Messire Errard de l'Espinace, Messire Lordin de Saligny, Dainez de l'Espinace, le Sire de Giffé, le Sire de Blot, & Messire Guillaume de la Monte, lesquels vous autres icy nommez auiez tousiours gens à vos maisons pour vostre garde & deffence du pays, & les autres Cheualiers & Escuyers bien à vostre

commandement qui vous seruoient pour la vaillance de vous, & auez tant fait dont ie suis tenu à vous. De celle parole se hon-toient les Cheualiers, & dirent qu'il com-mandast, car ils estoient prests d'obeyr.

Comme le Duc de Bourbon manda ses gens pour prendre certaines places en son pays que les Anglois tenoient. Comment pour l'honneur de Dieu il faisoit la feste des Roys.

CHAP. V.

LE Duc qui veit & cogneut la bonne volonté de ses nobles hommes, leur dist encores. Mes amis, ie n'ay trouué en mes pays que trois places qui me sont bien encores sur le cœur, c'est à sçauoir la Roche sur Allier, qui fait tant de maux comme vous sçauetz, car elle occupe la riuier de Loire. L'autre des places estoit Beauuerne, où les Anglois auoient compassé vne fosse nommée Enfer. Et là ils iettoient les gens qui ne se pouuoient ou vouloient rançonner. Et la tierce si estoit Montestoch, où il n'y auoit que lieuë & demie de l'une à l'autre, & des Anglois qui tenoient les places en estoit Capitaine le Bourg Camus, & Guillaume Pot qui là estoient demeurez
dés

dés l'heure que le Prince de Galles passa par France. Si vous requiert (faiët le Duc) mes tres-vrais bons seruiteurs & subjects, que le quinzieme iour apres la feste des Roys, vous vucillez estre ensemble à tout la puissance de Bourbonnois, Cheualiers & Escuyers, & autres gens de guerre, pour aller en aucun lieu où ie me veux employer en ma venuë en vostre bonne compagnie, & ie vous departiray tieux biens que Dieu m'a donnez. Adonc les Cheualiers le remercièrent humblement, & luy dirët, qu'ils estoient appareillez à accomplir son bon vouloir, & viure & mourir à son bon commandement, & qu'ils auoiët assez de biens à despandre à son seruice. Si les commanda le Duc à Dieu, & eux pris congé de luy se partirent & s'en allerent amasser leur assemblée, & demeura le Duc Loys à Moulins qu'il feist faire habillements secrets & amasser gens à foison, & vaisseaux pour aller assieger ladite Roche qui estoit au milieu de la riuere d'Allier, & aussi eschelles, & ordonna trois vaisseaux en Chastellets. Les gens partis de Cour, vint le iour des Roys où le Duc de Bourbon feist grande feste & lye chere. Et feist son Roy d'un enfant en l'aage de huit ans, le plus pauvre que l'on trouua en toute la ville, & le faisoit

vestir en habit Royal, en luy baillant tous ses Officiers pour le gouverner, & faisant bonne chere à celuy Roy pour reuerence de Dieu : & le lendemain disnoit celuy Roy à la table d'honneur. Apres venoit son maistre d'hostel qui faisoit la queue pour le pauvre Roy, auquel le Duc Loys de Bourbon donnoit communement quarante liures pour le tenir à l'escolle, & tous les Cheualiers de la Cour chacun vn franc, & les Escuyers chacun demy franc: si montoit la somme aucunes fois pres de cent francs, quel'on bailloit au pere ou à la mere pour les enfans qui estoient Roys à leur tour, à enseigner à l'escolle sans autre ceuvre, dont maints d'iceux en vivoient à grand honneur. Et ceste belle cōstume tint le vaillant Duc Loys de Bourbon tant comme il vesquit. Le lendemain des Roys, feist le Duc Loys de Bourbon, l'ordonnance des Officiers qu'il vouloit auoir en son hostel. Et premierement de son corps, & entre les autres prist Messire Iean de Demouret, qui estoit vn sage Cheualier, vieil, si le retint son maistre d'hostel, & Messire Goussot de Thory pour son Conseiller, & Voulst Barberie (qui l'auoit seruy en Angleterre) pour son Escuyer trāchant, & qu'il portast son pennon,

& le Sire de Châpropin Escuyer d'escuirie, & son pannetier, vn Escuyer appellé Iean Confes, & feist de ses offices vn chacun doubles, & haussa son estat bel & grand, non mye comme on le faict aujourd'huy, mais par bel arroy & bonne mesure, & retint vn Cheualier qu'il laymoit moult, pour les belles conditions dont il estoit plain, & pour les grands biens que le Duc en auoit ouy dire, l'enuoya querre, & le feist son Mareschal, & l'appelloit-on Messire Iean Delaye, qui le seruit moult longuement & honorablement, & ne feist mye grande retenue de gens pour aller celle fois.

Comment la Roche sur Allier fut prise par le Duc & ses Capitaines, Beauuoir où estoit Enfer & Montescot, & l'ordonnance quil feist.

CHAP. VI.

LE temps de quinze iours que le Duc de Bourbon ot ordonné à ses gens de venir par deuers luy, ils n'y faillirent mye: mais à celuy iour furent tous montez & armez moult gentement. Si alla vne partie à Moulins, l'autre à la ville Neufue & Brechart, & l'autre entre Belle Perche & Baignols. Le second iour apres feist mettre

le Duc de Bourbon son Marechal , Messire Iean de la Haye , Messire Lordin de Saligny, Damez de l'Espinace, Bonnin Buret, pour les mander deuant es vaisseaux en Chastelleis: Et au cousté en terre, Messire Griffon de Montagu , le Sire de Chastelmorant, Messire Guillaume de la Monthe, le Sire de Blot, Messire Errard de l'Espinace. Et de l'autre costé deçà Baignols estoit le Duc Loys & sa banniere, & grande foison de Cheualerie qui auoient nauire pour aller à la place quand ils vouloient , & ne demoura le Duc & sa compagnie que trois iours deuant la Roche d'Allier qu'elle ne fut prise par force, & morts & pris tous les Anglois qui estoient dedans, & ladiète place rasée, dont la muraille y pend encores, & au partir de là, se retirèrent tous ensemble à la ville Neufue aux Breschars, & eux tous ensemble estoient moult lyez & ioyeux de ce qu'auoient exploicté, & dirent au Duc leur Seigneur qu'il leur auoit faict vne belle deliurance, & leur respondit adonques le Duc. Messeigneurs, nous n'auons rien faict si nous ne faisons encores mieux. Nous auõs encores icy deux autres places, l'vne appelée Beauvoir, & l'autre Montescor, que tient le Bourg Camus, & ont faict vne fosse à Beauvoir, que quand ils ont prins aucuns

prisonniers qui ne se veulent ou peuuent rançonner, ils disent, menez les en Enfer. Et là estoient iettez en celle fosse plaine de feu, dequoy le monde estoit si espouuanté quand aucun estoit prisonnier, il bailloit ce qu'auoit vaillant pour peur d'estre ietté en Enfer. Pource requist le Duc Loys à celle compagnie que tous tirassent celle part, qui luy respondirent : Nostre tres-redouté Seigneur, nous sommes prests d'aller où il vous plaira, & ne desirons autre chose: Mais nous vous prions humblement qu'il vous plaise que vostre personne n'y aille point, car ce seroit trop d'honneur à eux à telles gens que ce sont, qu'un tel Prince que vous estes, y deust aller, car ils sont excommuniez de sentence du Pape, & sont gens de compagnie & sans adueu : Mais s'il vous plaist vous ordonnerez d'entre nous que allions là. Adonc le Duc leur accorda, & à grand peine, comme celuy qui tousiours vouloit estre avec eux. Si fut ordonné que Messire Lordin de Saligny (qui auoit tousiours gens) le Sire de Chastelmorant, Messire Errard de l'Espinaçe, & maints autres iroient là, & que le Duc se retrahiroit à Moulins, ensemble Messire Guichard Daulphin, Messire Henry de Montagu, & Messire Griffon son frere, Messire Guillaume de Vichi, Messire Guillaume

Damez , Messire Philippe des Serpens & autres Cheualiers de son hostel , pour auoir aduis & conseil sur tous les grands affaires qu'auoit le Duc apres la venüe en son pays, & les autres dessus nommez iroient deuant les places , & ainsi fut ordonné pour non perdre temps. Et s'en alla le Duc à Moulins, & les Capitaines avec leurs gens deuant les places lesquelles assiegerent, & furent prises par force en vnze iours , & morts tous ceux qui estoient à Beauvoir, excepté le Capitaine nommé le Bourg Camus, lequely menerent à Moulins, & les autres furent jettez en leur Enfer , & vindrent les nouvelles au Duc, dont il fut moult esiouy & tout le pays, par maniere qu'il sembloit que Dieu y fust. Apres la prise des places, allerent les Capitaines deuers le Duc à Moulins , qui les reçut liement, & en leur presence feist de belles ordonnances: Tout premierement quatre Cheualiers pour l'ordonnance de ses affaires & de son pays, qui furent esleuz. Premier, Messire Iean le Bastard de Bourbonnois, Sieur de Rochefort, Messire Philebert de l'Espinace, Messire Pepin Chaillon. Et lors feist le Duc le mariage de Messire Iean le Bastard , & de la fille Messire Pepin , qui depuis a esté appelée Dame de Rochefort. Le quart Cheualier on nomma Messire

Gouffot Sire de Thory , & estoient iceux Cheualiers moult vieils, & ne suyuoient plus les armes, & retint Messire Lordin de Saligny, qui estoit vn appert & vaillant Cheualier pour son compagnon d'armes, & tous les autres Cheualiers retint pour soy quelque part qu'il allast en armes, qui depuis ne faillirent d'estre en sa compagnie, en tous les faicts qui ont esté grands.

Comment le Duc de Bourbon alla à Paris vers le Roy Charles, & la Duchesse sa femme.

CHAP. VII.

LE Roy Charles de France, fils du Roy Iean, quand il sceut cōme le Duc Loys de Bourbon, duquel il auoit la sœur à femme, auoit apres sa venüe d'Angleterre recourees ses places par faict d'armes, & tenoit moult belle compaignie de Cheualiers & d'Escuyers, fut moult ioyeux de ces nouvelles, comme celuy qui en auoit bien besoing, & luy manda vn sien Escuyer d'Escuirie nommé Philippot de Santueilh, par lequel luy mada que sur tous les plaisirs que le Duc de Bourbon luy pourroit faire, qu'il fust par deuers luy à la feste de la Chadeleur. Si s'excusa le Duc, car il ne pouuoit nullement, pource qu'il auoit fiancee (comme le Roy scauoit) la fille au Comte Dauphin, qui de droit deuoit estre Cōtesse de Forests,

nonobstant ce que Messire Regnault de Forest eust vendu la Comté au Duc d'Anjou : mais pourtant ne laissa pas. le Duc Loys de Bourbon à tenir sa promesse de mariage. Et recouura depuis le Duc la Comté de Forests par ses beaux seruices qu'il feist au Roy & au Duc d'Anjou son frere. Et prestement se porte le Duc de Bourbon pour aller espouser la Duchesse sa femme, & furent les espousailles & nopces au Daulphiné d'Auuergne, en la ville d'Arde, & se hastoit fort le Duc d'aller au Roy : mais apres le tiers iour de ses espousailles reuint vn Cheualier de par le Roy luy apportant lettre de creance. Et le Duc ouye la creance du Cheualier, & les lettres leuës, comme le Roy luy prioit & requeroit qu'il se hastast en venir en cour deuers luy, & qu'il feist venir la Duchesse sa femme, pour accompagner & demeurer avecques la Royne, & ainsi le feist comme le Roy luy manda ; qui en fut moult lye quand il les veit en son hostel, & demeura la Duchesse longuement avecques la Royne, nonobstant ce que le Duc allast tousiours en armes pour le bien du Royaume.

Comme Messire Loys de Sanxerre dist au Duc de Bourbon qu'il parlast au Roy d'aller deuant Saincte Seuer.

CHAP. VIII.

DEmeurant le Duc de Bourbon avec le Roy à Paris, aduint que Messire Loys de Sanxerre, & Messire Iean de Villamme qui sentoient le Duc Loys moult cheual-loureux, luy requierent qu'il pleust au Roy de le mander à Saincte Seuer qui destruisoit Poictou, Berry, & Bourbonnois, & eux avec luy: mais la Royne veut (en leur respon-dant) qu'il attendit son Connestable qui estoit en Espagne, lequel il auoit enuoyé querre & jetté de prison: mais à eux dit le Roy, qu'il luy sembloit bon, si bien meist garnison sur le pays pour reparer au mal que faisoient les Anglois estans à Saincte Seuer. Si fut ordonné de par le Roy, que le Duc de Bourbon bailleroit à Messire Loys de Sanxerre cent hommes d'armes, Cheualiers & Escuyers, pour aller fournir les frontieres de Berry, Et ainsi fut fait. Si se partit Messire Loys de Sanxerre de Paris, & alla garnir les frontieres, & quarante hommes d'armes des gens au Duc de Bourbon à Bônieres, &

à Oursan (qui est vn Prioré) en meist autres quarante, & dix hommes à Borthenoux, & dix à Ponniere, & Messire Loys de Sanxerre meist de ses gens en Establie à Puyagu, des meilleurs qu'il eust, dont ceux de Sainte Seueren n'olerent depuis cheuaucher es pays dessus nommez, sinon vn Anglois grand aduanturier, qui s'appelloit Michellet la Guide, qui vint cheuaucher de bois en bois luy septiesme, iusques à Souuigny pres des portes. Et vn bien matin comme à heure de Tierce, Michellet rencontra au dehors vn Gentilhomme de Bourbonnois, frere du Prieur de Souuigny, monté sur vn bel coursier, avec vn autre pareillement monté, & nommoit-on l'Escuyer Lancelot de Chanillah pere de la Renaude, que tous deux furent pris: mais en s'en retournant Michellet avec sa prise, il fut rencontré des gens au Duc de Bourbonnois qui alloient d'vne garnison à autre, & pouuoient estre huiët, Messire Guichard de Chastelmorant, Iean son frere Escuyer, Perrin du Scel, Oudin de Roullat; & autres quatre Gentilshommes, qui destrousserent Michellet la Guide, & de fait le prist Iean de Chastelmorant.

*Comment le Connestable Claiquin , & Messire
Loys de Sanxerre eurent un peu de noise pour la
prise du Marechal d'Angleterre.*

CHAP. IX.

EN celuy termine courut le bruit en Berry, comme le bon Connestable de France nommé Bertrand du Guesclin, *alias*, Claiquin venoit d'Espagne vers le Roy en France, & serroit gent en grande puissance pour amener avec luy en s'en reuenant pour combatre les Anglois qui orēt esté deuant Paris. Et estoit leur Capitaine Messire Robert Canolle, & lors Messire Loys de Sanxerre, qui sceut le Connestable deuoir combatre contre les Anglois, deffist toutes ses frontieres, & les mena apres ly, ensemble les gens du Duc de Bourbon & tous autres, & fina de tirer iusques il vint à Vendosme, & là où il se disnoit l'y vindrent nouuelles que les Anglois n'auoient osé attendre le bon Connestable à Pont vilain, mais s'enfuyrent vne partie à Messire Robert Canolle à Derual. Le Marechal d'Angleterre appellé Messire Vaultier qui se cuidoit retraire à l'Abbaye de Saint Maur sur Loyre: mais il rencontra Messire

Loys de Sanxerre avec les gens du Duc de Bourbon & les siens, pres de l'Abbaye du Vas, & se bouta le Marechal dedans se cuydant sauuer, où illec ot fait de belles armes à le prendre. Si furēt tous les Anglois morts ou prins bien le nombre de trois cens combatans, & le Marechal d'Angleterre prisonnier, qui fut pris par Messire Jean Dazay Seneschal de Tholouze. Et enuiron trois heures sur le Vespere suruint le Connestable de France en bataille ordonnée qui les chassoit & veit la desconfiture des Anglois, dont il fut moult courroucé qui n'y auoit esté, & demanda qu'estoit deuenue le Marechal d'Angleterre, l'on luy dist qu'il estoit prisonnier entre les mains de Messire Loys de Sanxerre. Si l'y manda le Connestable par le Seigneur de Mailly qu'il luy enuoyast le Marechal d'Angleterre, car il luy appartenoit, comme il disoit, à cause de son office. A laquelle parolle respondit Messire Loys de Sanxerre, que le Marechal estoit prisonnier d'un tres gentil Cheualier, & qu'il ne luy feroit point de tort. Le Sire de Mailly parla orgueilleusement, disant, que le Connestable auroit le prisonnier, & courrouceroit celuy qui l'auoit pris. Et reprist la parole Messire Loys à Mailly, que ce n'estoit mie guerdon à payer telles gens comme le

Cheualier eftoit. Et preftement dift à Mef-
fire Iean Dazay prefent, le Sire de Mailly,
qu'il amenaft fon prifonnier : Pourquoy
meuft vn peu de riette entre le Connefta-
ble à fa venüe, & Meffire Loys de San-
xerre, & ne parlerent point enfemble d'vne
piece.

*Comment Anglois furent defconfits devant Bres-
foire en Poictou, par Meffire Loys de Sanxerre,
& comme le Conneftable prift la Bafte de S.
Maur fur Loyre.*

CHAP. IX.

VN Cheualier nommé Meffire Iean
de Troux, qui auoit herdé & fça-
uoit où ils s'eftoient retraicts par adouïs, s'en
vint à Meffire Loys de Sanxerre, & luy dift.
Monsieur (faiét-il) fi vos gens ne fuflent
las & gastez, ie vous enfeignaffe la plus belle
aduenture que vous euffiez passé à long-
temps, car i'ay veu bien trois cens comba-
tans qui font efchappez de Pont vilain pour
la paour du Conneftable, & fe font bou-
tez en vne mefehante ville nommee Cour-
fillon, il n'y a d'icy que quatre lieues. Adonc
ly demanda Meffire Loys s'il le guideroit
bien, certes Monsieur (fi dift le Cheua-

lier.) Lors manda Messire Loys de Sanxerre aux Capitaines de sa compagnie, que tous montassent à cheual secrettement, & veinssent en vne place qu'il leur montra, où ils trouueroient luy & son estendard. Si obeyrent à son commandement, puis se meist à chemin toute la nuit, & se trouua apres minuiet à Courfillon, où le Cheualier les mena, & ne trouua point les Anglois, car n'auoit mye deux heures qu'ils s'estoient de là partis, & s'enfuyoient comme gens qui sçauoient bien que l'on les chassoit, & fuyoient en Poictou en vne ville que l'on disoit Bressoire, à laquelle ville vindrent les Anglois pour cuider entrer dedans, & barguynoient fort à ceux de Bressoire qui les recueillissent, & à celuy barguynement vint Messire Loys de Sanxerre & sa gent à la croix dessus Bressoire, qui estoit loing de trois traiets d'aré. Quand les Anglois veirent François d'eux approcher, requirent fort à ceux de la ville qu'ils les meissent dedans, qui n'en voulurent rien faire. Et ce voyans les Anglois, ils se trahirent ensemble en vn parquet qui estoit deuant la porte. Lors Messire Loys de Sanxerre avec les gens de Bourbonnois & les siens, vindrent mettre pied à terre entour le parquet, & les comba-

tirent fort, & là y eut faict de belles armes, car les Anglois se deffendirent fort, & ils furent fort assaillis, car les François emprirent la besongne si acertes, qu'ils gaignerent le parquet où ils entrerent par force, & se combatirent les vns aux autres : Mais en ce poignez furent tous morts les Anglois sans en eschapper nul, plus hault de quatre. Et apres celle desconfiture ne tarda pas trois heures que le Connestable de France suruint à tout grand gent en la place, dont Messire Loys de Sanxerre s'estoit party, c'est à sçauoir à la Croix deuant Bressoire, qui fut dolent & courroucé, de ce qu'il n'auoit esté à celle destrouffe, & tourna tout court luy & ses gens pour aller prendre la Bastie de Saint Maur sur Loyre, que tenoient les Anglois, qui pouuoient estre quatre cens combatans, & destrouffoient le pays. Le Connestable estant deuant la Bastie, voulurent faire les Anglois traicté à luy, d'eux en aller, & laisser le lieu, mais ne veut leur accorder pour le courroux qu'il auoit, que ja deux fois ne les auoit trouuez, & feist assaillir le fort de toutes parts, & ly le premier estoit au front, deuant, & tant s'efforça à l'ayde de ses gens, qu'il prist la Bastie de Saint Maur, & force

d'armes & d'affaillir, & fut deliuré le pays d'icelle gent, qui la douloroient souuent fut desconfite. Messire Loys de Sanxerre qui ne vouloit mye estre oyseux avec les gens de Bourbonnois & autres, s'en alla tirant à la Ferte saincte Fosse entre Berry & Ortenois, où estoient aussi Anglois qui faisoient moult de maux, & pouuoient bien estre deux cens combatans, & si aigrement combatit Messire Loys à l'ayde des siens celle place, que à force elle fut prise, & là Messire Loys feist faire de belles charbonnees, car il en estoit bon maistre.

Comment le Roy de France feist de belles ordonnances sur le faict de ses guerres & de ses pays, & comment le Duc de Bourbonnois & le Connestable s'entr'aymoient.

CHAP. XI.

LE Roy Charles qui bien sçauoit les belles armes que son Connestable de France, & Messire Loys de Sanxerre avec leurs gens, faisoient chacun iour, en augmentant son honneur, qu'ils auoient prises plusieurs places sur les Anglois, & les eurent morts & desconfits, les manda pour faire & ordonner aucunes belles ordonnances & bon-

& bonnes sur le faict de ses guerres & de son pays, qui depuis durerent bien longuement. Et fut le vouloir du Roy bailler les charges à chacun selõ ce qu'il deuoit auoir. Premièrement bailla au Connestable de France quand il fut venu, mil & cinq cens hommes d'armes, dequoy il aroit en ce nombre l'un des Mareschaux, & le maistre des Arbalestriers. Et fut ordonné le Duc Loys de Bourbon à huit cens hommes d'armes, & deux cens Arbalestriers qui estoit le nombre de mil combatans, & avec le Duc estoit le Comte de la Marche, Messire Loys de Sanxerre, ot en charge cinq cens hommes d'armes. Ordonna aussi le Roy cinq cés hommes d'armes sur la frontiere de Calais, que ot en conduicte le Sire de Sempy. Et encores fit le Roy vne ordonnance que le Duc Loys de Bourbon & le Connestable ensemble auroient la charge de la Duché de Guyenne. De rechef ordonna le Roy que au iour de Noel venant, tous les Seigneurs, Capitaines, & Officiers se traitroient deuers luy à celle feste, pour estre grandement accompagné de Cheualerie, & aussi pour bailler les ordonnances que chacun deuoit faire pour l'année. Et commanda le Roy que toutes gens fussent sus à l'issüe de Mars. Et ordonna les treso-

riers des guerres à vn chacun selon qu'il estoit, pour payer de mois en mois. Si fut baillé pour tresorier au Duc de Bourbon & au Cōestable, le Flament, & és autres Capitaines certains tresoriers. Et fut conclud que l'on payeroit les gēs d'armes de mois en mois, iusques à cinq mois que l'hiuer véroit qu'on assierroit les frontieres, & que la grande puissance se retrairoit. Les ordonnances accomplies le Duc Loys de Bourbon regardoit amiablement Messire Bertrád de Claiquin Cōnestable de France, & l'aymoit moult, pource que lediēt Cōnestable estoit repairé d'Espagne, où il auoit vengé la mort de la Royned'Espagne sœur au Duc Loys, que le Roy Pietre son mary ot faict mourir, laquelle estoit vne tres-deuote & sainte Dame: Et l'aymoit le Duc aussi pour la bonne cheualerie dont plain estoit le Cōnestable, & pareillement le Cōnestable aymoit le Duc, & ainsi s'entraymoient de saint amour, car le Duc de Bourbon aymoit honneur & tous vaillans Cheualiers.

Comme par le Duc de Bourbon, le Cōnestable, Messire Bertrand, & Messire Loys de Saxe furent prinse & gagnée Sainte Seueren en Lymosin.

C H A P. XII.

EN l'an de grace mil trois cens soixāte & douze, tint le Roy Charles à Paris la

festede Noel grande & solemnelle: car les Capitaines de guerre & Officiers vindrent par deuers le Roy, ainsi comme ordonné estoit: & à celuy iour seruit le Connestable de Frâce (la verge en la main & le chapperon hors de la teste) le Roy à table, & aussi feirent les Mareschaux, le Maistre des Arbalestriers, & chacun selon son endroit, & fut l'ordonnance tenuë de seruir en Cour iusques apres le iour del'An, & le iour del'An passé furent prononcees les ordonnances deuant dictes: Et que chacun Capitaine deust aller où il estoit assigné. Et pleura au Roy que le Duc de Bourbon, le Connestable, Messire Bertrand, Messire Loys de Sanxerre, & toute la puissance iroit en Guienne deuant la cité de Poitiers chef de Poictou, laquelle tenoient les Anglois. Ce entend le Duc Loys de Bourbon respondit (oyant le Roy) à ceux qui prononçoient, qu'à son aduis il luy sembloit que le premier voyage qu'ils deuoient faire e'estoit deuant Sainte Seuerre, & puis à Poitiers, & les raisons pourquoy disoit le Duc, que nuls Capitaines de guerre ne deuoient rien laisser derriere eux, qu'ils ne maynent tout par ordre: Et Sainte Seuerre sied deça Poitiers dixhui & lieuës, si seroit bon d'y aller premierement pour despescher chemin & non perdre le temps.

Après le Duc de Bourbon, parla le Connestable de France qui dist. Adieu le veu, Monseigneur de Bourbon dict vray, car tous vaillans Capitaines ne doiuent rien laisser chose de conqueste arriere dos, & en allant à Poictiers nous verrons que les gars de Sainte Seuere voudrôt dire. Lors prirent conclusement de cheuaucher deuant Sainte Seuere & puis à Poictiers, & s'en alla chacun Capitaine faire son assemblée, & à iour nommé se vindrent trouuer tous les Seigneurs & Capitaines sur les marches de Berry & Montlucon, & eux assemblez s'en allerent deuant Sainte Seuere iusques au nombre de trois mille hommes d'armes, & les huit cens Arbalétriers Geneuois: & eux venus deuant Sainte Seuere à heure de Prime, feist parler le Connestable de France aux Anglois qui estoient dedans qu'ils se rendissent, lesquels ne voulurent rien respondre. Adonc le Duc de Bourbon, le Connestable, & Messire Loys de Sanxerre, eurent aduis sur ce qu'en estoit de faire. Si dist le Connestable, A Dieu le veu, Monsieur de Bourbon, puisque ces gars ne nous sonnent mot, ie louë que vous & v^{os} gens ayez vne partie à vous tenir près des murs, & m^{on} frere de Sanxerre soit aussi avec ses gens en vn lieu, & moy avec les

Bretons & autres gens que i'ay, en l'autre, & soient les gars assaillis. La parolle finie & le conseil determiné, alla le Duc de Bourbon en son costé, le Cónestable au sien, & Messire Loys de Sanxerre au sien. Et cōme en vn coy s'entendissent commença l'assault grand & fort. Or les Anglois tenans Sainte Seuer, veans les François estre assiegez deuant eux, & qui ja s'approchoient des murs pour l'assault commencer, se fierent en leurs forces : & pour plus estre assurez de leur pouuoir, iurerent lesdits Anglois en la main de leur Capitaine, vn serment tel qu'ils se deffenderoient vigoureulement, & que de leur place ils ne se mouueroient où ils seroient establis, s'ils n'estoient morts auant qu'ils la perdissent. Si fut l'assault des François moult grand & bien ordonné, & du costé du Duc de Bourbon vint son pennon aupres du mur, lequel portoit Iean de Chastelmorant, & prestement ensemble le pennon fut vn bastard appelé Loys Verd, & Ploton de Chastelleuz bel Escuyer, & Messire Guillaume de Vichy, & le remenât du fossé fut plain de gésd'armes au Duc de Bourbon, & feirent quatre hommes d'armes la mine & profonds pertuys au mur, où bien peussent entrer trois hōmes d'armes, mais nul si osé d'y entrer, pour le repoussis

delances que les Anglois leur faisoient, & de là iusques au coin de la ville estoit l'assault du Connestable, qui estoit belle chose à veoir. Car y cōbatoit en six lieux en eschelles, & y auoit autres six mines : Mais maintesfois par le cousté du Duc de Bourbon furent ses gens qui dedās la ville entrerēt tous premiers, & par les autres mines du Connestable & de Messire Loys de Sanxerre entrerent moult de gēsd'armes, pource que pour les eschelles n'y pouuoit entrer nul, pour l'aspre & fort deffendis des belles armes que faisoient ceux de dedans : L'assault longuement & durement durē de toutes les trois parties, sembloit à chacun des Seigneurs en leur assault, que leurs gens deussent les premiers entrer. Et là peut-on veoir fortement assaillir, & fierement deffendre, & ne se prenoient garde de leurs gens que sur les murs estoient rampez, iusques à tant qu'ils veirent les gens au Duc de Bourbon eux entrez iusques à deux cens qui tirerent enuers la Mōte, où est le chastel où l'vne des parties des Anglois se retrahirēt, & pesse-messe ores entrerent ensemble le pennō & gens du Duc de Bourbon, en tuant Anglois en desroy. Et ainsi fut gaignē le chastel, & occis tous ceux qui furent attains. Et à l'heure que les gēs du Connestable qui combatirent leurs leiz, &

aussi ceux de Messire Loys de Sâxerre, quâd ils veirent le pënon dudit Duc de Bourbon sur le chastel, accoururent à monter sur les murs de la ville, où les Anglois estoient chacun en sa garde sans eux mouuoir cōme ils l'auoient voüé. Et est merueilleuse chose à compter, car les François estans dedans se combattirent main à main aux Anglois, que pour mourir ne se vouloient partir de leur estre : mais là faisoient de belles armes en eux deffendans fierement, & dura celle meslée plus d'vne heure. Mais Anglois ne peurent plus resister, ainçois moururent vaillâment chacun en sa garde. Et est verité que de toute l'establie des Anglois tenans Sainte Seuer, n'en eschappa que cinq seulement, le Capitaine appellé Hennequin Fondoigay, autres trois & Robin de Meyëton que Chastelmorât prit, lequel Robin s'aduouïa pour le Duc de Bourbon, affermant qu'il l'auoit seruy en Angleterre, quâd il estoit en hostage, de ses prouisions. Si le presenta Iean de Chastelmorât au Duc son Seigneur, qui luy fait bonne chere en luy sauuât la vie, & Messire Loys de Sanxerre fait mourir Fōdoigay pour aucuns desplaisirs qui luy auoit faicts à la tour de Venre. Et sçachent tous que l'un des beaux assaulx que l'on veit pieça en ce Royaume ne gueres ailleurs, fut la prise de

Saincte Seucere, micux assailly & micux def-
fendu.

*Comme plusieurs places furent prises en Poictou
par le Duc de Bourbon & autres.*

CHAP. XIII.

SAincte Seucere prinse lendemain bien
matin deslogerent les Seigneurs pour
tirer leur chemin deuant Poictiers: mais ils
oyrent dire qu'il y auoit vne place pres leur
chemin de Poictiers appellée Bellabre, que
tenoit Pacqueron & estoit moult forte, &
quand l'on fut deuant on leur demanda
ouuerture, ils se teinrent vn peu: mais leur
aduis fut par deliberation qu'ils deliure-
rent les clefs aux Seigneurs de leur fort,
& rendirent la place. Delà cheuaucherent
les Seigneurs avec leurs gens deuant An-
gle, qui ne s'osa tenir, mais feirent obeyf-
fance. Et ce faict tirerent les Seigneurs à
Chauuigny, qui est vn tel chastel que cha-
cun peut sçauoir, où ils demurerent cinq
iours, car le Duc de Berry leur escrit vne
lettre qu'ils l'attendissent, ainsi le feirent.
Et vint le Duc de Berry à eux au terme à
notable compagnie; & pendant ce ils be-
songnerent tellement, que Chauuigny se
rendist, ou ils l'eussent prins d'assault, & le
trouua le Duc de Berry rendu quand il ar-

riua. Les Ducs de Berry, & de Bourbon, & le Connestable, Messire Loys de Sanxerre & leurs gens se deslogerent de Chauuigny, & allerent aupres de Poictiers, & sembloit au Duc de Berry que ceux de Poictiers luy obeyroient, si n'en feirent rien & demeura là vn iour & demy deuant eux, bien le nombre de quatre mille hommes d'armes. Et sur ce eurent aduis les Seigneurs qu'estoit de faire; si determinerent qu'ils yroient deuant vne grande ville, nommée Viuonne pour eux là loger, si le feirent. Et le lendemain allerent à vn bel chastel clamé Mortemar. Si fut assailly & pris d'assault, & le premier qui dedās entra fut vn Escuyer du Duc de Bourbon que l'on nōmoit Hugnemin de la Terrasse. Et prist iceluy Hugnemin le nepueu de Messire Aymery de Rochechouart, qui estoit Seigneur dudit chastel de Viuōne. Et apres la prise du chastel fut ordonné d'aller deuāt Nyort pour le cuider prendre qui pourroit, si se deslogea on bien matin pour s'en aller loger à Fontenay l'abbatu, qui est au plus pres, lequel on prist par assault: Mais vn Cheualier Capitaine d'Anglois, nommé Messire Vaultier Spurton, qui bien auoit trois mille combatans, s'estoit mis dedans Nyort, lequel sçauoit la venuë des Seigneurs François, & leur vint celuy Messire

Vaultier avec les Anglois entre Marets & leur fort presenter la bataille, Si allerent tous les Seigneurs & gens d'armes là pour combattre: mais ne peut estre remede qu'il n'y eust grande perte: car les Anglois estoient en tres-forte place, & ne pouuoient François à leur aise ioindre à eux, & demurerent vn iour & vne nuit François & Anglois, les vns deuant les autres, & les Seigneurs estans par telle forme qu'ils ne pouuoient assembler aux Anglois pour les fors marescages où ils s'estoient fortifiez: leur vinrent nouuelles que le Duc de Bretagne à grand pouuoir se venoit ioindre avec les Anglois pour les combattre, si eurent aduis les Seigneurs par meure deliberation, que de là se partiroient pour luy aller au deuant, car ils auoient plus cher le rencontrer que les Anglois, & s'allirent loger les Seigneurs deuant Fontenay le Comte, vn des beaux chasteaux de Poitou, & des forts, & eux estans deuant, il leur fut denoncé qu'une partie de la garnison de Fontenay estoit yssue pour aller gagner sur François, pource cheuaucherent les Seigneurs hastiuement pour trouuer la place despourueüe, & ainsi le firent: car il fut pris d'assault, & moult y eust gagné dedans de richesses.

Comme la Duchesse de Bretagne fut prise, & le Duc de Bourbon la deliura. Et comment aucuns Barons Bretons s'allierent au Roy, & comme le Connestable desconfist les Anglois deuant Chissech.

CHAP. XIII.

QUand les Seigneurs eurent pris Fontenay le Comte, celle nuit mesme se deslogerēt pour tirer iour & nuit à rencontrer le Duc de Bretagne qui estoit logé à Breschesac où est le bel estang: Mais quād il sentit la venüe des Seigneurs François, il se deslogea à grāde haste, & le faillirent les Seigneurs à trouuer: Et departit le Duc des Bretons les gens par les places, & lors François (qui tousiours auoiet nouuelles) partirēt des Marches de Poictou, & tirerēt iour & nuit en Bretagne par deuāt Rēnes la cité au Duc. Et quād les Seigneurs y paruinrēt, ils trouuerent que la Duchesse de Bretagne estoit partie vn peu auant qu'ils vinssent pour s'en aller à Vennes. Si māderēt le Duc de Bourbon, & le Connestable à bien cinq cens hommes d'armes apres, & la prirent à quatre lieuës delà, & fut prise la Duchesse par les gens au Duc de Bourbon & le Connestable, laquelle s'escrioit assez quand elle veit le Duc de Bourbon, & dist la Dame au Duc. Ha beau cousin, suis-je prisonniere?

Si luy respondit le Duc de Bourbon : Nenny Madame , car nous n'auons point de guerre aux Dames , inais nous auons bien la guerre au Duc de Bretagne vostre mary, qui se gouuerne estrangemēt enuers le Roy son droit Seigneur , & faiēt folle entreprise qu'il ne pourra mettre à fin. Et lors feist le Duc de Bourbon crier en l'ost, pareillement le Connestable de France, que tout homme qui auroit rien prins de la Duchesse, fut apporté en la place sur peine de la hart, si obeyst chacun à leur commandement , & prestement fut rendu tout à la Dame Duchesse de Bretagne, ce qu'elle pouuoit auoir perdu, fors aucunes lettres d'alliâce des Anglois & du Duc de Bretagne, qui luy feurent trouuées, qui seruirent bien pour le Roy de France, & mal pour le Duc de Bretagne, qui depuis ne voulurent seruir : & apres le Duc de Bourbon donna congé à la Duchesse de Bretagne, luy & le Connestable, & luy baillerent gens à la cōduire pour aller seuremēt elle & ses biens à cinq lieües de là, à vn sien chastel appellé Locach : Laquelle mercia moult humblement le Duc de Bourbon de l'honneur que fait luy auoit, & que Dieu luy auoit faiēt belle grace, quand elle estoit escheüe es mains d'vn tel Cheualier que il estoit. Ainsi s'en alla la Duchesse son che-

min, & le lendemain deslogerent le Duc de Bourbon, & le Cōnestable, ensemble Messire Loys de Sanxerre, & s'en allerent deuant Redon, qui estoit au Sieur de Rieux vn Baron vaillant Cheualier preudhōme de Bretagne, lequel vint parler aux Seigneurs en feureté deuant sa place, & incontinent luy monstrent les lettres des alliances que le Duc de Bretagne auoit eu au Roy Anglois, dont il fut moult esbahy, & dit plainement le Sire de Rieux, que iamais ne seruiroit le Duc de Bretagne son Seigneur tāt qu'il tiendroit celuy chemin contre le Roy. Et apres vn peu enuoyerent le Duc de Bourbon, le Connestable, & Messire Loys de Sanxerre, au Comte de Poinctieure la coppie des lettres, de quoy le Comte s'esbahit moult fort, de les veoir, & renuoya le Comte de Poinctieure deuers les Seigneurs, vn des beaux Cheualiers du Duché de Bretagne, appelé le Roux de Piedreuch, pour leur certifier que tant que le Comte de Poinctieure viuroit ne seruiroit le Duc de Bretagne à tenir la voye qu'il tenoit, & ainsi feist le Baron Seigneur de la Hunauldaye, & pendant cecy apporra on nouvelles au Duc de Bourbon & au Connestable, de par le Roy, pour ce que ja estoit bien auant en la saison que le Duc se traict vers le Roy, & que le Conne-

stable allast establir les places qu'ils orent prinſes avec vne partie aux gens du Duc de Bourbon, ſi fut faiſt ainſi, & mena le Duc de Bourbon en ſa compagnie au Roy à Paris le Seigneur de Rieux, qui depuis fut Mareſchal de France, & y mena auſſi le Roux de Piedereuch & par le Comte de Poinctieure & le Seigneur de la Hunauldaye tous à ſeureté. Et feiſt le Roy grande feſte & chere au Duc de Bourbon, quand il le veit, pour les belles beſongnes qu'il auoit faiſtes : Et tenoit ja le Roy que la Duché de Bretagne fut ja demy conquiſe : Le Conneſtable ſ'en alla en Poiſtou mettre ſes frōtieres, & trouua vne place appellée Chiſſech, qui moult de maux faiſoit au pays, & y meit le Conneſtable le ſiege en perſonne, & y fut pres d'vn mois, & à la fin d'iceluy mois, ſ'assemblerent les Anglois des garniſons voiſines, & vindrent preſenter la bataille au Conneſtable de France qui ſ'eſtoit clos en ſon ſiege : Mais quand le Conneſtable les regarda eſtre deuant luy rangez pour combattre, il cōmanda à ſes gens crier, par terre, leur courre & ſaillir en belle bataille, & ainſi le feirēt. Et alla le Conneſtable & ſes gens en bon arroy les requerre loings de ſa place plus d'vne arbaleſtrée, & eut la victoire de la bataille. Et furēt de morts que prins deuāt Chiſſech

huiët cens Anglois de la garnison de Nyort, & fut le pays de Poiëtou fort allegé d'ennemis, & assist le Connestable les frontieres & s'en alla à Paris, pource qu'en celle saison estoit pres de Noel, où il y eust moult grande chere, & fut bien venu & ly emër festoyé du Roy & des autres Seigneurs. Car il estoit commune parole en Cour que luy & le Duc de Bourbon, auoient fort enramé & bouté les ennemis hors du pays de Bretagne & de Guienne, par especial au Comté de Poiëtou.

Comme Messire Loys de Sanxerre fut faict Marechal de France, & comme le Duc de Bourbon & le Connestable allerent en Bretagne guerroyer par le commandement du Roy, & quelles places ils prindrent.

CHAP. CXLV.

LE Roy de France (comme il a de coustume) tint les festes de Noel solemnelles, & apres les festes ordonna ce qu'estoit à faire pour la saison aduenir. Laquelle ordonnance fut que le Duc de Bourbon & le Connestable iroiët par cōqueste en la Duché de Bretagne, que le Roy auoit moult à cœur, & à celle feste de Noel fut Marechal de Frâco Messire Loys de Sanxerre; apres la mort

du Marechal d'Endrehan, lequel Sanxerre Marechal fut ordonné qu'il allast en Poitou sur les frontieres la guerre entretenir pour celle faïton, & les autres Seigneurs partirent en Mars à aller paracheuer la conqueste de Bretagne, & fut leur assemblée à Angers au Pont de Seez, de deux mille Cheualiers & Escuyers, & de huit cens hommes de trait. Et à Angers dist le Connestable de France au Duc Loys de Bourbō, A Dieu, le veu faïct, il y a à quatorze lieux d'icy vn chastel, l'un des beaux & des forts qui soit au Duché de Bretagne, qui est au Duc, & l'appelle-on Iugon, & s'il peut estre pris, le Duc aura faïct vne grande perte: car on dit en prouerbe parmy Bretagne, Que qui a Bretagne sans Iugon, il a chappe sans chaperon. Et ie me suis pensé (faïct le Connestable) que le Duc qui est, n'aura aduis d'y pourueoir, si aurons bon loisir de l'auoir. Adonc se partirent & allerent deuant Iugon, où ils ne trouuerent fors les gens de la ville, & le Capitaine appelé Robert de Gyntry, qui auoit vn fils le plus bel iuïcteur qu'on peust trouuer, auquel Robert on monstra les lettres deuant pour parler. Si feirent tant les Seigneurs qu'il leur rendit Iugon, & si bien l'eut voulu deffendre, si ne l'eut il peu à force tenir, car il n'y auoit nulle gens de deffence,

deffence. De Iugon partirent les Seigneurs, & allerent deuant la tour de Bron, qui tost fut renduë au Duc de Bourbon & au Conestable, & d'icelle tour allerent poser les Seigneurs le siege deuant Teintigmach, vne petite ville qui estoit à Messire Oliuier de Manny, lequel estoit dedans, & disoit l'en que c'estoit vn des vaillans Cheualiers de Bretagne. Par le compromy qu'ils orent ensemble, Messire Olinier rendit sa place, & feist obeysance au Roy, & se meist avec le Duc de Bourbon luy & sa puissance. De Tynthemach allerent les Seigneurs à Fougères la Rons, où l'on faict les draps: & venus les premiers coureurs de l'ost, ceux de la ville yffoient, dont mal leur prist, car d'iceux y eut bien de morts six vingts, & entrerent les gens de l'ost avecques eux en leur ville, ainsi fut Fougères prise. Et de Tirecheuaucherent les Seigneurs deuât Dynan, qui est l'entree de Bretagne bretonnant, où dedans estoit Messire Maurice de Teonguedys, le plus vaillant Cheuallier de Bretagne, car il fut l'vn des Chefs de la bataille de Tréte, & avec luy estoit son nepueu le Sieur de Prustallet, & requirent les Seigneurs à Messire Maurice, l'ouerture de Dynan, & luy monstrerent les lettres que dessus ont esté dictes, & sur cecy Messire Maurice de Teon-

guedys qui auoit grand part en la ville, luy & ses poustalles rendirent la ville de Dynan au nō du Roy de France au Duc Loys de Bourbon, qui retint Messire Maurice & son neveu de Prustallet, lesquels depuis l'ont honorablement & bien seruy toute leur vie en tous les lieux où fut le Duc de Bourbon, & estoit Messire Maurice de Teirguedys à pē-sion du Duc de Bourbon, dont le Duc s'en tenoit bien honoré. Dynan rendu se partirent les Seigneurs, & allerent à S. Mahieu de Fyne Posterne, vñe grāde ville sur la marine regardant Angleterre, & eux venus deuāt, la veirent vn peu mal emparée, si l'assaillirent prestemēt & fut prise, & feurent les compagnons bien rafraichis. Et lēdemain partirēt de S. Mahieu, & allerent deuant vn bel chastel appellé Cone, dont estoit Capitaine vn Escuyer Anglois nōmé Iannequin Pel, qui ne veut pour riē rēdre la place. Si fut asprement assaillie, & y ot faict vn bel assault, & combattir Ymbert de Cuyeure Escuyer du Duc de Bourbon en l'eschelle audit Iannequin Pel, & feirent de belles armes les assaillans & les deffendans : mais nonobstant leur deffence fut la place prise par force d'armes, & Iannequin Pel prisonnier, puis se partirent les Seigneurs, & tirerent deuant vn bel chastel & d'vñe ville nommée Qui-

pernay, qui aux Seigneurs fut toft rendue. Et de là fe transporterent deuant Quinpercourtin affez pres de Brech, les Sieurs leur requierent ouuerture, mais ils ne voulurent, pource que le Duc de Bretagne leur Seigneur estoit à Brech pres d'eux, dont ils se tenoient orgueilleux. Quand les Seigneurs veirent ce ils feirent la place assaillir, qui fut prise d'assault, & y moururent des gens de la ville vne grande partie.

Comme le Duc de Bourbon, le Connestable, & le Marefchal prirent les Isles de Iarsee & de Grenesie deuant Brétagne, & comme ils assiegerent Brech, & quels mots mandoit Meflire Robert Canolle au Connestable.

CHAP. XVI.

LE Duc de Bretagne qui fçauoit comme moult de fes places estoient perduës, & vcoit que les Seigneurs le fuyuoient de si pres, se partit hastiuement de Brech, luy & la Duchesse sa femme, soeur du Roy Edoüard, & s'en passa en Angleterre, & laissa dedans Brech Meflire Robert Canolle. Les Seigneurs cuidans qu'il fust encores dedās partirent de Quinpercourtin pour aller deuant Brech, à vouloir donner la bataille au Duc : Et quant ils feurent là venus, trouuerent qu'il estoit party : Si l'assailirent gens d'armes le haure & gaignerent

quatre vaisseaux, puis s'en retournerent à Quimpercorentin, qui estoit vne place dont il veoit les Isles de Grenesie qui cōfrontent entre Angleterre & Bretagne, & faisoit grād mal aux Seigneurs François qu'ils ne pouuoient passer: & surce eurent les Seigneurs aduis de faire armer les quatre vaisseaux qu'ils auoient gaignez au Haure de Brech & autres qui tenoient à Saint Mahieu, pour passer outre és Isles de Grenesie & de l'arsée; & les vaisseaux appareillez vouloient les Seigneurs mander de leurs gens és Isles: mais le Duc de Bourbon dict au Connestable, au Marechal, & autres, que point n'estoit chose honorable si eux mesmes n'y alloient, à quoy le Connestable respondit, A Dieu le veu, Monseigneur vous auez raison. Ce dict entrerent les Seigneurs és vaisseaux à tout deux mille hommes d'armes, & six cens hommes de trait, en grand peril, car les vaisseaux ne valloient gueres, & arriuerent en l'Isle de l'arsée, où il y a deux chasteaux, deuant lesquels le Duc de Bourbon & ses gens se meirent deuant l'un, & le Connestable & le Marechal avec leurs gens deuant l'autre, & lendemain par matin les assaillirent, & prist le Duc de Bourbon le sien, où il seoit par l'effort de ses gens, & le premier qui entra dedans fut Barbarie. La pla-

ce prise se partir le Duc & alla deuers le Con-
nestable & le Marechal, qui encores n'a-
uoient mye prinse leur place: mais ceux de
dedans quand virent venir le Duc de Bour-
bon avec la puissance se rendirent au Con-
nestable. Et de l'isle de Iarsee passerent les
Seigneurs en l'isle de Grenesie où il y a vn
chastel qui ne s'osa tenir quand ceux qui le
gardoient virent les autres pris, & firent
le plus tort, & promirent les gens des Isles
de Iarsee & de Grenesie d'estre bõs & loyauz
au Roy de France, comme ils feurent tant
que le bon Admiral de Vienne vesquit, &
feurent mis pour garde des Isles de Iarsee &
de Grenesie, Messire Ieã Dehange, & Thi-
bault son frere à les rendre au Roy ou son
Admiral: Et de là repasserent les Seigneurs
à Quimpercorentin & à Hennebont où ils
auoient laissé leurs cheuaux & leur cariage;
& là prirent les Seigneurs leur aduis ensem-
ble, avec aucuns des Barons de Bretagne,
qu'il seroit vne belle chose d'aller mettre le
siege deuant Breschy. Car comme ils affer-
moient, Messire Iean de Montfort Duc de
Bretagne n'auoit gueres plus rié en son pays
sur la marine fors Breschy, & s'en estoit allé
en Angleterre, & sur cela feurent d'accord
les Seigneurs, & assiegerent Breschy, où
estoit Messire Robert Canolle à peu de gens

demeuré en garnison, & n'estoit pas ladiete place moult biē enuitaillee (ainsi quel'on disoit) & pourprirent les Seigneurs l'enuirō de Brechy par la terre, car ils n'auoiēt mye nauire pour l'assieger par mer. Et demurerent le Duc de Bourbon le Cōnestable de France, Messire Bertrand, & le Marechal Messire Loys de Sanxerre, quarante iours deuant Brech, & en celuy tēps pleut cōtinuellemēt si fort, qu'onques on ne veit choir tant de pluye, & au pays de Bretagne bretonnant n'auoit nuls viures pour cheuaux, dont les Seigneurs eurent grand' perte: & mesmes Messire Robert Canolle n'auoit que mäger dedans Brech: mais mangerent les cheuaux, & manda au Connestable de France comme il se tenoit mal cōtant qu'il ne pouuoit leuer le Siege que le Duc de Bourbon luy & le Marechal tenoient deuant Brech, où ils l'auoient assiegé; mais poy y comptoit pource qu'ils scauoient que moult estoient affoiblis les cheuaux de l'ost pour la pluye, & en cese reconfortoit que aussi poy auoiēt les Seigneurs à mäger que luy, & que point ne s'efforçoit de leur assault, & manda encores au Connestable. (Vous m'auiez faict mäger mes cheuaux en ce chastel de Brech, comme ie feis à vous les vostres au siege de Rennes, ainsi (dit il) vale le changemēt de for-

tune & de guerre.) Les Seigneurs durant le siege veirent venir d'Angleterre six vaisseaux garnis de viures que le Duc de Bretagne madoit à Brech sō chastel, où il n'auoit riē laissé, & aduiserēt entr'eux que le chastel ne pouuoiet ils prēdre par force, & par famine ne l'auroiet point pour les viures qui dedans leur venoient, & aussi que l'ost n'auoit gueres que mager. Si se cōseillerent les Seigneurs, le Duc de Bourbon, le Cōnestable & le Mareschal avec les Barōs de Bretagne, & feurēt d'accord que tous se tirassent deuers le Roy, car il n'y auoit plus en celles marches de Bretagne que Brech, qui ne pouuoit porter dōmage, & là dirēt aucuns des Barōs, que ja pieça auoiet ouy dire au Duc que s'il pouuoit passer en Angleterre que toute la puissance du Royaume il ameneroit vne fois en France avec la sienne. Et s'il le dist, ainsi le fit l'année apres.

Comment le Duc de Bourbon partit de Bresch, & mena avec luy aucuns Barons Bretons à Paris, lesquels il retint en son hostel, & feirent serment au Roy.

C H A P. XVII.

P Visque orēt ce dit les Barōs de Bretagne: De deuant Brech se departirent, le Duc de Bourbon, le Connestable, & le Mareschal,

D iiij

pour aller deuers le Roy, lesquels auoient
faict vne belle saison, grande & honorable.
Et amena le Duc de Bourbon (avec luy à
Paris en le retenant de son hostel) le Sieur
de Rieux, le Sieur de Loach, le Sire de Pie-
dreux, le Sire de Carfolio, Messire Herue de
Manny, car Messire Oliuier s'en voulut aller
avec le Duc d'Anjou, en Gascongre: & le
bon congé du Duc de Bourbon, ensemble
les Barons dessus nommez, amena le Duc
Messire Maurice de Teonguedys, le Sire de
Pruftallet, & le Sire de la Suze, lesquels il
auoit retenus de son hostel pour le bien
d'eux. Et estant le Duc de Bourbon à Paris,
le Connestable & le Marechal, Dieu scait
quelle chere leur fut faicte, & n'estoit de
bonne heure né qui ne venoit à les veoir,
pource que l'orgueil de Bretagne estoit par
eux tombé. Et feurent les Barons de Breta-
gne grâdement receuz, & festoyez du Roy,
& leur donna de grands dons, & feirent le
serment au Roy, & l'ont tenu leur vie durât.
Et iceux iours apporta-on au Roy de Fran-
ce, que le Duc de Bretagne Iean de Mont-
fort estoit allé en Angleterre faire vne gran-
de armée pour passer en France l'année ad-
uenir, laquelle fut vraye. Et entant que les
Seigneurs estoient à Paris deuers le Roy, se
pour parla le mariage du Duc Philippe de

Bourgongne frere du Roy de Frâce & de la fille au Côte de Flâdre, lequel mariage s'accomplit, qui estoit vne chose moult desirée, car l'on tenoit que par celle alliâce on conqueistroit Angleterre, & en aduint beaucoup de choses qui s'eusuyent cy apres. Le Noel passé enuiron la Chandeleur vindrēt nouvelles au Roy que les Anglois faisoiet grande armée & le Duc de Bretagne pour passer en France, & que l'armée deuoit estre preste à passer entour la S. Iean, la plus grosse que l'on veit onques venir en France : Si eust le Roy de France cōseil à ses Barons qu'il enuoyast querre le Duc d'Anjou sō frere à tout la puissance qu'il pourroit trouuer, & aussi les Ducs de Berry & de Bourgongne ses autres freres, & tous autres Cheualiers, Marchaux & Cōnestables, & que tous feussent la sepmaine de la S. Iean à Troye en Chāpagne où le Roy seroit pour estre au deuant de l'armée, & fut ordonne par meur conseil de tous les Capitaines que l'on ne combatroit point les Anglois pour les perils qui en pouroiēt aduenir : & outre disoit le Duc de Bourbon qu'il fuffloit les herdoyer & costoyer par maniere que par où ils passeroient ne trouuassēt nuls viures : Et c'estoit la plus seure voye, parquoy plustost se partiroyent. Ce conseil fut louē de tous, & toutesfois fut

l'assemblée du Roy à Troye venue à iour nommé, comme mandé estoit, & s'esioyrent illec par plusieurs iours.

Comme le Duc de Bourbon enuoya de ses gens à Plancy, & qu'ils firent contre les Anglois à la barriere amoureuse.

CHAP. XVIII.

IEhan de Montfort Duc de Bretagne, qui trop auoit à cœur la perte qu'il auoit faite de ses terres pour les recouurer & resister au pouuoir des François, luy qui estoit passé en Angleterre tant & si auant, que le Roy Edoüard (duquel le Duc auoit espousé la sœur) luy octroya secours, & en son ayde esleut le Roy Edoüard son oncle le Duc de Lancastre pour passer en France à l'ayde du Duc de Bretagne. Et tâtost apres partit l'armée d'Angleterre qui passa à Calais, & pouuoient estre tant d'Anglois, de Hennyers, que d'Allemands, & Bretons le nombre de seize mille, & prirent leur chemin tout droit vers Troye en Champagne où estoit le Roy de France, les Seigneurs de son sang & sa puissance: Et deux iournées auât que les Anglois vinssent deuant Troye, mada audit de Bourbon vn Gentilhomme nommé Iean de Nondouchel Capitaine de Plâcy, disant. Si vous (mon redouté Seigneur) me voulez mander le nôbre de cinquante hômes d'ar-

mes Gentilshōmes, ie vous feray auoir vne belle aduenture, car il faut que les Anglois paſſent par ceſte ville pour la riuere. Et ce ouy le Duc de Bourbon, rātōſt feiſt mōter à cheual ceux de ſō hoſtel qu'il auoit le mieux pour y aller, c'eſt à ſçauoir le cā de Chaſtelmōrāt qui portoit ſon eſtendart, ſon frere le Sire de l'Eſpinace, le Borgne de Beaulce, l'aiſné de Montagu, le Sire de Changy ſon Chambellan, Hymbert de Cucure, Bertrandon, Aynaud Baulſeure, & pluſieurs autres des gens de ſon hoſtel, & allerent à Plācy, où ils demeurerēt deux iours auāt que les Anglois vinſſent, & feirent les gēns du Duc de Bourbon deuāt la porte la plus belle barriere que l'on veiſt pieça, & la nommerent la barriere amoureuſe, & cōuenoit que les Anglois paſſaſſent au plus pres. Si aduint que paſſé deux iours les Anglois vindrent paſſer deuāt Plācy, & tous les cōpagnons eſtoient armez dehors leur barriere, & les Anglois les regardās meirent pied à terre pour les venir cōbatre, & ce voyans ceux de la garniſon de Plancy, pource que trop eſtoient Anglois cōtre eux, ſe retrahirēt dedās leur barriere où ils eſtoiēt bien fournis de traiēt, & incontinent les Anglois ſ'aduancerent pour cuider gaigner la barriere, & ceux de Plancy & du Duc de Bourbō à eux vigoureuſemēt deffendre de

leur traict & des lances, & là ot fait de moult belles armes qui durèrent pres de deux heures. Car quand ceux d'entre la barriere virent leur aduantage ils yssirent à coup & se plongerent parmy les Anglois, & leur pointe acheuée à leur honneur se retirèrent ens. Et à ces yssuës que faisoient ceux de la barriere occirent des Anglois sept hommes d'armes, & pour le traict y ot d'autres blessez grand foison, & en soustenant ce tolleiz moururent à celle barriere des gens au Duc de Bourbon Humbert de Cueure, & aussi Beausseure, & Jean Foucault, & Bertrand Arnould fut feru d'une fleiche touz la mammelle dont il perdit les yeux, & vesquit depuis longuement. Et pource que ja estoit nuit, les Anglois se retrahirent d'un costé, & les gens du Duc à Plâcy. Et entour trois heures de nuit se partirent les gens du Duc de Bourbon de Plâcy pour aller deuers luy, & eux en allans rencontrèrent des Anglois qui faisoient escoutes entre l'ost de Troye & le leur. Si feurent les gens au Duc parmy eux, & les meirēt en fuy, & là moururent quinze Anglois, & sept y en ot de prins qu'ils menerēt dās Troye à leurs Maistres, & feurent les plus certaines nouvelles que les Seigneurs de Frânce eussent, que par les gens au Duc de Bourbon, car les Anglois

n'auoient eu destourbier depuis Calais iusques là.

*Comme le Duc de Lanclastre presenta la bataille
deuant Troye.*

CHAP. XIX.

L'An de grace qui pour lors courroit, l'on cōptoit mil trois cēs soixante & treize, & estoit le mois de Iuin que le Roy Charles de France estoit en sa cité de Troye, & les Ducs ses freres & autres de son sang, & icelle saison le Duc de Lanclastre conduiseur de la gent Angloise à l'esmouion du Duc de Bretagne qui o luy estoit, accōpagné de moult de Bretons, s'ordonnerent en belle bataille & se presenterent deuant Troye. Si voulurēt le Roy de France & les Seigneurs que nul ne faillist de Troye, sinon aucunes gēs qui à ce estoient ordonnez, c'est à dire cinquāte des gens au Duc de Bourbon, & cinquante du Sieur de Clifson qui failliroient pour faire l'escarmouche, & ainsi fut ordonué. Quand le Duc de Lanclastre que tout le iour s'estoit tenu en bataille, regarda que les Seigneurs François qui estoient à Troye à bien quatre mille hommes d'armes n'issoiēt point, il feit aduancer ses gēs qui se ferirent sur les fossez des faulxbourgs de Troye qui point n'estoient clos, & quand apperceurent que nul n'issoit contre eux à deffendre les fossez, ils

s'en entrèrent aux faulxbourgs à qui mieux mieux: Et lors tout à vn coup par le cōgé du Roy & des Seigneurs de Troye, saillirēt biē 2000. hōmes d'armes sur ceux illec. Et là les François repoussèrent vaillamment les Anglois par les fossez tant qu'ils en occirēt bien six vingt largement, & quatre vingt y en ot de pris, & demeura prisonnier vn Capitaine Anglois appellé Messire Iean Burle, & trois Bretōs qui eūrēt les testes couppees. Et celle nuiēt se retirerent les Anglois, & se logerēt à demy lieuē de Troye, & lendemain deslogerent bien matin pour tirer vers Sens en Bourgongne. Et dedans Troye feit le Roy (presens les Seigneurs) vne ordonnāce que chacun des Ducs Anjou, Berry, Bourgōgne, & Bourbon, enuoyeroient cēt hōmes d'armes pour cheuaucher tous les iours à garder les Anglois d'enuitailler, & dirēt les vaillans Cheualliers que l'on ne les pouuoit plus bel desconfire. Si fut ordōné que les grāds Capitaines, comme le Connestable, & les Mareschaux, iroiēt à coustē, vne iournēe, d'eux, pour garder qu'on ne les recueillist sur les marches de Lymosin & de Poiōtou, & qui n'en ne se perdist.

Comme le Seigneur de Clisson destroussa partie des Anglois es faulxbourgs de Sens: & comme Anglois cheuacherent par Bourbonnois.

CHAP. XX.

TAnt allerent Anglois qu'ils se logerent
és fauxbourgs de Sens, & eux estans
logez feist vne emprise le Sieur de Clifſon,
avec vne partie des gēs au Duc de Bourbon
& d'autres des Seigneurs, & allerent mettre
vne grosse embusche à deux lieües de Sens,
de mille hommes d'armes, & pres de Sens à
vne lieüe vne autre de deux cēs hōmes d'ar-
mes, & māda le Sire de Clifſon ses coureurs
à ceu x de la premiere embusche, qu'ils feis-
sent semblāt de fuyr iusques en la grosse pre-
miere embusche, & ainsi fut faict. Si aduint
que les Anglois chasserent les coureurs ius-
ques à la premiere embusche, & ceux de la
premiere embusche les voyans venir com-
mencerent à fuyr. Ce regardant les Anglois
se desfrouterēt & suyuirēt la trace des fuyās,
cuydans que plus n'y eust embusche, & cel-
le premiere embusche de deux cens comba-
tans se vint retraire à course d'esperons en
l'embusche du Sieur de Clifſon où ils estoiet
bien douze cens combatans. Adonc se des-
courrit le Sieur de Clifſon de son aguet o sa
cōpagnie & courut ferir sur les Anglois qui
venoiēt à desroy & follemēt, iceux rebouta
le Sire de Clifſon par force d'armes iusques à
leur logis, où luy & ses gēs se frappoiēt bien
auant, & en ce lieu occirent des Anglois ius-
ques au nombre de six cens, & y orent de

bons prisonniers, & fut la plus grosse destrouffe que les Anglois eussent en celuy voyage. Car onques puis celle destrouffe les Anglois ne chasserent pour nulles gens qui vinssent deuant eux, & orent moult de pertes de leurs gens en chemin par parties, non mye tout ensemble. Et quand le Duc de Lancastre & le Duc de Bretagne veirent chacun iour leurs gens décroistre, cheuaucherent par leurs iournees iusques à Brine la gaillarde en Ly-mosin, où ils feurent reçeus par ceux de la ville qui feurent trahistres au Roy de Frâce. Et là estimerēt les Anglois le nombre qu'ils pouuoient estre illec depuis leur descenduë de Calais, où ils estoient en nombre seize mille combatans, & à Brine ne se trouuerent sinon huit mille dont la moitié estoit à pied, car les autres orent esté tous morts ou prins en chemin. Et lors les gens aux Seigneurs de France regardans la trahison de Brine se partirent du Pôt pource qu'il approchoit Noel, & s'en tirerent chacun vers leur Maistre, c'est à sçauoir ceux du Mareschal de Bourgogne, du Duc de Berry, du Duc de Bourbon, qui poursuiuoient tousiours les Anglois, iceux Cheualliers porterent chacun à son Maistre la trahison des gens de Brine qui auoient reçeu les Anglois.

Comme

*Comme le Duc de Bourbon, ses gens, & les Ange-
uins, prist Briues la gaillarde & autres places.*

CHAP. XXI.

LE Duc Loys d'Anjou frere du Roy de France qui entendit le recitement que ceux de Briues auoient fait aux Anglois, fut mal content, & pour le plustost recouurer ne tarda pas grandement qu'il enuoya vn sien Cheualier nômé Messire Iean de Bueil, au Duc de Bourbon, l'y priant & requerant sur affinité de lignage, qu'il luy pleust estre au Mars ensuiuant par deuers luy o huit cens ou mille hommes d'armes, car les pays d'Anjou & du Mayne se deuoient ioindre sous Messire Iean de Bueil, avec le Duc de Bourbon, lesquels s'assemblerent à la my Mars tous à Buzensays, sans le Duc d'Anjou qu'vn poy se étoit dehalcté. Et de là allerent le Duc de Bourbon & les Angeuins l'an mil deux cens septante trois en Lymosin deuant Briues la gaillarde, dont les Anglois estoient partis vn mois auant, & s'en estoit allé le Duc de Lanclastre à Bordeaux. à ce peu de gens qui luy estoit demeuré, & le Duc de Bretagne à Derual en ses marches, & ne laisserent dedàs Briues que cinquante

combatans, vingt-cinq hommes d'armes, & vingt-cinq Archers. Le duc Loys de Bourbon qui apperceut Briues, la feist assieger, & luy mesme establit les gens en leur endroit, & s'alla loger és Cordeliers deuant la porte, & feist dire le duc à ceux de Briues qu'ils reddissent la ville, & baillassent le trahistre qui l'auoit renduë aux Anglois, lesqueulx ne voulurent obeyr au Duc. Et en ce parlementeiz du traicté, les Anglois tirerent des fleiches, & blessèrent les gens du Duc, & sur ce commença l'assault, & fut commencé fort & aspre du costé du Duc de Bourbon, & de l'autre cousté des Angeuins: lequel assault fut fort & grand, & dura trois heures, & yfut moult vaillant homme le Sire de Chalengon, & bien le feurent les Angeuins, pareillement les Bourbonnois, & fierement se deffendirent ceux de Briues: mais au fort on rompit le pont, si vint l'en deffoubz la porte où il ot faict de belles armes, & feist le Duc dresser vn estaudis que de la tour on ne pouuoit bleffer ceux qui assailloient la porte, & tandis qu'à force on rompoit la porte monta Iean de Chastelmorant qui portoit le pennon du Duc de Bourbon, sur vne fausse braye où il n'auoit pas à monter sur les murs plus de cinq pieds, & là vn Fauconnier du Duc apporta vn degrez qu'on meist

sur la fausse braye à monter au mur, par où entra le pennon au Duc de Bourbon, & ce-luy qui le portoit & maints autres apres luy. Ce veans les Anglois se meirent en deffen-ce, mais bien veirent que poy estoient pour eux tenir, & feurent si oppressez que plus ne se peurent deffendre, lors pour garentir leurs vies s'ensuyrent en l'Eglise. A donc de tous leiz entrerent gens d'armes à force: Si fut prise Briues la gaillarde, & mis à l'espée tous les Anglois que l'on y trouua, & ouurit-on la porte de Briues, où entra le Duc de Bour-bonnois, qui feist crier que nul ne pillast les Eglises, & que les trahistres luy feussent ad-menez, : ausquels il feist couper les testes. Lendemain se partit le Duc de Bourbon-nois & sa compagnie, pour tirer à Maffel, & auoit laissé vne partie de ses gens à Briues qu'on ne la pillast, & s'en alloit avecques Cheualiers deuant, à trois cens hommes d'armes pour repaistre à vne lieue de Bri-ues en attendant ses gens. Et en s'en allant les Anglois, Gascons, cheuaucherent pour cuider entrer en Briues la gaillarde, les-queulx le Duc de Bourbon rencontra: Et ferit le Duc & les siens parmy les An-glois à desaroyz, & le Duc de Bour-bon qui lestoit monté d'auantage sur vn bel coursier, le premier se plongea par-

my eux, & porta par terre deux hommes d'armes, en la chasse desqueulx le Sire de Prustallet prist la foy pour le Duc de Bourbon, dequoy Messire Maurice de Terreguedis, Messire le Barrois, Messire Guy le Baneux, Messire Gaulehier de Passach, & Messire Jean de Bueil (qui suiuiôient le Duc à defaroy en celle chasse) quand ils l'orent atteint le blasmerent bien fort, disant que ce n'estoit point fait d'un tel Seigneur comme il estoit, de tout seul chasser ses ennemis à defaroy, & se vn pauvre Capitaine le faisoit luy seroit tourné à blasme. Et ces parolles disoient ces bons Cheualiers au Duc volontiers pour la consequence: mais ils scauoient bien en leur cœur, que c'estoit cœur de grande hardiesse à tout Cheualier. De là s'en allerent droit à Martel, qui fut rendu par composition, & vult le Duc de Bourbon qu'il fust és mains du Duc d'Anjou, si le bailla és mains de Messire Jean de Bueil & garda, qui pour luy là estoit: Et rendu Martel tirerent loger au chastel Cernis, & là vint Messire Arnoul de Merleau Duc de Bourbon de par le Duc d'Anjou, luy mercier sa venuë & la belle compagnie qu'il amenoit & les belles œuvres qu'il auoit fait en chemin en Lymosin, & luy priant qu'il se voulsist traire deuant Aquillon à vn

iour qu'on nomma, où là trouneroit le Duc d'Anjou. Si le hastala le Duc de Bourbon, & tira celle part, & y paruint deux iours deuant que le Duc d'Anjou feust venu, & approcha la place de si pres, que quād le Duc d'Anjou vint, ceux d'Aquillon luy baillerēt les clefs, & fut faicte grande feste & grande chere du Duc de Bourbon au Duc d'Anjou à sa venue, & estoit belle chose de veoir leur compagnie, car quand ils estoient ensemble, on les pouuoit bien estimer à trois mille Cheualiers & Escuyers, & mil hommes de trait.

Comme le Duc de Bourbon ayde au Duc d'Anjou de sa guerre en Guyenne, & les places qu'ils prirent : Et les dons que feist le Duc d'Anjou au Duc de Bourbon.

CHAP. XXII.

AQuillon rendu se partirent les Ducs d'Anjou & de Bourbon & s'en alletēt au port Sainte Marie, & feirēt par leurs gēs assaillir vn faulxbourg qu'ils orēt fortifié, lequel fut pris, & y mourut vn des enfans de Nades, & sur cela la ville se rendit, & y mit garnison le Duc d'Anjou. Du port Sainte Marie partirent les Ducs, & cheuaucherent deuant la Riolle à sept lieuës de Bordeaux, qui fut assiegée, & si estoit l'vne des fortes

places du pays, & deuant la Riolle auoit fait mener le Duc d'Anjou l'vne des grandes bombardes que l'on sceust nulle part, & feurent au siege les Ducs neuf iours : & estoit le Duc de Bourbon o les siens de son pays, logé vers les Cordeliers sur les vignes, où il y auoit vne porte : & le Duc d'Anjou sur la greue vers la riuere, où estoient ses truyes & bombardes : & vn iour de la Riolle saillirent les Anglois par leur malle aduerture sur le guet du Duc de Bourbon, qui feurent reboutez si lourdement que peste-mesle on entra avec eux aux Cordeliers dedans la ville. Et par celle prinse feurent perdus les viures qu'ils ne pouuoient r'afraichir le chastel, & ne se tint le chastel que trois iours qui ne se rendit au Duc d'Anjou, qui fut vne des grandes ioyes que le duc peust auoir, car c'estoit la place qu'il desiroit le plus. Et pour non faire long compte, prist celle annee le duc d'Anjou, le duc de Bourbon estant avec luy, Penned'Agénois, & Penned'Albigois, & Saint Machaire, Langon, la cite de Condon, Florence leune, tous en Gascogne. Et puis allerent les ducs tous en leur compagnie en Bigorre, deuant le chastel de Lourde; & tant assailly ont par souuentes fois la ville qu'elle fut prise, & le chastel rendu au duc d'Anjou, par

promeſſe qu'il ot entre eux. Et par ainſi ſe paſſa la ſaiſon pour l'hyuer qui commen-
çoit, & licencia le duc d'Anjou ſes gens, &
ſ'en vint à Tholouze pour hyuerner, & là le
duc de Bourbon luy demanda congé pour
ſ'en retourner, nonobſtant ce que le duc
d'Anjou le vouloit bien retenir, qui le re-
mercia du ſeruice que luy auoit fait: &
auec ce fait le Duc d'Anjou au duc de Bour-
bon moult de beaux dons, en luy donnant
trente mille francs d'or ſur ce que l'on de-
uoit au duc d'Anjou pour le Comté de Fo-
reſts, laquelle iadis il auoit acheptée, lequel
droit il donna au duc de Bourbon pour les
beaux bōs & agreables ſeruices qui luy auoit
faits és guerres où il auoit eſté continuelle-
ment és parties de Guyēne & de Gaſcōgne
pour le Roy & le duc d'Anjou. Outre paya
ſes gēs pour vn mois, & dōna le duc d'Anjou
de beaux dons aux Cheualiers qui eſtoient
auec le duc de Bourbon, de vaiſſelle d'ar-
gent, & draps de ſoye: Et dōna au Seigneur
de Beaujeu qui eſtoit auec le Sieur de Bour-
bon, vn courſier à deux mille eſcus d'or.
Ainſi ſe partit le duc de Bourbon, le Seigneur
de Beaujeu, & leur cōpagnie du duc d'An-
jou, & ſ'en allerēt à Montpellier où le Sieur
de Beaujeu priſt le mal de cours de ventre,
de quoy il mourut. Dōt le duc de Bourbon

fut moult courroucé & dolent. Et fut vn grand dommage, car il estoit vn des beaux Cheualliers de ce Royaume.

*Comme le Duc de Bourbon alla en Sauoye visiter sa
sœur la Comtesse : Et comme aucuns des
siens allerent en Prusse.*

CHAP. XXIII.

A Pres les obseques faits & l'enterremēt du Seigneur de Beaujeu, se partit le Duc de Bourbon de Montpellier, & s'en alla en Sauoye visiter la sœur la Cōtesse, & donna congé aux gens d'armes, & ne retint fors ceux de son hostel, dont il auoit tousiours grande compagnie, & s'en passa par Nissy du Comté de Genetue, où il trouua le Cardinal de Genetue (qui depuis fut Pape) & belle compagnie de dames & de damoiselles, & le tint le Cardinal quatrē iours, où il le festoya lyement, & donna le Cardinal au Duc de Bourbon l'vn des beaux destriers d'adonques, & de Nissy alla le Duc de Bourbon à Chambery en Sauoye, & sa sœur qui l'attendoit à la feste de Toussaincts, où le duc demeura six iours avec le Comte Verd de Sauoye, mary de sa sœur, où fut menée feste grande & ioyeuse. Et entant que le duc

de Bourbon s'esfournoit en Sauoye, le Roy de France s'esbahissoit qu'il ne venoit vers luy, car il sçauoit sa departie d'Anjou, pour ce luy manda plusieurs messagers, qu'il se hastast de venir, & fust à luy à Noel ou auât. Si obeyt le Duc de Bourbon, & au departir qu'il faisoit de Sauoye, aucuns de ses Gentilshommes luy requierent qu'il luy pleust leur donner licence d'aller dehors pour ce luy hyuer, c'est à sçauoir en Prusse, où pour celle rese accomplir & suivre alloit maint Cheuallier de plusieurs pays : Et fut le Duc de Bourbon moult lye de la bonne volonté qu'ils auoient, & leur demanda en riant, auez vous argent ? ouy, dirent-ils, assez, car nous auons bien faict nos besongnes des voyages dont vous venez : & Monseigneur le Duc d'Anjou nous a donné de son or & de la vaisselle : Ces parolles escoutées, le Comte Verd dist au Duc de Bourbon : beau frere vous auez bonnes gens, car ils ne cellent point les biens qu'ils ont, mais les veulent employer honorablement. Ceux de l'hostel au Duc de Bourbon qui luy requierent congé, feurent, Iean de Chastelmorant, Messire Aymart de Marcilly, Messire Oudin de Roullat, Messire Ouldray de la Forest, Messire Iean de Saint Priet, Messire Pierre de la Buffiere, Saint

Porque, Perrin du Pel, Guyon Gouffier, & Iean Goudelin Breton. Ainsi prirent les compagnons congè du Duc leur Maistre, qui leur enchargea sur tant qu'ils le creinoient à courouer, qu'ils feussent vers luy assez tost apres Pasques. Et à leur partir la Comtesse de Sauoye sœur au Duc de Bourbon, donna à chacun des compagnons alans en Prusse, vn diamant, dont ils feurent moult ioyeux du don des Dames. Et de Sauoye se partirent les compagnons, passerent par Lorraine & Allemagne, & tirerent en Boesme à Prague, où ils trouuerent la Roynne tante au Duc de Bourbon, qui les veit volontiers & de bon cœur, en donnant deses dons, & en celle cité estoient plusieurs Cheualiers de l'hostel du Roy de France, qui s'entrefeirent grand Roy, pource qu'ils tenoient le chemin de Prusse, & le premier, Messire Hutin de Vermilles, le Borgne de la Heuse, le Bastard Daussi, & autres, & cheminerent tant par leurs iournées, qu'ils entrerent es glaces gellées des paluds & maraiz de Prusse, & tant se trainerent par les glaçons (comme il est de coustume) qu'ils vindrent à Marenbourg le grand Hostel de la Religion des Cheualliers de Prusse, où le haut Maistre d'iceluy ordre les reçeut volontiers, & là

les gens au Duc de Bourbon trouuerent
Messire Iean de Roye, Messire Patroullart
de Renty, Messire Robert de Chaluz, Mes-
sire Iean le Maingre dict Boucicault, qui
par sa cheuallerie fut depuis Mareschal de
France, & par son bon sens gouuerneur de
la cité de Gennes, Messire Iean Bonnebault,
Messire Gaulcher de Passach, Messire l'Her-
mite de la Faye, & moult d'autres des na-
tions que ie ne sçay nommer, qui estoient
venus si bien à point que merueilles. Car le
Roy de Letho Sarazin, auoit fort emprins
de greuer & conquerir l'ordre de Prusse, &
pour estre plus fort s'estoit adioint au Roy
de Norgalles, qui par deuers la marine guer-
roit le Maistre de Niffelant deffenseur de la
Religion, & protecteur de Prusse, qui est
tout vn, & pource qu'au propos de ceste
histoire du Duc de Bourbon, n'affiert
mesler autre : Le haut Maistre de Prusse,
par le secours des Cheualliers & autres
nobles hommes de plusieurs nations qu'il
auoit en sa compagnie, se porta si vail-
lamment qu'il conquist le chastel d'En-
drach sur eux, & les chasserent des grandes
fourests de Prusse, qui durent plus de huiet
iournées, esquelles s'ot les bestes hermynes,
letices, gris, & martres, sublimes, dont les

riches fourrures sont apportées par les Prouinces du monde; & tant firent Chrestiens que les Sarrazins feurent tous liez d'eux en r'aller en leur pays parmy l'ordonnance faicte que de certain temps les Sarrazins de Letho ne de Norgalles ne pilleroient nulles Eglises des Chrestiens, ne les brusleroient, ne aussi les Chrestiens Cheualliers de la Religion, tant de Prusse comme de Niffelant en leur pays de Letho, où es marches, n'arderoient les saincts bois (que ainsi ils appelloient des pins où ils consommoient les corps de leurs morts par feu, & en faisoient sacrifice. Si fut octroyé d'une part & d'autre, & par ainsi fut la paix ciée par les Prouinces. Et le hault Maistre de Prusse (qu'il veit que celle rese s'estoit si bien portée à l'honneur de soy) vn iour de la feste nostre Dame, Chandelleur, festoya la Cheuallerie qui o luy estoit moult hautement, & pour l'honneur du iour le Service diuin accomply en son hostel de Marembourg, feist couvrir la table d'honneur, & vult qu'à celle table feussent assis douze Cheualliers de plusieurs Royaumes: Et du Royaume de France y ierent au hault, deux, Messire Hutin de Vermeilles, & Messire Tristand de Maguelliers, que toures gens clamoient le bon Cheual-

lier, & des autres pays deux, iusques à douze, par l'ordonnance du Maistre, & feurent seruis pour la hautesse du iour ainsi qu'il leur appartenoit, & graces dictes à Dieu, à iceux douze devisa l'on l'ordre de la table, & comme elle fut establie. Et puis vn des Cheualiers, frere de la Religion, à vn chacun bailla vn mot par escrit en lettre d'or sur leurs espauls, HONNEUR VAINC TOVT. Et lendemain les Cheualiers prirent congé du hault Maistre, & s'en retourna chacun en sa contree.

Comme le Roy Charles ordonna le Duc de Bourgogne, & le Duc de Bourbon, aller guerroyer en Normandie contre le Roy de Nauarre.

CHAP. XXIII.

TAndis que ces gens de l'hostel de Bourbon alloient en Prusse, le Duc se partit de Sauoye, & alla deuers le Roy qui le haïstoit forr, & l'auoit grād desir de vcoir pour les grands biēs que le Duc or faïcts celle année. Et quant le Roy le veit le bien-viengna & luy dist: Beau cousin ie suis moult lye & ioyeux de vostre venue: car nous sommes informez comme le Roy de Nauarre veut mettre les Anglois dedans ses places qu'il a

en Normãdie, comme vous sçauuez quelles elles sont, & ce seroit la destruction de nostre Royaume, & pource est nostre intention (tantost la Chandeleur passée) que Beaufrere de Bourgongne, & vous le Connestable, & l'Admiral, alliez en armes deuant ces places, car c'est vne des grandes affaires que nous ayons, en quoy nous voulons mettre toute nostre puissance, & ce que pourrons finer pour en venir à chef, & le desirons plus que des Anglois propres. A donc respondit le Duc de Bourbon au Roy, qu'il estoit prest d'aller à l'ordonnance qu'il luy auoit baillée, & ainsi le feit. Et le mois de Mars ensuiuant partirent les Ducs de Bourgongne, de Bourbon, le Connestable, & leur compagnie, cheuauchant en Normandie au Comté d'Eureux, terre du Roy de Nauarre, deuant Mortaigne fort chastel, & belle ville, & dedans treize iours apres qu'ils le forent assiegés printent la ville d'assault & le chastel, où ils gaignerent moult de biens dedans. De là se partirent les Seigneurs, & allerent deuant la cité d'Eureux, où estoit vn Capitaine pour le Roy de Nauarre, appelé Ferandon, qui ne s'osa fier à demeurer à Eureux quãd il veit les Seigneurs approcher à tout leur ost pour assieger la cité, il laissa tout & s'enfuyt à Gaure hastiuement, le cha-

stel où estoit le tresor du Roy de Nauarre son Maistre. Ceux de la cité qui veirēt leur Capitaine s'en partir d'eux, feirent obeys-
sance, & rendirent la cité aux Seigneurs pour le Roy de France. Et de la ville d'E-
ureux se partit le Duc de Bourgongne, qui s'en alla pour cause de l'armée qu'il deuoit faire en Angleterre. Et le Duc de Bourbon, le Connestable, & l'Admiral allerent o leurs gens deuant Gaure, le plus bel chastel de Normandie, & meirent leur siege, & eux estans deuant Feradon qui estoit party d'E-
ureux, & se tenoit dedans celuy chastel. Ad-
uint qu'un iour il faisoit reuisiter la pouldre des canons & l'artillerie, dedans vne tour, si suruint qu'en la reuisitant vne chandelle allumée cheyt sur la pouldre, qui brusla Ferandon tout le visage, dont il mourut, & deux autres avec luy. Parquoy ceux de leans feurent tous esperdus, & durant ce-
luy espouuantement à ceux du chastel, le Duc de Bourbon feirant que ses gens prin-
rent vne fausse brayē par deuers vne porte au dessoubz du chastel, où il logea cent hommes d'armes, le Connestable & le Ma-
reschal estoient logez de l'autre part de la montaigne, qui les tenoient moult court, & tous les iours les gens du Duc de Bourbon parlametoient avec eux qu'ils se redissent

lesqueulx pour rien ne le vouloient faire, le
le tresor du Roy de Nauarre (qui estoit de-
dans) ne luy fut porté & rendu, où il auoit
trois moult riches couronnes d'or & de
pierreries, qui auoient esté à des Roys de
France, & outre soixante mille francs d'or,
ainsi le recogneurent ceux de leans, & tan-
tost le Duc de Bourbon & le Connestable
manderent au Roy à Paris la sceuë de cete-
sor, dont au bout de trois iours par deuers
les Seigneurs vint le Sire de la Riuere hasti-
uement, pour conuoitise de ce tresor porter,
lequel de la Riuere hasta fort le traitté, afin
qu'il emportast l'argent : mais le Dnc de
Bourbon, le Connestable, & le Mareschal,
ne le voulurent aduancer tant qu'ils eussent
la place pour le bien du Roy, & tant feirent
les Seigneurs que par assaillir & forte guer-
re, dedans trois iours apres se rendirēt ceux
du chastel au Duc de Bourbon, & au Con-
nestable, & baillerent au Sire de la Riuere
le tresor qu'il desiroit fort, puis raserent le
chastel, comme ils orent faict à Mortaigne,
ainsi comme le Roy ot commandé aux Sei-
gneurs s'ils les prenoient de force : Et pris
Gaure allerent le Duc de Bourbon, le Con-
nestable, & le Mareschal, à Remeuille, qui
estoit bien auant en Normandie, qui se ren-
dit quand ils sçeurent que les autres places
estoint

estoyent prises & rasees, & orent les habitans leurs vies sauues : mais ils s'en allerent tous ailleurs habiter, & feirent les Seigneurs raser la ville comme les autres.

Comme l'Admiral de Vienne print Ponteau de mer par l'ayde aux gens de Bourbon, la Rye en Angleterre, & le Prieur de Leaux.

CHAP. XXVII.

Pour aucuns affaires que le Roy de France ot, adonques se partirent le Duc de Bourbon, le Connestable, & le Mareschal de Normandie : Mais afin que place entiere ne remansist au Roy de Nauarre qui s'estoit allié aux Anglois, voulut le Duc de Bourbon que se paracheuast ce qui en estoit à conquerter, & pour ce faire luy & le Connestable enuoyerent Messire Iean de Vienne Admiral de France au Ponteau de mer, qui pour le Roy de Nauarre se tenoit, qui estoit belle ville & gros chastel, & bailla le Duc de Bourbon la pluspart de ses gés à l'Admiral, & pareillement le Connestable : & mena l'Admiral grosse gét, pource que c'estoit pour aller sur la frôtiere de la mer d'Angleterre, & manda on à Messire Renier de Gônault Cheualier de l'ennéz lequel estoit

à Roüen où il faisoit faire galleres pour le Roy qu'il amenaſt quatre galleres à Balammes pour contreaffieger Ponteau de mer qu'il ne leur vint ſecours d'Angleterre, & ainſi le feit. Et fut affiegé Ponteau de mer par mer & par terre; & dura le ſiege fix ſepmaines, où ils'eſt faiët de beaux faiëts d'armes, tant pour les affaillans que pour les defendans, car les gens du Duc de Bourbon & ceux du Conneſtable auoient deſir que leurs Seigneurs qui myen'eſtoient là, ouyſſent d'eux bonnes nouuelles, & auſſi l'Admiral de Vienne les admeſtoit fort, qui vaillamment luy & ſes gens ſe maintenoit. Pareillement Meſſire Renier de Gonnault & ſes galleres avec ſes Arbaleſtriers Geneuois, qui ſi eſpois tiroient quarreaux, que ceux du fort neſ'oſoient monſtrer, & tant s'efforçoit de continuellement combattre & affaillir, qu'à la longue fut pris lediët Ponteau de mer par mines, & lediët chaſtel eſchiellé, combatu & pris par force, où tous moururent ceux de dedās. Apres la priſe de Ponteau de mer, parla Meſſire Gonnault (qui eſtoit vn vaillant homme de mer) à l'Admiral de France, en diſant. Sire, vous veez d'icy en Angleterre où il n'a guere de voye par mer vne ville nō cloſe, & qui eſt tres groſſe, & dient les gens de ceſte ville qu'on l'appelle

la Rye, & afferment ceux d'icy qu'il ne semble point à ceux de la Rye quel'on oſast descendre de là vers eux : pourquoy, Sire (dict Messire Renier de Gonnault) s'il vous semble bon ie traufferois vne gallere à Roüen pour amener cinq huissiers qui là sont au Quay à porter deux cens cheuaux : aussi feray venir d'autres vaisseaux à Rennes pour passer beaucoup de vos gens de pied. De ces parolles le mercia moult l'Admiral, & luy priant qu'ainsi le feist, & tost à l'heure se partit Messire Renier & sa gallere à aller amener l'armée, laquelle hastiement il amena, & en l'attendant l'Admiral feist abbatre le chastel de Ponteau de mer. Et venu Messire Renier de Gonnault touchant les choses qu'il auoit promises deuers l'Admiral, meſent leurs armes sus à passer en nombre de quatre mille cheuaux, & deux mille combatans, que gens d'armes que de traict, & allerent arriuer en Angleterre, où les Anglois de celle frontiere cuiderent deffendre la descendue, mais rien ne leur vallut, car l'Admiral & sa compagnie descendirent, les chasserent bien vne lieue & plus, iusques & en celle chasse y ot morts moult d'Anglois. Et adonc fut prise & conquise la Rye & arse celuy iour, où il ot grand

occision de gens, & assez menez és vaisseaux de prisonniers, & gaigné foison de draps & de richesses de maintes sortes. Et vn riche Prieur d'Angleterre, nommé le Prieur de Leaux, qui ot sceu l'effroy pour les fuyans de la Rye en son Monastere qui estoit pres de là, ot amassé grand gent pour dechasser les François s'il pouuoit, & pource au soir vint iceluy Prieur à bien cinq cens cōbatans des meilleurs gens qu'il eust; Mais l'Admiral qui estoit sage, & bien se doutoit d'aucune venue, ot mis vne grande embusche de trois cens cheuaux des plus esleus, si les veirent venir de loing, & laisserent Anglois approcher, puis saillirent de l'aguect, & ferirent parmy, & les desconfirent & prirent leur Chef, qui estoit armé d'vne platte conuerte de veloux vermeil, & fut le Prieur de Leaux prisonnier de l'Admiral pour sa part du butin, qui depuis le garda vn an, & ot iceluy Admiral sept mille nobles: Et de la Rye en Angleterre se retrahit l'Admiral en son nauire honorablement sans perte, & alla à Paris deuers le Roy, & fut vn grand bruit de luy, & des gens du Duc de Bourbon, & du Connestable, de l'emprise qu'auoient faict en Angleterre: car onques mais François n'auoient faict dommage en Angleterre qui fust de souuenance.

*Comme le Duc de Bourgongne fut esleu pour passer
en Angleterre : Et pourquoy
l'armée ne se tint.*

CHAP. XXVI.

CCharles Roy de France s'eslouyt moult
qui veoit ses ennemis assez au bas, tant
en Guyenne qu'en Normandie, subiuguez
par l'effort du Duc de Bourbon, & de son
Connestable, & d'autres ses bons seruans.
Et pour monstrier sa puissance ordonna en
son conseil que le Duc Philippe de Bour-
gongne son frere, & le nauire de Flandre, &
les galleres du Roy, iroient en Angleterre
par conqueste l'année ensuyuant, & le pou-
uoir de France, & ce feroit l'armée à Rouën,
& le Duc de Bourgongne qui ot prins con-
gé de son frere le Roy, s'en tira à Roüen à
grand nombre de bonnes gens, iusques à
trois mille hommes d'armes, & le Duc de
Bourbon alla o luy, qui amena huiët cens,
l'Admiral de France, Messire Jean de Vien-
ne, & l'vn des Marschaux appellé le Bau-
din de la Heuse, le suyuoit à tout sept cens,
& Messire Renier de Gonnault auoit huiët
cens bons Arbalestriers Geneuois, pour
fournir ses galleres, & outre y estoit le Mai-

stre des Arbalestriers qui auoit belle compagnie de Picardie , & le Comte de Flandre , deuoir faire aller de sept à huit mille Flamans par la mer d'autrepart, & feirent les monstres des Seigneurs au Pont de l'Arche, iouxte Rouën , & là les receut le Baudrin de la Heuse, & feurent payez tous les gens d'armes pour deux mois : Et tandis que l'armée de France esperoit à passer outre, vindrent nouvelles au Roy de France, que l'armée des Anglois estoit en grand nombre descendus à Calais pour venir titer à Saint Omer en Picardie, & d'icelle armée estoit Capitaine Messire Jean Loyel, & estoit celle armée faicte pour rompre celle des Seigneurs François. Et ce oy, le Roy manda aux Seigneurs & gens d'armes qu'ils tiraissent vers Calais pour obuier aux Anglois & deffendre le pays, si le feirent. Et ainsi fut le passage d'Angleterre qui moult couste à mettre sus, rompu , & cheuaucherent les Seigneurs vers Saint Omer, si trouuerent que les Anglois estoient ja entre Lignes & Ardre, & les Seigneurs de France estoient à tout leurs gens au dessus des liguës en vne petite montagne, laquelle on nommoit Touruehen , & les Anglois se tenoient bas és marais , pource qu'ils n'estoient mye assez forts pour combattre,

dont ils se tenoient plus volontiers en place forte, & demurerent François & Anglois les vns deuant les autres trois sepmaines, & ot de belles escarmouches tous les iours, & enuoya le Comte de Flandre au Duc de Bourgongne son fils, dix mille communes, & quand les Anglois apperceurent tant de gens, ils estoient assez pres de la mer & en leur marche le Comte de Guynes, ils s'en repairerent arriere en leur pays, & aussi les Seigneurs de France se retrahirent.

Comme le Duc de Bourbon sceut nouuelles de la prise de Belleperche par les Anglois, où la Duchesse sa mere fut prise.

CHAP. XXVII.

MEsire Robert Canolle Anglois qui par moult de fois auoit trauersé le Royaume de France, quand il fut hors de Bresch qui estoit au Duc de Bretagne, il loua Dieu que les François ne l'auoient là attrappé, veu la disette où il estoit, si s'en passa en Angletetre tourna par mer en Bourdelois, & reconquist aucunes places que les Seigneurs de France auoient conquises en Guyenne, lesquelles il trouua despourueës

de garde, si se mit ens, & les tint : Esquelles il meist les Capitaines & soudoyers à les garder pour le Roy Anglois, & par especial veut que la ville de Nyort en Guyenne (qui encores ne s'estoit rendue aux François) fut chambre & recepte des Anglois qui passeroient mer, & aussi des païs. Si auoit laissé Messire Robert Canolle à Nyort pour Capitaine, Messire Thomas d'Anthonne, à belle compagnie de gens d'armes & d'Archers. Et durant le temps que le Duc de Bourbon estoit en la compagnie du Duc de Bourgogne en France où il guerroit les Anglois, deux hommes d'armes de Gascongne, l'un appellé Cicot de la Saigne, & l'autre Ortingo d'Orteuye, qui bié auoiēt six vings combatans, & deux cens Archers, eux veans que la guerre s'aneantissoit en celle part, requirent à leur Capitaine de Nyort Messire Thomas d'Anthonne, comme il les laissast aller o leur compagnie o leur aduerture, & ne se doutast, car ils pensoient faire chose qui luy viendroit à plaisir, & qui seroit l'honneur au Roy d'Angleterre, & profit à eux, si leur octroya volontiers. Adonc de Nyort se partirent Cicot de la Saigne & son compagnon Ortingo d'Orteuye o leurs gēs garnis de bons eschelles, & tant par nuit que par iour cheuaucherent iusques à ce

qu'ils feurent en Bourbonnois, où par expres aduiferent le chastel de Belleperche, qui estoit du Duc de Bourbon, où demouroit la Duchesse sa mere, & y tenoit son tynnel, si y vindrent si à point que la place prirent par la porte en guise de vilaine, & y entrerent leurs gens d'armes, & detinrent la Dame prisonniere sans luy faire nulle ledange: mais pource que le fort estoit biē garny de viures tant pour hommes comme pour cheuaux, s'en firent maistres & le tinrent: dont bien tost ces nouvelles vindrent au Duc Loys de Bourbon, comme la Duchesse sa mere estoit prise des Anglois, ensemble Belleperche: Et outre auoient prins la Bruyere Laubesp. De ce fut moult dolent & couroucé le Duc de Bourbon & de la prise Madame sa mere, tant que c'estoit merueilles, & s'en alla le Duc tirant iour & nuict à Paris deuers le Roy qui luy aydast, où il trouua poy d'ayde: car le Roy estoit moult troublé de son armée qui estoit rompuë, & le Duc de Bourbon veant qu'il n'auoit nul secours du Roy, pource qu'il auoit moult la besōgne à cœur, feist partir ses gēs pour tirer en son pays à le garder iusques à sa venuë, c'est à sçauoir, Messire Guichard Daulphin, Messire Griffō de Montagu, Messire Guillaume de Vichi, & les gens de Bourbonnois & de Forest, iusques

à quatre cens qui s'en tirerent iusques à S. Pierre le Monstier à trois lieues de Belleperche, & la nuit lesdicts Capitaines & gens-d'armes de Bourbonnois, de nuit allerent mettre vne embusche aupres de Belleperche, iusques à deux cens Anglois qui venoient de la Bruyere à Belleperche, si ferirent parmy, les meirent en fuye, & en prirent aucuns qui detinrent, & le iour deuant auoit esté pris des Anglois Messire Robert de Chastus, & le Commandeur de la Marche à trente hommes d'armes à Monteilhys pres de Moulins, qui demurerent les gens de Bourbonnois pres d'un mois sur le pays en attendant leur Seigneur: Et pendant ce vint le Comte de Sanxerre & le Marechal, sur la frontiere, & orent aduis ensemble les gens de Bourbonnois qu'il seroit de faire. Si fut accordé d'aller assieger la Bruyere, afin que quand le Duc leur Seigneur seroit venu qu'il n'eust à faire qu'un siege: Et par ainsi fut la Bruyere assiegée, où le commun de Bourbonnois alla au siege, qui bien estoient deux mille: Et rompit l'on les fossez, & leans s'en courut, & feirent les bonnes gens tant de sagots qu'ils combleient les fossez, & feist on un chastel pour aller au pied du mur, qui fut miné: & apres on ietta feu dedans qui ardoit tout. Parquoy furent prins les plus

grāds Capitaines de leans, Meſſire Richard Mauuérdin, & Iacques Sadellier, & tout le remanant des Anglois feurent prins dedans qu'on liura aux communes qui en firent de groſſes charbonnées.

Comme le Duc de Bourbon aſſiegea Belleperche, & comme le Comte de Bouquignan le contreaſſiegea.

CHAP. XXVIII.

L'An mil trois cens quatre vingt trois, le Duc de Bourbon que fort eſtoit troublé de la prinſe de la Duchefſe ſa Dame de mere, ſe haſta de cheuaucher à venir en ſon pays, pour remedier aux belongnes qu'il auoit à faire : mais comme il venoit luy fut denoncé comme ſes gens qu'il ot mandez o le fort de ſes communes, & le pouuoir du Comte de Sanxerre, eſtoit la Bruyere reprinſe & gagnée ſur les Anglois, les Capitaines priſonniers, la ville aſſe, & les Anglois occis, dont vn poy ſe reſiouyt le Duc, & ne fina tant qu'il ſe trouua en ſon pays : & promptement avec les gens qu'il trouua, & ceux qu'il ot amenez, mit le ſiege deuant Belleperche au temps de l'hyuer à huiët cens hommes d'armes, & deux

cens Arbalestriers, pource qu'il sçauoit que les Capitaines Cicot de la Saigne & Ortingo d'Orteuye estoient leans à six vingts combatans & plus, qu'ils tenoiēt la Duchesse en danger. Pource feist incontinent le Duc de Bourbon six engins qui tiroiēt iour & nuict leans : mais la Duchesse sa Dame & mere estoit moult espouuantée quand on ens, laquelle manda au Duc son fils qu'il ne feist plus tirer, si en ot pitié, & plus ne fait battre le lieu d'engins. Et dura le siege que le Duc de Bourbon tenoit trois mois entiers, par le plus fort de l'hyuer, où moult souuēt estoient faictes par ceux de l'ost d'aigres escarmouches, d'aspres assaux, & aussi d'appertes saillies par ceux de dedans : si auoit voüe le Duc de Bourbon que mais du siege ne se mouueroit si auroit recous sa Dame de mere, ou prins la ville à force, dont le Comte de Sanxerre, le Mareschal, Messire Loys, les Chevalliers & Escuyers, gens d'armes de ses pays de Bourbonnois, Forests, & Beauuoloys, avec la cheuallerie qui de moult de lieux estoit là embatuë, à deliurer la Dame, s'esfouyrent grandement, veu que le plus fort de l'hyuer (à leur semblant) auoient passé, si que le remanant du temps peussent mieux & plus lyement besongner, quand ils ouyrent ces nouvelles &

parolles dire au Duc, ils s'en contenterent moult. Adonc le Duc ordonna vn baſtie autour ſoy, où enclouyſt ſon oſt, le foſſoyant vn poy, & y meit bonnes gardes aux entrées, ſi que ceux de Belleperche ne l'oſſendiſſent, ne auſſi ſi aucuns en pouoir venoient contre luy, ne le trouuaſſent deſpourueu, & qu'il ne laiſſaſt le ſiege honteuſement. Cicot de la Saigne qui tous les iours perdoit de ſes gens, veant qu'il eſtoit aſſiegé, & pour quelque temps qu'il feiſt le Duc de Bourbon ne ſe leueroit : mais plus s'enforçoit de gens & de viures, manda vn meſſager en Guienne aux Anglois qui là eſtoient, que pour Dieu les vinſſent ſecourir, car le Duc de Bourbon auoit ja ſis deuant luy bien trois mois. Ne tarda guere que vint la puissance d'Angleterre qui eſtoit en Guienne deuant le duc de Bourbon, c'eſt à ſcauoir le Comte de bourguignan, qui eſtoient bien ſept mille combatans, & contraiſſiegerent le duc de Bourbon, que bien le cuidoient endommager, car la baſtie n'eſtoit cloſe que de menus pieulx du gros d'un bras, & le haut d'un homme, & vn petit foſſé qu'un homme pouoit ſaillir. A la venue du Comte de bourguignan, vint deuers le duc de Bourbon Meſſire Mahieu de Gournay,

celuy Cheualier qui ot amené en France d'Angleterre, & volt parler à luy à feureté, si en fut content le Duc de Bourbon, car il l'aymoit moult, & quand le Cheualier Gournay vint au Duc il luy feit bonne chere, & dict celuy Cheualier au Duc de Bourbon, que pour Dieu ils'ostast de celuy peril où il estoit: car, Mōseigneur, vous veez bien que vostre place est mal en point, & ne vault rien, finie là parolle du Cheuallier Anglois, luy respondit le Duc de Bourbon. Messire Mahieu dictes à vostre Maistre que ie suis en mon pays & en ma terre, & pour le bien de Madame ma mere, & puis luy direz que ie suis prest & appareillé d'attendre toute sa puissiance, & tout ce qu'il pourroit faire, & que ie mourray & viuray avec ceste cheualerie, (où ils estoient bien deux cens Cheualiers en tout.) Messire Mahieu de Gournay qui veit le courage du Duc, sur ce se partit, & alla vers son Maistre, auquel relata les parolles du Duc de Bourbon telles comme il les luy auoit dictes.

*Comme le Duc recouura Belleperche ; & comme le
Comte de Bouquignan ſe partit & puis retourna,
& comme le grand David fut mort.*

CHAP. XXIX.

LE Comte de Bouquignan Anglois, (qui à grand nombre de gēs auoit contréſſiégué deuant Belleperche le Duc de Bourbon) ſçauoit comme le Duc y ſeioit, pour eſperance de reconquéſter ſon chaſtel & deliurer la Duchefſe ſa mere qui enſeſtoit, & le Comte y reſaiſoit ſon pouuoir de leuer le Duc du ſiege, & ſecourir ſes gens qui la forterefſe tenoient. Quand il entendit ſon Cheuallier Meſſire Mahieu de Gournay qn'iluy referoit les parolles du Duc de Bourbon que pour rien de là ne partiroit. Tātōſt le Comte de Bouquignan cēluy ſoir commanda à ſes Anglois à faire ſagots & grand attraiēt de marien pour lēdemain aſſaillir. Et le Duc de Bourbon grande ordonnance pour ſon bien deſſendre. Et auant que le Comte de Bouquignan vint, auoit le Duc de Bourbon licēciēe le plus de ſes gēs inutiles & communes, & n'ot retenu ſors gens d'eſlite & nombre : & pource quand il ſe veit contréſſiégué ordonna que chacun

homme d'arme auroit sa brasse à garder, car la bastie n'auoit que huit cens brasses, & auoit entre deux vn Arbalestrier Geneuois. Et par ainsi le duc de Bourbon vouloit que ses gens se peüssent deffendre de leurs ennemis, en leur commandant que pour rien nul se partist de sa deffense. Et outre feist le duc de Bourbon, mettre auant les grosses arbalestres de chantelle au deuant de la bataille des Anglois, lesquelles estoient moult belles, & feirent grand bien comme vous orrez. Et encore le duc de Bourbon feist semer bien tard autour de son Pallis quatre tonneaux de chauldes trappes, à deux lances entour pres de son parc. Et lendemain par matin vint le Comte de Bourguignan & ses Anglois en bataille rangée en vn grand champ deuât la bastie du duc de Bourbon, & luy estant en bataille Thomas le Geneuois & Domiges feirent tirer la grosse arbaleste de chantelle en la bataille du Comte, qui tua deux hommes dont feurent esbahis les Anglois, car onques n'auoient veu si gros traict. Et après de la bastie par traict laisserent aller six arbalestes d'vn tenant qui feirent si grand dommage en la bataille que c'estoit merueilles, & pareillement les canons : & si adouques la bataille se tetrahit le ject de deux pierres pour vne piece, & apres vne espace

le

Le Comte de Bouquignâ feist crier que tout homme allast à l'assault, & qu'ils s'efforçassent de gagner & prendre celle chetive cloison, & que chacun portast vn fagot, ainsi le feirent : Mais ils ne peurent approcher le pallis de la longueur de trois lances qu'ils ne se ferissent es chaudes trappes où ils tombaient comme pluye, & d'autre part le traict des Geneuois qui au pallis estoit, fut si grand & espais, que onques gēs ne feurent si bien seruis, ne blessē tant de gens comme il ot des Anglois, lesquels se retrahirent honteusement, & à leur retraicte, le Duc de Bourbon feist saillir de sa bastie l'estandart à l'escu d'or de cinquante hommes d'armes, & cinquāte Arbalestriers, ferir parmy les derniers retrayans à vne ramere qui là estoit, où ils moururent des Anglois bien trente deux personnes. Le Comte de Bouquignan luy estant retraiēt dedans la forest en son logis, enuoya Herault deuers le Duc de Bourbon, luy mandant que le Duc vuydast la place où il ammeneroit sa mere, & par force raserait son chastel deuant luy & son pallis. Adonc le Duc de Bourbon par celluy Herault luy manda que sa mere en pouuoit-il bien mener que estoit sa parente, & le chastel raser : mais quant de sa bastie, certes il n'en auroit point, si par l'espée non : Et quād

à ce conte que vous me mandez à venir demain à l'auoir par force, venez quand il vous plaira, & vous trouuerez qui vous receura. Et celle nuict se deslogea le Comte de Bouquignan à heure de minuiet, & manda querir la Duchesse mere au Duc de Bourbon au chastel pour l'amener à son logis, & puis y boutteroit le feu. Et quand le Duc de Bourbon & ses gens veirent le feu pris au chastel, ils sceurent que les Anglois deuoient desloger, à l'heure prist le Duc de Bourbon vingtsix varlets & treize eschelles, & les feist aller deuers le iardin pour entrer deuers le chastel, s'ils pouuoient, & le premier qui leans entreroit auroit cent francs, si se hasterent moult les varlets pour gaigner, & trouuerent que les Anglois s'en partoient, & entrèrent ens par eschelles, qui fut vne sage entreprise, & refermerent les varlets la Porterne du chastel par où les Anglois estoient faillis, si esteindirent le feu, qui ne feit mye grand dommage, & vinrent les varlets crier que l'on enuoyast des gens, car ils auoient tout, dont grand leesse fut au Duc & à ceux de la bastie. Et tantost enuoya le Duc de Bourbon cinquante hommes d'armes au chastel, & vn de ses estendars. Et lendemain quand le iour apparut, regardoient les Anglois qui se deslogerent, l'estandart du

Duc de Bourbon sur la tour du chastel de Belleperche & les creneaux pleins de baci-
nets, cuidèrent enragier, & disoient qu'ils
estoint les plus deshonoréz gens du mon-
de : mais eux ce disans, prirent leur chemin
pour aller en Guyenne, pour eux aller loger
à six lieues de là, à Lymoise & à Ponzy, &
là ot grand debat entr'eux : car ils disoient
au Comte de Bouquignan, qu'il estoit le
plus deshonoré Cheualier que en sceust, &
eux tous avec luy. Car le Duc de Bourbon
auoit recouuert son chastel, & leur auoit
faict vn grand dommage, & nous ne luy en
auons point faict, dequoy le Comte de
Bouquignan se tint pour deshonoré. Et
adoncluy & ses gens retournerent arriere à
Belleperche, & en eux venans se chargerent
d'huys & portes de granges, & n'en laisse-
rent nuls que tous n'apportassent pour as-
saillir, & en feirent vn grand moncel de-
uant la bastie, car ils se tenoient tous auer-
gondez, de ce que si peu de gens estoient les
Bourbonnois en leurs pallis, & disoient,
Saint George Millort de Bouquignan,
bien nous esbahissons & grand honte est à
nous, que auons fuy deuant ceste triste ba-
stie par tant de iours, & rien n'y auons for-
faict, ny vn pal par force de leurs pallis peu
arracher, ains ont assez de nos hommes oc-

cis & playez du fort traiect qu'ils ont : Mais puis qu'ainsi il va, (dirent les Anglois à leur Maistre le Comte) qu'icy sommes retournez, faisons par maniere qu'il appere que nous y auons esté. Le Comte de bouquignan qui entendit ses gens, leur en sceut bon gré, & ordonna tous habillemens pour lendemain fierement assaillir. Et le Duc Loys de Bourbon qui pour la reconqueste de son chasteil de son logis, ne s'estoit meu quand il veit les Anglois retourner, il alla tout autour de son pallis pour les deffenses, ainsi comme il les auoit ordonnées, & admonesta chacun de soy bien deffendre, & tenir soy fermement en son lieu, & leur dict le Duc encores en les nommant par leurs noms. Mes amys, gardez que ce trauail ne vous vainque, à cestuy point est le grand besoing, les Anglois sont moult dolens que nous aüons reprins sur eux, & qui pis leur est, c'est qu'ils ne nous ont là (Dieu mercy) peu greuer, faictes par maniere que nous n'y ayons dommage : Je suis celuy qui ay mon espoir par Dieu, & par vous traire Madame & mere de leurs mains, si maintenant la tiennent autresfois la lairront, ie scay moult bien que de vous deffendre vous ferez vos deuoirs. Lors chacun des Cheualliers dirent au Duc que pour mourir ne luy

faudront : si garderent leurs deffenses gail-
lardement, & estoient appareillez d'eux def-
fendre qui les eust assaillis. Et les Anglois
qui au lendemain orent proposé de Fran-
çois assaillir, & faire leur pouuoir de eux jet-
ter de leur bastie, celle nuit mesmes aduint
que cheust vne si terrible neige que l'espe-
seur en estoit de deux pieds & plus, dequoy
les Anglois au iour se deslogerent, & allerent
bien dix lieuës eux logger pour tirer à Mont-
lucon, & lors fut ordonné que les Gentils-
hommes de bouibonnois & Forests mon-
teroient à cheual avec le Mareschal de San-
xerre, & iroient apres les Anglois, & le Duc
se retrahiroit à Moulins, & ainsi le feirent.
Et pour la forte neige qu'adonc faisoit on
trouuoit les Anglois esparpillez par le pays,
desqueis on en tuoit tant qu'on en attei-
gnoit. Et tirerent les Anglois à Montlu-
con que pour lors estoit pres de Guyenne:
& en vn village pres de Montlucon estoit
logé vn de leurs Capitaines, appelé le grand
David Olegrene qui estoit l'vn des grands
hommes qu'on peust veoir, & des orgueil-
leux, & portoit deux espées, vne ceinte &
l'autre à l'arçon de la selle. Si allerent feir à
l'aube du iour le Mareschal de Sanxerre, &
les gens du Duc de Bourbon à son logis, &
fut le logis destrouffé, & morts quants qu'il

y auoit d'Anglois , qui bien estoient trois cens hommes d'armes, & là mesme fut mort celuy Capitaine le grand dauid, par la main du Marechal de Sanxerre, & y ot vne des belles destrouffes que l'on oyt parler de ce temps là, & plus dommageable au pays de Guyenne: & de sept mille combatans qu'estoient les Anglois avec le Comte bouquignan, ils en perdirent bien trois mille à venir à belleperche, selon qu'ont depuis rapporté Pogneron & le borgne Foulcault, qui lors estoient Anglois, & depuis ont esté François. Et lors fut le grand bruyt par le Royaume de France, à Paris & autreparr, par la duché de Guyenne, plus grand, & l'en eust ouy dire passé long-temps, que le duc Loys de Bourbon auoit attendu sept mille combatans qui n'en auoit que huit cens, & fut le duc contreaissié, & ot siege sur siege deuant belleperche, ce que l'on ne veit onques en ce Royaume: & recouura le duc de Bourbon son chasteil presens eux, & morts des Anglois au pays du duc de Bourbon bien sept cens hommes d'armes, tant deuant belleperche comme de la destrouffe du grand dauid.

Comme le Roy bailla la charge au Duc de Bourbon de la conqueste de Poictou : comme le Seigneur de Clisson fut secouru, & comme Montcontour fut pris.

CHAP. XXX.

A Pres bien peu de terme que le Duc de Bourbon eust demeuré en son hostel, & visité les pays, ne tarda gueres le Roy de France ne l'enuoyast querir, en luy priant & requérant que sur tous les plaisirs qu'il luy vouloit faire, veinst parler à luy, si n'y alla point le Duc à celle fois, & se feist mander trois ou quatre fois auant qu'il y voulüst aller, dont le Roy fut mal cōtent: mais moult le desiroit pour la grande renommée qu'il veoit en luy. Au fort la cheuallerie du Duc de Bourbon (dont il auoit de belles) luy conseilla comme ce feust qu'il y allast, & à ce ne deuoit point refuser, nonobstant la petite ayde que le Roy luy eust faicte. Si y alla le Duc, & y estant deuers le Roy, luy dist le Roy de belles parolles, & loüa moult les grandes choses qu'il auoit faictes, & s'excusa le Roy vers luy de la petite ayde, pour les grandes affaires qui luy suruendient tous les iours, à laquelle respondit le Duc de Bourbon humblement. Mon tres-redouté Sei-

gneur (dit le Duc) vous m'avez assez fait, & ie suis content de vous & le doy estre: mais il a bien tel à vostre service, dont ie ne suis content, & Dieu luy rende, si ne luy meffis-je onques rien par ma foy, i'ay bonnevolonté en vos besongnes. Le Roy entendit assez où le Duc vouloit aller, & luy dit: Beau cousin, ie vous prie n'avez nulle desplaisance en riē, car (par ma foy) i'ay bonnevolonté en vos besongnes, & le doy bien auoir, & vous ay à faire vne requeste que ie vous prie que me vueillez octroyer avec les autres plaisirs que vous m'avez faits, c'est à sçauoir, que vous vueillez entreprendre en Chef à aller à Poictiers, vous & le Connestable en vostre compagnie, & aucuns Officiers: A laquelle chose respondit au Roy le Duc de Bourbon. Sire, ie vous voudrois obeyr à tousiours, mais ceste chose me viēt mal, que moy & les pauures Gentilshommes de mon pays, qui m'ont seruy en mes grands besoins, sommes en petit point de vous bien seruir, car ils ont despendu le leur en mon service, & aussi ay-je le mien que n'ay point eu d'ayde. Ha beau frere de Bourbon (dict le Roy) ie vous prie ne parlez point de cola, car ie vous certifie que ie les rafraichiray vous & eux, & ne leur faudra rien. De laquelle offre le Duc de Bour-

bon le mercia humblement, & luy dit Sire, ie vous remercie, & vous iure que ie serois en bien pauvre point, quand ie faudrois à vous obeyr : ie le sçay bien, beau frere, & vous me le monstrez. Ainsi fut lors empris le voyage de Poictiers, & tantost en Mars cheuaucherent le Duc de Bourbon & le Connestable en Poictou, à trois mille hommes d'armes, & huict cés hommes de trait, & eux estans deuant Poictiers où ils traictoyent à ceux de la ville qui estoient bien durs, vindrent nouuelles au Duc de Bourbon & au Connestable à minuiet, qu'un Gentilhomme & un Herault, que le Sieur de Clifson leur mandoit à grand haste qu'ils cheuauchassent aupres de Montcontour vers luy, ou il estoit perdu. Car Messire Vaultier Spurton Anglois, estoit parry de Nyort, estoit venu deuant luy à plus de gés la moitié qu'il n'auoit, & ne pouuoit auoir le Seigneur de Clifson nuls vires, pource que les Anglois le tenoient trop court : Et partirent le Duc de Bourbon & le Connestable à mynuiet, pour tirer celle part, & allerent repaistre à Lodun, & n'arrestèrent guere les Seigneurs pour la peur qu'ils auoient de Clifson, & feurent celuy iour aupres de Montcontour, entre Vespres & Soleil couchant, dont fut moult joyeux Clifson des

Seigneurs qui luy estoient venu à secours. Et celle nuit Messire Vaultier Spurton qui veit l'ost des Seigneurs approcher, se deslogea, & s'en alla à Nyort à grand' coyte, & lendemain assaillit-on Montcontour, où fut l'un des beaux assauts qu'on peust guere veoir apres Sainte-Seuere, car le Duc de Bourbon & le Connestable lemoncerent leurs gens & soudoyers de bien faire, lesquels point ne se faignoient, mais s'efforcèrent de raur aux murs par crocs de fer, & miner, monter par eschelles trayre, & lancer, emplir les fossez, & faire tout ceuvre qu'en tel cas appartient, & tant firent qu'ils prindrent la Bassecourt parmy l'Eglise de nostre Dame de Montcontour, & le lendemain assaillit-on le chastel forcément, qui fut bien assailly & combatu aux eschelles en deux ou trois lieux, & le premier qui entra dedans fut Messire Clothard de Cleux, qui estoit en l'hostel du Duc de Bourbon, & un Escuyer appelé Maraigot, qui seruoit Messire Jean de Bigonne. Ainsi fut le chastel de Montcontour pris, & encores durant l'assault le Capitaine de leans qui estoit Anglois, auoit appelé le Connestable de France par iure, & qu'il auoit menty la foy de la prison de Nadrez en Espagne, & l'appelloit-on l'annequin Louet. Et quand le chastel fut

pris le Connestable feist pendre ledit Iannequin Louet armé de toutes pieces, le bacinet en la teste, aux creneaux du chastel.

Comme Poictiers se rendit au Duc de Bourbon au nom du Roy, & autres places, & la Rochelle, & comme à Bennon feurent tous tuez par le Connestable : aussi comme la Duchesse mere au Duc fut deliurée. Et comme le Captal de Bus fut prins.

CHAP. XXXI.

SI tost que Montcontour fut prins, le Duc de Bourbon & le Connestable de France à tous leurs gens s'en retournerent deuant Poictiers eux loger en la place dont ils estoient partis, pour traicter à ceux de la ville, lesquels feurent plus doux qu'ils n'auoient esté par deuant, pour la prise de Montcontour. Et aussi de Messire Vaultier Spurton qui estoit leur vmbre, lequel laidement s'estoit retraits, & feirent ceux de Poictiers au Duc de Bourbon leur pactis, qu'ils rēdroient obeyssance à luy au nom du Roy, & tant que le Duc de Bourbon leur promist, & iurast que auant que luy ne les gens partissent de la ville, ils prendroient le chastel : car autrement les Anglois qui le tenoient, les de-

struïroient. Ainsi leur promist le Duc, que jamais ne bougeroit de la ville, si seroit le chastel és mains du Roy. Adonc ouurirent les portes, & y entrèrent les Seigneurs à vn Lundy, & le Dimanche apres assaillit-on le chastel par grands appareils que on ot faict en la ville, & n'estoient en la forteresse sinon dixhuiet Anglois, & à la prise du chastel entra le premier Messire Guichard de Chastelmorant, où il gaigna de belles chambres Angleffes, & les leaux de la Duché de Gnyenne qu'il bailla au Duc de Bourbon son Seigneur. Et lors fut la ville de Poictiers moultyoyeuse, qui veit ce que le Duc de Bourbon leur auoit promis, & luy requirerent plus auant comment vne place pres de la chappelle, la tour de Citry, que luy faisoit forte guerre leur voulsist deliurer. Ausquels le Duc de Bourbon dit qu'il feroit son deuoir de la prendre, & y enuoyer tantost les gens de son hostel, qui y demeurerent sept iours, & puis la prirent, dont ceux de Poictiers ne feurent onques si lyez, & donnerent au Duc de Bourbon deux cens marcs d'argent, pour les bons seruices qu'il leur auoit faicts. De Poictiers deslogerent les Seigneurs, & s'en allerent deuant Pont l'Abbé, laquelle ville n'osa tenir, mais le chastel estoit moulty fort, & le tenoit Messire

Bertrand de Cazelys, & assaillit-on le chastelet si roidement qu'en l'espace de huit heures il fut pris, & s'enfuyt Messire Bertrand de Cazelys en vne tour es marets, où il n'auoit que manger, si se rendit aux Seigneurs, & fut prisonnier. De là allerent les Seigneurs deuant Surgieres, où il a moult bel chastelet, & le prindrent de plain assaut. Puis allerent à Benon à trois lieues de la Rochelle, & là perdit le Connestable quatre de ses Gentilshommes qui gouuernoient tout son faict, lesquels estoient en leur logis en leur liect où ils dormoient : si eurent laissé d'auanture l'huys ouuert leurs varlets qui iouoient aux dez, & feurent tuez les Gentilshommes par ceux de la garnison de Benon, qui fut le plus grand couroux que le Connestable eust en France, & pour celuy despit lendemain fut assailly Benon, où ils estoient trois cens habitans, & dura l'assaut presque tout le iour : mais au fort feurent prins, & feist tout tuer le Connestable sans en espargner vn, pour le couroux de ses gens. De Benon cheuaucherent les Seigneurs deuant la Rochelle, où ceux de la ville feirent musier les Seigneurs trois iours, & en ce musement tandis les habitans abateirent le chastelet, afin que iamais ne feust maistre de la ville, puis feirent ouuerture aux Seigneurs qui leur re-

procherent ce qu'ils orent fait, lesquels depuis ont esté bons & loyaux au Roy, & fut grand dommage au Roy d'Angleterre, car c'estoit le port à secourir tousiours Guyenne. Rendue la Rochelle allerent les Seigneurs deuant S. Iean d'Angely, qui tost fait ouuerture & obeyssance au Roy, en la main du Duc de Bourbon : puis allerent à Xaintes, qui obeyst comme Sainct Iean d'Angely. Les choses faictes & le pays rendu au Roy de France, requist le Duc de Bourbon au Connestable qu'il luy feist compagnie à aller deuant la tour de Bro, où estoit la Duchesse sa mere, prisonniere, où il n'y auoit que sept lieues, & en celle tour l'auoit laissée le Comte de Bouquignan à son retour de Belleperche en garde, & chèrement recommandée à Cicot de Saigne son Escuyer, pour lors Capitaine des gens d'armes qui auoient prins Belleperche, & la Dame, & maintenant tenoit icelle tour. Le Connestable fut moult lyez & dit, A Dieu le veu, Monseigneur, & par les yeux Dieu, ceste requeste est bien de faire : Or tost allons deliurer la bonne Dame. Adonc tantost monterent à cheual, si allerent & meirent le siege deuant la tour, & là Cicot de la Saigne qui se veit malempayé, & qui loing estoit de secours, rendit au duc de Bourbon la tour

de Bro, & la duchesse sa mere, laquelle se loüa moult au duc son fils, de Cicot. Parquoy le duc l'en enuoya luy & tous ses gens francs, & luy donna du sien. Quand la tour de Bro fut renduë, les gens du duc de Bourbon s'en allerent courre deuant Subyze, & le Captal de Buech auoit mis vne embusche de ses gens, où mesmes estoit, entre Subize & la tour de Bro: si s'entrerent contrerent les gens de Bourbon & le Captal, & se coururent sus les vns aux autres, & tourna le piene au Captal, qui fut pris & rendu au duc de Bourbon, que puis le mena à Paris, & puis le rendit au Roy. le duc de Bourbon qui ot sa mere moult fut ioyeux. Et apres se departirent de Poictou, luy & le Connestable, & cheualcherēt par leurs iournées à Paris, au Roy, qui les receut lyemēt, & festoya, pour les beaux faits que eurent fait, en deliurant grande partie de la duché de Guyēne de ses ennemis, & l'auoir mis en son obeyssance.

Comment le Duc de Bourbon ot la charge par le Roy, & le Duc de Berry, d'aller guerroyer en Auvergne les places qu'il ot, & comment il feit rendre les calices aux Eglises que ceux des trois Crox auoient pillées.

CHAP. XXXII.

Estant le duc de Bourbon & le Connestable à Paris deuers le Roy celle an-

née mesme, que l'on comptoit mil trois cens quatre vingt cinq, requist le duc de Berry au Roy son frere, qu'il luy pleust à luy bailler le duc de Bourbon, lequel se voulsist travailler au cheuaucher en Auuergne, où il y auoit sept ou huict fortereſſes que moult deſtruisoient le pays, & par eſpecial y en ot vne où eſtoit vn Capitaine Anglois, qui bien auoit trois cens hommes d'armes en vne place deſſus Clermont, à deux lieuës, que l'on appelloit la Roche Sennadoire, & l'Anglois Capitaine, Meſſire Robert Chernel. Autres places y auoit, & autres Capitaines, la Roche deſſus Aigueperſe, Amburs, Trois Crox, dont Gourdinot auoit la garde, S. Angel, Charlieu le Pailloux, & Charlieu Champnagmoys. Ceste empriſe faite pour aller en Auuergne guerroyer contre les Anglois, fut le duc Loys de Bourbon chargé par le Roy, & le duc de Berry qui l'en pria: Se partit le duc o ſes gens & vint en Bourbonnois, paſſa en Auuergne, & alla deuant la Roche à Aigueperſe, & n'y jeuſt le duc qu'vne nuit, que lendemain ne fuſt prinſe d'aſſault par force, & occis tous ceux qui eſtoient dedans: puis alla le Duc deuant Amburs, moult belle place, où eſtoient bien quatre vingts combatans, & à la venue ot groſſe eſcarmouche, car ceux de
leans

Ieans yssirent , & y ot bel escarmouchis de lances & d'espees des deux costez , & là fut blessé Messire Gerard de Grand-Vau, qui estoit bon homme de son corps, & Iean de Chastelmorant mort : Mais de celle escarmouche y feurent pris de ceux du fort, huiet hommes d'armes qui plus eurent de voix, & quatre morts , lesquels huiet le Duc de Bourbon lendemain feist amener deuant luy pour leur faire couper les testes, s'ils ne rendoient la place, & ils pouuoient bien faire, car ils l'auoient en garde, lesquels aymèrent mieux viure que mourir ainsi. Si rendirent Amburs au Duc de Bourbon, leurs corps & la place. Et tâtost dedans vne heure feist partir le Duc de Bourbon de ses gens poua aller deuant Trois Crox, & celles gens qu'il enuoya deuant, rencontrèrent les Anglois de Trois Crox, les plus grands auanturiers qui venoient gaigner sur eux, & feurent ruez ius par les gens du Duc qui allerent hastiuement deuant la place , & estoit tard quand on y arriua : & celle nuit le Duc de Bourbon qui là estoit venu , fait asseoir le guet des gens de son hostel , & dit à Iean de Chastelmorant , prenez mon pennon , & allez enuironner la place, si que nul n'en faille , lequel feist son commandement, & la nuit ot maintes parolles des gens du duc à

ceux du fort qu'ils se rendissent, ou tant que l'on en prendroit on les penderoit par les gueulles, pource qu'ils estoient gens de mal-le renommée: si parla-on tant que Gourdinot gardeur de la place, se rendit à Jean de Chastelmorant Escuyer, qui portoit le pennon du duc de Bourbon, & à celle heure qui n'estoit mye iour, fut mandé au duc, s'il luy plaisoit le traicté qu'auoient faict les gens de son hostel, si respondit que bien luy plaisoit, pource qu'il auoit encores de grands faicts à faire. Et celuy qui parloit de ce au duc, s'estoit Chastelmorant, qui luy pria de donner les meubles de la forteresse aux gens de son hostel, laquelle chose feit le duc franchement, & que Gourdinot qui à luy s'estoit rendu l'y demeurast prisonnier, & ce encores luy octroya. Et lendemain au matin vindrent Gourdinot & les siens de Trois Croix, qui n'estoient que seize hommes d'armes, qui firent tous prisonniers, & auoient leans deux cens marcs d'argent, dont les cens estoient en calices d'Eglises qu'ils auoient robé par tout: Si dict le duc qu'il vouloit auoir les calices, & recompenseroit bien les compagnons: Et le duc de Bourbon meu de pitié, manda les calices à la cité de Clermont, faisant crier par toutes les Eglises qui auroient calices perdus, que on

vint à Clermont, & on les rendoit, ainſi comme il fut faiſt.

Comment le Duc de Bourbon araiſonna les Seigneurs d'Auvergne, d'afſieger la Roche Sennadoire qu'il afſiegea.

CHAP. XXXIII.

LE Duc Loys de Bourbon qui ot deliuré Trois Crox, ſe partit à tout ſon oſt, & alla à Clermôt, où il n'y a que deux lieuës iuſques à la Roche Sennadoire, & manda le Duc les Seigneurs d'Auvergne, le Comte Dauphin, le Sire de la Tour, le Sire de Montrauil, & les autres grands Seigneurs, & vn appellé le Sire de la Gueulle vn des vaillans hommes d'Auvergne. Et leur dit le Duc de Bourbon. Meſſeigneurs, j'ay deliuré trois places, & pres d'icy eſt celle qui deſerte tout le pays : car ils ſont quatre vingts Capitaines, & trois cens hommes d'armes, & la place non prenable, ſi n'eſtoit par la grace de Dieu. Adonc reſpondirent les Seigneurs d'Auvergne, & dirent au Duc : Monſeigneur, vous nous requerez de ce que nous vous deuſſions requerir à mains ioinctes, car celle place deſtruiſt tout Auvergne, &

courét tous les iours deuant ceste ville. Lors ordonna le duc de Bourbon que les Auvergnats allassent d'un costé, & luy & ses gens de l'autre, assieger la Roche Sennadoire, & fut commandé que les payfans emmenassent des viures au siege, & tous habillemens que l'en pourroit trouuer pour assailir, ainsi fut dit & fait. Et lendemain se deslogea le duc de Bourbon & o ses gens s'en alla en sa place la plus forte, où il feit tendre ses tentes & paillons. Et la nuict que le duc se logeoit, ceux de la Roche Sennadoire feirent emprise de faire sailir leurs cheuaux hors, & en jettoient bien soixante pour eux en cuyder aller: Mais le Duc de Bourbon qui tousiours faisoit ses faits par belle ordonnance, auoit ordonné son guet si adroit que ces soixante cheuaux feurent gaignez, où il n'y auoit que cinq hommes d'armes, & le remanant n'estoit que Pages, mais c'estoient fleurs de cheuaux. Les Anglois qui veirent leur place la Roche Sennadoire, assiegée de deux parts, l'une par le Duc de Bourbon, & l'autre par les Seigneurs d'Auvergne, & grande foison de communes, se doubterent fort qu'ils ne montassent par force entre les deux places, & pource feirent vn palliz bas entre les deux montaignes, qui

auoit cent brassées de long, & fut faict si hault en leur montaigne, qu'à peine vne arbaleste y peust tirer au hault, & faisoient les Anglois chacune nuit le guet cent hommes d'armes dans ce palliz, afin que l'en ne peust monter à eux sur la montaigne.

Comme present le Duc de Bourbon en son ost se combatit le bastard de Glarins, pour la querelle du Sieur de Montrauail, contre vn Gascon Anglois.

CHAP. XXXIIII.

ENTretant que le Duc de Bourbon aduisoit & imaginoit comme on pourroit prendre la place, aduint qu'au vespre au guet, vn Anglois Gascon, & vn des gens du Duc de Bourbon orent parolles ensemble, & nommoit on le Gascon Pierre de Lignage, & celuy de Bourbon on clamoit le bastard de Glarins, car Lignage disoit que le Sieur de Montrauail qui estoit son prisonnier luy auoit menty sa foy, & que si le contraire vouloit dire vint auant, il le combatroit, ou que s'il y auoit nul illec qu'il le vouldist maintenir pareillement le combatroit. A ce respondit le bastard de Glarins, Je ne suis amy ne pa-

rent du Seigneur de Montrauail : mais si tu as si grand talent de combattre que tu monstre, demain ie te combattray deuant M^{on}seigneur de Bourbon en querelle, que si ie te desconfis tu seras mon prisonnier, & si tu me desconfis ie seray le tien, & ce tu ne dois mye refuser si tu as vouloir de combattre, car c'est le mestier d'armes. Et sur ce dit l'Anglois qu'il en parleroit à M^{es}fire Robert Chennel son Capitaine, & puis qu'il luy feroit responce : & le bastard de Glarins respondit, qu'il se tenoit bien seur de son tres-redouté Seigneur le Duc de Bourbon, qu'il luy plairoit bien, car le Duc ne luy refuseroit rien qui au bastard touchast son honneur. Ainsi pour celle fois departirent l'un de l'autre, & deuoit faire responce celuy Pierre de Lignage au bastard de Glarins dedans midy ou vespre, lequel le feit, & qu'il auoit licence de son Capitaine au troisieme iour : mais que le bastard de Glarins l'asseuraist, qui luy enuoyast seureté & sansconduicte de par le Duc de Bourbon pour luy & quatorze compagnons, & en tant feist faire le Duc de Bourbon les lisses, & le tiers iour vinst Perot de Lignage Anglois, & le feist recueillir le Duc de Bourbon grandement & honorablement, pource que la chose estoit deuant luy, &

trouua Lignage sa belle tentie tenduë es li-
ces, pour là desarmer & recueillir les com-
pagnons qui estoient venus avec luy ; & le
bastard pareillement, & chacun sa chaire :
& eux estans en leurs chaires on leur demā-
da s'ils vouloient plus rien dire, ils dirent
que non. Adonc fut crié par les Heraults,
faictes vos deuoirs. Si vinrent assembler
& feirent de belles armes quatre coups
l'un sur l'autre (apres le iect des lances) de
leurs espées : Mais le bastard de Glains
reculla son aduersaire Perot de Ligna-
ge bien six pas loing en combatant de
l'espée, & au fort le bastard ietta ius son
espée, & alla prendre Lignage l'Anglois
aux poincts, & le tenant fort le porta
par terre le bastard, & se ietta sur luy,
& luy leua la visiere en luy donnant trois
coups de gantellet sur le visage, & lors
l'Anglois qui se sentit feru & mal atour-
né, se rendit, criant si hault qu'on le pou-
uoit bien ouyr : nonobstant le bastard
tira l'espée de l'Anglois, & l'en vou-
loit tuer. Quand le Duc de Bourbon
dist qu'il suffisoit, & que assez en a-
uoit faict, & sur ce les feist oster de ce
point : car il ne vouloit mye que l'An-
glois mourust, pource que la besongne
auoit esté faicte deuant luy, dequoy

celle bonté fut tournée à hault honneur au duc de Bourbon: & pendant ce gage, vn des Capitaines de leans nommé Nolumbarbe, qui gardoit l'vne des tours, traictoit comme ses compagnons & luy s'en peussent aller eux & leurs cheuaux, & maints y ot des Seigneurs d'Auuergne & autres qui auoient volonté d'en estre deliurez, qui conseilloyent au duc l'allée des Anglois: mais il n'en veult rien faire, ainsi iura que iamais de là ne se partiroit qu'il auroit la place à sa volonté, & les Anglois en son pouuoir, & ainsi le feist comme vous orrez.

Comme le Duc de Bourbon print honorablement la Roche Sennadoire, & autres places qu'il rendit au Duc de Berry.

CHAP. XXXV.

LA querelle des deux Souldoyers mise à fin par le bastard de Glarins qui auoit outré son contraire, ot aduis le duc Loys de Bourbon à ce palliz qui estoit en hault, car il auoit ja tenu son siege deuant la Roche Sennadoire trois sepmaines, & pour soy plustost deliurer, feist-il renforcer son guet par l'espace de trois iours: deuers le soir bien tard manda le duc de Bourbon aux Sei-

gneurs d'Auvergne qu'ils feussent tous armés à l'aube du iour avec leurs gens, & prests à monter la montaigne de leur costé, que son intention estoit que luy à toute sa puissance, vouloit de faict combattre le palliz à ceste heure, & qu'ils feissent leur faict si secret qu'on ne les aperceust, car il vouloit faire gesir les gens tous armés, pour soy ioindre avec son guet, qui pour ce soit auoit ordonné la nuit passée. Lendemain par matin sailloit chacun des tentes & paillons, pour eux ioindre au guet, & de leur guet au palliz, où il ot faict de moult belles armes, car les Anglois estoient de leur guet bien cens combatans, qui asprement & fierement se deffendoient : mais toutesfois le palliz n'estoit guere fiché en terre pour la Roche : Et là ot fier & grand poulseils de lances d'une part & d'autre, & fut la besongne si aspre que nos gens à force prirent le palliz à tirer à eux, & tant que les gens d'armes en ruerent par terre bien dix brasses : & quand les Capitaines Anglois qui deffendoient le palliz, veirent que le nombre d'eux diminuoit tant estoit ly assaulx grief & aspre : & qui plus les angossoit, c'estoit qu'ils auoient ja main à main les Bourbonnois, auxquels le duc

admonestoit qu'ils se preparassent de bien asprement assaillir, & accueillissent le chastelet isnellement. Apres celles parolles eurent en peu d'heure le palliz conquis, & gaigné la montaigne, tant que ceux de leans en feurent tous esbahis, & là le Duc de Bourbon veant ses Chevalliers & Escuyers de son hostel, & pays & gens d'armes qui s'appareilloient à toutes adventures soustenir, & desrompre palliz & garnison, & passer outre par force, en estoit tresioyeux. Et durant ce treilliz parmy la bresche du palliz passa le pennon du Duc de Bourbon, que continuellemēt portoit leand de Chastelmorant o ceux qui lesuyuoient: lors ne sceurent les Anglois que faire qui se veirent fort à penser d'eux retraire vers le fort, & en eux retrayans se ferirent auant le pennon, avec les vaillans hommes, & à celle retraicte des Anglois qui s'enfuyoient, feurent que morts que prins bien quatre vingts des meilleurs hommes d'armes de leans, fors les Capitaines, dont en l'une des deux places, Nolumbarbe se retrahit à la main dextre, & en l'autre, à la main senestre tira soy retraire Messire Robert Chennel, qui estoit la plus forte, Jacques Bardejay, le fils Messire Jean Iouet, Thomelin Mauleurier, Messire Richard Coedo

filz du Maire de Londres , & en eux re-
trayans de certaines loges qui estoient en
hault pour aller à leur fort , le pennon du
Duc de Bourbon o les gens de son ho-
stel, les chargerent de si pres , que com-
me ainsi qu'ils entroient en la tour, le pen-
non du Duc de Bourbon se ferit parmy
eux, moult bien accompagné, si que ceux
Anglois ne peurent clorre l'huys de la
tour. Et ainsi se rendirent à luy Messire
Robert Chennel Capitaine , le filz Messi-
re Jean Iouel , Messire Richard Coedo
filz du Maire de Londres , & Thomelin
Mauleurier : Et par ainsi fut deliurée la
plus forte place. Et de là tira le pennon
du duc de Bourbon avec les compagnons,
c'est à sçauoir, Messire le Barroys Bonne-
banne, Messire Gauche de Pailach , le
Sieur de Cordebeuf , le Borgne de la
Veaulse, Messire Odin de Roullach, Mes-
sire Philippe Choppart , le Sire de Billy,
Jean Sire de Changy , Philippe Berauld
Michaille, le Bastard de Glarins , & cinq
ou six autres de l'hostel du Duc de Bour-
bon avec son pennon , coururent à l'au-
tre des tours , où ils trouuerent desia
deuant vne grande partie des Auuer-
gnats qui y estoient montez, c'est à sça-
uoir , le Sire de Montmorin , qui estoit

vaillant cheualier, & qui auoit belle compagnie, & Girault Sire de la Gueulle accompagné de bonnegens, & estoit vaillant homme. Le Sire de la Facette & autres qui estoient auancez par le loëment des Seigneurs, lesquels tenoient moult de pres les Anglois quand on y arriua, tant qu'Anglois ne leur peurent fouyr. Mais quand Anglois regarderent le pennon du Duc de Bourbon approcher vers eux, se rendit Nolumbarbe Capitaine & tous les compagnons, au Duc de Bourbon. Ainsi fut la Roche Sennadoire prinse sans mentir de mot. Et au partir de là enuoya le Duc de Bourbon à Clairmōt, six Cappitaines Anglois pour les mettre en la tour de la Monnoye, prisonniers: dequoy ceux de Clairmont furent moult liez & ioyeux, & cheuaucha le Duc o ses gens, & ceux d'Auuergne deuant sainct Angel, vne place qui faisoit moult de maux. Et delà demeurèrent vn iour pour cuyder traicter à eux: mais ceux du chastel n'y vouldrerēt entendre. Or sur ce on aduise quel'Abbaye estoit conuerte daissil, & firent tirer le feu dedās par plusieurs fuzés tāt qu'il se prist par tout le montier del'Abbaye, & feurent ars tous les cheuaux des Anglois, & vne partie de leurs vallers, & se retrahirent les gens d'armes en vne tour qui là estoit, où il n'auoit

guerres que manger, & se essaya l'on à les prendre par force, car elle estoit moult belle. Auquel essay fut mort vn Cheualier du Duc de Bourbon, qu'il ay moit bien, qu'on appelloit messire Jean de Digonne qui gist à Clairmont: à la parfin ceux de la tour se rendirent au Duc de Bourbon, leurs vies sauues. Si les y prist le Duc qui enuoya par Chastelmorant son pennon sur la tour. Et on enuoya les Anglois chacun vn baston en la main, & s'en alla le Duc deuant Charlieu le pailloux, où les sieurs d'Auuergne auoient demeuré quatre mois pieça, & ne l'auoient point pris, & tenoit ladiete place Jean Du-xel, & le commandeur de Bellechassaigne, si se logea le Duc qui auoit grosses gens à l'un des costez, & les Auuergnats qui estoient gens assez à l'autre costé. Et le premier iour feist faire le Duc de Bourbon, habilemens sur charrettes, & ceux d'Auuergne pareillement. Ausquels le Duc auoit montré la maniere, & le second iour fust l'assaut grand & fort par trois fois le iour par maniere qu'on prist la place de plain assaut. Et fut prins dedans le nepueu de Jean du Xel, le plus mal homme que l'en peult trouver, & que plus auoir faict de maux au pays d'Auuergne, & que le Duc de Berry desiroit plus a auoir. Et parce le Duc de Bourbon luy en feist pre-

sent, li fut mis en la tour de Ryon. Apres celle prise tira le Duc de Bourbon à Charlieu Champmaigeris que tenoit Berengon de Cherach qui le rendit au Duc de Bourbon franchement, & s'en alla en son pays. Ainsi deliura le Duc de Bourbon tout le pays d'Auuergne des Anglois, & le rēdit franc au duc de Berry qui luy en sçeuſt tres-bon grē.

Comme le Duc de Bourbon se meist en ordonnance pour aller en Espagne, la premiere fois pour cnyder voyager en Grenade.

CHAP. XXXVI.

L'An de grace mille trois cens quatre vingt & cinq, quand le Duc de Bourbon ot deliuré l'Auuergne des ennemis du Royaume, lequel auoit de coustume en tous ſes faicts de louër Dieu, & tres-deuot estoit à la Vierge Marie, & pour ce apres la prise des places s'en alla à nostre Dame Dorcinale en pelerinage, & illec offrit son pennon qui encores y est: le quel il auoit vouë quand il le veid premier sur la roche sēnadoire pour ce que c'estoit la premiere pres de là arurée de nostre Dame. Et là fōda le Duc vne messe perpetuelle. Et faite son oblation se partit & alla à Arde vers le Comte Dauphin, qui

le festoya moult grandement. Et d'Arde alla
aupuy nostre Dame où il s'estoit vouë, &
luy estant au puy à son pelerinage, & ia y
auoit esté deux iours pour sa deuotiō, vint à
luy vn Heraut hōnorable de par le Roy Hē-
ry d'Espagne qui apporta lettres au Duc de
Bourbon les plus belles qu'on eust peu voir,
ou ledict Roy Henry prioit & requeroit au-
dit Duc de Bourbon qu'il luy pleust de ve-
nir en Espagne, & que ledit Duc y auoit biē
son venir: Car la Seigneurie de Bourbon
auoit fort aydē à conquerir son Royaume.
C'est assauoir le Comte de la Marche, qui
estoit du sang & des armes de Bourbon. Et
pour la grande renōmée bonne cheualerie
preud'homme & sagesse que i'ay oy dire de
vous, ie vous enuoye mō especial Heraut Mo-
niquot, vous certifiant par mes lettres, que
mon intention & mon emprinse est à l'ayde
de Dieu entrer en Grenade, en la saison
nouuelle à toute la puissance d'Espagne. Et
sur tout rien desirerois vostre compagnie:
à laquelle chose ie vous prie que ne me veul-
lez faillir; & vous plaise amener avecques
vous deux ou trois cens Cheualiers & Es-
cuyers, & ie vous promets que ie vous des-
partiray de mes biens, tout ce que en vou-
drez prendre: dequoy le Duc Loys de
Bourbō fut moult lié & ioyeux & luy sēbloit

que Dieu l'emportoit quand il voioit chose honorable enquoy en la saison nouuelle il se peut employer, & sur cela deliura le Duc de Bourbon le Herault du Roy nommé Moniquot, & luy donna vn escusson de ses armes, & de riches vestures de drap dor, & sa deuise, & l'en enuoya, & escript le Duc ses honorables lettres par ledit Herault au Roy d'Espagne. Que au plaisir de Dieu, il seroit deuers luy dedans la fin de may, & sur ces'en reuint le Duc en son pays de Bourbonnois pour mettre en ordonnance, à faire son voyage. Et estant le Duc en son pays fut le Roy de France moult courroucé & tous ses amis, du voyage qu'il auoit entrepris, & luy manda & requist fort le Roy, qu'il n'y allat point. A laquelle chose feist responce le Duc de Bourbon au Roy, qu'il auoit escript au Roy d'Espagne par son Herault qu'il y iroit, & qu'il l'en auoit acertainé, & que c'estoit le seruice de Dieu. Car par les lettres auoit sceu que le Roy d'Espagne esperoit passer par conquiste au Royaume Sarrazin de Grenade, & il ne vouloit perdre le voyage. Adonc assemble le Duc de Bourbon ses gens, pour aller en grand ordonnance delà. Et quand vint la saison qu'il estoit temps de partir pour aller au voyage vinrent tous ceux qui estoient
mandez

mandez en la ville de Bryoude pour tirer en Auignon le plus droit, & mena le Duc de Bourbon cent gentils-hommes Cheualiers, & Escuyers de son hostel, où il y auoit es cent gentils-hommes sept bannieres, lesquels estoient Messire Guichard Daulphin, Messire Griffon de Montagu, le sieur de Chastelmorant, le sieur de Rochefort bastard de Bourbon, Messire Guillaume de Vichy, Messire Girard de Bourbon, Messire Lionnet Daraines de Beauuoisin, estans en la compagnie que le Duc Loys de Bourbon mena avecques luy.

Comme le Duc de Bourbon alla en Auignon visiter le Pape, & faisant son chemin, le Roy d'Aragon le festoya, comme le Roy Henry d'Espagne luy feist grand chere. Et pour il s'en retourna pour s'en aller en Grenade.

CHAP. XXXVII.

LE Duc Loys de Bourbon voyant la noble compagnie des Cheualiers, & Escuyers quil estoient venu seruir, & accompagner pour aller en Grenade, comme la renommée en couroit, se lieffa moult, & leur dict, Messieurs freres & amys. Au plaisir de dieu vous avec moy, & moy

Et vous iurons en son saint seruice contre les
mescreans, dont nous tous nous debuons
esjouir ; car meilleur maistre ne pouuons
auoir : tout soit fait en l'honneur de luy
tout ce que nous ferons. Alors respondit
la compagnie, vous dites bien Monsieur.
Adonc se partist le Duc de Bourbon o sa
compagnie pour aller en Auignon, & pour
y estre à certain iour: pource que le Pa-
pe Grégoire onzième, de l'hostel de Beau-
fort ; vouloit partir d'Auignon pour s'en
aller à Rome. Si cheuaucha le Duc & y
fut deux iours auant que le Pape se partist.
Si feist le Pape grand chere au Duc de
Bourbon & le beneist, en luy donnant
absolution de peine & de coulpe pour le
voyage des mescreans où il alloit : Et du
Palais mena le Duc de Bourbō (estāt a dex-
tre, lez, par la bride du destrier blanc) le
Pape iusques hors d'Auignon, avec le
prefect de Rome, qui là estoit en court.
Et hors de la porte tantost le Pape com-
manda au Duc de monter à cheual, qui
le feist, & le conuoya le Duc hors d'Aui-
gnon vne lieue, où ils parlerent de plu-
sieurs raisons ensemble. Et à prendre con-
gé, donna le Pape au Duc la Beneïsson,
qui retourna celle vespree dormir en Aui-
gnon. Et lendemain s'en alla le Duc de

Bourbon, o'ses gens par iournees en Arragon ; où il trouua le Roy Dom Ioan qui auoit les menestrels, lequel receut le Duc si grandement que c'estoit merueilles en la Cité de Barcelonne : Et pria celluy Roy au Duc de Bourbon, qu'il luy pleust estre aux nopces de son fils, le Comte d'Ampmartin, & de la Comtesse del'Ime qui estoit à tenir son chemin d'aller en Espagne, à vn Chastel appellé Mousson des Hospitalliers, a demye voye de Barcelonne & de Sarragosse. Si luy oëtroya volontiers le Duc, & y alla & mena l'Espousee, & durerent les nopces trois iours, & au partyr de la feste alla le Duc de Bourbon à nostre Dame de Monserrat : qui est vn moult deuot & bel Pelerinage, puis à Leride, où est au dehors de l'Abbaye de Pöplet, en laquelle gisent les Roys d'Arragon. Et puis à la Cité Royale Sarragosse, tira à main sen estre & entra en Espagne : & se logea à saint Dominique de la Caussade. Et ne vult le Duc entrer en Nauarre, pour la dissention qu'auoit le Roy de France au Roy de Nauarre. De saint Dominique, alla le Duc à l'Hospital la Royne où toute personne qui passe Pellerin, a la refection pour trois iours & de l'argent quand il se

part qui est à quatre lieues de Burgues, & là le Roy d'Espagne luy enuoya au deuant bien cinq cens cheuaux, & avec ce l'homme qui mieux aymoît, & qui gouernoit son fait nommé Pierre Nace, ensemble vn grand seigneur Espagnol appelé messire Pièrre Ferrandon, Dom Verlasque sieur de Bruesque, qui conduirent le Duc de Bourbon à Burgues, au Roy Henry, qui luy manda au deuant de ses plus priuez, & des plus grands de son pays, & le receust, & coniouyst grâdemment comme celluy qui estoit moult lyé de sa personne & venuë, & demoura le Duc à Burgues avec le Roy Henry, l'espace de dix iours. Et durant ce terme fut fait le mariage de la sœur du Roy Henry d'Espagne, & du ieune Roy Charles de Nauarre, & aussi firent les nopces de l'Infant d'Espagne fils du Roy Henry, à la fille du Roy d'Arragon, où il ot moult grand feste selon le pays. Et quatre iours passez pria le Roy d'Espagne, audit de Bourbon, qu'il vouldist venir en son Chastel de Sagonie, où il verroit chose qui luy plairoit, & avec ce beau desduict de chasse. Et quand le Roy Henry & Loys de Bourbon, furent au Chastel de Sagonie, le Roy menâ le Duc monstrier les enfans du Roy d'Ampietre, lesquels il tenoit en vne cage de fer, & y furent mis en leur

cage de huiét ans. Et à celle heure ia y orent
esté bien vingt huiét ans, & dict le Roy Hē-
ry au Duc de Bourbon, veez là les enfans de
celuy qui feist mourir vostre ſœur. Et si vous
les voulez faire mourir: ieles vous deliuray
à celle parolle respōdit le Duc de Bourbon
tout court, ie ne seroye mye volontiers cō-
sentant de leur mort: car dela malle volon-
té de leur pere, il n'en peuuent mais. Et celle
parolle fut oyee de maints Cheualiers, &
Escuyers tāt Espagnols que François, qui le
eurent à grand vaillance. Et lendemain fit
chasser le Roy Henry vn ours alentour du
chastel de Segonie, où il ot en la chasse beau
desduit, & grand plaifance. Au partir du
chastel de Sagonie, demanda le Duc de
Bourbon par grace au Roy Henry vn Cheua-
lier de Tourraine qui long temps auoit esté
illec prisonnier l'vn des bons Cheualiers du
monde, appellé messire Guichard d'Angie,
& vn escuier nommé Iacques Sadellier, les-
gues de bon cœur luy donna estant a bur-
guez le Roy d'Espagne, on luy annōça que
le Roy de Portugal l'auoit desfié en luy
mouuant guerre: parquoy il conuenoit que
son armée de Grenade cessast dont ce fust
grand dommaige a luy, & à la tranquillité,
& grand courroux à toute la compagnie.
Et ce voyant que le voyage ne tenoit de-

manda congé le Duc de Bourbon au Roy d'Espagne, lequel ne luy vouloit donner: mais luy prioit que plus il enuoyast querir des gens. Si luy respondit que veu que l'emprise de Grenade ne se tenoit, le Roy de France en estoit certain, pour ce luy mandoit que briefuement se retrahist deuers luy: veu que dix iours ou douze auoit nouvelles de luy. Adonc le Roy Henry d'Espagne, veant que le Duc de Bourbon de son gré ne vouloit remanoir, le licencia à grand peine, en le priant qu'il se voulust travailler pour son amour de pacifier le ieune Roy de Nauarre, qui sa seur auoit par femme, deuers le Roy de France, & luy dict le Duc qu'il en feroit son pouuoir. Et auant partir feist presenter le Roy Henry au Duc de Bourbon: Or, Argent & vaisselle; mais de tout ce ne vult rien prendre sinon Chiens nommez Allands, Cuyrs figurez, & rappiz veloutez, & si beaux cheuaux de gennets: & à chacun des bannieres donna vn gennet & son ordre de la bande. Ainsi se partist le Duc Loys de Bourbon, du Roy Henry d'Espagne, qui luy pria s'il luy mandoit & en auoit besoing qu'il vint deuers luy. Si s'enclina le Duc, & se partist de bonne alliance, & alla visiter l'E-

glise de saint Jacques en Compostelle,
par Pelerinage, puis s'en retourna en son
pays où il licentia ses gens les remerciens
grandement : Et avec les gens de son ho-
stel, s'en tira en France, où il trouua pe-
tites nouuelles : car le sire de la Riviere
auoit mis dissention entre le Roy & le bon
Connestable, faisant en rendre au Roy
que le Connestable, Messire Bertrand de
Guesclin estoit de la bande du duc de Bre-
tagne, & tout cecy faisoit la Riviere pour
faire sire de Clisson Connestable.

*Comme les Ducs d'Anion & de Bourbon ne peu-
rent retenir le Connestable Claiquin au service du
Roy.*

CHAP. XXXVII.

CE vaillant Cheualier, Messire Bertrand
de Guesclin qui tant de Cheualeries
ot faites tant que par sa proesse estoit Con-
nestable de France, fut trop mal content
des parolles qu'on luy rapporta, & en ot
moult grand dueil: car il estoit Cheualier de
grād cœur. Et dit puis que le Roy me tiét pour
suspét qui i'ay loyaumét seruy, ie ne demeu-
reray iamais en son royaume, ains m'en vois
en Espagne où i'ay ma vie tres-honorable,

Carie y suis duc & luy renuoye son espee, dont pour ce vint vn si grand bruit en ce Royaume que ce fut merueille, pour le sieur de la Riuiere, & tant que tout le monde le commença à hayr, & monstrerent au Roy Charles, tous les grâds Seigneur: pourquoy il le mouuoit de debouter ce vaillant Cheualier, messire Bertherād de Guesclin qui si bien l'auoit seruy, & estoit mauuais exemple aux autres. Et sur ce le Roy de France, Charles s'aduisa & vult reparer la chose. Et enuoya les Ducs d'Anjou & de Bourbon en Bretaigne pour appaiser le Cōnestable du courroux qu'il auoit, lesquels allerent au Pont Ourson, & la manderent le Connestable qui à eux vint volontiers. Et luy venudit le Duc d'Anjou, Connestable (fait il) Monseigneur le Roy nous enuoye à vous moy, & beau cousin de Bourbon, pource que vous auez esté mal content d'aucunes parolles qu'il vous a mandez: C'est assauoir qu'on luy auoit donné entendre que vous teniez la partie du Duc Bretaigne, & vous debuez estre bienlié & ioyeux, quand telles choses vous mande, lesquelles le Roy ne creust onques. Veez icy l'espee d'honneur de vostre office, reprenez là le Roy le veut, & vous en venez avecques nous. Les parolles finies du Duc d'Anjou, respōdit le bō

Conneſtable, Montres-redoubté Seigneur. Je vous remercie humblement des parolles que me dites, & des parolles que m'auez auſſi dit que le Roy ne creuſt oncques: dōt ie remercie le Roy nonobſtant le grand brūit qui en a couru. Et vueil bien Monſeigneur, que le Roy ſçache que ie l'ay ſeruy bien & loyaument comme preud'homme, & ne luy ſeis oncques trahiſon. Car ſi ie ſeruoie le Duc de Bretaigne qui eſt contre luy, ie ſeroie traître contre luy qui eſt le plus grand Roy qui viue. Et ce peu d'honneur que i'ay conquis en ce mōde, ie ne le voudroye pas perdre pour quelque choſe qui viue, & dites au Roy que i'ayme plus mon honneur que toutes les ſeigneuries & biens qu'il me pourroit donner. Et cela ie luy certifie, ſi vous remercie de l'Eſpée que vous m'auez apportée, ie ne la reprendray point baillez la à vn autre qu'il luy plaira: Car pour l'oſter de ſoupçon & tous autres, ie m'en vois en Eſpaigne, & vous iure par ma foy, que iamais en ce Royaume ie ne demureray, dont le Duc d'Anjou fut moult courroucé, & dict au Conneſtable: Ha beau couſin, ne faiſtes point cecy, & ne le mettez point en voſtre teſte. Adonc parla le Duc de Bourbon, couſin Conne-

stable, ie vous prie que ne faites ce que vous dites : Car Monseigneur le Roy vous veut moult grand bien, & vous l'avez bien desseruy, & feriez mal de le laisser en ceste maniere. Et lors respondit le bon Connestable: Ha Monseigneur de Bourbon ! i'ay esté en vostre compagnie en tous les plus grands faiëts de ce Royaume, & vous & moy, auons deschassé le Duc de Bretagne de son pays : qu'il n'y auoit que vn Chastel. Il est malacroire que ie me fusse ralié avec luy : & quant a ce que vous me requerez de demeurer, vous estes le sieur du Royaume, qui plus m'avez faiët de plaisir, & qui ie croyrois plus volontiers, & à qui ie suis plus tenu après le Roy. Mais ie vous iure & promets par ma foy de ce que ie vous ay dit, vous n'en trouuerez point le contraire, vous suppliant que l'amour que avez tousiours eüe à moy, vous ne la voullez point oblier: car où que ie sois ie vous seruiray de corps & de cheuance, & n'obliëray iamais les plaisirs que vous m'avez faiët, & vous prie que vous ayez souuenance de celloy qui m'a brassé cecy, car vous scauez les tours qu'il vous a faiëts, & faiët tous les iours, & ne tardera deux mois que ie passeray à belle compagnie en vo-

stre pays , & verrez que ie ne m'en iray mie
seul. A tant s'en allerent les Ducs d'An-
jou & de Bourbon , rapporter au Roy
les parolles de son Connestable , que
pour nulle rien plus ne le pouuoient con-
uertir à faire demourer. Dont le Roy fut
moult courroucé & dolent , & dit le bon
Duc Loys de Bourbon en la presence du
Roy deuant tous (apres ce que ot parlé
le Duc d'Anjou) Monseigneur vous fai-
êtes aujourd'huy l'vne des grandes pertes
que vous fissiez pieça long temps , car
vous perdez le plus vaillant Cheualier , &
le plus prud'homme que ie cuidasse on-
ques : mais voicy de son estat , & ont mal
faict ceux qui ont commencé cecy. A tant
se taist l'Auteur de ce & retourne à parler
du Connestable.

Comme le Connestable Messire Bertherand se partit de Bretagne, sur l'esperance de s'en aller en Espagne, passa par Bourbonnois, où le Duc le festoya, & alla deuant Chastel neuf de Randon, où il mourut & ot le chastel.

CHAP. XXXIX.

IA couroit l'an de grace mil trois cens quatre vingt sept, que le bon Connestable, Messire Bertradi de Claquin, meust du pays de Bretagne pour vuidier le pays & Royaume de France, comme il auoit promis aux Ducs d'Anjou & de Bourbon, & pour son bon los à l'accompagner & suiure se presentoient plusieurs Barons & Seigneurs de moult de parties, lesquels il regracia de celuy offre, & ne vult mener o luy pour son aller accomplir, fors trois cens hommes d'armes. Et bien ordonné son affaire se mist au chemin pour s'en aller demeurer en Espagne, & avec la compagnie vint passer par Bourbonnois, où le Duc lors estoit qui le festoya grandement, & derechef le cuyda conuertir & le retenir cōme celuy qui auoit grand regret à son allée : mais le Duc n'y peut onques mettre remede, & à son partir luy donna le Duc, vn bel hanat d'or esmail.

le de ses armes , luy priant qu'il y voulsist boire tousiours pour l'amour de luy , & luy donna aussi belle ceinture d'or tres-riche de son Ordre d'Esperance , laquelle luy meist au col, dont le Connestable le mercia, & en fut moult ioyeux. Ainsi prinrent congé l'un de l'autre, & luy bailla le Duc de Bourbon dix gentilshommes de son hostel pour le conduire quatre iournées, lesquels furent Iean de Chastelmorant qui portoit l'enseigne du Duc de Bourbon, Germain Michailh , Perrin Duxel , Messire Oudin de Roullat, Champirompin, le bastard de Glarains, le borgne de Veaulse & autres. Et estoient gens que le Connestable aymoit moult, & qu'il cognoissoit , & le conuoyèrent au Puy nostre Dame, où les citoyens le supplierent que pour Dieu si voulsist aller deuant Chastel neuf de Raudon , qui destruisoit tout le pays, & que ainçois qu'il se partist du Ryaume le deliurast des Anglois, & que celuy feroit loüable memoire , avec les autres biens qu'il auoit faicts , si leur oëtroya le Connestable : Et apres qu'il ot visité l'Eglise nostre Dame & faict son pelerinage, il dit aux compagnons qu'il le conduisoient: Vous mes chers compagnōs freres & amys de l'hostel de mō bon Duc, Seigneur & Messire le Duc de Bourbon, puis

qu'il n'aguieresiufques là, ie vous prie faiçtes moy compagnie deuant la place, si verrez que nous ferons: car à Dieu le veu, nous les arons les gars, & si le Soleil y entre nous y entrerons. De ceste parolle se rirent les cōpagnons, & dirent que de bon cœur le conduiroient. Adonc se partit le Conneftable du Puy o fa compagnie, & cheuaucha deuant Chafstel neuf de Raudon, où il meit le fiege: mais auant ot diçt à ceux du Puy. Mes amis c'est la derniere place Angloife que ie fçache en mon chemin pour m'en aller: mais ainçois que ie parte, à Dieu le veu, ie l'auray. Et quand le Conneftable ot vifité la place, il meift fon fiege en belle ordonnance, & commanda à ceux du Puý qu'ils garniffent le fiege de viures, d'artillerie, & de maugoneaux, & autres engins à jeter leans: si le feirent, & y feit le Conneftable trois fepmaines, & illec feurent faiçtes de belles emprinfes d'armes de ceux du fiege, & y eftoient plusieurs des Seigneurs d'Auuergne & de Vellaiz, qui moult volontiers entendoient à deliurer ceste place, & entant que les affaulx se faisoient de ceux de l'oft à ceux du chafstel par plusieurs iours, eux veās que gueres ne se pouuoient tenir, aduint que au quinzième iour que le Conneftable ot affiegé celuy chafstel, luy prift vne mala-

die dont il mourut , & les Anglois qui dedans estoient, veans que nul remede n'auoit en leur faict , qu'à la longue ne fussent pris par force, se rendirent au bon Connestable (qui point ne scauoient qu'il fust mort) & s'en allerent où bon leur sembla, & fut grande grace de Dieu au bon Connestable, que onques n'accueillit place que à luy ne se rendit, vis où mort. Chastel neuf de Raudon rendu au Roy, fut semée la mort du vaillant & preux Connestable, dont pleurs, cris, & gemirs furent de ses gens, & par la contrée. Sile feirent les nobles hommes du Duc de Bourbon appareiller & embaufmer, & l'emmenèrent par Forests à Moulins en Bourbonnois , où le Duc Loys luy feist faire moult solemnel obsequie en l'Eglise de nostre Dame de Moulins, où de nouuel le duc auoit fondé vn college perpetuel , & parauant auoit mandé le duc de Bourbon au Roy Charles, la mort de son bon Connestable , de laquelle il fut moult marry. Et pource que le Roy se recordoit des agreables seruices que son Connestable Messire bertrand de Guesclin luy auoit faicts en sa vie, le volt recognoistre apres sa mort, car le Roy ordonna que apres son decedz ledict Connestable feust enseuely honorablement à ses pieds, à Sainct Denis, où les Roys de

France reposent : pareillement le bon Maréchal de Sanxerre, qui seruy l'auoit loyalement, & ainsi fut faict, & illec gisent : Et ne demeura guere apres que l'année ensuyuant ne trespassast de ce siecle le Roy Charles de France, cinquiesme de ce nom, qui tât vaillamment & sagement gouverné auoit le Royaume, lequel fina l'an de grace nostre Seigneur, mil trois cens quatre vingts huiet, & porté en royal littiere à Sainct Denis, & enseuely si hautement comme il appartient à tel Prince, & durerent les obseques quinze iours.

Comment les Princes, Ducs, en France, du sang Royal, menerent le ieune Roy Charles, couronner à Rheims : Et de ceux qui furent mandez à Nantes à le garder des Anglois.

CHAP. XXXX.

EN l'an de grace que l'on comptoit mil trois cens quatre vingt & huiet. Les Princes du sang Royal, le duc de berry, & le Duc de bourgogne, & le Duc de bourbon, menerent le ieune Roy Charles (fils du defunct) couronner à Rheims, & hastoient fort le sacre, pource que les Anglois qui estoient passez deuant Paris, s'en allerent en
Breitaine

Bretagne, & pource conduirent le ieune Roy à Rheims, où il ot grand' cheuallerie & moult belle feste, & apres l'onction du sacre, fut le Roy assis à sa haute table d'honneur, & bailla le Duc de Bourbon (qui estoit Pair & Chambelan de France) trois deses Cheualiers, les deux, dont l'un estoit à dextre, & l'autre à senestre, & le tiers derriere son dos, & vn Escuyer aux pieds. Quand le Roy estoit assis il tenoit ses pieds au giron dql'Escuyer. Les trois Cheualiers furent Messire Guichart Daulphin, Messire Guy de Vaucux, & Messire Iean de Laye, & l'Escuyer qui estoit soubz la table où le Roy tenoit ses pieds, estoit Iean de Chastelmorant, ainsi fut l'assiette du Roy. Et le vespre comme au Soleil couchant, vindrent trois cheuaucheurs l'un apres l'autre, denoncer au Roy & aux Seigneurs, que la puissance des Anglois (qui estoient sept mille combatans) s'en alloient deuers Nantes, où le Duc de Bretagne les deuoit boutter: si ot grand conseil entre les Seigneurs, & ordonnerent que Chastelmorant & le Barrois qui auoient quatre cens hommes d'armes en la frontiere de Prouence pres d'Angiers, qui menassent leurs gens dedans Nantes, & qu'ils se hastassent auant que les Anglois y parussent, & qu'ils cheuauchassent iour & nuit, ainsi le

feirent, & furent à Nantes premier que les Anglois quelques trois heures : & allerent Chastelmorant & le Barrois o leurs gens à la Tourneufue, dont estoit capitaine Guillaume Leet, qui leur ouurit moult volontiers, & leur dit, qu'ils se prinsissent garde de ceux de la ville, qui n'attendoiet fors les Anglois. Et tantost que François entrerent ens, meirerent sur les quatre portes à chacune vingt-cinq hommes d'armes, & le demeurant en la place au milieu de la ville en belle ordonnance, & demanderent tantost lesdicts Capitaines, les clefs des portes, mais ils ne trouverent homme scachant pour vray qu'il les tenoit, & lors Guillaume Leet vint à Chastelmorant, & luy dit secrettement à l'oreille. Allez vous-en en l'Eglise cathedrale, & prenez vn grand vilain Chanoyne, vieil; riche & plain qui est leans, où ils s'en est forny, & est le plus grand de leans, & suis certain que vous luy trouuerez les clefs souz son surpeliz, & si vous ne luy trouuez, prenez le, & le mettez dehors. Ainsi entrerent Chastelmorant & le Barrois dedans l'Eglise, où ils perçurent le vieil Chanoyne, cōme Guillaume Leet leur auoit dit, si le prinrent parmy la gorge : adonq print à dire le Chanoyne, Ha Messieurs gardez que vo⁹ ferez, vous estes excommuniez : Auant Prestre,

rendez les clefs, lequel dit que my ne les auoit, adonc le chercherent & luy trouuerent les clefs de la ville souz sa robbe en vne gibessiere, si prirent le Chanoyne & le menerent aux compagnons qui estoient en la place, & leur dirent : Messieurs faictes bonne chere, car veez icy le traistre qui auoit vendu la ville aux Anglois, & celloit les clefs. Si fut mené comme infame par la ville, & puis attaché à vn arbre en son pourpoint sans chapperon, afin que chacun le vint voir : & cependant estoient à grand force les Anglois venus deuant Nantes, où ils se logerent tout à l'entour en trois places, c'est à sçauoir en Rehebonnois, en la Saulsaye, & en la fosse où l'on met le sel. Ce sont les trois places deuers la terre, car par les ponts ne pouuoient assieger encores, & furent moult esbahis de ce qu'ils auoient failli à leur emprise. Si meirēt ceux qui estoient dedans moult belle ordonnance en eux, deux cens hommes d'armes de guet en la place qui est au milieu de la ville, & cinquante hommes de traicts, & vingt-cinq hommes de cheval, à guetter tout autour de la ville, & vingt-cinq Arbalestriers : & de iour auoit en la place cent hommes d'armes, & cinquante hommes de traict, & bien les portes garnies : & cela faict renuoyerent di-

re au Roy par messaige Chastelmorant & le Barrois, comment ils auoient recouuré la ville de Nantes, & de l'ordonnance qu'ils y orent mise.

Comme Messire Pierre de Bueilh d'Anjou alla à Nantes se ioindre avec les gens du Duc de Bourbon.

CHAP. XXXXI.

LEs Oncles du ieune Roy de France nouvellement couronné, quand ils entendirent Nantes estre bien garnie de leurs gens, en furent tres-contés, & pource qu'ils vcoient la requeste de ceux qui la tenoient estre raisonnable, se retirèrent vers le Roy, & luy dirét, que biē estoit besoing que ceux qui tenoient Nantes eussent secours & ayde, car ils estoient assiegé d'une grosse gent, ausquels respondit le Roy : Mes beaux Oncles, vous sçavez mieux que ce faiēt monte que ie ne faiēt, ordonnez-en comme il vous plaira. Adonc les Seigneurs aduiserent pour le mieux, d'y enuoyer le Sieur de Clisson, lequel au sacre du Roy auoit esté fait Conestable de France, auquel ils dirent comment Chastelmorant & le Barrois leur attertenoient que les Anglois estoient logez en

trois sieges, & que l'un ne pouuoit bonnement secourir à l'autre, & que s'il y alloit à pouuoir de gens, on pouroit faire de belles choses : & pource disoient les Seigneurs au Connestable de Clifson, qu'il se hastast, auquel ils deliurent finance pour mener gens : Et outre Chastelmorant & le Barrois auoient mandé au Duc de Bourbon leur Seigneur, qu'ils estoient de son pais & de son hostel, luy requerant pareillement qu'il leur voulust enuoyer leurs compagnons les gens de son hostel, car plus honorablement ne pourroient-ils estre, & obtēpera le Duc de Bourbon à leur requeste, & feist prestement partir les gēs de son hostel, pour venir au nombre de soixāte hommes d'armes, & ne retint que deux Escuyers pour se seruir, & entend que le Sieur de Clifson se mettoit sus (comme l'on disoit) vn cheualier d'Anjou moult vaillant homme, appellé Messire Pierre de Bueil, feroit gēs partout pour aller à Nantes en l'aide des François cōtre les Anglois qui deuant tenoient le siege, & desia estoit à Angiers à deux cens hommes d'armes. Si le manderent querir Chastelmorant & le Barrois, & que briefuement s'en vint, & qu'ils le mettroient seurement parmy les ponts dedans la ville de Nantes, ainsi s'en vint comme ils luy manderent, & celuy

Cheualier nommé Messire Pierre de Bueil. Quand ils furent en la ville & ses gēs logez, & ses cheuaux enuoyez, orent conseil ensemble Chastelmorant & le barrois, & luy, qu'il leur sembloit estre bon de faire, car Bueil auoit espié deuers le chastel comme le Sieur de Cusenton Anglois qui estoit logé aupres du chastel, & auoit l'ordonnance des guets, qu'en leur logis n'auoit mye bonne ordonnance, & qui sailliroit sur eux, qu'on leur feroit vn grand dōmage, & vult le Sieur de Bueil que tantost on ferist sur eux: mais les autres ne le vouldrent, car ils attendoient leurs compagnons de l'hostel leur Seigneur le duc de Bourbon, en disant que eux venus on essayeroit de faire aux Anglois toute nuisance, si vindrēt les compagnons de ça à deux iours, & en tant on espia où l'en pouroit ferir.

Comme les gens eslans à Nantes pour le Roy de France, se contindrent contre les Anglois.

CHAP. XXXXII.

DE iour ne de nuict ne cessoient les gens d'armes mandez à Nantes par le Roy de France, & le duc de Bourbon, ensemble Messire Pierre de Bueil, d'imaginer

comment ils pouroient greuer les Anglois qui les renoient assiegez : Si aduint vn iour que parmy le chastel, toute la compagnie du Duc de Bourbon & le Sire de Bueil yssirent & allerent frapper & ferir sur le guet de l'Anglois : Messire Estienne de Lusantonne qui estoit au logis de la Saulsaye, deuers le matin, en changeant son guet, & ferirent François parmy, qui bien estoient d'Anglois cent & cinquante hommes d'armes, & François autant, dont en celuy encontre l'vne partie des Anglois fut prinse & l'autre s'enfuyt, & retint l'en prins le Capitaine Messire Estienne de Lusantonne, vn moult vaillant Cheualier d'Angleterre, & tteinte six hommes d'armes des siens, & bien soixante morts, & courut l'en dedans le logis bien auant, & semèrent Anglois en courroy deuant, qui peu leur vallut : car les compagnons les repoulsirent ens, & franchement enuoyerent à Nâtes leurs prisonniers, & soixante cheuaux de cariage, & ot gaigné de bon bagaige, & fut la premiere faillie qui fut faicte à Nantes deuers le logis des Hemmeers qui estoient à l'autre des portes, où il y auoit de vaillans gens, c'est à sçauoir le Seigneur de Vertams, le Chanoine de Robressart, Thierry le Semain, le Bastard de Vertams, & les enfâs de Maubenge, qui biē

estoyent trois cens combatans, & logez pres des Douhes en fortes maisons de bourgeois, commencerent vne myne, pource que les ennemys ont vne coustume d'estre bõs mineurs; & mynerent bien par l'espace de dix iours, & contremynerent François à l'encontre, & estoient les mynes si pareilles, que les vns parloient aux autres, en continuant lesdictes mines, aduint que la veille de Noël, aucuns de ceux de Nantes orent prins vn Gascon, qui dit aux Capitaines François, cõme les ennemis n'entẽdoient pour l'heure à autre chose, sinõ à iouier aux dets en l'hostel du Seigneur de Vertams. Si or on aduis de ouurir la porte qui estoit aupres d'eux, pour aller ferir dedãs, & ainsi fut faict, & celle veille de Noël à heure de mynuit les cõpagnons de Nantes qui biẽ estoient sept cẽs cõbatans, ferirent hardimẽt au logis des ennemis, qui encores iouioient aux dets, & les descõfirent & destrousserẽt, & fut mors Thierry Semyn & l'vn des enfans de Maubeuge, & le bastard de Vertams, & bien soixãte hõmes d'armes, & pris vingt-six bõs prisonniers, & de ceux de dedãs y mourut Messire Macé des Ymagès, & y fut pris Messire Macé de la Tailhe, & Pierre de Sany de l'hostel du Duc de Bourbon, & Robert Guy, & se retrahirent, les ennemys en yn hault hostel, & quãd leur logis

fut fecouru, y ot moult de bleffez des gens au Duc de Bourbõ: mais tout fut gaigné, & adonc vint le iour, & se retrahirent les cõpagnons dedås Nâtes, que pour celle fois n'allerent plus auant, & lendemain recouurerēt leurs prifonniers pour autres, & fut leur myne rōpuë, que plus n'en feirēt de celuy cousté, & de là à quatre iours le Marefchal de Sauoye, Meflire Boniface de Chalât efcrit vne lettre à Chafteimorant & au Barrois, qu'ils le receuffent en leur compagnie, car il auoit trente hõmes d'armes gentilshõmes, & pource qu'ils le fcauoient bon cheualier l'enuoyerent querir, & fut belle compagnie emmy la ville, & Meflire Boniface venu se prirrent à deuifer le Seigneur de Bueil, Chafteimorant & le Barrois, & les autres ayans conduit, comme ils pouroient faire dommage au logis du Comte de Bouquignan conduéteur & principal Capitaine de celle gent, qui estoit logé pres de la porte en Richebourq, & auoit fait la barriere de deux chariots, pource quand les Anglois vinrent ouurir la porte, ils se retrahirēt tãtoft en leur barriere, & quãd on ne l'ouuroit ils se renoiēt en leur maison pour le traict. Si aduiferēt vn iour ceux dedås, de faire vne myne foubz la porte, afin que les Anglois ne vinffent baiffer le pont, & que beaucoup de leurs gens se

peussent tapper és douhes sans la veuë des autres, si fut fait : & vn iour apres disner se bouterent és douhes des fossez quatre cens hōmes d'armes, & trois cens bons Arbalestriers de la garnison de Nâtes, par maniere d'embusche, & vint on bailler le pont, en faisant saillir cent hōmes d'armes, en faisant semblant d'aller escarmoucher à la barriere cōme ce estoit accoustumé. Et tantost les Anglois vinrēt à leur barriere & à leurs chariots pour chasser ces hōmes d'armes dedās la porte, & sur ce saillist tost l'embusche Frāçoise des douhes sur Anglois qui estoient 400. hommes d'armes, & 100. Arbalestriers qui les rebouterent hors de leur barriere, & biē auāt en la ruë, où il mourut des Anglois six Bannerets, & beaucoup d'autres : & furent ces Bannerets Anglois Mellsire Hue Fugierin, Mellsire Guillaume Clinton, Mellsire Iean Burle, Mellsire Feu Vnatier, Mellsire Iean Fraue, & Mellsire Thomas Trenet, & y ot de ceux de la garnison bien blesez : mais nul n'y mourut, sinon qui fut pris Robert Guy de Rion, & quād il fut desarmé, les Anglois qui se douloiēt de leur perte ne se prirent garde de luy. Si se partit Robert Guy d'eux & s'en vint aux douues, puis entra avec les cōpagnons qui de ce cōmencerent à rire. Alors les Anglois furent mal desconfor-

tez pour leurs Barons qui morts estoient, & leurs gēs qui se perdoiēt aux escarmouches qu'ils ne sçauoient que faire, & de mal en pis s'ourdisting en leur ost vne maladie de cours de ventre, que fort les acoura: car leurs gens mouroient espaisement de celuy mal, & ils auoient tenu le siege deuant Nantes des vandanges qui ja auoit duré trois mois & vingt iours.

Comment le Comte de Bouquignan se leua de deuant Nantes: & comment les quinze Anglois ne feirent leurs armes aux quinze François.

CHAP. XXXXIII.

CCharles le Roy de Frâce pour l'hōneur de son sacre, feist moult de Cheualiers, desquels plusieurs en auoit à Nātes qui grādement eux & leurs cōpagnons se maintenoient cōtre les Anglois. Le Cōte de Bouquignan qui veit telle fermeté entre ces gēs, & qui rien ne profitoit à tenir plus son siege deuant Nātes, ot propos de soy leuer pour celle saison, mais il le retardoit aucunement pource que quinze hōmes d'armes de l'hostel du Duc de Bourbon auoiēt emprise vne bataille en l'Isle pres de Nantes, & à autres quinze hommes d'armes Anglois de l'hostel

du Comte de Bouquignan à cōbatre à outrance, & qu'il n'y auroit iuges sinon deux Heraulx, l'un de France & l'autre d'Angleterre, & fut la chose promise & iurée qui faillit aux Anglois, comme vous orrez, & cousta celle emprise au Duc de Bourbon trois mille francs de harnois & d'habillemens qu'il enuoya à ses gens tous les iours, par l'espace de trois sepmaines. Les quinze qui estoient de l'hostel du Duc de Bourbon, ne faisoient que requerer les Anglois à tenir celle iournée: mais les Anglois les menoient par parolles, & leur disoient: attendez attendez, nous le vous dirons bien à point. Sur ce le Comte de Bouquignan voyant trop perdre de ses Anglois par flux de ventre, à vn soir se deslogea & toutes les gens: Et à lendemain par matin les quinze Anglois manderent par vn Herault aux quinze François de l'hostel du Duc de Bourbon qu'ils ne tenoient point la iournée: mais s'ils vouloient venir à Vennes où leur Maître le Comte alloit, ils accompliroient leurs armes. Autre responce ne firent les quinze du Duc de Bourbon, sinon dire au Herault, que si le Duc de Bretaigne leur vouloit donner bonne seureté qu'ils iroiēt faire & accomplir là: ainsi se partit du siege de Nantes sans rien auoir faict de son profit. Le Comte de

Bouquignan, & les Anglois cheuauchèrent vers Vennes. Et après eux saillirent les Capitaines François, Messire Jean de Chastelmorant, Messire le Barrois, Messire Pierre de Bueil, le Marechal de Sauoye, qui bien estoient huict cens hommes d'armes, qui coustoioiēt & tintēt Anglois de près, & gaignerent beaucoup de leur cariage, auant qu'ils fussent à Vennes, & se retirèrent les François au Chastel Ioffelin, où le fleur de Clisson nouuel Connestable de France estoit venu, & luy demanderent congé ceux de la garnison de Nantes, pour eux en aller vers leurs maistres, le Connestable leur dict de non, en leur priant qu'ils attendissent que les Anglois fussent montez en mer. Et entretant les quinze de l'Hostel de Bourbon qui estoient retournez a Nantes, en leur establie avec les autres, manderent aux quinze Anglois qu'ils estoient appareillez d'accomplir leur promesse. Et sur ce leur enuoyassent bonne assurance du Cōte de Bouquignā leur maistre, où du Duc de Bretagne, & là ils iroient volontiers. Si apporta vn Herault les saufconduits à Messire Jean de Chastelmorant au Barrois, & leurs compagnons, & qu'avec eux peussent mener cinquante Gentils-hommes, pour eux accompagner, & baillerent volontiers les saufconduits, cuidans que le

quinze François n'y deussent point aller: mais nonobstant les fausconduits, manderent les quinze Cordelleur de Gironne, Escuyer d'Escuyrie du Roy de France, pour l'assurance au Comte de Bouquignam, & au Duc de Bretagne qui l'apporta, & s'en allerent les quinze compagnons avec Cordelleur à Vennes au Duc de Bretagne, & au Comte de Bouquignam, eux presenter leur notifier que ce qui auoit esté promis, ils estoient venus tous prests de l'accomplir lendemain apes leur Messe.

Comment cinq Nobles hommes François, feirent armes à Vennes, contre cinq Nobles hommes Anglois, & qu'il en fut.

CHAP. XXXXIIII.

LE Comte de bouquignam, voyant que c'estoit à certes, ot grand conseil avec le Duc de Bretagne qu'en estoit de faire, & la responce que feit le Comte de Bouquignam, si fut que ses gens n'estoient bien en point, & qu'il auoit vng an qu'il estoit party d'Angleterre. Et aussi que luy & ses gens auoyent esté assiegez deuant Nantes trois mois. Parquoy leur harnois estoient moult

empirez, pourcelouoit de non faire armes,
& speciallement à oultrance: mais il auoit
sentu d'aucuns de ses seruiteurs que s'il y
auoit aucun de l'hostel au Duc de Bour-
bon, qui voulsist faire armes nommees, à
ce ils entendroient volontiers: si furent
moult esbahis les compagnons des parol-
les, & bien courroucez cuidant qu'ils ne
deussent poinct batailler: si aduiserent qu'il
ne tenoit pas à eux, mais seroit bon d'en
faire aucune chose, parquoy là estoient
venus, & qu'ils prendroient ce que les An-
glois leur offroient; Les armes que les An-
glois vouloient que l'en feist cinq coups de
lance, cinq d'espee, cinq de hache, cinq de
dague, & tour a pied, & on leur octroya,
Et lendemain matin François estans au cháp
ne feurent que cinq Anglois qui voulsissent
faire armes, & des gens du Duc de Bour-
bon autre cinq. C'est asçauoir Messire Iean
de Chastelmorant, Messire le Barrois, le
Bastard de Glaranins, le Vicomte d'Aunay,
Messire Tristan de la Laille. Et les cinq An-
glois estoient Messire Gaultier Cloponte,
Edouard de Beauchamp, Messire Thomas
de Hennefort Coisselay, & Messire Iean de
Tracio, estans tous les compagnons en cháp,
où le Duc de Bretagne & le Comte de Bou-
quignan estoient accompagnez de leur

gent. Le premier qui feist armes des François fut Messire Jean de Chastelmorant, cōtre Messire Gaultier Cloppeton Anglois, lesquels ne feirēt trois coups de lance a pied. Car Messire Vaultier Cloppeton fut blesse de la lance tout outre, entre les lames & la piece, & passa outre tant qu'il cheut, & d'eux deux ny ot que ces trois coups. Car on emporta Cloppeton, Messire le Barrois qui estoit armé entra au champ à faire armes, cōme son compagnon, Thomas de Hennefort qui entra pareillement. Et feurent leurs cinq coups de lance bien cheualeureusemēt, & quant ce vint aux espees du premier coup d'espee qu'ils assemblerent, blessa le Barrois l'Anglois entre la piece, & le gardebras & faussa la maille, & luy perça l'espaule tout outre, tant qu'il en conuint mener l'Anglois sans plus faire armes. Apres vint le Bastard de Glarains, & Edouard de Beauchamp, & quant ce vint à l'assembler des lances Edouard de Beauchamp tournoit vn peu l'espaule, & tant que le Bastard de Glarains deux fois le porta par terre des deux coups de lance, nonobstant qu'il fust grand de corps & bien Gentilhomme, & lors les Anglois dirent que Beauchamp estoit drouch c'est à dire yure, si le releuerent & l'emmenèrent. Lors vint Messire Tristan de la Taille
à son

a son compaignon Anglois, & accomplirent toutes leurs armes iusques aux haches, & quand se vint a ferir, Messire Tristan de la laille rua sur son Anglois au second coup de la hache, & le blessa fort, & plus n'en fut. Le Vicôte d'Aulnay rentra au champ o son compaignon, qui feirent belles armes: mais le Vicomte blessa l'Anglois du dernier coup de lance, entre l'auant bras, & le garde bras, & ot persé le bras tout outre, tant que l'Anglois n'en feist plus. Ainsi feurent les armes accomplies celluy iour, que les cinq hommes Nobles, compaignons François en eurent le meilleur, & les cinq hommes nobles Anglois le pire, comme on peut veoir dessus.

Comment les Armes accomplies, Messire Guillaume Farintonne Anglois, & Messire Iean de Chastelmorant, feirent armes, qu'il en fut, comme le Cheualier fut en prison, & comme Chastelmorant dist de belles parolles.

CHAP. XXXV.

LE Duc de Bretagne, & le Comte de Bouquignan, qui orent veu les armes, se retrahirent en leurs maisons, & les François pour eux desarmer, & pource que pres

estoit de nuict, le Duc de Bretagne, par vn sien Cheualier Maistre d'hostel les enuoya se mondre, qu'ils allassent soupper avec luy comme ceux qui estoient en sa ville, & vinrent au soupper tous ceux qui auoient fait armes, & leur feit le Duc de Bretagne grand, honneur en les faisant tous asseoir à sa table, & seruir moult grandement: & sur le leuer de table vn Cheuallier appellé Messire Guillaume Farintonne bel Cheuallier, & grand qui requist Chastelmorant, de vouloir parfaire les armes que Messire Vvastier Cloupeton son cousin germain n'auoit peu accomplir, si luy accorda Chastelmorant, s'il plaisoit au Duc de Bretagne: mais le Duc ne le vult accorder, & se courrouça moult felonneusement à son Cheualier Anglois, qui de ce l'estoit venu requerir à sa table: mais Chastelmorant pria tât le Duc de Bretagne, que lendemain à soleil leuant il fut armé en champ, encontre celluy qui l'auoit requis, pour accomplir ce, & plus outre qu'il ne luy auoit demandé, pource qu'il falloit que ses compagnons montassent le lendemain à cheval, si feurent au matin les deux Cheualliers Messire Iean de Chastelmorant, Messire Guillaume de Farintonne en cháp, presët le Duc de Bretagne, pour faire ce qui estoit empris. Et quand ils furent ensemble

en champ, le Cheualier Anglois Melsire Guillaume Farintonne, n'auoit point de harnois de iambes, car il auoit mal en vn genouil, pourquoy il ne s'en pouoit armer: Et enuoyerent requerir à Chastelmorant, par Cordellier de Gironne, qu'il n'eust plus de harnois de iâbes l'un que l'autre, & qu'ils s'asseurassent de non ferir à descouuert. Ce faict les deux Cheualliers en champ, assemblerent és lances, & de celluy ject feirent moult bien leur deuoir. Au secōd coup vinrent fort l'un à l'autre, & l'Anglois Melsire Guillaume Farintonne, assena Melsire Jean de Chastelmorant au bras, & Chastelmorant l'Anglois sous la baviere, & tant que Melsire Guillaume Farintonne, cheut d'un genouil, & mit main à terre, & le tiers coup de lance ioinde si fort l'un contre l'autre: mais quand ce vint sur l'assembler, Melsire Guillaume Farintonne baissa sa lance bas, & se accroupit un peu, de quoy il persa à Melsire Jean de Chastelmorant la cuisse tout oultre, & l'en couinst porter à son hostel: dont pource coup il fut fait un grand cry par ceux qui estoit là, veu que le Cheualier Anglois ot promis de nō s'essayer par armes en lieu descouuert par especial és iambes, & lors le Duc de Bretagne & le Côte de Bouquignā, qui orēt veu celle descōuenue.

feirēt prendre l'Anglois, Messire Guillaume Farintōne, & le desarmer en petit pourpoint & le feirent riuier en prison, & dirent au Barrois cousin germain de Chastelmorant: Allez vous en à Chastelmorant, & luy dictes que nous sommes tres-mal contens, & courroucez, de ce que ce mauuais Cheualier a failly de ce qu'il auoit promis, & le luy rendons pour son prisonnier, à le mettre à celle finance comme il luy plaira, & entre vous ses amys, si Chastelmorant meurt, faictes du Cheualier à vostre vouloir, qui fut reputé à grande Iustice des Seigneurs pour entretenir les seuretez & sauſconduits. Si vit Chastelmorant la responce par le Barrois, & Cordelleur de Gironne: ausquels respondit Chastelmorant qu'il remercioit cheirement au Comte de Bouquignan, & au Duc de Bretagne, la bonne raison & iustice qu'il trouuoit en leur seigneurie, & qu'il aymoit mieux que Fraintonne eust foullé son honneur sur soy, que si Chastelmorant l'eust foullé sur luy: & quant a ce que me faictes assauoir qu'il soit mon prisonnier, ie vous remercie humblement, & vous plaist sçauoir que quand nous sommes venus par deçà deuant vous, pour faire armes à vostre seureté & sauſconduit, mes compagnons ne moy, ne vinsmes point pour auarice, ne

conuoitise, & me seroit tourné à deshonneur, de vouloir prendre finance de vostre Cheualier, pour lequel ie vous supplie que le iettez de prison, & en faictes ce qu'il vous plaira, car le faict d'armes est tel qu'il va à l'aduenture, & pouuez assez penser que Monseigneur le Duc de Bourbon à qui nous sommes, & qui nous donne ce qui nous est besoing, & qu'il nous enuoye au monde pour aquerir honneur, seroit mal content de celle conuoitise. Et celles paroles tindrent les Anglois & Bretons, à vn grand honneur, & enuoya le Comte de Bouquignan à Chastelmorant, vn hanap d'or, & cent cinquante nobles: mais Chastelmorant luy renuoya l'or monnoyé, luy faisant sçauoir que pour ses affaires assez auoit de finances, si retint le hanap à boyre pour honneur de luy, & lors Chastelmorant dit à ses compagnons que point ne retardassent à cheuaucher pour luy, car il ne se sentoit mie si mal atourné que ne les suyuir à leur trot. Ainsi doncques se partyrent les François de Vennes, & allerent à Chastel Ioffelin, & les Anglois se partirent & allerent au Chastel de Lermine pour monter en mer, car de six mille combatans qu'ils estoient au descendre à venir deuant Nantes, ne se treuerent sinon trois mille

au Chastel de Lermine pour eux reualler en Angleterre, & les gens du Duc de Bourbon à Chastel Ioffelin, prindrent congé du Connestable Clifson, pour eux en aller à leur Seigneur, mais il ne leur vouloit mie donner: car il doubtoit fort vn grand debat qui estoit sours entre le Duc de Bretagne & le Comte de Ponthieure, car le Cōte de Ponthieure auoit e spouzé la fille au seigneur de Clifson. Si dirent les gens au Duc de Bourbon, au Connestable, que pour riē ne l'airoiēt, qu'ils ne allassent deuers leur maistre. Et quant ce veit le Connestable il pria moult aux Capitaines qu'ils laissassent leurs gens avec luy, & eux allassent vers le Duc de Bourbon leur seigneur, si le feirent, & s'en allerent les Capitaines à Paris, vers le Duc de Bourbon, qui les veid volontiers, & les festoya comme on doit faire telles gens qui ont accoustumé de bien faire.

Comme le Duc de Bourbon entreprit la charge par le Roy, & le Duc de Berry, pour la seconde fois aller guerroyer en Poictou, & comme il ot Taillebourg.

CHAP. XXXXVI.

LEs gens au Duc de Bourbon, quand seurent vers luy trouuerent que à celle heure estoient venus les Poicteuins deuers le Roy, & le Duc de Berry, c'est asçauoir le sieur de Partenay, le sieur de Poussanges Corfay, le sieur de Cour, requerir au Roy, & au Duc de Berry qu'ils leur voulsissent donner ayde & secours, car tout Poictou estoit destruiect pour cinq ou six places, qui là estoient Angloises. Premièrement Taillebourg, Belchastel, Port de mur, Bourg charrente, le Faon, Moleon & Vertuel. Si pria le Duc de Berry, qui estoit Comte de Poictou, au Duc de Bourbon, sur lignage qu'il luy pleust de prendre celle commission. Si ne luy vouloit bonnement entreprendre, le Duc de Bourbon, disant au Duc de Berry, que c'estoit trop grand chose pour luy, veu qu'il faudroit grande finance, & que les cheuaux estoient moult fors (Car il le sçauoit bien) A quoy luy respondit le Duc de

Berry, beau cousin ne vous souciez de finance. Car veecy les Barons de Poictou, qui vous demandent fort au Roy & à moy, ot à vostre venue, ils mettront sus vn fouage qui montra soixante mille Francs. Et a ce respondit vn bon homme clera qui gouernoit le faict du Duc de Berry, qui puis fut Euesque de Clermont, & dict au Duc de Bourbon Monseigneur prenez hardiment ceste commission, & ne vous esmavez d'argent, car en tant que vous amasserez vos gens, baillez moy deux hommes de vostre hostel, vn Cheualier, & vn homme de finance, & vous trouuerez vostre argent prest a ce que monte le fouage, la somme de soixante mille francs. Et sur ce le Duc de Bourbon dist au Duc de Berry qu'il luy feroit volontiers plaisir : mais cecy ne vouloit mie faire sans le sceu du Roy, & bon congé. Si alla tantost le Duc de Berry au Roy luy prier qu'il luy pleust donner licence au Duc de Bourbon pour aller en Poictou, si en fut le Roy content, & lors ordonna le Duc de Bourbon Chastelmorant, pour vn Cheualier, & Seguyn pour son Tresorier, pour aller en Poictou leuer celluy fouage : & furent moult liez, les Poictouins quand sceurent que le Duc de Bourbon venoit en Poictou, si luerent leur fouage qui fut prest en

trois semaines, & le Duc de Bourbon qui auoit ses gens sur les champs, se meist au chemin, & s'en alla en Poictou, & auoit donné iour a ceux de Poictou, qu'ils feussent assemblez, lesquels estoient belle cheualerie bien six cens hommes d'armes. Et quand il eust fait les monstres des siens, & des Poictuins, il s'en alla deuant Taillebourg, le plus bel Chastel de Poictou, & logea les Poictuins deuers la riuere, & le Duc se logea en hault avecques ses engins, & habillémés que ceux de Poictou auoient fait faire, qui tiroient iour & nuict dedans le Chastel, mais ceux du Chastel qui estoient grosses gens faisoient souuent de grosses escharmouches aux Poictuins, & speciallement a celle heure que ceux du Chasteau cueilloient leans pour eux, & leurs cheuaux, qui n'en auoient point s'ils ne la prenoient à la riuere. Si fut aduisé la maniere que ceux du Chastel tenoient, & pource ordonna le Duc de Bourbon vn iour, que trois cens hommes d'armes, que conduitoit Messire blain Loup Marechal de Bourbonnois, vaillant Cheualier, iroyent de nuict loger és tentes, & és pauillons des Poictuins avec ceux qui y estoient afin que quand ceux du Chastel sailliroient, que l'en saillist des Tentes sur eux, & qu'on les chas-

fast si qu'on peust gaigner la basse court, & leur tollir l'eau: si aduint qu'ainsi fut fait. Et le iour que l'ébusche ot esté mise, la nuit commença l'escarmouche, l'endemain comme accoustumé auoit esté, & ia ceux du Chasteau chargerent fort les Poicteuins: mais à celle heure saillirent des tentes à l'escarmouche, les gens que le Duc de Bourbon y ot fait mettre qui estoient ordōnez pour rompre ladicte escarmouche, & aller en la basse court aupres de la porte, à leur tollir le pas: parquoy ils n'eussēt plus d'eau, & ainsi le feirent, car chacun des Bourbonnois suyuoit volontiers le Pennon, que portoit Chastelmorant en bien faisant la leur deuoir. Et gaillardement se porta le sire de Beauvoir Messire Blain Loup Mareschal, Blyoberis son frere, Messire Robert de Vēdech, Messire Oudray de la Fourest, Tachon de Glenier, Guichart le Brun, & tous le feirent si bien que là ot de belles armes, si feurent les Anglois rompus, & y moururent de ceux du Chastel dixsept Anglois, & des Poicteuins deux hommes, & fut pris le Connestable de leans, par Messire Blain Loup, lequel on appelloit Bertraunet de Lirisson, & gaigné la basse cour, & la tour du pont, parquoy ils ne peurent plus auoir d'eau: dont la ioye fust grande en l'ost, car

on veioit bien que sans eue, guieres ne se pourroient tenir, mais nonobstant ceux du Chasteau tindrent trois iours, & au bout de trois iours feirent leur traicte, qu'on les laissast aller francs, leurs cheuaux & leurs har-nois, & ils rendroient le Chastel: si ne leur voulut point accordet le Duc de Bourbon, sans le vouloir des Seigneurs de Poictou, lesquels il manda querir, & ot conseil avec eux: & leur demanda, Beaux seigneurs que vous semble de ceste chose, de traictis? qui respondirent au Duc. Pour Dieu Monseigneur nous vous prions ne le refusez point, car cestuy Chastel est clef de Poictou, & port de mer: & la place dont il pourroit venir plus de maux: car de la mer, Anglois peuvent entrer dedans sans danger de gens. A l'heure ordonna le Duc de Bourbon à Messire Guillaume Neulhac, & à Messire Iean de Laye, & à Messire Blain Loup ses Marefchaux, de les aller faire vuyder par traictis, & bailla le Duc à Messire Guillaume de Neulhac le Chastel de Taillebourg, en garde au nom du Roy, & du Duc de Berry.

*Comme le Duc de Bourbon ot Bour Charante, le
Faon, où fut pendu le Cordellier, & Moleon où il
feist le mal temps.*

CHAP. XXXXVII.

REndu Taillebourg, deslogea le Duc de Bourbon o ses gens, & les Poiçteuins à grande ioye & liesse, & disoient: Louë soit Dieu, veez cy bon commencement, & allerent deuant Bour Charente, vn moult bel Chastel qui estoit au sire de la Rochefoucault, si fut assiegé le Chastel de tous costez, & y demeura on vnze iours à siege deuant, & durant lesdits vnze iours fut faicte vne belle subtilité de guerre: car il y auoit aucuns en la garnison qui estoient du pays, & venoient aucunesfois en l'ost parler à leurs amys. Et tel y estoit qui y auoit son cousin germain. Si fit parler le Duc de Bourbon à ceux qui auoient leurs amys au Chastel, cōme leur feroit pardonner tout le mal qui pourroient auoir faict, & outre ce ils auroiēt eux quatre qui parleroient à ceux dehors chacun cent francs, s'ils emplissoient le puy de leans par nuict, s'ils le pouuoient faire, lesquels se feirent forts de le combler, par ainsi qui l'on leur tint verité, & quand ils

auoient emply ledit puis par la garde qui leur estoit commise, ils s'en descenderoient requerans qu'on ne leur feist point de mal, tout ce leur fut promis. Si rentrerent les quatre au Chastel, & à leur heure cōuenable comblerent le puis de chiens, qu'ils tuerent celle nuit, de terres, ordures, & autres pu-naïfies, parquoy ceux de leans n'eurent point d'eue, & feurent moult esbahis les Anglois du Chastel comme ceux qui auoient esté trahis, & voudrent traicter à Messire Guillaume de Neulhach, duquel ils estoient bien accointez, que pour Dieu il traitast enuers le Duc de Bourbon, comment ils s'en allassent seurement, & que la place fut rendue au seigneur de la Rochefoucault: si le fit Messire Guillaume de Neullach, qui estoit parent du sire de la Roche, qui en supplia le Duc de Bourbon: ainsi eut on Bourg Charente. De la partirent le Duc de Bourbon, & les Poicteuins, & allerent deuant vne place appelée le Faõ, qui n'estoit point close de fossez, où il y eust eue, si fut assaillie bien rudement la place, & de celluy iour ne fut prise, fors seulement la basse court, où il y ot blessé moult de bonnes gës, car il y auoit leans vn Cordellier qui faisoit merueilles de tirer de Donndanes, & tant qu'il tua quatre gentils-hommes, & disoit

on qu'il estoit le plus fort arbalestrier de Poictou & estoit armé; & l'endemain assaillirét Poicteuins & Bourbonnois, le Donjon où il y ot fort assault, & ceux du fort a eux deffendre & le Cordellier de traire: mais on si esforça par maniere qu'il fut pris de bel assault, & tua on tant qu'il y auoit hommes dedans excepté le Cordellier arbalestrier qui ot prins son habit, & s'en estoit fuy au monstier, & lors chacun de l'ost demandoit ou estoit le Cordellier: si fut accusé qu'il estoit en l'Eglise a genouils deuant l'Autel. Adonc Messire Iean de Roye courut celle part pour ce que le Cordellier auoit tué de son trait vn de ses escuyers. Et print le Cordellier avec son habit, & l'alla luy mesmes pendre à vn arbre, & se mussa fort que le Duc de Bourbon ne le sceust. Et de Faon se partist le Duc de Bourbon, & alla deuant vne belle ville, & fort Chastel nommee Moleon, ou le Duc meist son siegeluy & toutes ses gens, & y demeura le Duc trois iours deuant la ville pour faire de beaux habillemens à l'assaillir de tous les coustez: & par assault prist icelle ville, & fit loger tout son ost dedans, & faire gros guect à l'entour du Chastel qui estoit moult fort, & seoit sur vn roch: & ordonna le Duc de Bourbon d'enuoyer querir tous les engins de Poictou, car il

luy estoit aduis qu'on ne pourroit auoir le Chastel sinon par battement d'engins : si aduint que le cinquiesme iour apres que le Duc de Bourbon ot pris la ville de Moleon , & qu'il attendoit ses engins, vint vne tempeste du ciel soudaine qui comença entre vespres & soleil couchant si terrible qu'à peine sembloit qu'on ne veist goutte , car il faisoit merueilleux tonnerres , & esclairs espoix dont estoit fort espouuanté , & apres se leua le plus grand vent qu'on peut iamais veoir , si horrible qu'il portoit les maisons a terre, tant qu'il les conuenoit abandonner , & à deux heures de nuit , tant de pierres cheurent de gresle , qui merueilleusement estoient grosses tant qu'ils abbatirent les arbres , & boys es champs , & de celle tempeste furent tuez plus de cent cheuaux des gens au Duc de Bourbon , & aucuns pages par les maisons qui cheurent sur eux. Si aduint que de celle tempeste terrible au Chastel qui soit bien en haut lieu , bretesche mantel ne couuerture qui ne cheust , & vn grand pan de muraille , dequoy il aduint que ceux de lean estoient moult espouuanterez , & esbashys , & leur feist on parler qu'ils se rendissent lesquels respondirent orgueilleusement pource qu'il leur sembloit

que si tous les murs estoient abbatus qu'on ne peust prendre la place. Si leur respondit le Marechal de Bourbonnois, puis qu'ils ne se vouloient condescendre, à raison de rendre le fort, il n'oseroit iamais parler de ce traictys : & s'ils estoient pris qu'on feroit telle punition que les autres y prendroient exemple, car le Duc de Bourbon les feroit tous pendre par les gorges. Et de celle parolle que dict le Marechal, ot diuision entre eux grande, & telle que dedans trois heures ils vindrent requerir traictis. Si ordonna le Duc de Bourbon qu'ils feussent de ce qu'ils voudroient dire les choses que ceux du Chastel requeroient, si estoit qu'ils s'en peussent aller, leurs personnes, leurs cheuaux, & leurs harnois, & avec ce qu'ils peussent tous les biens qui estoient leans, & qu'ils eussent deux iours d'espace à les tirer dehors. Et fut ceste chose rapportee au Duc de Bourbon, qui les meit en conseil des Cheualiers de Poictou, qui dirent au Duc: Monsieur pour Dieu prenez le traicté & les en laissez aller, car c'est vne des perilleuses places de Poictou, veu qu'elle siet a douze lieues de bordeaux, & n'en seront iamais deliurez si par vous n'est. Et Monseigneur nous vous supplions que auant que le traictis ne s'accomplissent, laissez leur har-

diment

diment emporter leurs viures, car nous auõs beſoing que vous y mettiez gens à le garder à nos despens, & que nous l'aduitaillerons bien : ſi leur reſpondit le Duc de Bourbon, Vous requerez que ie mette là ſus à ce chaſtel garniſon à vos despens, & que vous l'aduitaillerez bien : mais ſi ie laiſſe emporter les viures par-aduanture auant que l'euffiez aduitaillé, ceux de Bordeaux la vous pourroient auoir tolluë. Pourquoi ſans faille ie ne veux qu'ils n'emportent nuls viures. Si feit le Mareſchal de Bourbonnois, Meſſire Iean de Laye, la reſponce aux compagnons, comment qu'il fuſt, le Duc ne vouloit point qu'ils emportaffent nuls viures, & qu'ils ſe partiſſent eux, leurs cheuaux, & leurs harnois, dont ils feurent contens, & par ainſi fut le chaſtel de Moleon deliuré, & mis par le Duc de Bourbon garniſon dedans, à la requeſte des Poicteuins, bailla la place en garde au Bouteillier, au nom du Duc de Berry.

*Comment le Duc de Bourbon aſſiegea Vertueilh
& comme la mine y fuſt ordonnée à faire.*

CHAP. XXXXVIII.

POurce que la plus forte place eſtoit encores à deliurer, ſembloit au Duc de Bourbon qu'il n'eufſt rien faiët, ſ'il n'auoit celle qu'on appelloit Vertueil, laquelle a

noble compagnie de Bourbonnois, Poictuins, & François, alla assieger, qui estoit vne des belles places & des fortes qu'on peult veoir, & assise en hault rocher, & estoient dedans quatre vingts hommes d'armes Anglois, & Gascons, & bien quinze bons Arbalestriers. Et d'iceluy chastel de Vertueil estoit Capitaine vn Escuyer Gascon, nommé Berthomier de Montprinat, homme de grande entreprise, qui pour lors n'estoit myc là. Et avec le Duc de Bourbon estoient à celuy siege le Seigneur de Partenay, l'aisné de Poussanges, & le Sieur de Torfay, Messire Guy Seigneur de Confan, Messire Regnault de Roye, Messire Robert de Chalus, Messire Gaultier de Passach, le Borgne de Veaulle, Messire Bouciquault, l'hermite de la Faye, ses Mareschaulx, Messire Iean de Laye, & Messire Blain Loup, Chastelmorant, Messire Regnault de Bressolles, Messire Iean de Tillis, Messire Robert Damas, qui en son temps porta la banniere au Duc de Bourbon, Messire Pierre de Fontenay, Guychard le Brun Bailly de Naffelles, Tachon de Gleuier, que pour ses bonnes coutumes, on appella le bon bailly de Bourbonnois, & y'estoit Michaille & autres en grand nombre. Si se logea ce Duc de Bourbon & les siens d'un costé; & les Poi-

cheuins de l'autre. Et eux logez ot le Duc de Bourbon aduis avec les Seigneurs de Poitou & ses Conseillers, sur le faict de celle place, & leur demandant par quelle maniere se deuoit gouuerner, ou par eschelle ou par mine, & nonobstant ce alla le Duc à l'enuiron de la place à cheual. Et bien aduisée sembloit à tous qu'on ne la pourroit nullement auoir, sinon par mine. A celuy aduis respondit le Duc de Bourbon qu'il luy sembloit bien qu'ils disoient vray : Mais beaux Seigneurs, (faict le Duc) ceste mine fault qu'elle soit en roche qui est moult longue, & seroit de grand' coustange, & y demeureroit-on bien longuement auant qu'elle vint à fin. Si respondirent les Seigneurs de Poitou. Monseigneur pour Dieu ne craignez point la mise que avec les autres biens que vous nous avez faicts vous n'ayez ceste place auant que vous partiez. C'est la plus perilleuse qui soit en ces marches : car la garnison, auant que vous vinsiez, couroit tousiours à Cosne & à Poitiers, & destruiroient tout s'ils demeuroient. Et lors feist le Duc de Bourbon visiter le lieu où se feroit la mine, & meist deux Capitaines pour gouuerner ladite mine, & chacun dix hommes d'armes sous eux. Et feurent les Capitaines, le Sieur de Torfay, & le bor-

gne de Veaulse qui feirent habillemens & grands manteaux deuant le froy de leur mine, laquelle fut prestement commencée, & pour le faict estre mieux en poinct auoit mis le Duc de Bourbon l'un de ses Mareschaux, Messire Blain Loup, à tout cent hommes d'armes deuant la porte du chastel, pource que dedans y auoit grosses gens, & dura la mine à faire six sepmaines, auant qu'elle fust creuée, & aussi ceux du chastel contreminoient fort à l'encontre. dedans les trois sepmaines que le duc de Bourbon estoit là, l'enuoya le Roy querir par trois messages, qu'il laissast tout, & vint vers luy, pource que le Roy auoit sceu que le Roy d'Angleterre auoit entrepris de prendre le chastel assis en la mer à l'Escluse en Flandres, qui de nouuel auoit faict edifier l'oncle du Roy de France Philippe duc de bourgongne au nom du Roy qui fut garde du port à l'entrée du Royaume en celle partie, & plus outre conuoitoient lesdits Anglois la ville de l'Escluse s'ils la peussent auoir pour tenir en leur garde & subjection comme Callais & accomplir leur intention. Orent Anglois mis sus vne armée assez grosse en mer pour venir deuant l'Escluse, dont auoit la charge & capitainerie vn Cheualier Anglois nommé Messire Iean dandelec qui fort exploietoit

à faire le commandement du Roy son Seigneur, & pour la doute que le Roy de France auoit que le chasteil & ville de l'Escluse ne feussent pris de ses ennemis, veu que les Flamans n'estoient mye bien d'accord au Cōte Loys de Flādres, duquel le Duc de Bourgongne auoit sa fille pour femme, pour y remedier y vouloit aller en personne le Roy. dont pource mādloit le Roy au duc de Bourbon qui tenoit le siege deuant Vertueil cestes parolles disans. Vous sçauiez beaux oncles si l'Escluse estoit prise, ce seroit la destruction de nostre Royaume, parquoy ne nous veuillez faillir, & venez incontinent. Et dieu sçait si le Duc de Bourgongne à qui touchoit la chose hastoit le Roy.

Comme le Duc de Bourbon se contentoit mal de laisser le siege de Vertueil, & pour cela soy enuoya excuser au Roy.

CHAP. XXXIX.

LE Duc de Bourbon qui grand coust, & mission, & de bon vouloir se tenoit au siege deuant Vertueil afin que honorablement le peust auoir. Oy ces nouuelles de par le Roy fut entrepris, & fort pensif, & appella deses priuez Cheualiers & seruiteurs, & leur dict: veez vne des grandes despliances que i'eusse pieça: car elle touche mon

honneur en deux manieres, l'une si ie laisse ceste place, ie la laisse à mon tres-grand deshonneur, & si ie n'obey à Monseigneur le Roy aucune gens pourroient dire que ce seroit mal fait, parquoy en ces choses i'ay beaucoup de pensees, & non sans cause. Et oultre dict le Duc à ses Cheualiers à qui il se conseilloit: Je vous diray dequoy ie me suis pensé, s'il vous semble bon, & pour le plus honorable à mon aduis, l'enuoyeray deux Cheualliers deuers Monsieur le Roy, pour luy monstrier que i'ay grand desir d'accomplir son commandement, & luy dire que i'ay assez douleur, & desplaisance de moy partir deuant ceste ville & Chastel de Vertueil si honteusement, qui touche fort à mon honneur. Et pour celle Ambassade fournir allerent de par le Duc de Bourbon au Roy à Paris, Messire Iean de Chastelmorent, & l'Hermite de la Faye qui dirent au Roy la parolle, & les regrets de leur Seigneur: dont le Roy print bien en gré leur venue. Et leur dict le Roy, qu'il falloit que son oncle le Duc de Bourbon, s'en vinst toutes choses laissees, & respondirent les deux Cheualliers au Roy: Sire vous scauez que ce seroit deshonneur à ce Seigneur s'il laissoit celle place sans la prendre, & aussi amener les Poicteuins qui sont grosses gens,

il n'amie bien de quoy les conduyre: Si ad-
uisez sur ce qu'en est de faire, car les Poicte-
uins ont a leurs despens faict la guerre: dont
Monsieur le Duc de Bourbon vostre oncle
est chef. Et cecy disoient les Cheualiers au
Roy pour donner alonge, afin que leur sei-
gneur le Duc de Bourbon feist sa belongne
en prenant le Chastel de Vertueil, & s'en ve-
nir honorablement deuers le Roy, si res-
pōdit le Roy au Cheualier: Ha ha dea pour
argent ne demeurera pas, car avant que
vous partez i'enuoyeray par vous à bel on-
cle la finâce, pourquoy ils s'en pourra venir.
Si feurent les Cheualiers ioyeux de la respō-
ce du Roy, laquelle tantost ils manderent au
Duc à son siege de Vertueil, & qu'il se ha-
stast le plus qu'il pourroit de prendre celle
place, car ils eurent sçeu par le Roy, com-
mēt besoing estoit qu'ils s'en retournast: mais
tant orent faict les Cheualiers, que le Duc
auoit trois sepmaines pour l'argent que
le Roy leur auoit dict qu'ils porteroiēt,
c'est asçauoir quinze iours, auant que feust
receu l'argent, & huiēt iours deuant qu'ils
feussent à luy, mais luy mandoient les Che-
ualiers, hastez vous de vostre œuure, par
maniere que quand nous serons par delà
que vous en puissiez venir. Le Duc de Bour-
bon oye la relation de ses Cheualliers se ha-

sta moult, & meist doubles ouuriers à parfaire la myne. Et aduinſt que quand les Cheualiers vindrent au ſiege à toute la finance, ils relatirent au Duc comme le Roy, & le Duc de Bourgogne eſtoient partis de Paris, & pouuoëit ja eſtre a l'Eſcluse pour remedier encontre l'armée des Anglois qui là eſtoit deſcendue : & en tant que les Cheualiers orent mis à venir vers luy, il ot tant exploicté qu'il ne s'en falloît mie deux iours que la myne ne fuſt paracheuee.

Comme le Duc de Bourbon ſe combattit en Mine à Vertueil, & comme il ot le Chaſtel.

CHAP. L.

LA Mine miſe a fin pour y entrer ſeulement, & combattre, les Cheualiers Torſay, & Borgne de Veaulſe garde d'icelles, allerent au Duc de Bourbon, luy diſant : Monſieur, la mine eſt preſte venez y quand il vous plaira. Bien diſt le Duc : mais lendemain par matin les Anglois de leans qui virent la mine eſtre perſee pour la cuyder eſtoupper, feirent vne ſallye deſſus le guet du Duc de Bourbon, ſi feurent iceux Anglois repoulſez ſi lourdement par ceux du guet, que pris y en ot cinq hommes d'ar-

mes & quatre morts , & de nostre costé fut mort le seigneur de Marueil , & le seigneur de Treignac blessé , tant qu'il l'en conuinst porter, & deux Escuyers de Poictou mors, & y ot faict de belles armes , ainsi fut l'escarmouche. Et celluy iour mesmes, prist le Duc de Bourbon douze Cheualliers , & aucuns Escuyers avec luy, disant, Je veux aller veoir la mine, & cella ne faisoit il sinon pour esperance de combattre. Si alla le Duc en se mettant tout le premier: & mist le Borgne de Veaulse deuant luy disant, Borgne, allez deuant qui cognoissez les gens de ce Chastel, & dictes à ceux de leans s'il y a poinct de Cheualiers, vienne auant pour combattre à la mine, & il trouuera qui le receura, lors appella le Borgne de Veaulse s'il y a point de Cheualiers qui voulsist faire armes: si luy dirent que non, mais bien avec eux estoit vn haut Gétil homme qui auoit belle compagnie leans, & lieutenant du Capitaine qui estoit prest & appareillé de faire armes a quiconque vouldroit venir. Et sur ce respondit le Borgne de Veaulse, mette soy auant car veez cy qui est tout prest (sans vouloir nommer son maistre.) Et à l'heure s'auança le duc de Bourbon en la mine, & aussi feit celluy Escuyer que disoient ceux du Chastel , lequel on clamoit Regnault de

Montferrand d'autre part, & feirent le duc & luy à poulseiz de leurs espees cinq coups l'un à l'autre, & entredeux orent aucuns qui ne se peurēt tenir de dire, Bourbō Bourbō nostre dame. dont celluy Escuyer Regnault de Montferrand fust moult esbahy, & sereculla, & dict. Et comment Messeigneurs c'est cy Monsieur le Duc de Bourbon. Oy certes, ce dict le Borgne de Veaulse, c'est il en personne. Lors dict Regnault de Montferrand, le doy bien louer dieu, quand il m'a aujourd'huy faict tant de grace, & d'honneur d'auoir faict armes avec vn si vaillant prince. Et vous Borgne de Veaulse, dites luy que ie luy requiers qu'il luy plaise qu'en ceste hōnorable place, où il est, il me face Cheualier de sa main, car ie ne le puis iamais estre plus honorablement, & pour l'honneur & vaillance de luy ie suis prest à luy rendre la place. Et de cecy parla le Borgne au duc de Bourbon qui regarda que toutes ces choses estoient à son tres-grand honneur, disant qu'il estoit bien content: mais que Montferrand luy apportast les clefs. au pertuis de la mine: si luy accorda Montferrand qui les luy bailla, & les clefs rendues illec mesmes le feist Cheualier le duc, & luy requist ledict de Montferrand à son partir qu'il luy pleust donner les prisonniers qui orent esté pris

à l'eſcarmouche où mourut marueil, & le duc de Bourbon en fut tres content, & fut ordonné que Montferrand rendroit la place le iour de lendemain paſſé. Et outre fut faiſte vne ordonnance que les Cheualliers, & Eſcuycrs qui là avec le duc de Bourbon eſtoient, feroient armes lendemain dedans leur mine, à ceux du Chaſtel, les vns contre les autres, que garderoit Meſſire Jean de Laye mareſchal, afin que chacun fuſt content d'auoir combattu à la mine. Et les Cheualiers & Eſcuycrs qui feirent armes à ceux de dedans, furent le ſieur de Partenay, le ſieur de Couſtan, Meſſire Regnault de Roye, Meſſire Robert de Challus, Meſſire Jean de Chaſtelmorant, le borgne de Veaulſe, le ſieur de Torſay, Meſſire Guillaume de la Forest Meſſire Blain Loup mareſchal de Bourbonnois, Meſſire L'hermite de la Faye, Meſſire Jean de Saint Priet, appellé le petit mareſchal, Meſſire Boucicault, & les Eſcuycrs, Michaille Lagalle, Perrin ouſſel Blirbetis Loup, Tachon de Glenier, Guichard le Brun, & autres, & ne pouuoient faire armes, que d'eſpees, pource que le pertuis n'auoit qu'un pied & demy de quarrure, mais bien

faisoit chacun son deuoir l'vn apres l'autre selon le lieu qui estoit estroict, & pource que la nuit se obscurfissoit, s'en rerournerent les compagnons aux tentes, & l'endemain enuoya le Duc de Bourbon, l'vn de ses Marechaux, Messire Jean de Laye au Chastel à Montferrand, lieutenant de Bartholomee de Montprinat, qui encores n'estoit mie de repaire d'Angleterre, le semôdre de rendre la place, laquelle il rendit ainsi qu'il auoit promis, & faillit hors, & tous ses gens armez, & montez en belle ordonnance. Et vint deuant le paillon au Duc de Bourbon descendre, qui estoit bien accompagné de Cheualiers, s'agenouilla Regnault de Montferrand deuant le Duc, & luy dict: Mon tres-redoubté Seigneur, ie vous remercie moult humblement, les biens & honneur que me sont venus de vous, d'estre Cheualier par la main d'un si hault & vaillant Prince, comme vous estes. Si est honneur à moy, & à tout mon lignage pour tousiours: mais apres luy respondit le Duc. Messire la Cheuallerie est bien employée à vous, car vous estes vn vaillant homme, & de bon lignage, & incontinent enuoya querir le Duc vn bel coursier qui estoit tout prest & luy donna: & feist apporter par Messire Guillaume de la Pierre son Cham-

bellan, vne grosse ceinture dorée poissant dix
marcs d'argent, qu'il luy donna aussi : dont
Melsire Regnault de Montferrand se tint
amoult honoré, & dict deuant tous, que
iamais sa personne ne s'armeroit, & ne se-
roit al'encontre du Duc de bourbō. Adōc
se partist Melsire Regnault, & print congé
du Duc, lequel mist au Chastel pour garde,
au nom du Duc de berry, le sire de Torfay
a vingt cinq hommes d'armes, & ainsi pris
Vertueil, se partit le Duc a toute sa compa-
gnie, & alla à Poictiers desirant de tirer vers
le Roy, & luy estant à Poictiers luy requi-
rent les Poicteuins, Nous vous tequerons
en l'honneur de Dieu avec les biens que
vous nous avez faicts (puis qu'ainsi est vous
despartir) que vous nous vueillez laisser la
moitié de voz gens, car il y a trois places en-
tre Limosin & Poictou sur la riuere de la
Dordonne, qui destruisent le pays, & en est
Capitaine bernard Donat & Gabillon, &
sont les trois places, Corbies, les Granges,
& Montvaillant. Et lors respondit le Duc
de Bourbon au Seigneurs de Poictou, vous
estes six cens hommes d'armes, & i'ay autres
six cens hommes de mon hostel que i'em-
meneray, car vos six cens prendront bien
celles trois places, si dirent les Poicteuins
au Duc. Nous ne pouuōs rien faire sans vos

gens , baillez nous Capitaines à conduire cestuy faiët, ils seront bien payez , & nous laissez vostre enseigne , & des gens de vostre hostel six ou sept. Alors feit le Duc de Bourbon son ordonnance , qu'il lairroit de ses gens deux cens hommes d'armes , & deux cens qu'ils emmeneroit des Poïcteuins , pour s'en aller deuers le Roy : Ainsi laissa le Duc de Bourbon six cens hommes d'armes en Poïctou , & pour les conduire demeurerent Messire Iean de Chastelmorant , qui portoit l'enseigne du Duc , Messire Regnault de Roye , Messire Boucicault , le petit Mareschal , le Borgne de Veaulse , Messire Regnault de Bressoles , Messire Pierre de Fontenay , Messire Robert Damas , Messire Robert de Vendach , Messire André de la Fourcsts , ensemble Michaille , Guyon Gouffier , Blyberis Loup , tous de l'hostel du Duc , qui accompagnoient son pennon , & les autres estoient du pays de Bourbonnois , & le Duc de Bourbon se partit avec six cens hommes d'armes , & s'en alla de tire deuers le Roy à l'Escluse où il estoit.

Comment les gens du Duc de Bourbon en ſon abſence, & les Poiſſeuins conquiſterent Corbies, les Granges, & Mont-vaillant.

CHAP. LI.

TAndis que le Duc de Bourbon qui eſtoit party de Poiſſou, s'en alloit au Roy pour ordonner des beſongnes ſur le faiſt de l'Eſclufe. Aduint que les Poiſſeuins ne voulurent perdre temps, ne auſſi les gens que le Duc de Bourbon leur auoit laiſſez. Si dirent les Poiſſeuins aux Bourbonnois. Il y a vne place à vingt-deux lieües d'icy, appellée Corbies, qui pourra aller de tire, ſans qu'ils en ſça- chent rien, il y a auprès vne Abbaye au trait d'un arc, où ils viennent ouyr l'Office de Noel, & qui mettra là vne embuſche, on ne faudra point à prendre les meilleurs de la garniſon, & ne faut à ce faire que cent hommes d'armes, où eſtoient en chef, Meſſire Regnault de Roye, Meſſire Iean de Chaſtelmorant, portant le pennon, Meſſire Boucicault, & Meſſire Robert Damas, qui eſtoient tous bien montez, & cheuaucherent vn iour & vne nuit les vingt deux lieües, par

les guydes du pays qui les menoient, & met-
rent leur embusche en vn bois deux heures
deuant iour, & celle veille de Noel vn peu
apres Soleil leuant, faillit le Capitaine de
Corbyes, sa femme, & la pluspart des gens
de leans, pour aller en l'Abbaye ouyr le ser-
uice, & au plus fort de l'Office faillit l'em-
busche des gens au Duc de Bourbon qui
estoit au bois, & prirent le Capitaine, sa
femme, & les amenerent deuant la place,
avec plusieurs autres, pour la faire rendre
ou couper lestestes. Et incontinent le Ca-
pitaine fut d'accord à le rendre, qu'ils feus-
sent saufs luy & sa femme, qui le furent.
Adonc rendit la place aux cent hommes
d'armes, qui detinrēt les autres prisonniers,
& monta le butin de Corbyes aux cent hō-
mes d'armes, tant des prisonniers comme
de la Robe, bien quatre mille francs, & fei-
rent les hommes d'armes raser la place, &
s'en retournerent vers les compagnons, où
ils les auoient laissez, auxquels de leurs gains
ils feirent bonne part. Et eux assemblez tout
d'vn accord, & les Poiçteuins, allerent met-
tre le siege deuant les Granges qui estoit
en plain pays, dont estoit Capitaine Gabil-
lon, qui bien auoit quatre vingts cōbatans,
& estoit la place toute de brique, qu'auoit
faict faire le Cardinal de Lymoges, & n'e-
stoient

stoient mye paracheuez les fossez d'un costé, & feirent tantost Bourbonnois habilemens de bois pour venir au pied du mur d'une grosse tour qui estoit là, commençaron a miner, si n'osoient saillir ceux de la garnison, & aussi ne pouuoient, pource que tout en tour estoit de Poicteuins & Bourbonnois enclos, & se deffendoient de la tour le mieux qu'ils pouuoient: mais on mina par si bonne entente, qu'en deux iours & deux nuiets fut minée la tour, & estayée à y bouter le feu, & la feirent tomber, & le tiers iour bouta l'en le feu à la raine, si chet la moitié de la tour, qui tua bien vingt personnes des gens de leans, & ceux qui estoient au remanant de la tour qui d'enhault ioinoiēt les mains à ceux de dehors, & qu'ō les prist à mercy, ce qui fut fait, fors aux traistres dont il y en auoit quatre, qui orent les testes couppees. Ainsi fut deliuré les Granges, & baillé Gabillon & les prisonniers Anglois qui les auoient destruits par ceux de Bourbonnois aux sieurs de Poictou, qui baillerent aux compagnons pour leur bel seruice trois mille francs, & tiroient les compagnons de Bourbonnois & de Poictou à Montvalant, que tenoit Bernard Donat: mais quand Bernard Donat les sentit venir, il se departit de la ville pour aller amasser gens, &

gagner sur l'ost s'il pouuoit, & laissa en la ville pour la garde, quelque trente combattans : mais quand l'ost vint deuant eux ils orent conseil entre eux, disans : Nulle place n'arreste deuant les gens du Duc de Bourbon, & hayssent nostre Capitaine mortellement, pour la prinse de la Duchesse sa mere, où il fut, & si nous sommes pris, nous serons tous morts pour celle raison : Si vault mieux que nous nous rendions à Monseigneur le Duc de Bourbon, & ainsi le firent : Et fut mis pour garder le Mont-vaillant, Bernard Brochart Capitaine pour le Duc de Bourbon, qui le garda bien. Et de Mont-vaillant prindrent congé les gens du Duc de Bourbon aux Sieurs de Poictou, pour eux en aller vers leur Maistre, veu ce qu'ils auoient acheué la conquête qu'ils deuoient faire, & au partir les remercièrent moult les Sieurs de Poictou de leur bonne ayde, & les payerent pour vn mois outre leur salaire, lesquels s'en allerent de belle tire vers leur Prince, qu'ils desiroient moult à veoir : & en chemin trouuerent plusieurs messagers qui fermement les hastoient, car fort desiroit tousiours le Duc de Bourbon les gens de son hostel, & ceux de son pays. Si cheuaucherent les compagnons tant

qu'ils vindrent à l'Escluse, où le Duc de Bourbon leur Maistre estoit avec le Roy, & trouuerent que les Anglois à grand pouuoir estoient descendus deuant l'Escluse, & tenoient le siege à force de vaisseaux par deuant le Chastel Neuf de l'Escluse assis en la mer, que le Duc Philippe de Bourgogne auoit edifié. Si fut la compagnie bien recueillie & festoyée du Duc de Bourbon, car les gens du Roy & eux, pouuoient bien estre mil cinq cens hommes d'armes, & disoit tout homme de valleur parmy l'ost du Roy: Le Duc de Bourbon a fait la plus belle deliurance d'un chastel qui fut faite pièce: car en combatant à la mine en personne à Vertueil, contre noble homme Regnault de Montferrand qui le gardoit au nom du Roy Anglois, a rendu ledict Regnault au Duc de Bourbon icelle place, en luy requerant Regnault, qu'il feust chevalier de sa main: Dequoy l'on disoit par l'ost: Veez cy belle chose, car le Duc de Bourbon auoit en Poictou six cens hommes d'armes, qui ont pris trois belles places, & sont venus assez à temps pour faire armes contre les Anglois.

*Comme par le sens & aduis du Duc de Bourbon
Anglois se leuerent de deuant
l'Escluse.*

CHAP. LII.

A Pres la prinse de Vertueil , que l'an de grace couroit mil trois cens quatre vingts & six , & estoit le Roy de France à l'Escluse , ensemble ses oncles les Ducs de Bourgongne & de Bourbon , pour aller à l'encontre de l'armée des Anglois , qui en terre en celle partie estoient descendus à conquerir le chastel de l'Escluse & la ville , de laquelle estoit maître & Capitaine Messire Iacques Dandellée , qui ja auoit faict les vaisseaux ancrer , & son siege mis par terre , comme par vaisseaux signez , par la mer nul n'en pouuoit yssir , ne par la terre aussi entrer , pource que c'estoit tout pallis , & le Duc Philippe de Bourgongne qui veoit cest inconuenient , & auoit peur de son chastel & de la ville du Roy , cōmença a dire present le Roy au Duc de Bourbon : Beau cousin , vous auez bien besongné en Poitou , & vos gens aussi , & ne semblez Prince desert , car vous auez belle com-

pagnie : Lors luy respondit le Duc de Bourbon : Monsieur , moy & ma compagnie sommes au commandement du Roy & de vous , & à ce sommes venus : Mais Monsieur , il me semble que le Roy & vous estes bien taillez de demeurer icy longuement , qui ne labourera autrement : vous veez que les Anglois sont desmontez à terre , & ont assiegé vostre chastel & la ville , & si n'y auez encores pourueu : Adonc dict le Duc de Bourgongne. Que vous semble, beau cousin , qui ce doit faire ? Monseigneur , il m'est aduis que vous deuriez ferrer toutes les gens de mer, dont il y en a de bons , & aucuns de l'Isle de Cagen, qui est vostre, pour sçauoir si en icelle Isle a nuls vaisseaux , & d'icy là n'a guieres. Si dict le Duc de Bourgongne present le Roy , que c'estoit bien dict : & sur ce fut empris le conseil , où fut rapporté par ceux de la marine , qu'en l'Isle de Cagen y auoit huiet vaisseaux, & deux par deça au haure de l'Escluse comme à sec : Et fut conclud en conseil d'auoir cinq cens hommes d'armes & quatre cens Arbalestriers en l'Isle de Cagen , & qu'on meist aux deux vaisseaux de l'Escluse deux cens hommes d'armes , & cent Arbalestriers , que l'en feroit grand dommage à

cette armée , pource que des Anglois les plusieurs estoient en terre descendans vers le chastel, où ils auoient commencé la mine , & estoient plus à aisnuy à terre qu'en mer: Si dict le Duc de Bourgogne au Duc de Bourbon, Beau cousin, enuoyons en icelle nostre Isle les cinq cens hommes d'armes, vous, deux cens cinquante , & moy autant , ensemble les Arbalestriers , & qu'ils s'en viennent icy, dedans deux iours , & aillent ferir & combattre les vaisseaux Anglois qui flottoient en mer deuant le chastel , pource qu'Anglois gisent en terre, & sont ententifs à ouurer en leur mine , & avec ceux de l'isle, seront en leur ayde les gens de nos deux vaisseaux qui sont icy pour les reconforter. Et ainsi fut accompli , car les deux Ducs Bourgogne & Bourbon , manderent en l'Isle de Cagen cinq cens hommes d'armes , & cinq cens hommes de traiët , auxquels fut dict que le second iour vinssent comme on leur auoit chargé, ferir en la chayne, où les vaisseaux des Anglois estoient arrangez entre les deux tours. Si se hastèrent les compagnōs qui allerent en l'Isle s'appresterent, & celuy iour feirent grosse garde les gens des Sieurs Ducs de Bourgogne & de Bourbon avec ceux du

Roy : & à l'heure qu'aux gensd'armes estoit ordonné, partirent de l'isle de Cagen, & vindrent ferir à la chayne qu'auoient renduë les Anglois d'vne tour à autre. Et quand Messire Iacques Dandelec veit ce, commanda à ses Anglois eux leuer de terre, & se recueillirent en leurs vaisseaux en grand effroy : mais si tost ne se peurent recueillir, que nos gens qui partis estoient de l'Isle, n'eussent feru en vne partie de leurs vaisseaux, en y boutant le feu, & y en ot que pris que bruslez, iusques à seize vaisseaux, & furent Anglois moult esbahys de ceste perte. Si se serrèrent tous-ensemble entre-
rent en mer, & d'illec à quatre heures feirent voilles pour eux en aller leur chemin, dont il fut grande liesse à l'ost, du desemparement des Anglois, & de leur alée. Et ordonna le Roy & Sieurs du faict de l'Escluse grandement, pour crainte du retour des Anglois:

*Comment le Duc de Bourbon retint en son service
au gouvernement de ses pays, le
Seigneur de Nourrys.*

CHAP. LIII.

ORdonné par le Roy de France la garde de de l'Escluse, se partit avec ses Oncles , & s'en vint à Paris où de nouvel estoit sur ce vne conuersion, rebellion, & murmure contre les Nobles, & aussi estoit elle en Flandres pareillement : Mais en celle de France, le Roy se porta par maniere que là , Dieu mercy , elle ne vint point auant, & le murmure pacifié estant le Roy à Paris , feist de grandes ordonnances, & les Ducs ses oncles de Berry, & de Bourgongne , lesquels ordonnerent l'Estat du Roy si grandement tenir, & celui de son frere le Duc d'Orleans , qui estoit ieune raisonnablement. Et outre ordonnerent que le Duc Loys de Bourbon auroit la garde de la personne du Roy, sans s'en bouger , comme grand Chambrier , & Pair de France qu'il estoit , & eux auroient le Regiment du Royaume & de ses finances, apres la personne du Roy. Et là establirent les pensions selon que

chacun deuoit auoir , & apres icelle ordonnance veoyant le Duc de Bourbon qu'il falloit s'arrester & entendre à la garde du Roy, se pensa de mettre ordonnance en ses pays , & à ce conuenoit vn Cheualier sage qui representast sa personne au gouuernement d'iceux , & pensant à ce , dist le Duc de Bourbon aux gens de son Conseil : l'ay trop fort ouy louer vn Cheuallier de Niernoys , appelé le Sire de Nourrys , & suis informé qu'il est bel Cheuallier , preud'homme , & moult sage, & en ay ouy dire beaucoup de biens, au Sieur de Mesenconte , & au Sire de Montmor , & dist le Duc de Bourbon au Sire de Moutmor , Il est ton voisin , ie te veux enuoyer là , afin qu'il vienne parler à moy : car ie desire moult de le veoir, si respondit Montmor , Monsieur ie suis prest à faire ce qu'il vous plaira me commander : Lors se partit le Sire de Montmor , vint en Niernoys , dist au Sire de Nourrys ce que luy auoit chargé son Seigneur , & avec Montmor alla volontiers le Seigneur de Nourrys à Paris au Duc de Bourbon, pour les grands biens qu'il a ouy dire de luy. Le Sire de Nourrys venu à Paris, luy dit le duc. Sire de Nourrys, pour le sens & preud'hōmie de vous, ie vous ay enuoyé

querre pour vous bailler le gouuernement de mes pays, où i'ay bien beſoing d'un bon gouuerneur. A ce reſpōdit le ſire de Nourris. Monsieur, ceux qui vous ont parlē de mon ſens, ils en ſont mal informez, mais quant à preud'hōmie, ie voudrois touſiours eſtre preud'homme, & croy bien que le petit faiēt qui eſt mien, ie le gouuerne à mon pouuoir le plus loyaument que ie puis, mais à vos faiēts qui ſont ſi grands ce me ſeroit trop grande charge: car me doubte que ie ne la ſçeulle mie bien faire. Adonc luy diēt le Duc de Bourbon, Sire de Nourris ſi ferez bien, car ie conſie tant en voſtre ſens loyauté & preud'homme, que vous en viendrez bien à chef, & i'ay par delà deux ou trois loyaux officiers qui ſont preud'hōmes, que bien vous ſeruiront. Et vous monſtreront tout l'eſtat de mō pays: Ainſi retint le Duc de Bourbon, le ſieur de Nourris qui feiſt au Duc le ſerment, & l'enuoya le Duc en ſon pays, ſi orres cy apres les belles ordonnances que feiſt le ſire de Nourris, luy eſtant au pays de Bourbonnois.

Comment le Sire de Nourris , se exploicta au service du Duc de Bourbon & qu'il feist.

CHAP. LIIII.

Messire Pierre de Nourris , quand il fut à Moulins, print le Gouvernemēt en la main, cōme le Duc luy auoit enchargé ; & la premiere ordonnance qu'il fit, fust : Que toutes les fināces du Duc de Bourbon sercueillissent par vn homme tout seul, & adce faire , mit le sire Nourris , Lorin de Pierrepont qui estoit vn preud'homme , & qui sçauoit les coustumes du pays , & qui loyaument auoit seruy le duc : Et ordonna le sire de Nourris en la Chambre des Cōptes, vn qui auoit bonne memoire, appellé Gaiget , & qu'il eust vn clerc avec luy, & estoit celuy Gaiget vn moult subtil hōme , & bon coustumier , & par ces ordonnances que le sire de Nourris fit, les finances du duc de Bourbon estoient tousiours ensemble. Et apres que le sire de Nourris ot mis le pays en bonne ordonnance, tant sur les finances que sur la Iustice, il feit cōmencer le Chastel de Montlucon, & auant qu'il eust demeuré neuf ans au service du duc de Bourbon, il trouua voye, & manie-

reque son maistre le Duc de Bourbon, ot le Chastel Chinō, vn des beaux Chasteaux de la Duché de Bourgongne, & vault bien fix ou sept mille liures de rente, en recompense fut baillé à la Royne Blanche, Creil, qui ne valloit de prise, que trois cens liures de rente, laquelle le vendit au Roy. Item feit recouurer le sire de Nourrys la terre de Combraille, qui valloit deux mille liures de rente laquelle auoit achepté Messire Pierre de Giach Chancelier de France, & ot esté vendu iadis pour le mariage de la Royne de France, & du Daulphin de Viennois, lequel Chancelier en ot payé vingt cinq mille francs d'or. Si trouua voye & maniere le sire de Nourrys que les gens de Bourbonnois, feurent contens de payer ladicte finance au Chancelier, & par ainfi l'eut quitte le duc de Bourbon, qui fut bien seruir son maistre, & pendant tous ses seruices fut la grande rumeur commencée de ceux de Flandres, & vne partie de ceux de France, que encores le Roy n'auoit mie bien peu appaiser. Et pource que le duc de Bourbon, fut plus assure à la garde de la personne du Roy, où il estoit, mande au sire de Nourrys qu'il luy enuoyast les nobles de son pays armez, & montez, & ceux qui en feroient, reffus qu'il les punist. Si le feit le sire de Nour-

rys, & les mena au Duc luy mesmes, comme celluy qui vouloit estre en la bataille si poinct on en faisoit; Et quand le sire de Nourrys fut à Paris, le duc de Bourbon luy dict qu'il auoit faict bonne diligence, de luy admener ses gens: mais quant est de vous qui estes icy, ie suis bien liez, car on m'a tant rapporté en bien voz œures, qu'il m'en est moult bel de present: Vous ne pouuez venir avec moy, car i'ay senty qu'il y a aucune rumeur à Clermont, en Beauuoysin, où il conuient que vous aliez, & que vous prenez de mes gens, pour estre bien accompagné, vingt cinq ou trente: Car vous scauez que ceux de Beauuoisin sont volôtiers coustumiers de faire mal, & mouuoir quelque rebellion, & veez que ceste ville de Paris, se murmure en tout mal. Et ont ia les Flamens chassé leur Seigneur, le Comte qui est bien taillé de tout perdre, si le Roy ne se haste de le secourir, & eux allez, ceux de Flandre avec ceux de Paris, ainsi qu'on dict. Et surce s'en alla le sire de Nourrys par le commandement de son maistre, en Beauuoisin, à grand regret de le laisser que par son sens appaisa les gens d'icelle contrée, & tant par iustice comme par douces parolles les mit en la bonne grace, & obeyssance du Duc de Bourbon leur Seigneur.

Comme le Roy de France entreprist le voyage d'aller en Flandres.

CHAP. LV.

L'An courant, mil trois cēs quatre vingt & dix, n'estoit mie accompli encorés qu'une coniuration s'estoit meüe en Flandres, des communes contre leur Seigneur le Comte. Et la meute fut telle : car les Maires & Escheuins des villes, ayans la garde des priuileges de leur franchise, monstroient comme le Comte Loys les foulloit en ce cas, & ne leur laissoit iouyr des coustumes ordinaires accoustumees dont ils vsoient, mais les auoit mises au neant (comme ils disoient) & que tout deuoit estre sien, & vouloit que de luy eussent les loix, & coustumes qu'ils debuient maintenir, & toute la police de Iustice vouloit le Comte que de luy fut exercée, en y mettant ses officiers pourquoy moult grief sembloit aux Communes qui accoustumées auoient par la loy de ville, & estre subiectes à leur Seigneur par raison, se sentans estre aggraués de sa malle Seigneurie, se rebellerent tous à vne voix contre luy, & le ietterent hors du Comté, en eslisant vn de leurs complices à les souste-

nir, appellé Iacques d'arteuelle, en luy diſant:
Le Comte Loys a aigrement pris enuers
nous de nous ſous ſa main ſuppediter, & te-
nir en ſeruaige, dont il luy meut, nous ne
ſçauons: il a ja ſa fille mariée en France, par-
quoy bõ eſt d'aduifer cõme nous nous gou-
uernerons, car ſans faillir le Comte eſt allé
là. Ausquels reſpondit Iacques: Portant que
nous ſoyons d'accord, nous ſommes aſſez
puiſſans de reſiſter contre luy, defendons
nous de tous qui allencontre de nous vien-
dront, & ie ſuis celluy qui de bon cœur en
prens la charge, & l'office de vous defendre,
& garder à mon pouuoir. Adonques tou-
tes les villes de Flandres, ordonnerent leurs
dixainiers à leuer tailles, garnir leurs villes, &
mettre ſus vne groſſe gend'armerie ſur les
champs pour cõbattre, quiconque les vien-
droit aſſaillir. Et en tant que les Flamans ſe
mettroient en poinct, le Comte Loys leur
Seigneur deſchaffé pareux, ſe partit du pays,
ſ'èpaſſe en Artois, alla à Heſdin, cuidât trou-
uer le Duc Philippes de bourgongne, qui
auoit ſa fille pour femme, ſi luy fut dict qu'il
eſtoit vers le Roy à Paris. Adõc y alla le Cõ-
te où il trouua le Roy, & le duc de bourgon-
gne ſon fils, auxquels il dict: Monſeigneur, &
tres-redouté Seigneur, Mõſeigneur le Roy,

la terre & Seigneurie, & Comté de Flandres qui est mienne, ie le tiens de vous de fief en souueraineté, dont à cause de ce, ie suis Pair de France, & le doyen des Pairs qui est icy vostre oncle le duc de Bourgongne, a espousé ma fille. Or est ainsi que les gens de mon pays se sont rebellez contre moy, & m'ont chassé dehors non mie par ma coulpe, mais par la leur, qui ne peuuent souffrir aise: ils sont si riches & plains que rien ne peuuent endurer, & m'est aduis que s'ils auoient grand pouuoir, puis qu'ils m'ont iecté du pays, ils s'efforceroient à en ietter d'autres, & conquister leurs terres. Parquoy mon Souuerain, & redoubté Seigneur, ie suis venu à vous, o à vostre oncle mon fils, à reffuge que vous remediez à ce, & me remettiez à ma Seigneurie, comme bon seigneur doit faire à son loyal vassal. Si prist à l'heure la parole, le duc de Bourgongne, & dict au Roy, Monseigneur, mō beau pere dict bien, mandez vos gens, & allons combattre celle villenaille; Vous avez raison beau oncle, dict le Roy, & pource que plustost nous suyuent, demain nous en irons d'icy, & tirerons en Flādres. Celle nuit mesmes manda le Roy de France, ses lettres à ses gens d'armes qui en plusieurs parties se tenoient aupres de luy, qu'ils le suyussent, & que

& que tous se treuassent ensemble au pont de Cômynes, à la riuere par où l'on entre en Flandres. Ainsi donc quand tous Capitaines oyrent ce dire, se hastèrent fort pour aller deuers luy, c'est asçauoir le Marechal de Sanxerre qui auoit belle compagnie, plus de fix cens hommes d'armes, le Sieur de Clifson Connestable de France, qui auoit grâd gent, le Sieur de Saint Priet, le Sire de Sauuese, le Sire de Renty, le Sire Daussy, le Sire de Fossense, & le Sieur de Longueval tous de Picardie, & maints autres Capitaines, tant que le Roy ot bien six mille hommes d'armes, lequel estoit logé en ses tentes, au long d'icelle riuere, & le Duc de bourgogne, & le Comte de Flandres, estoient avec la personne du Roy, & le Duc de bourbon à grand gent au plus pres, & son commun estoit logé au pont de Commines, avecques l'Euesque de Langres, qui fut moult vaillant homme, & auoit belle compagnie. Et pendant cela, celluy Iacques Dartenelle dessusdict, conducteur de la commune de Flandres, alencontre de son Seigneur, manda vn de ses sequaces ou suyants, appelé Pietre du bois loger deuant eux, au bout du pont de Commines, afin que François ne le peussent passer, quiauec Pietre estoit bien dix

mil hommes, mais celle nuit il aduint cōme le Marechal de Sanxerre qui estoit logé sur la riuiere, comme les gens qui n'estoient point oyseux, trouuerent vn bon homme qui leur enfeigna iusques à trois petits vaisseaux enfondrez. Si les feit le Marechal tirer del'eaue, & passer les gens toute la nuit bien six cens hommes d'armes, & à l'aube du iour alla ferir aux Flamans, que conduisoit Pierre du boys qui estoient à la garde du pont, & de cene se prenoient garde. Et les gens du Duc de Bourbon, dont estoit capitaine Messire Robert de Chalus, ensemble Messire Gaulcher de Passac, Messire Iean de Chastelmorant, le Sire de Sainct Priet, le petit Marechal, Messire Boucicault, Messire Robert Damas, & autres avec l'Euesque de Langres, de l'hostel de Rougemont, qui tous estoient armez, & scauoient l'emprise du Marechal: A l'heure que le Marechal ferit les Flamans, ceux de Bourbon baissèrent leur pont qui gardoient, & se ferirent ens de l'autre laiz qui bien estoient six cens hommes d'armes, & en celle empraincte les ferirent tellement que des Flamans y eust bien noyés deux cens, & quatre mille mors en vn pré, où estoit le Marechal de Sanxerre, & sur le pont. Et par l'effort des gens au duc de Bourbon, & du bō Marechal, & de l'Euesque

de Langres, s'enfuit Pierre du Boys à tous quatre mille hommes seulement, vers Jacques Darteuelle son Capitaine tout debbaraté. Si feurent portees les nouvelles au Roy de France, au Duc de Bourgongne, & au Duc de Bourbon, & au Comte Loys, en leurs tentes, qui en feurent moult liez, & loierent Dieu de ce bon commencement.

Comme par le bon aduis du Duc de Bourbon, & du Sire de Concy, le Roy de France eut la bataille contre Flamans à Rosebeque.

CHAP. LVI.

LE Roy Charles de France, qui ot sceu comme ses gens orent besongné la nuit passée contre Flamans s'esliouyt moult, & pource lendemain se deslogea du lieu ou il estoit, & o toutes ses gens, passa le pont de Commines, & s'en alla deuât Ypre, lesquels luy feirent ouuerture, & fut logé le Roy dedans Ypre, & son ost allentour. Estant le Roy à Ypre, feit Messire Guillaume de Neullah, vne emprise ensemble, les gens au Duc de Bourbon ou estoit Messire Gaultier de Passac, Messire Blain Loup, Mareschal de Bourbonnois, Messire Iean de Chastelmorant, & Messire Guichard son

frere, le Sire de Saint Priet, petit Marechal, Messire Jean de Saint Priet, Messire Robert Damas, Messire Robert de Vendach, Messire Oudry de la Forest, Messire Pierre de Fontenay, Michaille Guyō Gouffier, Tachon de Glaynier, & maints autres qui cheuaucherent toute la nuict, pour aller courre vne ville, qui de rien ne se prenoit garde, & où il n'y auoit qu'une lieue, & nommoit on la ville Popelinguës. Si arriua là Neullach de Bourbonnois vne heure apres minuit, & trouua le guet de celle ville qui gardoit la barriere: si allerent les compagnons ferir baudement parmy le guet que bien en tuerent la moitié, & le remanant s'enfuit, & y en eust bien morts que du guet, que de ceux de la ville quatre mille personnes, & feurent tous riches des ioyaux des femmes, de vaisselle d'argent, de draperie, que d'autres biens qu'ils trouuerent que ce fut merueille. Si ens repairent arriere à tout le gain deuers le Roy, qui leur feit bonne chere, & le lendemain d'Yprele deslogea le Roy pour tirer vers bruges: mais il ne feit que trois lieues loing, es plains Rosebeque, que Jacques d'Artenelle qui bien scauoit la venue, ne fust en haut en la montagne de Rosebeque, à tout quarante mille hommes armez. Ce veoyant les

François, comme les communes s'apprestoyent pour eux combattre, rangerent leurs batailles, & se mirent en bonne ordonnance, dont ils en firent trois, & l'aduantgarde estoit le Connestable de France, Clisson, & le Marechal de Sancerre bien accompagnez de bonnes gens: & en la Bataille du Roy qui estoit à la main dextre feurent ordonnez pour la garde, les Ducs de Bourgongne & de Berry, & le Comte Loys avec leurs gens, à la tierce estoit le Duc de Bourbon, & le Sire de Coucy, à belle compagnie bien entalantez de bien faire: mais quand les batailles feurent arangées pour combattre Flamens, le Duc de Bourbon dict au Sire de Coucy, Beau cousin veez cy le Connestable, & les Marechaux qui sont deuant nous, ne pouuons aller assaillir nos ennemis, sinon parmy eux, qui est bien vne chose bien merueilleuse, lors dict Coucy, Monseigneur vous dictes bien vray, & me semble que si nous allions entre la bataille du Roy en maniere d'une aisse, & prissions la montagne, auourd'huy nous ferions vne belle iournée au plaisir de Dieu: Adonc dict le Duc de Bourbon, Beau cousin s'est bon aduis, & lors la banniere du duc que Messire Robert Damas portoit, se meist

deuant, & le duc de Bourbon, & le sieur de Coucy à toutes leurs gens apres, & allerent tant qu'ils monterent le mont au derriere de la bataille des Flamans, prestement à poulsees de lances, à coups de haches, & ferir d'espee vinrent ensemble parmy eux, & à celuy commencement, les ferrerent tellement François qu'ils recullerent Flamans en leur auantgarde, laquelle reculla plus de six brasses : mais pource qu'en Froissart on trouue la vaillance des aduoiez Cheualiers, Escuyers, & leurs noms tant du Roy comme des Seigneurs, des Ducs ses oncles des Connestables, & Mareschaux, & du sire de Coucy qui à la besongne vaillamment se porterent, n'est ja besoing plus en dire, mais à venir au Duc Loys de Bourbon, de qui ceste Cronique est faicte, & est à nommer aucuns qui avec luy estoient en ce champ, Messire Guy sieur de Cousan, Messire Hugues de Chastellins, le sieur de Chastelmorant, ses fils, Guichart, & Jean Cheualiers, Messire le barroys, Messire Robert de Challus, Messire Blain Loup mareschal de Bourbon, Blirberis son frere, le sieur de Saint Priet, Messire Guichart de Passach, Messire Boucicault, l'Hermite de la Faye, Robinet de Vendach,

& Ouldry de la Forest Cheualiers, Messire Robert Damas qui tenoit la banniere, Messire Regnault de Bressolles, le sire de la Fayette, le sire de Changy: & les Escuyers Guichart le Brun, Michaille, Guyon Gouffier, Perrin Duffel, Tachon de Glainiers, le bastard de Glarains, Philippes Berault, Baudouin Melchin, & autres en bon nombre, qui selonneusement faisoient aux Flamans accointance, & si bien oppugnerent qu'il n'y auoit que redire. Or doncques le Duc de Bourbon, & le sire de Coucy à tout leurs gens, enuahirent les Flamens par derriere sur le mont de Rosebeque aigrement contendoient à l'assemblee, maintes lances y ot brisees, & maint haultbert rompu & froissé. Là peut on voir maint hommes verser, & restes casser, & d'esrompre les heaulmes poincts coupper, & voller emmy le champ. De moult grand force se combattoient François, & Flamans, & y fit le duc de Bourbon merueilles d'armes, d'une hasche qu'il tenoit, il frappoit à dextre, & à senestre sur Flamens, & ce qu'il assenoit ia ne le sceust releuer, & tant se plongea entre Flamans le vaillant Prince, qu'il en fut rué par terre, & blessé, mais tost fut secouru par les vaillans & bons Cheualiers, & Escu-

yers dessus nommez , & autres qui se penirent de le redresser , & soustenans le faix , & tuans Flamans , si fut releué le bon Duc, par le sieur de Chastelmorant , & Michaille; & derechef plus fierement se remist en la bataille qui la veid le sieur de Coucy de rompre la presse, & abatre Flamans , les occir & destrancher , & luy peust remembrer de vaillant Cheualier, & là tant faire les deux Seigneurs par l'effort de leurs gens, qui vigoureusement se combatoient , que leurs ennemis tournerent en fuitte, lesquels s'estoient tenus au plus asprement qu'ils peurent, si en feirent grande occision , & tant y en auoit que les vns destourboient les autres fuir, si fut le Capitaine Iacques Dartenelle mort , & sa banniere abbatue que portoit vne femme armée appellée la grand margot , qui illec demeura morte, & fut commune renommee , que par le Duc de Bourbon, & le Sire de Coucy à l'ayde de leurs gens, la bataille fut gaignee contre Flamans , pource qu'ils auoient enchassez hardiment par derriere : & à celle bataille sur le mont de Rosebeque, furent morts des Flamans de seize à dix huit mil, & le demeurant s'en fuyoit. Quand les sieurs de Bourbon, & Coucy, & leurs gēs orēt

assez occis de Flamans , & outrée la bataille , ils auoient faict venir leurs cheuaux, sur lesquels eux & leurs gens monterent hastiuement, & coururent apres en chasse , & en tuerent bien deux mille en chassant, & mille qui feurent noyez en vn estang , & chasserent tant outre le Duc & Coucy, qu'ils atteindrent Pietre du bois, qui s'estoit mis en vn petit boquet avec trois mille hommes, & là luy coururent sus, & enuahirent aigrement, & Pietre du bois & ses Flamans se vendoient cherement, & se deffendoient hardiment, pour la confiance du lieu où ils estoient. Celle meslec fut aspre & griesue: Par le Seigneur de Bourbon & Coucy, ensemble leurs gens d'armes, s'efforcerent de les jetter hors du boquet, & à ce faire plus s'entremettoient, pource qu'ils orent desconfis plus de gens sur le mont de Rosebeque, & tant vaillamment s'embatirent, qu'ils les jetterent à force du boquet, & en orent le meilleur, & là pource que Pietre du bois fut tué, perdirent Flamans leur vertu, & feurent si plains de peur, que onques puis n'y ot coup feru de par eux, ains feurent là que morts que prins, quatre mille hommes, & n'y perdit le Duc de Bourbon que trois des siens qui feurent morts, & Michaille griesuement blessé, & à l'heure que le Duc

de Bourbon s'en repairoit de celle besongne avec le Seigneur de Coucy, luy vint le Bastard de Flandres au deuant, & criant: Ha Monseigneur de Bourbon, le remanant des Flamans qui sont eschappez s'en vôt à Courtray, baillez nous de vos gens, & les poursuions. Adonc dit le Duc de Bourbon, Messire Jean de Chastelmorant, prenez mon enseigne, & vous tels & tels (comme il disoit) allez apres, si se meirent à la poursuite des gens. Ensemble, le Bastard & le Duc de Bourbon, & le Sieur de Coucy, s'en retournerent vers le Roy qui estoit en sa bataille au pied de Rosebeque, lequel de ioyeux vouloir accolla les Seigneurs de Bourbon & de Coucy en louant Dieu de la victoire que par eux & leurs gens il luy auoit donnée: Et les gens des Seigneurs de Bourbon & Coucy, chevaucherent viftement apres Flamans, dont ils trouuerent grandes ruytes par les chemins, si en tuerent assez, & entrerent en Courtray François & Flamans ensemble, & prindrent les gens du Duc de Bourbon (apres l'occision faicte) la grande rue du pont, où estoient les plus belles maisons de la ville, où ils se logerent & gaignerent moult de biens, & enuoyerent dire au Duc de Bourbon leur Seigneur, ce qu'auoient faict, dont il fut tres-joyeux, & leur manda

le Duc qu'ils ne se meussent de là où ils estoient, & ainsi le firent: car avec la victoire de la bataille, le Duc de Bourbon ot le bruiet d'auoir pris Courtray, & trouua son logis grandementourny quand il y vint. Et lendemain vint le Roy Charles à Courtray, le Duc de Bourgongne, & son beau pere de Flâdres: Aussi le Duc de Bourbon qui trouua son logis bien faict, & grand' foison de viures: & demeura le Roy de France deux iours à Courtray, où l'en trouua au Beufroy de la ville trois cens esperons dorez des Cheualliers au Comte de Vallois, que jadis Flamans auoient tuez, & sur ce ot-on grand cōseil d'abatre la ville: mais le Duc de Bourgongne pria que non, car c'estoit l'une des bonnes villes de Flâdres, & n'en pouuoient mais ceux qui là demeuroient. Adonques les Ambassadeurs des communes de Flandres selon leurs villes, vindrent requerrir mercy à leur Seigneur le Comte Loys, de leur forfait en la presence du Roy qui le pacifia à son peuple, & le remist en sa plaine Seignurie.

Comment le Roy à son retour de Flandres entra à Paris, où premier entra le Duc de Bourbon.

CHAP. LVII.

L'An renouellé que l'on comptoit mil trois cens quatre vingt & treize ans, le

Roy de France apres la bataille de Rosebecque en Flandres, quand il eut restitué le Côté de Flandres son vassal en sa Seigneurie entiere, se partit du pays, ensemble le Duc de Bourbon à toutes leurs gens, & cheuaucha le Roy lyement par ses iournées, tant qu'il vint deuant Paris, pour cause de la rebellion, & le Duc de Bourgongne avec son beau pere. Le Comte & sa compagnie s'en alla à Bruges, pour faire mettre la ville en poinct, si fut le Roy en belle bataille deuant la Cité de Paris, & auoit doute d'entrer dedans, car il y auoit encores en la ville bien dix huit mille harnois pour armer encontre luy. Si fut ordonné que le Duc de Bourbon y entreroit le premier à tout huit cent hommes d'armes, pource qu'il estoit aymé de ceux de la ville: Et y entra le Duc à auantgarde à belle bataille, & en arriere-garde, & outre enuoya le Duc certaines gens par les carrefours de la ville. Parquoy il n'y eut point d'assemblée, & s'en alla tout droit le Duc de Bourbon au Palais en celle maniere, & puis au Louure, où il meist gens, & pareillement à la Bastille Saint Anthoine, & les bonnes gens s'agenouilloient deuant le Duc de Bourbon comme deuant Dieu, dequoy il en auoit grand' pitié. Ainsi s'en retournâ le Duc de Bourbon deuers le Roy,

qui luy dict, Sire entrez dans Paris vostre bonne ville, quand il vous plaira, car on vous y verra volōtiers, & s'il y a dix ou douze qui ayent mal faiēt, les autres n'en peuēt mais. Alors se meist le Duc de Bourbon deuant, en l'ordonnance comme il estoit entrē premierement, & le Roy apres en belle bataille, qui alla descēdre au Palais, & le Duc de Bourbon passa outre auec ses gens en la citē, pour sçauoir s'il y auoit rien mal mis. Et celle nuit on ordonna certains Capitaines, pour aller toute nuit parmy la ville, a trois cens hommes d'armes, les trois Capitaines feurent le Galloys Daulnay, Chastelmorant, & le Barroys, qui feurent le guet celle nuit, & en partant du Palais où ils auoient assemblē leur guet, venant à Chasteller, & de Chastellet allant à Sainēt Paul chez Cados, où il y auoit entrē deux ribaux Bretons : Si oyrent fēmes lesquellescrioēt leans à la mort, ce oyant le guet descēdirent & entrerent ens, & feurent pris les deux ribaux chargez de robes de femmes, d'argent & de ioyaux, par especial l'vn, car l'autre n'auoit point faiēt de mal, comme les femmes le disoient, & celuy qui estoit chargé de robes, le Galloys Daulnay, Chastelmorant, & le Barroys, le pendirent aux croisees de la fenestre, & à l'autre coupe-

rent l'oreille, & l'en enuoyerent, & demeura le ribault pendu deux iours, & le venoit chacun veoir, disant que c'estoit la plus belle Iustice qu'ils eussent pieça veu faire à gensd'armes : Et s'en allerent les Capitaines vers Saint Paul, & vers la Bastille Saint Anthoine, & s'en retournerent vers Saint Innocent, & en la grande rue Saint Denis, là leurs vallets qui alloient deuant, trouuerent vn vallet qui auoit desrobé vne merciere de chapeaux, & bien deux cens liures de ioyaux, si fut pris le malfaieteur & les ioyaux sur luy, & estoit le ribault à la gallée, & le trouuerent saisi Chastelmorant, le Barrois, & le Gallois Daulnay, & eux mesmes le pendirent celle nuit à l'eschelle du Temple, où il pendit trois iours : Et fut le bruit si grand à Paris de la Iustice qu'on auoit faicte, que c'estoit merueille, & fut lendemain ordonné que en quelque part que l'on trouuaist ribaults, faisans mal, qu'on les pendist tantost en la place, sans les mener au gibet.

Comme les armures de Paris feurent portées au Louvre par le commandement du Roy qui les receut, & comme le Duc de Bourbon parla au Sire de Nourris beaux mots.

CHAP. LVIII.

POurce que plus aſſeur fuſt le Roy de France en ſa ville de Paris, & que les habitans n'euffent cauſe d'eux eſmouuoir à faire commotions, & eux rebeller, fut crié de par le Roy à Paris ſon retour de Flandres, que tout homme qui auroit harnois l'apportaſt au Louvre, ſur peine d'eſtre faux & traistre au Roy, & lendemain que la criée euſt eſté faiçte, le Barrois, Chaſtelmorant, & le Gallois Daulnay, feurent au diſner du Roy, qui loüa moult ce qu'ils auoient faiçt, & leur donna à eux trois le Roy, ſur les forfeitures mil cinq cens francs d'or, & leur pria le Roy qu'ils allaſſent au Louvre, veoir & receuoir les harnois, & qu'ils en ſçeuffent le nombre, lesquels y allerent & y feurent deux iours par le commandement du Roy ſi vous certifie que dedans trois iours ot apporta au Louvre 1500. harnois à armer, ſans les meſcomptes, & en tât qu'on

receuoit ces armures , feurent faictes les informations de ceux qui estoient consentans de la rebellion, lesquels on feist trainer parmy Paris , & trancher les testes iusques à douze, & fut monstre au Roy, & dict: Qui tailleroit les testes à tous les deffaillans, il y en auroit trop, & dirent ceux des finances, qu'il valloit mieux que le Roy feist vne composition pour la despence que on faict en Flandres, que plus proceder outre en cas criminel. Ainsi le Roy creut conseil, & fut la composition de deux mil francs d'or , & donna le Roy congé pour celle fois aux gens d'armes: Et le Sire de Nourris qui sceut que le Duc de Bourbon estoit à Paris, se partit de Clermont, & alla vers luy, & se accōplaignit fort au Duc de ce qu'il luy auoit fait perdre ceste belle iournée de Flandres, Ne vous chaille, si dit le Duc de Bourbon, vous en serez , & des autres, & ie auois bien besoin de vous, là où vous estes allé, & luy demanda le Duc comme se portoit Beauuoisin, bien, Monseigneur, ce dist Nourrys, & ie vous ay acquis six cens liures de rente qui ne vous a rien cousté, c'est à sçauoir. la Chelle, & ay commencé vn estang qui ne sera mye moins grand que Gouuieux , mais qu'il soit acheué. Si fut le Duc moult ioyeux, & pria le Duc au Sire de Nourris qu'il s'en

allast

allast battant en Bourbonnois, & qu'il amassast argent à desroy, car le Roy qui auoit fait tant de choses, esperoit à en faire de plus grandes. Si se partit le Sire de Nourris, vint en Bourbonnois en son office, & le Duc demeura à Paris, à la garde de la personne du Roy, comme il estoit commis.

*Comment le Duc Philippes de Bourgongne entre-
prist le passage d'Angleterre.*

CHAP. LIX.

Charles Roy de France, & Loys Duc d'Orleans, freres, qui estoient deux ieunes Princes en celuy temps, se dōnoient liesse & ioye de la victoire que contre Flamans orēt eüe, & en Paris la cité à l'Eglise Cathedralle, & au Palais à la Sainte Chapelle: pour icelle victoire le Roy & les Princes du Sang Royal, feirent oraisons à Dieu, offrandes & louanges aussi à Saint Denis, où gisent les corps des tres-chrestiens Roys de France. Et nonobstant ce que le Roy fust de jeune aage, luy & le bon aduis des Princes, les Seigneurs Ducs ses oncles, Berry, Bourgongne, & Bourbon, orēt ordonné ce saint & meur conseil, tant en la Cour de Parlemēt, comme les Officiers du Royau-

me, aussi és reformatiōs, parquoy la chose publique estoit bien gouvernée : & aussi se contentoit moult de Dieu & des Seigneurs, de la paix que par sa grace leur auoit enuoyée, veu que moyēnant son ayde estoiet dechassez comme tout hors du Royaume, les Anglois leurs ennemis anciens. Et comme il apparut apres aux Estats qu'ils prissent à meur, leur sembloit que fortune leur fust comme mere, & douce en ses tours , & en celle prosperité la gloire de France se cōtint l'espace de trois ans , où de toutes parts venoient à regarder la Majesté du Roy pour la renommée que partout en voloit , comme pour venir à refuge & auoir secours de luy : Pareillement les constitutions Royales, droicts & Ordonnances qui en son Parlement se plaidoient , lesquelles ils veoient volontiers , & se gouernoient en leurs terres selon icelles : Et les Ambassadeurs qui ensemble venoient de maintes regions, pour le sens , preud'homme, & honneur, qu'ils scauoient au Duc Loys de Bourbon, se tiroient tous vers luy, car il auoit l'administratiō & la garde de la personne du Roy, lesquelles il faisoit expedier selon les faicts & briefs, & moult se contentoient de sa parole. Durant icelle prosperité le Duc Philippes de Bourgogne ce vaillāt Prince, qui

tant de belles choses entrepriſt, comme la bataille de Flandres, & le faiſt de l'Eſclufe, qui veoit le Roy de France ſon nepueu croiſtre & auoir aage d'homme, ſe recorda des conqueſtes paſſées & vaillances qu'ils eurent faiſts iadis les Roys de France, en ſouſtenans leurs droicts: Et ſurce vn iour entre les autres à Paris, alla au Palais le Duc de Bourgongne, où il y auoit moult de Seigneurs qui eſtoient là, & commença à dire au Roy, Les Roys vos predeceſſeurs ont fait maintes belles choses, tant en accroiſſant le Royaume, qu'en gardant & deffendât leurs droits, & pource qu'en ce temps de paix que nous auons, vous & nous de voſtre ſang, pouuons faire amas de gens d'armes & prouiſions, ſi que nul ne nous offence: dont dit le Roy au Duc de Bourgogne. Vous diſtes bien, beau Oncle: mais pourquoy le diſtes vous? Monſieur, diſt le Duc, ie le vous diray, Il me ſemble que ce n'eſt point faiſt qui ne faiſt plus fort. Les Anglois ont guerroyé Monſieur voſtre Pere longuement & vous, & ne ſont que paſſer ſouuent deçà, & ne ſont que peu de gés, laiſſons toutes ces petites entrepriſes, & en ſoit faiſte vne telle qu'il en ſoit memoire perpetuelle: Vous eſtes le plus grand Roy qui viue, & qui auez plus de gens, & me ſuis penſé maintes fois pour-

quoy nous ne faisons vne emprise à passer en Angleterre, pour abatre le grand orgueil de ces Anglois, & pour cecy faire, Monseigneur, est mander tous vos vassaulx & subiects qui sont loyaux seruiteurs, & aussi à vos alliez & pensionnaires, & premier le Comte de Hainault, le Duc de Iuilliers, & le Duc de Bretagne qui a vne grande puissance, & vous viendra volontiers suiure, & vostre beau cousin Aime Comte de Sauoye, fils au Comte Verd, & de la sœur au beau cousin le Duc de Bourbon, qui de ioyeux cœur vous suiura, & ie me charge que dedàs demi an, ie feray venir au port de l'Escuse vaisseaux, pour passer dix mille hōmes d'armes : Mais, Monseigneur, vous mandez au hault Maistre de Prusse, qui bien est vostre allié, qui vous enuoye le nombre qu'il pourra de vaisseaux, & ie sçay bien qu'avec nous beau cousin de Hainault, & beau cousin de Bretagne, ensemble la puissance de Flādres qui ne faudra point. Si fut ceste parolle du Duc de Bourgongne au Conseil du Roy, moult bien ouye & prisee en gens tous vaillans Cheualliers & preudhommes qui là estoient, & dirent tous en vne voix au Roy, Sire, veez cy vne haulte, tres honorable, & iuste entreprise, & moult vaillante (comme vous a dit Monseigneur de Bourgongne) &

qu'à l'aide de vous , ſe peut mieux faire par luy que par nul autre : car il eſt vn hault & puiffant Prince, & eſt grand Seigneur ſur la mer en la Prouince de Flandres : & diſt le Comte de Tâcaraille (auquel il parla apres) qui luy ſembloit, que le Roy & le Duc de Bourgongne eſleuffent iuſques à huit Cheualliers pour mettre ceſte beſongne en bonne ordonnance, & qu'elle fuſt executée, & qu'on amaffaſt toutes les finances du Royaume pour conduire à effect, qui eſtoit vn des plus forts poincts de la beſongne, & feuffent mis en mains ſeures, que point ne feuffent deſpendües ſinon à celle armée: Et outre fut diſt que le Roy mandaſt par tout pays, quiconques en armes en celui voyage le voudroit ſeruir & prendre ſes ſouldes, ſe retiraiſt vers luy à l'Eſcluse, & on le cōtenteroit plainement, car il voudroit que par tout on ſçeuſt que c'eſtoit pour paſſer & cōqueſter Angleterre. Et priſt le Roy de France terme de huit mois, & que tous ceux de ſon mandemēt ſe trouuaſſent vers luy à l'Eſcluse comme il eſtoit ordonné: & dirent les Cheualliers au Duc de Bourgongne qu'il ſe retiraiſt vers ſon pays, pour aſſembler les nauires qui eſtoit le plus fort, qui reſpondit au Roy en conſeil, que bien ſe faiſoit forr du nauiere, & d'vne grande partie de gens, & vous

Sire & les autres qui cy demeurez, mettez diligence chacun selon son faict, que au iour nommé on soit en poinct, car par deffaut de vaisseaux ne demeurera mye que le voyagenes'accomplisse. Ainsi fut entrepris l'aller pour conquetter Angleterre, & passer outre, & se partit le Duc Philippe de Bourgongne pour aller en Flandres, & le Duc de Berry & de Bourbon demurerent vers le Roy, pour mettre le remenant en ordonnance : ensemble les huit Cheualliers qui en conseil pour ce faict estoient esleuz, & en celuy conseil auoit esté dict que le Duc de Berry auroit le gouuernemēt du Royaume durāt le voyage, lequel dict qu'il n'estoit mie bien content du Royaume, & que certes il iroit avec le Roy à sa puissance iusques à l'Escluse, en esperance d'aller en Angleterre. Le Duc de Bourbon qui estoit cheualeureux, & qui de loing pensoit à ses faits, manda au Sieur de Nourris (que grandement gouuernoit ses besongnes) qu'il mette toutes ses finances ensemble : & outre qu'il les feist amener pour la garnisō à Paris, deux cens tonneaux de vin, & deux mille lards de la forest de Troncay, & que toute ceste prouision fut menée à Clermōt en Beauuoisin, où il prendroit les bleds pour faire ses prouisions, & autres deux cens tonneaux de vin,

& toute ceste ordonnance manda le Sieur de Bourbon au Sieur de Nourris, qu'il feist par maniere que les prouisions du Duc de Bourbon feurent les plus belles qu'on peust veoir.

Comment le passage d'Angleterre fut rompu ; & comment le Duc de Bretagne traicta partir les Anglois de Bourbonnois.

CHAP. LX.

COurant l'an mil trois cens quatre vingt quatre, le Roy de Frâce qui estoit ieune & fort, & entallenté de faire chose qui fust de renommée, auoit ja faict son mandement des Seigneurs sus deſnōmez, & à tous autres de guerre notifié sa iournée, pour mouuoir a passer en Angleterre pource partit de Paris en noble appareil, & s'en alla à l'Escluse par mer, en attendant ses gens. Or vint le temps que le Roy auoit mādē, & n'estoit mie de bōne heure, qui volōtiers ne tira vers l'Escluse, en espoir de nager par mer en Angleterre, & si vindrent en ce mādement vassaulx, nobles hommes, & ailliez, tant que le Roy eust en sa cōpagnie bien vingt-deux mille harnois de iābès, & huit mille hōmes de traict, & le vaillāt Duc Philippe de Bourgogne Côte de Flādres & d'Artois, qui n'auoit pas dormy, auoit bien assemblé 1600. gros vaisseaux tous à voilles, dōt il y auoit

bien huiſt cens nefſ à caige à deux voilles,
& tous les autres vaiſſeaux gallées & bons
paſſageurs , & diſoit-on par tout qu'on
n'auoit veu nuls eſtorcs en mer pour vn
Prince, plus bel, ne plus grande armée
depuis Troye la grande : Et feurent les
vaiſſeaux departis à vn chacun Seigneur,
& fut dict que le Duc de Bourbon ſe-
roit aduantgarde en celle armée , & luy
deliura on ſes vaiſſeaux , car il auoit bel-
le compagnie de Cheualliers , Eſcuyers,
& d'autres gend'armes qui volontiers le
ſeruoient, & le ſuiuoient pour ſon bon
nom. Les Cheualliers qui communement
l'auoient ſerny en ſes voyages , & y eſtoit
Meſſire Guichard Daulphin, le Sire de la
Tour , Meſſire Hugues Seigneur de Cha-
ſtelmorant, & Meſſire Iean ſon fils, le Pen-
non du Sire Sainct Priet, Meſſire Blain
Loup Mareſchal de Bourgongne , & Bir-
beris , Meſſire Guillaume Garet , Meſſi-
re Iean de Sainct Priet, dict le petit Mareſ-
chal , Meſſire le Barrois , Meſſire Iean de
Bonnebault , Meſſire Gaulcher de Paſſac,
Meſſire l'Hermite de la Faye, Meſſire Ro-
bert Damas portant la banniere , Berthier
de Naſſelles, Phillebert Berault, Guichart le
Brun, Baudequin de Verſa, Michaille, Guyō
Gouffier , & entre autres auoit eſté dict

que le Duc de Berry, & Bourgongne se prēdroient garde du Roy, & le gouueneroient, pource que le Duc de Bourbon estoit commis à conduire l'aduantgarde, nonobstant que le Duc de Berry fut ordonné à gouuerner le Royaume, lequel ne voulut point demeurer. Et au haure de l'Escluse ou port, estoit bel à veoir l'armée du Roy flottant sur la mer, & les garnisons dededans que les Seigneurs y orent faict mettre. Et en tant que les patrons, & administrateurs de mer, se exploictoient à dresser les gardes, & leuer voilles, pour singler en mer à passer oultre, lendemain fut denoncé au Roy que les Anglois qui œuurent tousiours de grandes malices, & bien estoient certains du passage que le Roy vouloit faire, pour le destourber vindrent passer par deça au pays de Flandres à Bourbourg, qui pour conseil d'aucūns qui onques n'aymoient le Royaume. Et pource fut grand bruit à l'Escluse entre les fleurs, disans: Que irons nous faire en Angleterre, veez cy nos ennemis qui sont deça, voulons nous aller conquerer le Royaume d'Angleterre & perdre le nostre, dirent aucuns qui mien n'auoient vouloir de passer oultre. Et de cella vint la rumeur si grande entre les Seigneurs, que l'armée en fut rompue, & fut deliberé de licentier

les vassaux, & d'aller par terre, où estoient les Anglois, au val de Cassel, ou ils auoient pris deux villes, l'une appelée Bourbourg, & vne autre. Si tirerent vne grande partie des gens d'armes du Roy icelle part, & autres qui s'en allerent mal contents, & chevaucha le Roy deuant Bourbourg, si le fit assieger tout autour de ses gens, & dedans Bourbourg estoient d'Anglois mille hommes d'armes, & mille Archers, & estoit vne partie de Bourbourg close de pallis: mais il y auoit fossez plains d'eau. Et estant le Roy à son siege deuant Bourbourg, aucuns de ses Capitaines fournis de gens ensemble de ceux au duc de Bourgongne, & de Bourbon, iusques à deux mille combattans, si partirent du logis, & allerent deuant la ville au pallis, par maniere d'assaillir, pour veoir que feroient ceux de dedans, & le Seigneur de la Trimouille, fut celluy qui premier entra ès fossez, le pennon du Duc de Bourgongne apres, & celluy du duc de Bourbon, & autres gens saillans des fossez, qu'ils firent moult de belles armes au pallis, & en combattant aux pallis, fut ietté le feu dedans la ville de Bourbourg, qui estoit couuerte de paille, & estoit le feu si horrible qu'il ardoit tant que les Anglois demandoient traictis, & ne

requeroient que le Duc de Bretagne, ou le Roy, qui ce sceust, pria au Duc de Bretagne, qu'il allast parler à eux. Dequoy le Duc Breton dict au Roy. Sire ie ne me irois iamais mettre en celle aduventure, si vous ne faiçtes tout retraire. Et adonc le Roy enuoya retraire ceux qui auoiēt ia abbattu grãde partie des pallis, & bien estoit arse la moitié de la ville, Si alla le Duc de Bretagne, & traicta que les Anglois s'en allassent fiâcs & quiçtes, que la ville fut au Roy, qui estoit arse: Et ce le Duc rapporta au Roy, dequoy les Duc de Bourgongne & de Boubon, dirent au Duc de Bretagne. Pourquoi leur donnera Monseigneur le Roy congé d'eux en aller francs, la ville est ia demie conquise qui est arse, & n'ont les Anglois nuls viures, Respondit le Duc de Bretagne au Roy: Monseigneur ils ont encores vn quartier de la ville, où ils ont recueilly leurs viures, & auant que les ayez pris, vous y aurez vne grande perte qui moult vous sera dommageable, & ils m'ont promis de s'en aller sans guerroyer: Ainsi fut escouté le Duc de Bretagne, lequel fit tant que les Anglois se partirent de Bourbourg, qui fut grande perte au Roy qui maintes fois a esté ramentue.

Comment par le conseil du Duc de Bourbon, deux Cheualiers furent enuoyez deuant en Espagne, pour ayder au Roy Henry, de sa guerre.

CHAP. LXI.

L Es hauts Barons, le Comte de Hainault Dostrenant, duc de Hollandes, & Seigneur de Zelandes: Aussi les Seigneurs de Brabant, de Lorrayne, de Bar, de Iuilliers, de Bretagne, & le Comte de Sauoye, qui tous auoient fait grandes missions pour accompagner, & seruir le Roy de France en celle armee à passer en Angleterre, pour la conquerre, quand veirent que fut rompue, prindrent congé de luy, & s'en tournerent en leurs contrees, & le Roy demoura encores en Flandres avec ses Oncles, les ducs de Berry, de Bourgongne, & de Bourbon. Et en tant comme le Roy y estoit, vint a luy à Bourbourg l'Archediacre de Cordone, de par le Roy Henry d'Espagne, priant l'Archediacre, au Roy de France, que au Roy Henry son Seigneur voulsist enuoyer deux mil hommes d'armes, payez pour deux mois, iusques au nombre de deux mille francs, & que de ce ne luy voulsist faillir, car il luy en sçauoit grand gré. Et eux venus

par deuers luy, les contenteroit de leur ven-
nuë, & renuoyroit l'argent au Roy de Fran-
ce, où il luy plairoit: Et outre dict l'Arche-
diacre, qu'a plus grand besoing ne pour-
roit ayder le Roy de France au Roy d'Es-
pagne qui estoit son allié. Car le Roy de
Portugal auoit eu desia pour luy vne grosse
journée sur les Espagnols, & estoit acertainé
le Roy d'Espagne, que pour la gloire d'i-
celle victoire, que le Roy de Portugal se dô-
noit: il faisoit venir l'Armee d'Angleterre,
pour plus fouller Espagne: Et sur tout reque-
roit l'Archediacre, au Roy de France, que
le Duc de Bourbon qui auoit eu conseil
avec ses Cheualiers, feist dire que ceste ar-
mee, il ne pourroit fournir à si peu d'argent,
& les raisons pourquoy: car deux mille
hommes d'armes payez pour deux mois
montent quatre mille francs, & dix mil
francs qu'il faut liurer aux autres Capitaines
& alliez, & par aiosi dict le Duc de Bour-
bon au Roy. Monseigneur, aduisez deux
vaillans Cheualiers, & que chacun meine
mille hommes d'armes, qui seront de moi-
dre despense que moy, pourtant ie ne re-
nonce mie, que ie n'y aille à mes frais, cousts,
& despens, car i'ayme mieux despendre le
mien à mon honneur, que prendre charge
que ie ne puisse porter. Et à ce dict le Roy,

beaux oncles, que vous semble que soyent les deux Capitaines pour y enuoyer? Monseigneur, dict le duc, ie ne sçay, car vous en auez foison de vaillans & de bons (desquels nomma le Duc de Bourbon plusieurs) mais Monsieur (entre les autres) vous en auez icy deux moult entreprenans, & qui bien vous ont seruy en tous vos affaires, l'un est Messire Guillaume de Neullach, & l'autre, Messire Gauchier de Passac, & sont seruiteurs de messeigneurs vos deux oncles, Passac à Monsieur de Berry, & Neullach à Monsieur de Bourgongne, & sont Cheualliers qui feront loyaument ce que leur commanderz, car ils ont esté en mon service, ou ie les ay hantez, & m'ont bien seruy. Et me semble Monseigneur, que les gens que vous enuoyerez en armes en Espagne, & mesme les Capitaines, soient des pays & hostels de Messeigneurs vos oncles qui est vne belle chose, afin que le Roy d'Espagne veoye que luy vouliez bien faire. Et aussi Monseigneur ie vous prie qu'il vous plaise que ie leur baille deux bons Gentils hommes, des miens afin que si i'allois par delà que ie les y trouuasse, nonobstant que ie sçay bien que de bon cœur les deux Cheualliers me seruiroient. Et lors dict le duc de Bourgongne, Monseigneur, beau cousin de Bourbon

à bien pēsē & aduīsē à ceste besongne à vostre tres grand honneur, & en sommes tres-contens beaufreire de Berry, & moy. Alors leur furent appellez Melsire Guillaume de Neulach, & Melsire Guichard de Passac qui en prindrēt la charge, par le cōmandement du Roy qui leur dit, Bel oncle de Bourbon acecy aduīsē pour la valleur qui est en vous: Adōc dirent les Cheualliers au Roy, Sire nous ne sōmes mie dignes de si grande charge: mais nous sommes prests de vous obeir, & le Roy leur dict, Allez vers beau cousin de Bourbon, & il vous dira la chose est ordōnée, lesquels y allerēt & luy dirent: Tres-hault & puissant Prince. Nous vous remercions humblemēt de l'honneur que vous nous faictes, vous nous baillez l'emprise qui estoit ordonnēe pour vous qui estes vn tel prince, que chacū sçait, & qui est trop grāde entreprise à si patures gens que nous sommes, & grāde chose est a deux Cheualiers mener deux mille hommes d'armes si loing cōme Espagne, ou il y a deux mois de chemin si par vostre bō cōseil, & confort n'estoit, en nous donnant de vos pays cinq cens hommes d'armes avec aucuns de ceux de vostre hostel, qui nous feroit honneur, & grande renommee pour vous, Si respondit le Duc de Bourbon aux Cheualiers, Je le feray tres volontiers, & par aduanture vous me verrez bien bref,

lesquels luy respondirent, dieu le vueille, car si vous venez vous nous trouuerez pour vos seruiteurs. Ainsi se partirent Messire Guillaume de Neullach, & Messire Gaultier de Passac, pour faire leur chemin, & ordonna le duc de Bourbon, qu'avec les Cheualiers iroient de par luy, Messire Iean de Chastelmorant, & le Sire de blot, qui auroient en leur conduicte quatre cens hommes d'armes de Bourbonnois & de Forest, & le duc donna congé d'amasser ses gens, & y alla avec eux le plus de la Cheuallerie de Bourbonnois, qui feurent, messire Guillaume de la Forest, le Sire de Saint Geran, le Puy, le Sieur de Chitam, le Sire de Chazeul, le Borgne de Veaulse, & tous les compagnons de Bourbonnois.

Comme le Duc de Bourbon, alla en Espagne la seconde fois.

CHAP. LXII.

Messire Guillaume de Neullach, & son compagnon, leurs gend'armes, ensemble ceux de Bourbonnois, ne pouuoient mie estre en Auignō, que nouuelles vindrēt au Roy de Frāce, comme la Magnye d'Angleterre s'en passoit en Espagne, dont estoit
chef

chef, le duc de Lancastre: Si fut le Duc de Bourbon moult troublé, surce qu'il deuoit faire, & delibera qu'il iroit en Espagne. Si prist congé du Roy, pour s'en aller en Bourbonnois pour accueillir gés, & faire son chemin: & manda par tout en Beauuoisin & ailleurs, que quiconque le vouldroit servir si le suyist: & vindrent plusieurs à son mādement pour le bien qu'ils sçauoient en luy, & mesmes les plus de gens de l'hostel du Roy alloient à luy. Et se partit le Duc lors de Paris, & s'en vint en son Duché de Bourbonnois, & toute grande gens, où il trouua le sire de Noutrys qui luy auoit amassé grandes finances pour faire le voyage: Et le Roy mesmes paya pour trois mois les gens de son hostel qui estoient bien six cens Gentils hommes. Et tāt que le duc de Bourbonnois, estāt en Bourbonnois, trouua tant de gés du Roy comme de berry (outre les siens) bien deux cens nobles hommes. Et se meit le duc au chemin pour attendre les autres: Mais de tout pays qu'ils ouyrent dire le duc de Bourbonnois s'en va en Espagne, chacun tiroit après luy, tellement que auant qu'il fut à Nauarre, il ot bien trois cens Gentils hommes Cheualiers, & Escuyers. Et luy estāt en Nauarre ouyt dire que le Duc de Lancastre avec ses Anglois, & grand foison de Portu-

gallois auoient assiegé Burgues en Espagne, qui estoit ville du Roy Henry. Les deux Cheualliers, Messire Guillaume de Neulach, & Messire Guichard de Passac, que le Roy de France auoit enuoyé deuant (qui s'estoiēt logez à S. dominique de la Cauflade) aprindrent certaines nouuelles, comme le Duc de Bourbon venoit en Espagne, dont ils s'esioyrent moult, & manderent le Duc de Bourbō qu'il se hastast: si fut à eux dedās trois iours, & le Duc venu fait on grād ioye, & aduisa l'on qu'estoit de faire: & dirent au duc les Cheualiers. Monseigneur, Veez cy l'Ambassade de Burgues qui diēt que les Anglois ont assiegé la ville, & disēt qu'il y a force mortalité entre eux, aduisez qu'il est de faire: Adōc respōdit le Duc de Bourbon, puis qu'ils se meurēt, il est bon que nous leurs aydiōs, & en plus faire mourir, & me semble que le plus bref est le meilleur, car ils n'ont point de retraicte d'icy en Portugal, ou il y a lōgue voye. Si fut moult agreable ceste parolle, & à tous ceux du cōseil du Duc de Bourbō, qui diēt outre: Allōs d'icy à l'Hospital la Roynedont il n'y a que trois lieues iusques à Burgues, & enuoyōs gēs d'armes, asçauoir cōmēt Anglois sont logez, si que demain à l'aube du iour nous alliōs ferir parmy eux: Et dit chacū que c'estoit biē pris, & qu'ō ne pouoit mieux.

*Comment le Duc de Lanclastre ſe leua du ſiege de
Burgues en Eſpagne, & que le Duc de Bourbon
le ſuiuiſt en Portugal, où ils ne voulut conſentir
au traictis du Duc d'Eſpagne avec les Anglois.*

C H A P. LXIII.

LE Duc Lanclastre qui tenoit la ville de
Burgues aſſiegée, ne s'en contentoit
qu'il ne la pouuoit auoir, & eſtoit fort
troublé de la mortalité qui couroit en ſon
oſt, mais plus deſeſperoit de ce que le Duc
de Bourbon s'eſtoit logé aupres de luy à trois
lieües à grande puissance, pource ne veut
mie attendre que le Duc de Bourbon viſt
ſur luy, mais luy & ſes Anglois, qui ſceurent
toute l'armee Françoisſe, eſtre logee à l'Hos-
pital, ſe deſlogerent celuy ſoir apres minuit,
& cheuaucherent bien douze lieües d'Eſ-
pagne, iuſques à vne ville appellee Me-
dine de Campe, & l'endemain à ſainct Mo-
re, puis paſſerent la Riuere & allerent à
Chasteſt Rhodigue, qui eſt en Portugal, & le
Duc de Lanclastre, & ſes Anglois eſtans à
Portugal cuydoient eſtre aſſeurez, mais le
Duc de Bourbon qui moult auoit le cœur
à la beſongne, alloit de tout ſes gens
nuiet & iour apres, & tandis qu'il par-
uiſt à Sainct More vn iour apres eux,

& là feit vne ordonnance à passer la riuere, qui despart Espagne & Portugal, à poursuiure les Anglois. Que le Cheualier de la lénette, estoit vn vaillant hōme, & mille hommes d'armes, iroient pour aller cheuaucher & ferir parmy, si les Anglois estoient en desroy. Ainsi fut faict, & à vne aulbe du iour, firent François & Espagnols en leurs logis, & y ot bien pris mille Anglois, & tuez grand foison: & aussi faicte leur course, se retrahirent deçà la riuere, où ils admenerent en l'ost de bons prisonniers. Le Roy de Portugal qui sceut ceste desconfiture, assembla grands gens, bien trois mille hommes d'armes pour ayder aux Anglois, qui estoient de son party: car il auoit espouse la fille du duc de Lanclastre. Et lors les puissances des deux osts François & Espagnols d'une part, & Anglois, Espagnols & Portugais d'autre, où il n'y auoit qu'une riuere entre deux, furent portees nouuelles aux Princes, tant au Duc de Bourbon, qu'au Roy de Portugal, & au duc de Lanclastre, que le Roy Henry d'Espagne estoit passé de ceste vie, & auoit laissé vn fils appelé Dom Ieā son successeur, Et par aucuns iours, estant les vns contre les autres fut parlé de traicter, qui vint des Anglois, que le Roy de Portugal presenta. Cest asçauoir qui luy sembloit, que si Dom Iean

Infant d'Espagne nouuel Roy, auoit espousé la seconde fille du Duc de Lancastre (laquelle estoit là) & desia il auoit espousé sa sœur, que à son aduis, il n'auroit iamais guerre entre Espagne & Portugal, & seroit comme freres, & aussi qu'au moyen de ce mariage le Roy d'Angleterre ne leur mouueroit plus guerre. Et voulurēt ces Seigneurs charger le Duc de Bourbon, de faire ce traicté, qui dit qu'il ne le feroit point pour les raisons qui s'ensuiuent. Premièrement pource que le Roy d'Espagne, est allié au Roy de France, de foy & de serment, & maintenant que le Roy d'Espagne s'allie par mariage, qui est alliance charnelle, ie ne scaurois regarder le moyen, que le Roy d'Espagne ne fit faute ou à l'un ou à l'autre, & pour ceste cause ie ne m'en veux entremettre. Et dict le Duc de Bourbon, à Dom Iean nouuel Roy d'Espagne, fils de feu Henry (que les Espagnols auoient faict venir.) Sire, aduisez bien que vous ferez, car vous estes allié au plus grand Roy qui viue, & qui bien l'a monstré au feu Roy vostre pere & à vous, & ie prens congé de vous & m'en vois deuers luy. Dequoy le Roy d'Espagne meit grand peine à le retenir, mais il ne voulut plus demeurer. Et se partit le Duc de Bourbon du Royaume d'Espagne avec sept cens hommes d'armes, &

passa par celluy de Nauarre, Charles le quel
il deuoit mener en Frâce deuers le Roy, &
au partir d'Esp. comâda à Messire Guillaume
de Neullach & à Passac, que eux & les leurs
passassent les monts de Ronueaux, & al-
lassent à Ortais deuers le Comte Phe-
bus de Foix, & là me attendez, car i'y seray
prochainement, & ferons quelque chose
digne de memoire à nostre retour, si luy
respondirent les Cheualliers: Monseigneur
volontiers, mais il nous conuient vn
peu dilayer tant que nous ayons receu la
paye de la reste de deux mois. que le Roy
d'Espagne nous doit: si demurerent les
Cheualiers, & leurs gens en Biscaye pres de
Nadres sur les ennemis. Et le Duc de Bour-
bon entra en Nauarre, & alla à Pampelune
où le Roy & luy parlerent de leurs affaires,
& là ot nouuelles le Duc du traicté faict en-
tre le Roy, Dom Ican d'Espagne, & les An-
glois, par le moyen du Roy de Portugal,

Comme le Comte Phebus de Foix festoya le Duc de Bourbon en sa ville d'Ortais, lequel s'en retournoit d'Espagne.

CHAP. LXIIII.

LE Duc de Bourbon estant en Nauarre, se pensa qu'il ot moult despendu au voyage d'Espagne, & guieres n'auoit exploicté ainsi qu'il eust bien voulu: si aduisa qu'il auoit notable compagnie de gens d'armes, & esperoit de non perdre temps, mais s'employer à quelque faict honorable sur les ennemis du Roy de France son souuerain Seigneur. Et pource faire, & que les gens d'armes ne le laissassent, il enuoya Messire Iean de Chastelmorant à Ortais au Comte de Foix luy prier qu'il luy voulüst prester quinze mille escus, & estoit l'intention du duc de Bourbon, guerroyer en l'Isle de Madoch, entre deux mers, assez pres de Bordeaux, avec les gens qu'il auoit, & aussi de ceux qui estoient demeurez en Espagne qui le deuoient suyure, lesquels il attendoit, & afin qu'il attendit clairement, à l'heure que le duc de Bourbon se partist de S. More en Espagne, le duc de Lanclastre, & ses Anglois s'estoient partis pour faire leur voyage en Angleterre, & bien y parut, car le Duc de Bourbon en emmena aucunes des Dames qui

estoyent avec la Duchesse, lesquelles se cōfierent en l'honneur du Duc de Bourbon, & se rendirent à luy, pour le grand bien dōt ils le sçauoiēt plain, si feurent mariees depuis richement à des vaillans Cheualliers, au Royaume de France: c'est assauoir Dame Isabel de Ferrieres, que le Duc donna pour fēme à Messire Regnault de Roze, & autres qu'il maria haultemēt. Messire Iean de Chastelmorāt, & Messire le Barrois qui estoient à Ortais, avec le Comte Phebus pour requerrir au nom du Duc de Bourbon leur Seigneur, celluy prest, leur respondit, qu'il le feroit tres volōtiers, & tout ce qu'il voudroit: Si tournerēt les Cheualliers, le Barrois, & Chastelmorant arrieres à leur Seigneur le Duc de Bourbon, qui s'estoit party de Nauarre, & luy rapporterent ce que le Comte Phebus leur auoit diēt, & que luy, & ce qu'il auoit estoit bien à son cōmandement, qui fut moult lié, & ioyeux, & se hasta fort à venir o Ortais, & Dieu sçait quelle chere luy feist Phebus le Comte de Foix, lequel deffraya en sa ville d'Ortays de toute despēse le Duc de Bourbon, & toute sa Cour, huiēt iours qu'il y demeura: Dont le Duc de Bourbon le mercia, & del'argent qu'il luy auoit presté. Si luy diēt le Côte de Foix, que ce, & outre plus grād chose pour luy voudroit faire, &

entant que le Duc de Bourbon estoit à Or-
tays, mourut vn de ses Chambellans Che-
ualier, le Sire de Changy, qui là gist aux
Freres Mineurs. Le Comte de Phebus qui
és parties de Guyenne auoit aucunes terres
pour recommandées, scauoit que les Capi-
taines François qui se repartiroient d'Espa-
gne, se doutoit que par icelles ne passassent,
en les degastant, pource prioit cherement
au Duc de Bourbon qu'il luy pleust enuoyer
Chastelmorant & le Barrois deuers les Ca-
pitaines, iusques au pied de Roncéaux, en
l'hostel du Seigneur de la Saigne, pour les
destourber qu'ils n'entraissent point en la
terre de Gollane de Mauleon, qui estoient
en sa garde: car le Comte Phebus auoit sen-
ty qu'ils vouloient venir là pour les ran-
çonner. Si luy octroya le Duc de Bourbon
que aucuns de ses Cheualliers iroient aux
Capitaines, & commanda à Chastelmorant
& au Barrois qu'ils y allassent, lesquels dirēt
au Duc qu'il leur sembloit que le Comte
Phebus leur deust bailler l'vn de ses Gentils-
hommes pour luy rapporter la diligence
qu'ils auroient faicte: si leur bailla le Comte
pour ce faire, & estre avec eux Heliot de
Comppeines, vn des beaux Escuyers de
Gasconne, & partirent les Cheualliers, &
trouuerent que desia estoient passés les Ca-

pitaines à quatre cens hommes d'armes de-
 ça Roncevaux, qui plus ne vouloient atten-
 dre leur payement d'Espagne, mais desi-
 roient d'eux en retourner en leurs maisons,
 si en amenerent les Cheualiers au Duc de
 Bourbon les quatre cens hommes d'armes,
 & dirent aux Capitaines Messire Guillaume
 de Neullach, & Messire Gaulcher Passac,
 que le Duc de Bourbon leur prioit qu'ils ne
 voulsissent entrer en la terre de Solle, ne de
 Mauleon, lesquels obeyrent à son mande-
 ment, & feurent moult liez le Duc & le Cō-
 te Phebus, de ceux qui luy estoient venus,
 & donna le Comte à chacun vn bel cour-
 sier pour la diligence qu'ils auoient faiète.

*Comme le Duc de Bourbon alla guerroyer en Bor-
 delois, par l'aduis du Comte Phebus,
 & qu'il feist.*

CHAP. LXV.

QVandle Duc Loys de Bourbon & ses
 gens avec luy fut moult aise, si regarda
 que trop auoit seiourné, & pource vn iour
 prist à dire au Comte de Foix, Beau cousin,
 puisque nos gens sont venus, ie n'attendray
 plus que ie ne face quelque chose, & me
 voudrois bien employer par vostre bon cō-

seil, & secrettement, car ce que vous medirez ne sera ja reuelé, pource que vous estes trop sur la frontiere : Lors dict le Comte Phebus, Monseigneur, quand vous partirez d'icy, ie vous conseille que vous en alliez en Bourdelois, en vne ville appelée Brassempoing, qui est vne ville où il foisonne vil-lains, & n'ont cure de garnison : mais se gou- uernent tous par eux, & les trouuerrez har- dis villains, & vne partie de la ville est close de palliz, & croy qu'ils ne se pourront tenir contre vous, & en allant là trouuerrez vne forte maison qui est de Perrot le Bernois, laquelle a bien cousté à faire quinze mille francs de la finance qu'il conquist à Chal- luffet, & m'est aduis si la maison faisiez ar- doir, que ce ne seroit pas mal, & vous dis plus, qu'en prenant celle ville de Brassem- poing vous conquesterez le Seigneur de Lesteur, qui la tient du Roy d'Angleterre : Ainsi se partit le Duc de Bourbon du Com- te Phebus, & avec sa compagnie s'en alla en la maison de Perrot le Bernois Anglois, la- quelle il feist ardoir & degaster tous les iar- dins, & fut apauury Perrot à celle heure de tout ce qu'auoit amassé pillé & robbé en son temps, & de là s'en alla le Duc de Bour- bon avec sa cōpagnie deuant Brassempoing, & feist parler à ceux de la ville d'eux rendre,

lesquels parlerent moult orgueilleusement, & dirent qu'ils estoient bons Anglois, & vrais Anglois mourroient. Adonc commença le Duc de Bourbon l'assault, & lors gens d'armes se meirent à pied, & de tous costez tant des gés au Duc de Bourbon, que ceux qui repairoient d'Espagne, fut commencé aspre & fort, & gens d'armes à entrer és foïsez & rompre pallis, & villains à eux defendre vigoureusement, & tant s'efforça l'assault que François arracherent les pallis, & le premier que leans entra fut le Seigneur de la Rocheguyon, & fut vn cry que ceux de la ville l'auoient occis, & incontinent François oyans ce cry, le Barrois, Chastelmorant qui portoit le Pennon, se bouterent ens, & apres eux ceux de l'hostel de Messire Blain Loup, Blirberis freres, le petit Marchal, le Sire de Chitam, Messire Robert Damas, Messire Guillaume Garet, Perrin Durel, Philippes Berault, Guichart le Brun, Baudequin de Verie, & ceux du retour d'Espagne, Messire Guillaume de Neullac, Messire Gaultier de Passac, à toute leur brigade, qui mieux mieux entrèrent dedans à force: & quand ils y feurent, ils occirent moult de ceux de la ville, & les autres feurent prisonniers, & Rocheguyon n'ot nul mal: & ainsi la ville de Brassempoing prinse, la feist le

Duc de Bourbon raser pour la male renommée qu'elle auoit. De ce lieu s'en tira le Duc de Bourbon deuant la ville Lestur, qui fut prise de bel assault à sa venuë, tant l'assaillit-on aigrement, & quarante combatans dedans, & celle nuit s'y logea, car le Seigneur de Lestur estoit party de là pour aller à Bordeaux querir secours cōtre le Duc de Bourbon, & lendemain s'esjourna le Duc aupres de Lestur, & manda son estendard par toute la contree du Sire de Lestur, où les gens ardirent villages, bordes & maisons, tant que rien n'y demeura à ardoir, & s'en repairent à leur Maistre: Et de Lestur partit le Duc de Bourbon, & alla deuant vne ville que l'on nommoit Ayennal, assise en Marais, qui auoit esté du Roy de France, de la Senechaussee de Thoulouze: mais le Seigneur de Lestur la tenoit en subjection, & en grand pastys: pourquoy il failloit que ceux d'Ayennal tinssent son party, & dès qu'ils veirent François venir deuant eux, ils se rendirent au Duc de Bourbon, luy priant qu'il voulsist mettre garnison en la ville, pour les garder du Seigneur de Lestur, & ils luy seroient vrayz obeyssans, & au Roy de France: car ils estoient de par droict de la Senechaussee de Thoulouze: & à vne autre ville pres de là, appellée Mōteruch, enuoya

le Duc de ses gens, laquelle luy feit obeys-
sance comme Hayannal, & meist le Duc
garnison de ses gens aux deux villes, tant
que Messire Ieã Dazay Seneschal de Thou-
louze, y eust enuoyé gens à les garder pou-
le Roy. Ainsi le Duc de Bourbon en s'en
retournant d'Espagne gasta deux villes du
Roy d'Angleterre en Bourdelois, & deux
autres qu'il y gaigna, qui depuis se sont re-
nuës bonnes Françoises.

*Comme le Roy de France alla en Allemagne guer-
royer le Duc de Iuilliers, & que le Duc de Bour-
bon ot le chastel de Dul par le moyen d'un sien
valler d'Eschançonniere.*

CHAP. LXVI.

LE Duc de Bourbon qui en Bourdelois
eust paracheué ce qu'il auoit em pris, &
là n'auoit plus que faire, manda deux de ses
Cheualliers au Roy de Nauarre, comme il
separtoit de Bourdelois, & le trouuerroit à
Tholouze, ainsi comme eux deux l'auoient
entrepris. Si partit de Pampelune le Roy
de Nauarre, & vint où estoit le Duc de
Bourbon à Thoulouze, & tous deux s'ache-
minerent & allerent à Paris vers le Roy de
France, qui feit grãd' cher au Duc de Bour-

bon , pour la conqueste qu'il ot faicte en Bourdelois, & receut le Roy de Navarre en sa grace, & le retint de son conseil à la priere du Duc de Bourbon , pource que le Roy d'Espagne Henry dernier trespasse, l'en auoit requis pieça, qui auoit sa sœur espou- sée: Et plus dit le Roy au Duc de Bourbon, Beau oncle , ie suis moult lié de vostre venüe, vous estes venus bien à poinct. Car les Ducs de Guerles & de Iuilliers Allemäs, nous ont deffiez à la guise d'Allemagne, qui sembloient estre nos alliez, & auons espe- rance que beaux oncles de Berry & nous les iurons veoir, & y serez, qui estes bien desi- ré en la compagnie. Ainsi fut entrepris le voyage d'Allemagne , l'an mil trois cens quatre vingt huit , par le Roy de France, où il mena six mille hommes d'armes, & ordonna que le Duc de Bourbon feroit en celluy voyagel'aduanguard. Si cheuaucha le Roy par ses iournées, tant qu'il entra en Allemagne à grosse puissance, & che- uacha deuant Iuilliers , où il meist le siege, & feurent enuoyez les courreurs par la contrée, pour proyer comme il est de coustume, & le Duc de Bour- bon qui faisoit l'aduanguard veit vng moult bel chastel aupres de luy, qui seoit en hault, qu'on appelloit Duc,

duquel les nobles habitans de leans portent les armes pucelles d'or & de gueulles , dont les Roys d'Arragon anciennemēt partirent delà, & sembloit au Duc que le chastel feroit assez dommage à ceux de Iuilliers au Duc & à ses vassaulx, & en ce penser où le Duc de Bourbon estoit, vn subtil varlet Allemand de son Eschançonnerie, qui l'auoit seruy longuement , vint à luy & luy dict. Monseigneur, ie suis de ce pays, bien vous en pouuez fier en moy, i'ayme vostre hostel: car ie y ay esté longuement nourry, & m'auez faiēt moult de biens, faiētes moy bail-ler iusques à seize compagnons, & ie me iray embuscher, si qu'il ne pourra que nous ne facions quelque mal à ceux qui entreront dedans le chastel où ils y sront; Et encores dict le varlet au Duc: Mōseigneur, si ie veoy mon poinēt, ie prendray trois ou quatre de mes compagnons Allemans, & irons à la porte du chastel de Dul, que vous veez, & dirōs que le Duc de Iuilliers nous y enuoye pour estre avec eux en la garnison, & pour garder la place encontre les François qui sont au pays : Si dict chacun en l'hostel du Duc de Bourbon, que c'estoit bonne subtilité de guerre, veu que ce temps là tout hōme estoit vestu selon l'Allemand. Et adonc le Duc dict au varlet qu'il se tint seur de sa

vie bié auoir assignée, s'il faisoit cela, lequel varlet & ses compagnons Allemans se partirent du logis du Duc de Bourbon, & vindrent denant Dul auant vne heure du iour, lesqueulx appellerent le Capitaine, disant que le Duc de Iuilliers leur Seigneur les enuoyoit pour estre en la place avec luy en garnison: si le creut le Capitaine pour la langue qu'ils parloient, descendit du chastel, vint à eux, & les mena dedans, pour la creance qu'ils luy asseurerent de son Seigneur: Et quand ils se veirent plus forts que le Capitaine, ils le prirent & l'emprisonnerent, & celle nuit feirent bonne garde: & le Duc de Iuilliers qui scauoit comme François alloient souuent veoir son chastel de Dul, pource que mieux fut gardé la nuit, enuoya huit Gentilshommes, lesquels vindrent là au matin, & eux cuydant trouuer le Capitaine qu'ils cognoissoient, trouuerent les seruiteurs du Duc de Bourbon, qui au chastel les menerent, & les detindrent prisonniers, & au matin descendit du chastel de Dul le varlet d'Eschanconnerie, & vint au Duc de Bourbon son Maistre, luy dire comme il auoit œuré, & que le chastel de Dul estoit sien, si en fut moult ioyeux le Duc, & y enuoya gens pour le garder: Et le Roy qui deuant Iuilliers estoit

avec le Duc de Berry, s'esioyrent fort de la prise du chastel de Dul, & le Duc de Iuilliers en fut triste & dolent, & non sans cause, car c'estoit le maistre chastel de son pays, & se donnoit paour que pour celluy chastel la ville de Iuilliers qui estoit forte & belle, ne fust en doute d'estre perduë par la longue demeure que le Roy feroit en celles marches, si comme il esperoit. Apres ce que le Duc de Bourbon ot Dul à sa main, vint au Roy & au Duc de Berry en leurs tentes (qui estoient deuant Iuilliers) vn Chevallier: & dict au Roy. Sire, le Duc vostre ennemy est en sa ville de Iuilliers, si sçachez qu'il vouldra faire: si fut cōclud qu'on y enuoyeroit deux Heraults, pour sçauoir qu'il voudroit dire. Si luy dirent les Heraults qu'il feist obeyssance au Roy de France, si demeura à celuy iour sans auoir responce, & lendemain dict qu'il ne pouuoit faire traicté, sans le Duc de Gueldres, ne le Duc de Gueldres sans luy, car ils estoient alliez sur ces poincts & sur ceste promesse, & que le Roy pouuoit aller en la terre du Duc de Guerles, & ce que le Duc de Guerles feroit, le Duc de Iuilliers le renoit à fait, & ce disoit, pource qu'il luy sembloit que nuls François n'oseroit entrer en la terre de Guerles, qu'il le peust greuer.

Comme le Roy de France alla guerroyer le Duc de Guerles, & comme celluy Duc & celluy de Iuilliers s'accorderent au Roy.

C H A P. LXVII.

LEs Ducs de Berry & de Bourbon dirent au Roy, que assez estoit possible la response dudit de Iuilliers, & qui mettroit l'un en obeyssance, l'autre ne contendroit guieres. Pource conclurent d'aller guerroyer le Duc de Guerles, qui tenoit plus grand' terre, & sur ce se partit le Roy de deuant Iuilliers, & s'en alla à tout son ost au milieu du pays au Duc de Guerles, qui marchissoit entre Iuilliers & Coulongne sur le Rhin, tenant au Marquisé de Morant, dont l'Archeuesque & le Marquis avec le Duc de Bresuch, estoient ses alliez : Mais le Roy de Frâce n'ot mie demeuré au duché de Guerles quatre iours, que François allerent contre iusques es portes de Coulongne, d'Aix en Allemagne, en Morauie, & en Bresuch, & estoient les plus des coureurs des gens au duc de Berry, & leur retour amenerent grandes proyes en l'ost, & prirent moult de prisonniers, & feurent tous riches du grand gain qu'ils orent faict en celle cour-

se, & eux venus feurēt bien receuz du Roy & du duc de Berry leur Maistre, de la grande cheuauchée qu'ils auoient faicte, & lendemain feit le Roy vne belle ordonnance. Que dans trois places du duc de Guerles (qui estoient à deux lieuës de l'ost du Roy) qu'on enuoyeroit deuant chacune des places mille hommes d'armes, & deux mille qui cheuaucheroiēt par le pays, & trois mille qui demeureroient en l'ost avec le Roy sans eux bouger; & fut dict que par ainsi la duché de Guerles seroit mise en subjection. Si demeura le Roy de France vnze iours en son ost, & durant ce terme feurent prinſes par force d'armes les trois places au duc de Guerles, & son pays couru ars & gasté par les gens au duc de berry. Et lors les ducs de Guerles, & de Iuilliers, qui veirent que malheur alloit, & leurs pays gastez de toutes parts, enuoyèrent Ambassadeurs au duc de berry, que pour dieu il traitast & feist leur paix avec le Roy, si fut la paix traitée ainsi que vous orrez. Le duc de Guerles & celuy de Iuilliers, promirent que iamais ne seroient contre le Roy de France ne son Royaume, pour nulle personne qui viue, sinon pour l'Empeur, lequel ils ne pourront excepter, dequoy le Roy ne

son conseil ne feirent mie grand conte, pource que l'Empereur estoit oncle du Roy:&feirent les Ducs ou leurs Procureurs, pour eux le serment au Roy de France de celle promesse, & en baillerent lettres sceelées des sceaux de leurs Seigneurs les Ducs, presens les Ducs de Berry & de Bourbon, & leur rendit-on leurs places. Et accompli le traicté qui fut moult grand & honorable pour le Roy, se partit d'Allemagne à son tres-hault honneur, ayant mis ses ennemis en subjection, & s'en passa par la Forest d'Ardenne, & tout son ost, puis licentia ses gens d'armes, & s'en repaira en France en son hostel à Paris: dont il fut hault honneur & grand bruiet pour le bien du Royaume.

*Comme le Roy & le Duc de Bourbon baillerent gens
au Connestable Clisson pour ayder au Comte de
Ponthieure, contre le Duc de Bretagne.*

CHAP. LXVIII.

Meffire Olyuier Seigneur de Clisson, Connestable de France, qui estoit demouré pour le debat de Bretagne, sceut que le Roy estoit retourné d'Allernagne, & demouroit à Paris, & les Ducs de Bourgonne, & Berry, & de Bourbon: si vint de-

uers le Roy, se complaignant que le Duc de Bretagne mettoit peine de vouloir distraire le Comte de Ponthieure, & dict au Roy: Sire, le Comte est vostre subject & allié, & tient la plus grande partie de sa terre en Bretagne, de vous, & si le Comte de Ponthieure est distraict, vous perdez en Bretagne le plus grand de vos alliez: si luy respondit le Roy, Par Dieu, Connestable, ie ne le lairray point perdre, car ie luy aideray: Et à icelle requeste faire avec le Connestable, estoit le Sire de la Riviere, qui estoit tout vn, combien (ce dict le Roy) que i'aye fait grand' despence en Allemagne, & n'aye mie de present tant d'argent comme ie voudrois: Ha ha Sire, si dit Clifson, ne vous chaille, car les gés que vous me baillerez ie les payeray pour deux mois en ceste guerre, dont ceux qui l'oient dire feurent moult curieux de y aller, & bailla le Roy de France à son Connestable Clifson pour aller en Bretagne contre le duc, huit cens hommes d'armes, dequoy le Duc de Bourbon en bailla deux cens, dont le barrois & le Sieur de Chastelmorant feurent Chefs, & Messire Guillaume de Laire, qui estoit de l'hostel du Roy, d'autre deux cens, & Moncaurel qui estoit Cheuallier de bien & d'honneur de l'hostel du Roy, aussi

en ot deux cens. Ainsi feurent baillez les huit cens hommes d'armes , & quatre Capitaines par le Roy , le Duc de Bourbon , au Sire de Clifson , qui tantost feist payer les Capitaines pour deliurer les gens d'armes , & faire leurs monstres par son Tresorier , appellé Maistre Iean le Roy , qui auoit la finance à nostre Dame de Paris , & bailla l'argent pour deux mois , & ordonna faire la monstre deuant Sainct Bris de Vaulx , & se partit tantost Clifson du Roy , pour faire son chemin avec les gens d'armes , & tira tout droict en Bretagne deuant Sainct brio , où il auoit deux de ses Capitaines qui l'attendoient pour mettre le siege , c'est à sçauoir Raoul de Carselio , & son frere , qui tenoient Guingant pour le Comte de Ponthieure , qui auoient là quatre cens hommes d'armes de bretons bretonnans ,

Comme le Connestable Clifson besongna en celle guerre , & comme Sainct Brio se rendit à luy.

CHAP. LXIX.

LE Sire de Clifson qui se veid bien acompagné , alla mettre le siege deuant Sainct brio des Vaulx du Duc de Breta-

gne, & Dieu sçait s'ils estoient garnis d'artillerie, & bombardes, & engins, & demeurera deuant ce siege cinq sepmaines, & meit la ville en tel estat par la batture de ses engins & assaulx, qu'elle ne se pouuoit plus tenir, & en tant que le siege y estoit, le Duc de Bretagne assembloit tout le pouuoir des gens qu'il pouuoit amasser, pour venir leuer le siege, & se vint loger à Piedrech à vn quart de lieue de Saint brio, à trois mille cōbatans, dont il y en auoit douze cens hommes d'armes, & tout le demeurant de gens de pied : & lendemain se partit le Duc de Piedrech, & quād il fut deuant l'ost du Seigneur de Clifson, il meit ses gens pour le combattre, & le Connestable Clifson qui estoit valleureux Cheuallier & de hardie entreprise, yffit batement de son siege, & ses gens rangez pour liurer bataille au Duc s'il l'otoit attendre: Et le Duc de Bretagne voyant l'ordonnance du Seigneur de Clifson, dict à ses gens : Messieurs & compagnons, veez la Clifson qui a rangé ses courrois, & ne desire que la bataille, ie ne la refuserois mie volontiers : mais ie voy qu'il a ordonné vne grosse aisse des siens, qui tous sont montez sur grands coursiers de aduantage, nos cheuaux sont petits, ceux de là nous viendront courir sus, si ne les pourrons

souffrir, parquoy nous en aurons le pire: pource retrayt soy celluy iour à ses gens à Piedrech dont il estoit party, & Clisson en son logis. Et quand Clisson fut logé, il appella ses Capitaines, & leur dict: Beaux Seigneurs ie sçay bien que le duc de Bretagne enuoirra demain courir deuât Mōcōtour qui est au Côte de Ponthieure, & gastera le pays, car il y a moult la dent, Si est mon intention d'enuoyer Beaumanoir (qui est icy) tout de nuict entre Piedrech & Moncōtour, & vous Barrois & Chastelmorant, prenez trentecōpagnons, sur les meilleurs coursiers que vous aurez: Et vous Sempy montcaurel autant, & qu'il n'y ait que tous cheuaux de prix pour les employer au besoing, & Beaumanoir menera le demeurant des gens de mon hostel, car ie ne veux que foyez sinon cent & cinquante hommes d'armes qui sera assez pour six cens cheuaux, & huiet cens hommes d'armes, & y aller de belle tire: Mais il ne treuuerent mie le Vicomte, car il s'en estoit allé vers le Duc, & auoit laissé sa place despourueüe comme fol, laquelle fut prise d'assaut, & la Vicontesse de Coymen sa femme, & perdit tout ce que le Vicomte y auoit, & la dame prisonniere à Chappelle nepueu de Chastelmorant, qui ne fut mie detenuë: car on luy rendit ses robbes, &

s'en alla à ses amis & laissa-on garnison dans port de Lauyon, pour le Sieur de Clifson. Et en retournant print on la maison de l'Euesque de saint Brio, qui estoit moult forte, & pres de la Croix de Malchast, où Merlin faisoit les merueilles. Et de la le Connestable Clifson & son ost, alla deuant Quintin, qui est à l'entree de la forest de Brosseliande, laquelle ville se rendit à luy, & puis à Loheach, où il assembla tous ses gens pour vouloir faire plus grande chose. Mais entant que le Connestable, luy furent apportees nouvelles, comme le Duc Philippes de Bourgongne estoit à Angers, que le Duc de Bretagne auoit faict venir de longüemain, & l'estoient allé querir l'Euesque de saint Brio des Vaulx, pour auoir aucune paix entre le Comte de Porthicure & luy. Et le Duc de Bourgogne qui estoit à Angers, enuoya par ses Huissiers d'armes au Connestable Clifson, & aux Capitaines que le Roy luy auoit baillez, lettres patentes de par le Roy, & les siennes, qui luy furent presentées, en leur disant, qu'eux & le Duc de Bretagne se retirassent à Angers, deuers le Duc de Bourgogne, qui estoit chargé de faire ceste paix, & que durant le traité ne feissent Clifson ne les Capitaines nul exploit de guerre, car le Roy leur

deffendit, & auſſi pareillement au Duc de Bretagne, & que tous enſemble vouliſſent obeyr au Duc de Bourgongne, touchât ce dont de par le Roy il eſtoit enuoyé en ſes parties, & que Clifſon n'enuoiaſt à Angers que cēt hommes d'armes pour l'accompaigner, ny auſſi le Duc de Bretagne, que cent ou ſix vingts, & qu'ils ſeroient logez à Angers, l'un deçà la riuere, & l'autre delà, afin que rumeur n'y fuſt. Et quand ie vous aurois faiēt long compte, là fut faiēte la paix & iurree, du Duc de Bretagne & du Comte de Ponthieure, en telle maniete qu'ils promirent en la main du Duc de Bourgongne, que de tous debats qui leur pourroient ſuruenir, ils ne feroiēt guerre l'un à l'autre ſans le Roy, congé du Roy, ou du Duc de Bourgongne, représentant la perſonne du Roy. Et ainſi furent faits les ſermens: & diſoit-on que c'eſtoit tres-hōnorable choſe, qu'auoit faiēt le Duc Philippes de Bourgongne, qui ne s'eſtoit monſtré partial, ne d'un coſte ne d'autre: mais auoit honorablemēt executé celui faiēt pour le Roy que l'on ne pouuoit dire plus belle paix ne plus honorable: Et voulut le Duc de Bourgongne, que la paix fut leüe deuant les deux parties, & deuant les Capitaines tāt du Roy, cōme du duc de Bourbō qui eſtoiēt avec Clifſon & les autres

afin que chacun fut tesmoin du traictis , & demanda le Duc de Bourgongne au duc de bretagne pour veoir si ce traictis luy sembloit bon , & à l'autre partie semblablement , lesquels dirent qu'ils estoient contents de ce qu'il faisoit au nom du Roy , & lors ledict philippes de Bourgongne dict, qu'ils auoient bonne volonté : mais dict il ie vous veux dire encores vne parolle plus auant qui m'est chargée par Monsieur le Roy. Car ie vous certifie par ma foy, deuant toute la Cheuallerie, que le premier de vous deux qui rompra ce traicté & fera guerre , Monsieur le Roy sera contre luy à sa destruction : Ainsi s'en partit le Duc de Bourgongne d'Angers , & le Duché de Bretagne demeura en paix. Et le Duc de Bourgongne & tous les compagnons tirent deuers le Roy leur souuerain Seigneur, qui estoit à Paris & feurent bien content le Roy , & tous les autres Seigneurs , de la paix que le duc de Bourgongne son oncle ot faicte , & de l'obeyssance que le Duc de bretagne , & le Comte de Ponthieure luy faisoit.

Comme le Roy alla visiter Languedoc son pays, & avec luy son frere, ensemble le Duc de Berry, & le Duc de Bourbon.

CHAP. LXX.

PAcifié le pays de Bretagne, il ne tarda pas longuement apres que le Roy de France ot conseil & aduis, d'aller en Languedoc, où il n'auoit esté despuis la mort son oncle le Duc Danjou, qui est vn des bons pays de France que le Roy ayt. Et en ce temps là que le Roy auoit le cœur lié & ioyeux, en donnoit & despendoit tant qu'il ne pouuoit fournir, & fut aduisé que c'estoit pour le micux qu'il se trahit en ses parties pour aecueillir fi nances, car il en auoit besoing, & estoit le pays qui plus de finances luy pourroit ayder, pource qu'estoit situé és marches de Guyenne, & Bourdelois, & autres Prouinces qui pourroient nuyre au Roy, & pource estoit necessaire y aller: & fut ordōnée l'allee par ainsi que le duc de Bourgogne demeureroit pour garder le pays qu'il auoit à gouuerner: & aussi pour les perils qu'ils en pourroient aduenir, le dnc d'Orleans frere du Roy, ensemble le duc de Berry & le Duc de Bourbon, iroient avec le Roy accompagné de quatre cens hommes d'armes. Et quand fut à point se partit le Roy

de Paris, & vint à Mehun sur Yeure ou le Duc de Berry le festoya grandement, & puis à Gannat, où le sieur de la Tour avec les dames & damoyelles du pays le festoyerent liement, & de Gannat partit le Roy, & s'en alla au Puy nostre Dame, où toutes gens le vindrent voir, & là demeura trois iours, ou luy feurent faicts de moult beaux presens, & de grands dons, & du Puy tira le Roy le droiët chemin à Carcassonne, qui est belle cité & ville, que on peut sçauoir, où il demoura huiët iours à visiter le bel Chastel, & Cité qui y est: & feit le Roy crier que toutes gens à qu'on auoit forfaict, vinsent deuers luy, car il estoit venu au pays pour faire raison à vn chacun, & en celle sienne ville expedier moult de besongnes, & ce qui a faire restoit assigna iour aux personnes que à luy veinssent à Tholouse ou il alloit: Si se partit de Carcassonne le Roy, & alla à Tholouse, ou tout Languedoc attendoit, & fut reçu & festoyé si grandement que c'estoit merueilles de veoir celle lyesse. Et y auoit tant de gens és rues à le regarder, qu'on ne pouoit passer, si estoient les rues par où il passoit encourtinees, & parees d'ornemens riches & beaux: & les Consuls de la ville vestus d'habits Royaux riches & beaux, porterent le poelle au Roy, & les petits enfans

alloyent deuant portans en leurs mains bannieres de fleurs de lys criant Noël, viue le Roy, & les suyuoient les processions, l'Vniuersité, & le Clergé. Dont il y auoit moult, & auprès du Roy estoient les Ducs d'Orleans, de Berry, de Bourbon, & assez loin d'eux les Barons & Seigneurs du pays. Puis le Seneschal, & Viguier en leur endroict, & les suyuoient par ordre les gens des mestiers vestus de liurce, & portans banniere de leur offree, & par ou le Roy alloit, les tables parmy Tholouse estoient mises, ou toutes manieres de gens beuuoient, & mangeoyent en passant, & en celle ioye alla le Roy à la maistresse Eglise louer Dieu, & de là au Chastel Nerbonnois son Royal hostel, où il demeura vn moys, pour sçauoir cōme ses officiers le faisoient, & pour ouyr compte, & determiner les querelles du pays. Et en tant que le Roy demouroit à Tholouse vindrent à luy ses vassaux, le Comte d'Armignac, & le Comte de Foix y enuoya pour luy, & aussi y feurent les Cheualliers, & Escuyers du pays & feit le Roy crier que tout homme qui tenoit fief de luy vint à Tholouse, & il le receuroit, & plus quiconque se sentiroit estre forsaict, il feroit droict & raison, & pour ceste cause estoit il venu au pays, & fut celle parolle bien prise

en gré de toutes gens qui dirent, Bien soit venu le Roy. Et puis que le Roy ot receu ses hommages, & le pays reformé en bon estat par le conseil de ses oncles les ducs de Berry & de Bourbon, luy feit la Cité de Thoulouze de grands dons de vaisselle, & ceux de la ville luy feirent de grandes requestes, desquelles le Roy leur octroya les aucunes qui luy sembloient bonnes, & les autres non, & donna le pays de Languedoc au Roy, trois cens mille francs de bonne monnoye.

Comme l'Ambassade de Gennes vint au Roy luy requérant qu'il luy pleust bailler puissance de gens pour passer en Affrique.

CHAP. LXXI.

PARTOUT couroit la renommée du bon gouvernement mis au Royaume de France, que le Roy y tenoit par le bon sens & preud'homme des Seigneurs les ducs ses oncles que chacun qui en oye parler louoit dieu de celle bonne iustice qui y regnoit par laquelle dieu y souffroit estre le Royaume en paix, & ja falloient esbatans les vaillans Cheualliers François, dehors en loingtains voyages pour plus auoir honneur, & ceux d'autres Royaumes venoiēt en Frâce veoir le

le Roy qui les veoit lyément, & leur dōnoit largement du sien, & disoient les Cheualliers que bien seoit au Royaume la prosperité, car il auoit bel Prince a Roy, habille Cheuallier fort & leger, bien taillé de conquerir grande chose. Et quand ils estoient repairez en leurs contrees, moult loüoient les dicts, & les faicts du Roy de Frâce. En celluy tēps la Cité de Gennes se gouuernoit en commun, & eslioit le peuple l'vn d'eux à estre Duc certain temps pour gouuerner la ville dedans & dehors. Et en tant qu'en telle Police se gouuernerent & feurent vnis, ils prospererent grandement, & conquerent en Mer moult de villes, & chasteaux. Or en celle saison que encores estoit le Roy de France à Tholouse se maintenoit ainsi la Cité comme i'ay dict: Et pour lors estoit duc de Gennes, vn moult Gentilhomme sage & bel parleur, appelé Messire Anthoine Adorne, lequel ne pensa qu'a bien mettre à fin l'emprise qu'il vouloit faire. Il ne sçauoit nul Prince à qui il deust plustost demander ayde que au Roy de France, qui auoit faict grādes choses, & estoit en paix, si que nul ne le guerroyoit. Pource meit sus le duc de Gēnes vne notable Ambassade, & l'enuoya à Tholouse deuers le Roy de France, luy suppliant qu'il luy pleust d'ayder aux Geneuois

qui estoient les biē-vueilās, & à eux bailler gēs à puissance pour aller sur les mescreās & que ils s'auiſoient & ſçauoient vne ville en Sarazine, qui estoit à vne des poinctes de la mer d'Espagne & de celle de France, & s'appelloit la ville Affrique en Barbarie, laquelle ville aduitailloit trois Roys Maures, qui n'auroient de quoy viure si la ville n'estoit, dont ils receuoient viures par les gens qui par mer les y menoient par auarice: Car en tous leurs pays ne croissoient nuls biēs, pour ce qu'en leur terre n'a que ſablon. Et sont iceux Roys Sarrazins, le premier est le Roy de Thunes, le second le Roy Tremeseuch, & le tiers le Roy de Bongie: Et ne faisons point le doubte, diēt l'Ambassade de Gennes au Roy de Frâce, que si Affrique estoit aux mains des Chrestiens, laquelle nous pretendōs auoir si Dieu plaist, que ces trois Rois Infidelles & leurs pays, ne feussent destruits, ou ils tiendront la foy Chrestienne, qui seroit vne belle chose à vostre Seigneurie, veu que vous estes le plus grād Roy des Chrestiens, & qui tant auez grande renommee; si vous mettez sus ceste chose. Et nous vous offrons, (Sire) dirēt les Ambassadeurs de par la Seigneurie de Gennes, qu'à tous ceux qu'il vous plaira enuoyer, de leur liurer vaisseaux & vesture. Et que toute la

Seigneurie de Gennes en iceluy voyage, est presté de viure & mourir avec eux: Qui fut vne parolle moult bien ouye du Roy, & de la Cheualerie pour la belle offre des Geneuois, & dirent tous les Cheualiers au Roy. Sire veezcy vne des belles manieres d'emprise que ot peu venir, & bien seroit de bonne heure né le Prince, qui si bonne œuvre pour l'honneur de Dieu, & le bien de la Chrétienté emprenroit. Et aux Ambassadeurs dict le Roy de France, Vos promesses sont bonnes & honorables, & vos requestes iustes & raisonnables, & pource, de ce cy ie vous respondray d'huy a deux iours.

Comme le Duc de Bourbon emprist le voyage d'Affrique; & quel Seigneurs s'offrirent aller avec luy, dont il fut content, & les retint tous.

C H A P. LXXII.

DVrant le terme de deux iours, que le Roy de France deuoit faire response aux Geneuois de leur Ambassade, s'aduança le vaillant Prince, le Duc de Bourbon, qui dict au Roy, Monseigneur, ie vous supplie, que pour tous les seruices que ie vous pourrois iamais faire, il vous

plaise me donner ceste charge que ie puisse employer pour vous, & au nom de vous au seruice de Dieu. Car c'est la chose au monde que i'ay plus desirée, & apres les faicts mondains, il est belle chose de seruir dieu, & lors dict le Roy au Duc de Bourbon : Beau Oncle, vous sçaez les grands affaires que nous auons, & aussi à grand peine trouuerez gens qui voulsissent aller si loing, parquoy ne vueillez entreprendre ceste allee. Et lors respondit le duc de Bourbon, au Roy, Monseigneur, i'ay les Cheualliers & Escuyers de mon pays qui ne me failliront onques, ne aue besoing ne me faudront ja, ne aussi ne feray ie à eux de ce que i'ay vaillant, de leur departir. Et tant pressa le Duc de Bourbon le Roy de France son Seigneur, qui fut force qu'il luy octroyast, & l'endemain vindrent les Geneuois deuant le Roy pour auoir leur responce, & leur fait dire le Roy, qu'il auoit bien sçeu & veu l'honorable voyage qu'ils entreprenoient: & pour ceste raison dict le Roy, Je vous baille bel Oncle le Duc de Bourbon, pour vostre chef qui est tel Cheua lier comme vous sçaez, & ne vous pourrois bailler vn plus grand de mon sang, sinon les autres Ducs mes Oncles de Bourgogne, & de Berry, en, esperant que la chose se face. A l'heure s'agenoillerent

les Ambassadeurs de Gennes deuant le Roy le remerciant tres-humblement de ce qu'il leur bailloit le Prince que plus desiroient. Et ainsi se despartirent ceux de Gennes moult liez & ioyeux, qui leur sembloit que dieu les emportoit, & sehafterent fort pour aller apprester l'armée, & fut vn grand bruiet à Tholouse, & au pays de Languedoc de l'emprise que le duc de Bourbon faisoit à s'en aller sur Sarrazins: & non mie en Languedoc tant seulement, mais iusques à bordeaux, & en Espagne aussi, & en Arragon. Et aduint que le Souldich de l'Estaur l'vn des vaillans Cheualliers du monde, qui estoit de Bordelois enuoya son Ambassade au Duc de Bourbon, luy suppliant & requerant, qu'il luy pleust impetrer vn saufconduit du Roy de France, pour luy & dix Gentilshommes afin qu'il peust aller en sa compagnie, au voyage d'Affrique, & aussi feit le Seigneur de Castillon entre deux mars pareillement. Aufquels le Duc de Bourbon, enuoya les saufconduits du Roy, si vindrent à son seruice. Et le Vicomte de Rhodes, qui estoit moult vaillant Cheuallier du Royaume d'Arragon, & le Seigneur de la Saigne, enuoyerent prier au duc de Bourbon, qu'il luy pleust qu'ils feussent en sa compagnie

en ceste armee. Le sieur de Coucy qui estoit en Picardie, & sçauoit l'emprise du Duc de Bourbon, & aussi le Côte Deu, tous enuoyerent à luy que eussent leur retenuë de deux cens hōmes d'armes qu'ils ammeneroyent, & aussi le duc de Grauille Normant, qui auoit trente hommes d'armes à le seruir. Et de tout cecy fut le duc de Bourbon tres-royeux; & les retint tous: Mais il aduint qu'aucuns puissans nobles hommes Anglois, estant à Callais qui sçauoient l'allee du Duc de Bourbon, c'est assauoir le sire de Clifford, le sire de Climbo, Neufuille Cornuaille, Iennicot Dortenic, Messire leã Franc, enuoyerent au Duc de Bourbon, requierir qu'au nombre de 25. Gentilshōmes, il les receust. Si le feitle duc de Bourbon. & Dieu sçait, si les nobles hommes de l'Hostel du Roy, des Ducs d'Orleans de Berry & de Bourgongne, se offroyent au seruice du duc de Bourbon, & lors pensa le duc de Bourbon, tant de gens s'offrent à moy que i'ay peur que nous ne faillons à nauire. Et adōc feit mettre en escript tous ceux qui iroyent avec luy, & trouua qu'ils estoient mil cinq cens Gentilhommes, & lors ordonna apprestier vn de ses maistres d'hostel, & vn de la Chambre aux de-

niers , & cinq autres de ses officiers pour
mander aux Geneuois nombre de gens qu'il
meneroit , en leur faisant sçauoir qu'avec
luy estoient bien mil cinq cens hom-
mes , pour sçauoir s'ils auoient assez vais-
seaux , & aussi les leur enuoyoit pour fai-
re les prouisions de chairs salées , & de
biscuits , de poissons , & d'autres viures
necessaires à mettre en mer. Si manderent
les Geneuois au Duc de Bourbon , Mon-
seigneur , nous auons assez vaisseaux pour
mener six mille hommes d'armes si vous
les amenez : car il n'y faut mille cheuaux,
& sommes moult liez , & ioyeux de ce
que vous nous mandez , & adenez ce
que vous voudrez , car nous auons vingt
deux Galleres , dixhuiet Nefs , & seront
tous bien logez au plaisir de Dieu. Par-
quoy plaist vous , que vous & vos gens
soyez à Gennes , la sepmaine apres la
Saint Iean , & là vous trouuerez tout
prest pour passer outre. En ce temps se
partit le Roy de son pays de Languedoc,
& alla en Auignon veoir le Pape Clement,
& le Duc de Bourbon avec luy, qui alla
volontiers là pour demander congé au Pape
pour aller sur les mescreans, & qu'il luy bail-
last absolutiõ de peine & de coulpe à luy & à

ses gens, Si le feit le Sainct Pere de bon cœur à tous ceux qui alloient à l'armee. Et fut le Roy grandement festoyé du Pape qui les benit, & s'en alla à Paris ensemble, le Duc de Bourbon qui prit congé du Roy, de son frere, & des Seigneurs, & s'en vint en son pays de Bourbonnois, où il ordonna ses faicts honorables qu'il auoit à faire tant pour l'ordonnance de ses pays, comme pour l'armée mettre sus. Et luy estant en Bourbonnois, feit venir tous ses bons seruiteurs pour ordonner les affaires de son pays, lesquels ils ordonna bien à point, Et en celle ordonnance vult que le Sieur de Nourris eust le gouuernement de ses terres.

Comme le Duc de Bourbon enuoya deux Cheualiers au Roy, qui luy accordast ce que les Geneuois requeroient, qu'il respondit, & comme le Duc vint à Marseilles.

CHAP. LXXIII.

Messire Anthoine Adorne, duc de Gennes, que bien scauoit la bonne, volonté, & grande diligence que le duc de Bourbon mettoit en celluy, faict pour aller en Affrique, luy manda que l'armee

estoit prefque prefte , & qu'on ne faudroit point au iour qui eftoit nommé: mais difoit le Duc de Gennes au Duc de Bourbon. Monfeigneur , le commun vous prie que vous vueillez impetrer du Roy qu'il luy vueille donner certaines charges de bleds, & de vins, pour argent, en fon pays de Provence: car le pays de Gennes eft pauvre, & faut qu'ils s'en uaille d'autres contrées: nous de Gennes l'en auons requis, mais il ne l'a voulu oëtroyer, pourquoy l'armée fe pourroit rompre, pourtant vous fupplions, Monfeigneur, que vous vous vueillez employer en cecy. Et quand le Duc ot receu les lettres, il eut peur que l'armée d'Afrique fust rompüe, dont il eftoit tel bruit, & tantost (oy fon confeil) enuoya deuers le Roy Meflire Loys de Hangeft, pour luy requerir de par luy ce que les Geneuois autresfois luy auoient requis, & qu'il luy pleuft enuoyer, c'eft à fçauoir, deux miler tonneaux de vin, & quatre mille charges de froment, pour mettre en biscuits: Et outre fut chargé le Cheuallier de requerir au Roy que toute l'armée qui alloit en Affrique vint à Marseille, & que la ville fut abandonnée au Duc de Bourbon, & à tous ceux qui s'y voudroient mettre: & le Duc de Bourbon se faisoit fort de reparer le mal qu'il pourroit

aduenir, & outre requeroit le Duc qu'il pleust au Roy commettre gens, afin que les viures ne feussent encheris pour le seruice de Dieu où ils alloient: Et de tout cecy feurent enchargez Charles de Hangeſts & ſes gens, rapporter au Roy, qui le trouua à Beaucaire, & le receut grandement, & veid les requettes que le Duc de Bourbon luy faiſoit, auxquelles il reſpondit comme vous orrez. Le voyage, dict le Roy, qu'a entrepris beau cousin le Duc de Bourbon, eſt tres-grand & tres-honorable, & vn chacun luy deuroit aider du grãd honneur qu'a entrepris: Mais quant à la requette des Geneuois, ie veux que beau cousin de Bourbon ſçaſche que ie ne les ayme guere, & qu'ils n'auroient point de viures de moy, ſinon en payant grand truage, car ainſi eſt accouſtumé: Mais nonobſtant ce, pour les grands voyages & ſeruices de Dieu que beau cousin a empris, cela & plus ie luy oſtroye, & toute autre choſe en quoy ie luy pourrois faire plaiſir: Et ſur ce partit Meſſire Charles de Hangeſt du Roy, qui de luy emporta ſes lettres, & s'en alla aux Geneuois à Marſeille, & entreprindrent Meſſire Charles de Hangeſt & leſdicts Geneuois enſemble, que ſi les vingt-deux gallees & les nauires venoient de Gènes à Marſeille, pour recueillir le Duc de

Bourbon & ses gens, il leur sembloit pour le mieux, & aussi pour auoir meilleur marché de viures : si loüerent les Geneuois ledict Messire Charles de Hangeſt qui partit de Marseille, & alla par deuers le Duc son Seigneur, luy dire la responce du Roy, & ce qu'auoit fait avec les Geneuois, qui de ce fut moult lié & ioyeux, plus qu'on ne pourroit dire, & dict le Duc que Dieu conduisoit la besongne. Et tantost manda par tout pays, dont il auoit eu nouuelles, que chacun qui avec luy entendoit à passer en Barbarie, vint à Marseille le premier iour de Iuillet, & là ils trouueroient la nauie prestee, où pourroient monter & aller outre au plaisir de Dieu : & toutesfois le Duc de Bourbon qui estoit soigneux de ceste chose print conseil qu'il y feroit dix iours deuant pour ordonner son nauire, & vn chacun qu'il feroit : Et quand les Geneuois oyrent dire que le Duc fut venu à Marseille, ils se hastoient de venir & amener leur nauire par deuers luy, tant pource qu'ils ne faillissent point, comme pour accueillir leurs viures : Et eux venus & leurs gallees & nauires, eut conseil le Duc de Bourbon avec les Geneuois combien de gens pourroient pour chacune gallees, & pource leur dict le Duc qu'ils meissent en vn roule toute leur ordonnance, & combien

en chacune gallée & nauire il pourroit de gens & de viures, & le chemin qu'ils deuoient tenir, & ce faisant le vaillant duc de Bourbon, afin que quand ses gens seroient venus ils sceussent où ils deuoient estre, & qu'ils deuoient estre. Et commanda le duc à ses fourriers, qu'ils feissent en maniere que le Comte deu, le Sieur de Couci, & autres Seigneurs qui estoient de nom, qu'ils suiroient, feussent logez honorablement à Marseille, comme ils feurent : Mais le duc de Bourbon n'ot mie six iours demeuré à Marseille, que ceux qui l'auoient requis ne vinssent de tous costez, & autres qui ne luy auoient mie demandé, comme le Comte d'aulphin, & le Comte d'uzais, & le Comte de Caillehuc, lesquels y arriuerent avec belle compagnie, & maints autres, à quoy vous ferois long compte. Ainsi que les Seigneurs & leurs gens venoient, & le duc de Bourbon, selon ce qu'ils estoient, leur faisoit assigner leur nauire, afin que chacun se pourueust de ce qui luy faudroit, nonobstant la promesse des Geneuois, qui fut vne bonne ordonnance & belle conduite faicte par le duc de Bourbon : & avec la prouision des Geneuois, feist achepter le duc de Bourbon & mettre en ses vaisseaux, deux cens tonneaux de vin, & deux cens lards, avec foison

de potages , & telles prouisions que l'on porte en mer , & fait mettre deux mille chefs de poullailles en ses nauires , pour les malades. Et quand tous les gens feurent venus à Marseille , chacun trouua son logis prest pour eux en aller en l'armée.

Cemmel Duc de Bourbon partit de Marseille alla à Gennes , & comme en belle ordonnance descendit deuant Affrique, & l'assiegea, & comme Sarrazins feurent reboutez.

CHAP. LXXIII.

L'An de grace mil trois cés quatre vingt & seize , Noble Prince Loys Duc de Bourbon , pour faire le voyage qu'il auoit entrepris avec les Seigneurs , qui pour le bien de luy l'estoient venus accompagner, se partit de la cité de Marseille, & monterent tous en mer au iour qu'ils deuoient, pour eux en aller selon l'ordonnance qui deuant leur auoit esté escripte , & l'armée mise en mer , apres que toutes chargées feurent les nefs & gallées , de viandes, & de vins, & d'autres cauës, d'armures, & de tout ce qui appartenoit & est necessaire partir à noble homme en tel cas. Le Duc & les autres Barons entrerent ès chasteaux des nefs & gal-

lées, & és souuerains estages & les Cheual-
liers, les hommes d'armes & les Sergens où
leur estoit ordonné. Puis nagerent les gal-
lées & nefes par le vent qui se ferit és voilles
au long de la coste de Gennes, & auoit esté
ordonné que l'armée ne descendroit point
à Gennes, mais seroit à la matine loing trois
mil, & le Duc de Bourbon y entreroit, qui
auoient requis de le veoir, lequel y entra &
le Comte Deu, & le Sieur de Coucy, & le
Souldich de Lestaur avec luy, & fut gran-
dement receu & festoyé du peuple, com-
bien qu'il n'y arresta guere: & au departir luy
donnerent grande foison d'espices, prunes
de damas, cirops, & autres liqueurs qui sont
bonnes & confortatiues pour les malades,
dont il les remercia grandement, & se partit
de Gennes & vint en son armée, où estoient
les vingt-deux gallees, & dixhuiet nefes, tant
de guerre que de Cour, où luy hardy Che-
uallier, bons Cheualliers & vaillans hom-
mes d'armes de plusieurs contrées, estoient,
et les Ligiers mariniers, pour aller deuant
Lestoure quand elle seroit menee pour port
trouuer et prendre. Et le Duc de Bour-
bon qui estoit en sa gallee, s'eslouyffoit
moult de veoir gallees et nauires les vnes
pres des autres, pour le temps qui estoit
soüef et calme, si qu'à point la mer se

mouuoit, & tant que le Duc de Bourbon desprioit aux ieunes hommes l'ensei-
nement & la doctrine d'armes; des preu-
d'hommes & anciens qui estoient là es-
prouuez, et que les sages endoctrinassent
les plus ieunes qui auoient besoing d'estre
enseignez. Voyant le bon Duc de Bour-
bon les gens encouragez de combattre, et
qu'il pouuoit grande chose entreprendre,
et faire pour leur aide, il se mit en chemin
vers Affrique, car es vades de la mer le vent
s'estoit feru, dont ils ne pouuoient singler
à souhaiet: Si nagerent en mer par le costé
de Sardaigne où ils auoient d'assez bonnes
villes, pour mieux eux rafraichir sans ga-
ster leurs viures, les villes sont Lhanguil-
lasse, Chastelacaille, la Mouziere, & la
Comulliere qui n'est qu'à seize lieuës d'Af-
rique, & à la Comulliere fut ordonnée
l'auantgarde de la bataille, & l'arriere-
garde, pour descendre deuant Affrique,
& ordonna-on que le Sieur de Coucy
qui estoit vn moult vaillant Cheuallier &
bon Capitaine auroit l'auantgarde de luy,
& le Comte Deu, pour descendre les pre-
miers à tout six cens hommes d'armes que
le Duc de Bourbon leur bailloit, & mille
Arbalestriers de Gênes & d'ailleurs, & pour
fournir leur compagnie, le Duc de Bour-

bon apres avec ceux de son hostel & de ses
pays descendroit en bataille , & en arriere-
garde les suiuroit le Souldich de l'Estaur, le
Sieur de Castillon , & les Anglois, avec le
Comte Daulphin , ensemble les Geneuois
qui estoient en celle armée , aussi descendit
le Sieur de Coucy & logerent deuant Af-
frique, apres d'une Mosquee de Sarrazins,
& où ils se meirent en ordonnance de ba-
tailler , pour attendre ceux qui d'Affrique
les assauroient : mais nul Sarrazin ne fait
semblant d'eux assaillir , & ce regardant le
Duc de Bourbon hastiuement descendit de
sa gallée en terre, & toute la sienne bataille,
& tous les autres de l'arrieregarde : Et celle
nuict feurent les Chrestiens deuant la cité
d'Affrique en belle bataille, & toutes leurs
nauires derriere eux. Et le lendemain fut
ordonné par le Duc de Bourbon & les Ge-
neuois , le siege estre assis deuant Affrique,
par la terre, & ceux de Gennes par mer, &
le siege que le Duc de Bourbon meist , c'e-
stoit par terre, d'une mer à autre , où ceux
d'Affrique auoient trois portes, & sur la mer
n'en auoient fors qu'une : Et les Sarrazins
d'Affrique qui bien estoient douze mille,
qui veirent leur ville assiegée par les Chre-
stiens n'attendoient sinon qu'à leur point
saillir au logis du Duc de Bourbon & des
autres

autres par les trois portes tout à vn coup pour porter aux Chrestiens grand domma-ge: Ainsi attendirent trois iours sans yssir pour sçauoir quelle garde feroient ceux qui estoient dehors, & au bout de trois iours ad-uint à l'heure que l'on souppoit alors, & que Sarrazins ne veirent guere de gens, ils saillirēt d'Affrique par les trois portes pour cou-rrir sus au logis, mais avec ce que Chrestiens faisoient bon guet, chacun estoit tousiours armé: si saillirent Sarrazins à leur entreprise deuers ceux de l'ost, qui estoient pourueus & armez, les rebouterēt si lourdement, que des Sarrazins y ot mort trois cens hommes, & ceux du logis au Duc de Bourbon s'ad-uancerēt tāt en ce toullis où ils estoiet, c'est à sçauoir, le bon preudhomme Chastelluz, le Sire de Chastelmorant, qui onques en sa vie ne fait voyage sinon à ses despens, ne aussi n'ot cure de demeurer en cour de Sei-gneur, & aupres de luy ses deux fils Iean & Guichard Cheualliers, & le Sire de Negre-plisse, qui estoient de l'hostel du Duc, le Sire de l'Espinasse, le Sieur de Chastel de Mon-tagne, Messire de Barrois, Messire Blain Loup Mareschal de Bourbonnois, le Sieur de Saint Piet, Messire Regnant de Bres-soles, Messire Robert Damas, Messire Guil-laume de Garet, Messire Berthomier de

Vernay, le Sire de Saint Porgne, Tachon de Glenier, Michaille, Philippes Berault, Guichard le Brun, & assez d'autres d'iceluy hostel, dont iene sçay les noms, tellement se porterent qu'ils occirent à la porte d'Afrique plusieurs Sarrazins, dont ils orent telle peur qu'ils n'yssirent depuis de trois semaines, mais pensoient de fortifier leur place.

Comme le Duc de Bourbon parla au Conseil deuant Affrique, & comme le siege fut enclos, & l'ordonnance de le garder.

CHAP. LXXV.

CEux de Gennes cognoissant la marine des Maures horsmis & enuoyez parauant de leurs gallees coursaïres en celle marche Sarrazine pour espier le pays, lesquelles estoient retournées au siege, & rapporterent au Duc de Bourbon, & à toute l'armée, que le Roy de Thunes & le Roy de Belgie, & le Roy de Trameffan s'apprestoient fort pour venir combattre le Duc de Bourbon à soixante mille cheuaux. A laquelle parolle respōdit le Duc de Bourbon, Ils soient les mal venus, il faut attendre ce qu'ils voudront faire: lors appella le Duc le

Sieur de Coucy, le Comte Deu, le Comte Daulphin, le Sire de Grauille, le Souldich de Lestaur, le Vicomte Duzaiz, & autres, & les Capitaines des Geneuois, & dict le Duc à eux en conseil, que trois Roys Sarrazins deuoient venir sur eux, & que estoit de faire: desquels aucuns d'eux dirent, que c'estoit grande chose d'attendre les Roys & leur effort, & ceux qui sont dedans Affrique, & d'autres, que mieux vaudroit se leuer du siege, & s'en aller, que se departir honteusement quand Sarrazins seroient venus en si grand nombre. A laquelle chose ne se peut tenir le Duc de Bourbon qu'il ne respondit à ceux la: Messeigneurs, ie me donne grande merueille, d'auoir peur de ce que n'avez point veu, & ne sçauiez encores s'ils ventront; & me semble que si Sarrazins viennent nous sommes assez gens d'auoir belle journée, à l'ayde de Dieu, sur eux. Et dict le Duc à aucuns de ses parens: Vous beau cousin Deu, & vous beau cousin de Coucy, que dictes vous de cecy? lesquels luy dirent, Monseigneur, ce que vous avez dict nous semble bon & tres-honorable: car à dire que vous soyez venu de si loingtain pays pour acquérir honneur par deça, & que honneur vint, & vous le perdissiez, vous auriez fait de vostre honneur deshonneur. Alors le Duc de

Bourbon dict : Messieurs vous dictes bien , il me semble qu'il est bon que nostre logis soit clos d'aucune matiere legere , car Sarrazins ne combattent fors à cheual, dont dirent les Seigneurs: Monseigneur vous dictes bien , & aussi nous le vous voulions dire , & suffira de peu de closure , & fut dit par les Geneuois qu'il suffisoit la closure des cordes que l'en faisoit d'une mer à autre , à enclorre le siege , que fussent de quatre pieds de hault, afin que chevaux ne peussent saillir , & qu'il suffisoit assez pour ceste canaille : Mais à ce parlement y ot aucuns sages Geneuois qui dirent qu'avec la corde tendue on met rames de gallees entre les cordes , si que les Arbalestriers peussent mieux traire & plus roidement contre les Sarrazins s'ils assailloient l'ost, & aussi contre les poulseis des lances. Si fut la parole bien ouye & escoutée de tous, qui moult leur pleut : & ainsi fut clos l'ost. Apres ordonna le Duc de Bourbon où estoient les Capitaines de l'armée Geneuoise, la garde que chacun auroit , par la maniere que vous orrez. Premierement il y auroit cent hommes d'armes qui seroient establis à garder vingt-cinq brasses de garde; & cinquante Arbalestriers , dont l'ordonnance fut faite à chacun Seigneur ou

Capitaine, ayans charge de gens d'armes, & encores ordonna-on que le Duc de Bourbon auroit avec luy mil combatans sous sa banniere, laquelle portoit Messire Robert Damas, qui se tenoient en courroy avec le Duc à son commandement deuant l'une des trois portes d'Affrique, & cinq cens Arbalestriers, pour ayder à secourir là où seroient les besongnes plus aigres, & pour rebouter Sarrazins s'ils yssioient de la ville: & telle fut l'ordonnance si belle & bonne, & disoient chacun. Viennent les Sarrazins quand ils voudront.

Comme le Roy de Thunes Sarrazin accompagné d'autres deux Roys vint deuant Affrique, l'escarmouche qui y fut faicte, & comment le Duc de Bourbon y escarmoucha & les Seigneurs, iour apres autres.

CHAP. LXXVI.

LE Roy de Thunes Sarrazin, majeur en Barbarie, sçachant que la cité d'Affrique estoit assiegée de Chrestiens, s'estoit pourueu de ses gés d'armes, pour cōforter la ville, ou leuer le siege s'il pouuoit: mais pour ce qu'il ne se sentoit mie assez puissant, auoit mandé deux Roys ses alliez & consors, qui

à son mandement vindrent à Thunes à grand pouuoir, ausquels il dict. Vous mes chers freres & parfaicts amis, Roy Tarlien, & Roy de Belgie, auez sçeu comme le peuple de Gennes par son outtage plusieurs ans m'aguerroyé, & de present pour me pis faire, leur Duc & Recteur de leur ville a fait venir vn Prince Chrestien du sang Royal du grand Roy de France, appelé le duc de Bourbon, s'il prenoit ma ville qu'il a assiégée, ce me seroit trop grande perte, & à vous souffreté de biens, pource que vostre terre est sablonneuse, & peu recueillez de biens, si par la mer ne vient que partent de mon port d'Affrique pour vous enuillailler, & pourtant vous dis, il ne faict mie bonnement souffrir son ennemy en son regne longuement, qui oster l'en pourroit par raison ou par force: allons à eux, sçachons quelles gens se sont, & nous combatons pour nostre franchise. Adonc le Roy de Thunes ayant mis fin à sa parolle, s'accorderent les autres Roys à son dict. Si vueillez sçauoir qu'apres ceste parolle, ne tarda pas huiët iours que le Roy de Thunes, le Roy de Trameffan, & le Roy de Belgie, vindrent deuant Affrique en leurs courrois, selon leur coustume, à tout leurs naqueres, tabours,

cymballes, freteaux, & glays, presenterent la bataille, & bien estoient en nombre, qu'à pied qu'à cheual, soixante mille personnes, & feurent aupres de l'ost des Chrestiens, seulement le traict d'yne arbalestre, & à celle heure feit on de l'ost saillir le ject de deux pierres, mille combatans, & six cens Arbalestriers, & ce voyant les Roys Sarrazins enuoyerent de leurs Cheualliers bien accompagnez tous, à cheual assembler aux Chrestiens: mais ils n'osoient approcher pour le traict, & Chrestiens qui veirent la couïardise, s'aduancerent ceux qui estoient ordonnez à ce, & ferirent sur eux yigoureusement, & se porterent si bien en celle empraincte gens d'armes & Arbalestriers, qu'ils feirent Sarrazins retraire par bien enchasser, & par force de traict, & fut l'escarmouche si bonne que les Sarrazins y perdirent soixante cheuaux bons, & cent hommes morts: & les Sarrazins, qui se veirent foullez, se parforçoient d'entrer aux Chrestiens, pource qu'ils veirent le petit nombre d'eux au grand nombre qu'ils estoient, & moult de vaillans Cheualliers & de Heraulx croyables, affermerent depuis que si la nuit ne fust si tost venue, & la bataille & arrieregarde se feussent ferus dedans ce qui

là estoit de mescreans , eussent perdu leur pouuoir & s'en feussent tournez à honte: Mais le Duc de Bourbon qui estoit vſé de bataille & de guerre , voyant la nuit qui approchoit , ne voulut sa gent abandonner en celle fortune, regardant que ceux de la ville luy peussent auoir donné au dos. Ainsi donques se passa la journée pour la nuit qui vint : & s'allerent les trois Roys Maures & leurs gens loger auprès d'Afrique, sur vn petit tertre qui là estoit assez prochain de l'ost au Duc de Bourbon , & des Geneuois ; où les Sarrazins tendirent leurs tentes & paillons , & de leur venue s'eslouyrent moult celle nuit ceux d'Afrique : Et quand Chrestiens veirent leur commune, fut ordonné par le duc de Bourbon, son Conseil , & les Geneuois, qu'au dehors de l'ost pour faire garde, auroit six cens hommes d'armes, & trois cens Arbalestriers, par maniere de guet, en vne petite mōtagne au iect de deux pierres, si Sarrasins yſſoient à eux pour escarmoucher: ainsi fut fait & ordonné, & pour celle heure n'y eut plus fait d'un costé ne d'autre: ains se retrahirent Sarrazins en leurs tentes , & Chrestiens en leurs logis, & se reposerēt les trauallez, & autres faisoient la garde, auquelz la charge en estoit commise: & pour

attraire Sarrazins à bataille, les Chrestiens les alloient à halster chacun iour, & courre aupres de leurs tentes, par maniere d'escarmouche, & les Sarrazins ce veoyant yfsoient de leurs Herberges, & se mesloient aux Chrestiens en l'escarmouche, si aduenoit qu'aucunesfois les Chrestiens repoulloient les Sarrazins bien parfaict en leurs loges, & les Sarrazins ensuyuoient les Chrestiens par fois enprés, car ainsi est le mestier d'armes. Les Seigneurs qui venus estoient avec le Duc de Bourbon dirent: Monseigneur, il nous est aduis, & à bon droit, que vous entendez à auoir la ville d'Affrique, & ces Roys qui sont là, le nous le veulent contredire: car ils ne nous veulent liurer leur bataille: mais peu viennent à l'escarmouche chacun iour pour nous cuyder à force affamer, ou trouuer en desroy, pourtant vous prions que vous avecques nos gens, iour par iour nous essayons à escarmoucher ces mescreas: de ce fut ioyeux le Duc de Bourbon, & leur octroya de bon cœur. Si commencerent les escarmouches des Chrestiens, aux Sarrazins en celluy iour, & premiers le sieur de Coucy, & le Comte Deu avec leurs gens, qui fierement se contindrent, & l'endemain le Comte dauphin, le Vi-

comte Duzayz, & le Vicomte de Rhodes, & le sieur de la Saigne d'Arragon, & leurs gens bien se porterent, puis au iour apres ce vaillant Cheuallier le Souldich de l'Estaur de Bordelois, & autres, & avec luy le Seigneur de Chastel, & leurs gens vaillamment se porterent, & le sieur de Saint Georges ensemble, le sire de Grauille, & leurs gens le feirent grandement apres eux, ainsi que les iours venoient y furent à leur tour le sieur de Clifford, Messire Iean Franc, & ce bon Escuyer Iennet d'Ortenis, avec Cornuaille qui la prist son bruiet, ensemble leurs Anglois qui reaulment se porterent, & le duc de Bourbon veoyant que le tour des autres estoit acheué, y alla en personne avec les Cheualliers & Escuyers de son Hostel, qui vaillamment se escarmoucherent, & aussi feirent les Capitaines & hommes d'armes Geneuois avec leurs Arbalestiers, que maints Sarrazins occirent, & ne peut estre qu'en celluy escarmouche n'eust esté occis, & nauré assez gens d'une part & d'autre, car quarante deux iours tous ensemble sans point de delayance soy escarmoucherent, & que vous irois ie contant de chacun vaillant Cheualier & Escuyer, le hardiment ne la force, tant le feirent bien que

chacun est digne d'estre loué; car la chose vint à tant que vingt Chrestiens assaillirent trente Sarrazins.

Comme l'assaut fut donné par le Seigneur de Bourbon, & sa compagnie à la ville d'Affrique, & comme Sarrazins se maintindrent contre Chrestiens.

CHAP. LXXVII.

AYant regardé le Duc de Bourbon és faicts des Sarrazins comme ils se contenoient, manda querir les Seigneurs de sa compagnie, & les Capitaines des Geneuois, ausquels il dict, Messeigneurs vous veez la puissance de ceste gent Sarrazine, & ainsi que ie veoy leur gouuernement, ils ne sont mie tant à craindre comme on diroit, car ie veoy que nos gens les foullent tous les iours en toutes escarmouches, & pource me suis pensé que despuis que nous vinsmes deuant ceste ville d'Afrique nous n'auons mis peine d'assaillir. Si seroit bon d'aduiser comme on la peut prendre. Si serions moult bien heureux, si deuant telle puissance de nos ennemis, nous la pouuions auoir. Alors dirent le Sieur de Coucy, le Comte Deu, & tous les autres Barons,

qu'il disoit vray, & outre dirent le Comte deu, & sieur de Coucy : Monseigneur vous ferez bien de demander aux Geneuois s'ils ont apporté nuls habillemens de guerre & veoir qu'il leur ensemble, Si furent mandez les Capitaines des Nets, & Galleres Geneuois, auxquels fut faicte ceste demande. Lors respondirent ceux de Gennes, nous auons dans nos Nauires vn eschauffaut de trois estaiges de haut, de trois brasses & demie quarrure, & peut on mener celluy eschauffaut sur petites rouës, & aucuns de nos facteurs Geneuois demourans en la ville, en lieu de marchans, nous ont dict que nous ne faudrions point à prendre la ville, aupres d'vnetour par deuers la terre. Dont par la force d'icelle Sarrazins ne tiennent guieres Comte, & d'autre partie deuers la mer, (dirent Geneuois, auons intention de faire sur quatre Galleres, deux becqs de Faulcon, & en chacun becq de Faulcon vne eschis, à mettre quinze hommes d'armes, & dix arbalestriers, & n'y a bech de Faucon, qui ne soit plus haut que n'est la tour du port qui tant est forte, & si celle tour pouuons auoir, nous aurons tout dont les Chrestiens de l'ost feurent si liez & ioyeux, qu'il sembloit que tout fut no-

ltre, & demanda le Duc de Bourbon aux Geneuois, quand ces habillemens pourroyent eſtre preſts, leſqueulx de Gennes ne demandoient que huit iours de terme, où fut leur beſongne arreſtee: dont on s'eſiouyt grandement, & ne faillirent point ceux de Gennes que l'eſchafaut ne fut dreſſé, & tout preſt de le conduyre vers la tour du port, où l'on le deuoit mener, & auſſi par les Galleres, les becs de Faucon. Voians ceux d'Affrique les paremens pour eux aſſaillir ne ſe fierent plus aux Chreſtiens demourans en la ville, ſur le faiſt de la garde, ains les enclouoient en leurs domicilles: car trop craignoient les Sarrazins celluy eſchafaut qui pres de leurs murs approchoit. Si meirent toutes les Bombardes de la ville, où il y en auoit de belles en haut d'icelle tour du port, pour traire ſur l'eſchafaut, & enueloient Sarrazins, les pierres qu'ils iectoient deſcouples d'un doigt d'eſpais, où iectoient pouldre qui iettoit feu pour eſpandre l'eſchafaut, & venoit la pierre toute ardant, & tant tirerent de pierres les Sarrazins d'Affrique qu'ils ardirent l'eſchafaut en vn iour & vne nuit, dont Chreſtiens feurent fort courrouceez, mais ce durant aduiſa le Duc de Bourbon, & les Cheualliers qui là eſtoient, que non obſtāt

l'aduenture toute la compagnie par bon ordre iroit assaillir la ville aux trois portes par terre, afin que les becs de Faulcon que portoyent les Galleres par mer, feissent quelque chose: & ainsi fut ordonné l'assault que les becs de Faulcon feissent leur deuoir, & l'endemain commençal'assault & les becs de Faulcon pour faire ce que Geneuois auroyent entrepris: mais les Sarrazins de la ville feirent vn habillement sur la tour, encontre les becs de Faulcon tels que vous orrez. Sarrazins qui auoient l'arriere garde de la ville, & les gardes des tours, & celle tour du port ou plus se doutoient, osterent toute la defence, & feirent vn sollier de bois au plus haut sans deffence, & pertuyserent celuy sollier moult dru à trois doigts l'vn trou de l'autre, & le commis à ce faire orent mis aucuns de leurs Sarrazins au deffous de leur sollier, & tous les Chrestiens qui montoient des becs de Faulcon sur la tour, auoyent les pieds perchez des Sarrazins, qui au deffous d'eux estoient, lesqueuls Chrestiens ne pouuoient veoir les Sarrazins & de Chrestiens y ot tant de blecez qu'à plusieurs conuinist saillir de la tour en bas: ainsi cessa l'assaut des becs de Faulcon, & deuers les portes par terre ou estoit le duc

de Bourbon ensemble les Establies des Seigneurs qui avec luy estoient chacun en son endroiect , comme estoit ordonné , & ceux de ses pays avec les Geneuois , laissant garde suffisante pour la retraicte, assaillit on si fierement que l'vne des portes fut arse : mais le grand peuple qui estoit ens la murèrent tant qu'on ne peust entrer. Et durant l'assaut estoient les trois Roys Sarrazins , dessus nommez , & plus de quarante six mille hommes , au traict d'vne Arbalestre , pres des Chrestiens qui crioient à ceux de la ville horriblement tenez vous bien , & n'osoyent approcher sur l'ost pour la grosse arrieregarde, qui guectoient comme Sarrazins schabandonneroyent , & fut vne belle chose au Duc Loys de Bourbon , & sa compagnie d'assaillir vne telle forte & bonne ville, sur la mer , comme est Affrique deuant la puissance de trois Roys Sarrazins , qui au commencement estoient soixante mille cheuaux , sans le pouuoir de la Cité.

Comme le Duc de Bourbon alla pour faire retraire Boucicaut le ieune, & comme le Duc courut les tentes des Sarrazins.

CHAP. LXXVIII.

POUR l'obscurité de la nuit conuint retraire les Sarrazins en leurs Herberges, & les Chrestiens en leurs closures, & ainsi s'appaisa celle iournee: mais de là à huit iours que Chrestiens, & Sarrazins estoient les vns deuant les autres, aduint que le ieune Boucicaut à son tour faisant le guet, qui tousiours auoit esté ordonné entre l'ost & les Sarrazins, lequel Boucicaut estoit vn Cheuallereux homme, & feist requerr en l'escarmouche ou il estoit par aucuns truchements, s'il y auoit nul Sarrazins qui encontre luy se voulsist combattre à pied ou à cheual qu'il le combattroit, lesqueulx luy feirent responce que non, lors leur fit dire, Messire Boucicaut que s'ils vouloyent faire armes dix contre dix, où vingt à vingt, qu'il estoit prest, & sa compagnie, Si leur respondirent Sarrazins que non, si les Roys leurs Seigneurs ny combatoient, & quand Boucicaut vit leur reffus, leur fit dire qu'ils les combattroient sçauoir est vingt Chrestiens

tiens contre quarante des leurs Sarrazins, & tât que le parlement dureroit estoit ordonné qu'on ne feist guerre l'un contre l'autre, & à peine estoient les parlemen-
teurs Chrestiens & Sarrazins ensemble, dont le Duc de Bourbon, le Seigneur de Coucy, le Cointe Deu, le Souldich de l'Estaur, & les autres Barons s'esmer-
ueilloient, car tous ceux de l'ost tour-
noient à ce parlement. Monseigneur, les gens s'en courent tous comme bestes, là où est Boucicault, & ne les pouons gar-
der, & nous semble qui si n'y enuoyez aucun qui les retrace que la chose ne tourne à mal. Lors respondit le Duc de Bourbon, ie n'y peux enuoyer meilleur messager, que moy, iray ie mesme, lors demanda vne mulle qu'il auoit tousiours, & bien sembloit aux Seigneurs qu'il n'y pouoit aller meilleur message pour les faire retraire. Si monta le Duc sur sa mulle partit de sa tente, & se mit au chemin avec les gens de son hostel: mais il ne fut gueres loing, que le suyurent plus de trois cens Gentilshommes: les Sarrazins qui veirent que le Duc de Bourbon (lequel ils recognoissoient à sa cote d'armes) se venoit ioinde avec Messire Boucicault à moult de gens d'armes se

commencerent fort à retraire vers leurs tentes , & Boucicault , & ceux qui avec luy estoient de les chasser. E quand Boucicault vit venir vers luy le Duc de Bourbon , il se donna orgueil , & chassa plus baudement les Sarrazins , & le Duc de bourb. & sa compagnie alloit tousiours apres pour le faire retraire: mais quād Messire Boucicault fut au pres des tentes , les Roys & Sarrazins se meirent en courroy de bataille hors de leurs logis , & Boucicault se mit en bataille avec les siens attendans le Duc de Bourbon , & ceux qui venoyent apres luy , & paruint le duc de Bourbon à ceux qu'il vouloit faire retraire , & parla à Boucicault bien outrageusement des grandes follies qu'il faisoit : Mais le duc de Bourbon voyant qu'avec luy estoient bien deux mille combatans , qui l'auoyent suiuy , & regarda aussi les Sarrazins qui abandonnoyent leurs Herberges , & se mettoient en bataille tous dehors. dict , Mes amis puisque nous voyons le logis des Sarrazins abandonné allons de par dieu ferir parmy leurs Herberges , & si Sarrazins vallent rien , ils les viendront defendre , & defendit le Duc que nul fut si hardy de soy oster d'ordonnance ne d'entendre à piller , mais se combattre effor.

tement, & qu'au premier son de trompette qu'il feroit sonner chacun se retrahit à son estendart. A celle heure le Duc de Bourbon premier, & les Seigneurs & Capitaines chacun selon endroict leurs gens d'armes, & Arbalestriers de Gennes, se ferirent parmy les tentes des Sarrazins, & courrurent tout le logis, & couppoient les cordes des tentes, & bouterent le feu és logis de paille, & demoura le duc de Bourbon avec son estendart de la ceinture d'esperance, à meillieu du logis aux Sarrazins vno heure. Et pendant cella arriua au Duc de Bourbon, le Comte Deu à bien sept vingt combatans qui venoit d'un autre leez deuers la marine lequel fut moult lié & ioyeux, qu'il se trouua en celle place. Et pource que c'estoit tard dict le Comte Deu au duc de Bourbon, Monseigneur, Veez cy la plus belle chose qu'on peut veoir, & dont ie regracie Dieu que ie me suis trouué en vostre compagnie: mais pour Dieu retrayons nous, car il est vespre: & si Sarrazins couroyent en noz logis, il n'y est demeuré que le Sieur de Coucy à peu de gens, & foison mallades, se seroit tout perdu. Adonc le Duc de Bourbon, dict au Comte Deu, nous y serons tantost au plaisir de Dieu, lors fait

sonner les trompettes & se meit en bataille, dehors les tentes qu'ils auoient courues au ject d'une pierre, & feit là le Duc vne ordonnance, qu'au cas que les Sarrazins s'auanceroient, de leur courre sus, que tous à vn tas se ferissent à eux sans les chasser: & meit le Duc de Bourbon, quatre cens Arbalestriers Geneuois, & deux cens hommes d'armes avec eux en maniere d'une esle: si vindrent quatre ou cinq fois Sarrazins pour cuider ferir en la queue, mais fierement on les reboutoit, & perdoient de leurs gens, & tant qu'en bataille ordonnee s'en repaira le Duc en son logis, sans perte de ses gens, sinon de six Gentilshommes qui moururent es tentes des Sarrazins par faute d'halaine au sablon, dont ne se pouuoient r'auoir parce qu'estoient trop fort armez. Dõt l'un fut le Sire de Vailly frere au Comte de Sanxerre, le second messire Geoffroy de la Selle Guenon, & quatre Escuyers des leurs. Et le Duc venu au logis trouua Seigneur de Coucy en belle ordonnance qui estoit moult dolent que es tentes Sarrazines ne s'estoit trouué avec luy, Si se remit chacun en sa place, & en son ordonnance, & les Roys Sarrasins, auxquels Chrestiens auoient couru le logis, s'allèrent loger demy lieuë plus loing, & demeura le

Duc de Bourbon, apres tout cecy, quinze iours deuant Affrique, où d'un costé & d'autre, tant des Chrestiens que des Sarrazins, y ot faicts de belles appertiffes d'armes. Car les Chrestiens s'accoustumioient des armes Moresques contre leurs ennemis, & les Sarrazins s'efforsoient des armes Chrestiennes pareillement.

*Comment le Duc de Bourbon, & autres yrent
tirent du siege d'Affrique, & la
belle maniere de partir.*

CHAP. LXIX.

LE Duc de Bourbon qui seoit deuant Affrique auoit grand desir de l'auoir si luy seroit tournée à victoire, si presens les Roys Maures, la pouuoit prendre, & à ce mettoit moult son entente, & aussi faisoient les Seigneurs & gentdarmes de la compagnie. Et pour plustost venir à la fin de son desir parla à aucuns des Capitaines & Patrons de l'armée Geneuoysse, de ce faict lesquels luy dirent. Sire, ceste ville est forte merueilleusemēt & vous le veez & est grandemēt garnie de gens, & la sus sont ces Roys a grād gēs que à nostre aduis ne se mouuerōt de champ, & pour rien que vous faciez ne

vous yeullent liurer bataille et nous met-
rent en delaiance pour faire consommer
nos viures, Aussi en nos Naues n'anetraye
ne boicelle n'autre engin pour admener au
mur, nostre eschaffault est ars, & les becs de
Faulcon gastez, si ne sçauons mie de cecy
que dire, il n'y a dict le duc, que d'en fai-
re d'autre: & ainsi comme Geneuois par-
loyent de ceste besongne aux autres patros
de guerre & Capitaines estans es Galleres,
vont demander ceux d'Affrique traictis, &
requièrent que les Geneuois feissent leur
du siege le Royal duc de Bourbon, & tous
les autres, & ils feroient tant par deuers
leur Seigneur le Roy de Thunes, que son
armee ne feroit mal aux Chrestiens de dix
ans. Si dirent les Geneuois que volontiers
diroyent ces parolles au duc de Bourbon,
et à sa Cheuallerie, que ainsi le feirent
presens leurs compagnons: Lors fait respon-
ce le duc aux Geneuois, que hardiment dis-
sēt à ceux d'Affrique qu'il n'estoit mie là venu
pour faire pactis, mais pour les conquerir,
& plus dissent à leur Roy que Chrestiens
n'auroient que faire de luy, & qu'il ne val-
loit rien. Et sur cela leur feirent responce
les Geneuois, dont ceux d'Affrique feu-
rent fort esbahis, & aussi estoient les Ge-
neuois qui n'auoyent plus de quoy main-

tenir leur Nauie, & aussi la Cheuallerie
n'auoit gueres que manger, les Gene-
uois voyans que ceux d'Affrique de leur
volonté traitoyent, querirent vn autre
traictis à eux qui fut tel; Que la rente
que le Roy de Thunes prenoit chacun an
sur Affrique; ils la payeront aux Ge-
neuois quinze ans, sans ce que le Roy
de Thunes y print rien, & dedans l'an
payeroient aux ducs commis de Gen-
nes vingteinq mille ducats pour les def-
frayer de l'armée, & bonne & forte
seureté, bailleoyent telle comme ils la
demanderoyent, & la seureté que Ge-
neuois demandoient estoient Catho-
liques, Neapolitains, & Sardins, qui
estoyent marchands demeurans en la ville
pour tenir lesdicts traictis, & dura ce-
dict traictis entre eux quatre iours en-
tiers, que les grands riches marchands
ne vouloyent accorder: Mais quand
ils orent assez debattu la chose, ils re-
garderent que tout quant ils auoyent
vaillans, estoit en la ville de moult grandes
richesses de tous les trois pays, & que
si la ville se perdoit qu'ils seroyent de-
struits, veu que leur Roy leur faisoit
peu d'ayde. Si accorderent leur traictis, le-
quel rapporterent au duc de Bourbon & aux

Cheualliers, & sur ce le Duc de Bourbon toute la Cheuallerie ensemble François & Anglois; asçauoir si ce traiçtis estoit honorable ou non, & eux estant en conseil, vult que le Souldich de Lestaur de Bourdeldis, qui estoit vn des plus anciens de l'armee, parlast le premier, & luy demanda son aduis; lequel Souldich, dict que mie n'estoit raison qu'il parlast de ce cy le premier, & qu'il n'auoit veu gueres de choses en son temps: mais toutesfois, il diroit volontiers ce qu'il en sçauoit, & de ce peu qu'auoit veu en son temps selon son aduis. Si dict que c'estoit la plus honorable place en quoy onques en sa vie il se trouuaist, d'auoir attendu la puissance de trois Roys par deux mois & demy en cháp, assaillir leur ville deuant eux, sans ce qu'ils ayent mis remede. Et depuis aller contre leurs tentes, & les iecter par force hors, qui est plus grande chose que la plus grande bataille que on pourroit veoir. Et quant est du traiçtis, dict encores le Souldich: Ce que ceux d'Affrique offrent il est aussi honorable que si la ville eust esté prise, car vous les mettez en truage & seruitude, qui n'est poinct de reffuser & en la presence de toute leur puissance,

Et quant est à moy (dit outre Souldich) qui ne suis qu'un pauvre cheuallier, ie tiens ceste chose aussi honorable, que si i'auois esté en trois batailles. Apres le Souldich parla Iennicot d'Orteuie Anglois, l'un des vail-lans Cheualliers quel'en sceust nulle part, lequel se tint à l'opinion du Souldich de Lestaur, & que certes il ne scauoit que redire apres le Souldich, & telle fut l'opinion des Anglois. Si aduint apres que le Duc de Bourbon demanda au Comte Daulphin son aduis, lequel dict au Duc: Mōseigneur, il me semble que les choses ont esté si grandes & si belles iusques cy, & le taictis si honorable, que vous ne le deuez nullement refuser. Apres parla le Seigneur de Coucy, lequel dict plainement au Duc: Monseigneur, ce voyage en quoy estes venu est si grand & si honorable pour vous, & pour tous ceux qui y ont esté, qu'on ne pourroit dire mieux, à telle puissance, cōme de trois Roys, aux grandes choses qu'avez faictes, qui ne vous ont osé combattre, & quelque entreprise que vous ayez faicte eu du meilleur, & au surplus avez gaigné leur logis sur eux, qui vault bien en honneur vne bonne bataille, & est vne malle desconfiture pour eux: apres vous auez le traicté si grand, dont ils sont asseruis. Parquoy vous en pouuez

bien partir honorablement , autant que si vous auiez prinse la ville , & present telle puissance que vous veez deuant vous. Et aussi, Monseigneur, vos gens ont faute de viures , il y en a beaucoup de mallades, dont vous en pourrez assez perdre pour cause de trop demeurer , & seroit vostre demeurance sans raison , car vous auez le plus bel traictis que nul pourroit auoir pour vous & vostre compagnie. Apres on demanda le decret au Comte Deu, qui dict, qu'apres le Seigneur de Coucy, il ne scauoit qu'amender : Et aussi fait au Sire de Grauille qui se tint à celle opinion , & le Seigneur de S. Prier , & le Seigneur de Castillon , & tous autres Cheualliers, dont il y en auoit assez : & durant ce parlementis les Geneuois orent pris la seurte de leur traictis, dont apres guere ne demeura qui ne fut ordonnée la despartie, & que la nauie s'apprestast pour partir au tiers iour , & à ce tiers iour le Duc ordonna aduantgarde, bataille , & arrieregarde, pour entrer és vaisseaux , & dict le Duc au Sire de Coucy , Beau cousin, vous feustes le premier à la descēduē en terre, quand nous vinsmes deuāt Affrique, & ie veux estre le dernier au monter en gallee au departir : Et ainsi le feist , & meist

le Duc de Bourbon vne Mesquite derriere vne vieille muraille qui là estoit deux cens hommes d'armes, & cent Arbalestriers, & leur fut ordonné qu'il ne se monstrent, sur peine de la teste, & y feurent depuis deux heures deuant le iour : & au Soleil meit le Duc son arrieregarde sur le port, & feit dire par tout que chacun se retrahit en ses vaisseaux, ainsi comme il auoit esté ordonné le soir, si le feirent. Ceux d'Affrique qui veirent la retraicte des Chrestiens, nonobstant le traictis qu'ils auoient avec Geneuois, feirent signe à leur ost que Chrestiens se retrayoiert, si vindrent tous les Sarrazins en bataille deuant le port, & nonobstant ce le Duc de Bourbon se vint retraire en belle ordonnance chacun en sa gallee, tournez les visages aux ennemis, & tant qu'il n'y auoit à retraire avec le Duc, sinon deux cens hommes, & quand les Sarrazins veirent qu'il n'y auoit guere gens à retraire, enuoyerent leurs Roys six cens hommes à cheual ferir sur ceux là, qui feirent vn grand cry, & le Duc de Bourbon tint pied ferme, & feist descouurir son embusche, & ferir sur eux, qui les rebouta si lourdement, que des Sarrazins à celle empreinte, y ot morts de cent à six vingts, & puis se remit le Duc en

sa place, où il demeura demie heure, ensemble l'embusche qu'il auoit faicte pour luy retraire, pour veoir si Sarrazins derachet le voudroient enuahir, lesquels ne vindrent onques plus, si se retrahit le Duc de Bourbon à son bel aise, sans nul empeschement, luy & tous ses gens sur la marine, & luy estât en sa gallee, singla sur la mer & toute l'armee, tant des siens comme des Geneuois, & celle iournee allerent en l'Isle de la Commuliere, où ils demurerēt lendemain tout le iour: Et les Roys Maures qui sceurent cōme Affrique s'estoit accordee, s'en allerent avec leurs Sarrazins chacun en leur cōtree: Et orent aduis les Chrestiens quel chemin ils feroient le plus honorable, & là meit le Duc de Bourbon en terme avec les Cheualliers de Frâce & d'autre part qui estoient avec luy, & dict aux Geneuois: Beaux Seigneurs, veez cy ces grands Cheualliers & autres qui vous ont seruy, & ont employé leurs corps & honneur à vostre emprise, ils sont venus de moult loing pour querir honneur, & pource ie vous prie mes amis, si vous scauez lieu ou place sur les Mescreans, où moy & ceste belle compagnie se puisse employer, durant ce que nous sommes ensemble, dictes le, car ie suis prest de m'y employer, & ie suis seur d'eux, comme aussi

font. Lors reſpōdit le Capitaine de l'armée, Meſſire Iean Doultre Marin, pour les Seigneurs: Monſeigneur, nous ne ſçauons place où vous vous puiſſiez mieux employer, que tirer d'icy en Sardaigne, où il y a vn chaſtel qui de toutes parts aduitaille le Royaume de Thune, où vont les marchāds du pays, & eſt appellé le chaſtel de Cailhe, & qui le pourroit auoir on auroit faiēt vn grand dommage pour les Sarrazins, & aſſez bien aux Chrétiens: car Sardaigne eſt vn plantureux pays qui les aduitaille.

Comme le Duc de Bourbon à ſon retour d'Affrique priſt en Sardaigne aucunes places baillans viures aux Sarrazins, & comme par fortune arriva en Sicile, où le Seigneur de Clermont le feſtoya. Comme il appaiſa les Sires de Plombain & de Lerbeaux contre Geneuois, & puis alla à Marſeille.

CHAP. LXXX.

A Pres que les Geneuois orent acertené & faiēt ſage le Duc de Bourbon d'iceluy chaſtel, il dit & auſſi feirēt les Seigneurs, allons là: Adonc de celle Ile où ils eſtoient nagea tout le nauye en Sardaigne deuant Cailhe, où de plainē venuē entrèrent au

port, où il y auoit moult de grosses nauës qui feurent prises par forces d'armes, & la basse ville du port, & lendemain se rendit le chastel de Cailhe au Duc de Bourbon, où il y auoit vn Capitaine qui s'aduoüoit pour le Vicomte de Narbonne, lequel faisoit trop de maux, & estoit du pays mesmes: & bailla le Duc de Bourbon aux Geneuois ledict chastel en garde, ausquels il feit iurer promettre que nuls viures n'yroient en Thunes, & les Geneuois promirēt au Duc qu'ils la garderoient bien & loyaument pour les Chrestiens: & sur celle promesse requirent les Geneuois au Duc de Bourbon: Monseigneur, il y a icy encore vne autre place, qui faiēt pis que ceste, d'aduitailler les Sarrazins, & a nom Languillastre, & n'est mie si forte que vous ne la preniez du premier assault, si ne se rendoit. Si dict le Duc à sa Cheuallerie, allons y, & ils y allerent, & dès qu'ils feirent semblant de l'assaillir, ceux de Languillastre n'attendirēt mie l'assault: mais se rendirent au Duc de Bourbon, qui les prist à mercy, & les bailla en garde aux Geneuois, ausquelz il feit promettre que à ceux de la ville ne feroient point de desplaisir, & feirent faire serment pareillement, comme aux gens du chastel de Cailhe: & de là prirent leur chemin le Duc de Bourbon & les

Geneuois, pour eux en aller, & vouloient forttirer deuers Naples, pource que aduillaient Affrique, pour eux monstrier le traicté qui auoit esté faict : mais celle nuit fut la plus terrible fortune en mer, qu'onques Chrestien peust veoir, & cuiderent toutes les nauires & gallees perir, & par fortune arriua le Duc de Bourbon en l'Isle de Sicile, à vne cité nommée Messine, qui estoit à vn grand Baron du pays, appelé Messire Menfroy, Seigneur de Clermont, & plusieurs des gallees furent separées, & vindrent arriuer en moult de lieux, & de toutes les gallees de l'armée ne perilla sinon celle du Souldich de Lestaur, & du Seigneur de Chastelmorant, laquelle brisa par force de vent au port de Trappenne, & fut si bien secourüe de gens, que ceux de la gallée ne furent point noyez, mais ils perdirent leur bagage, & le Duc de Bourbon auquel on rapporta la nouvelle de la gallée perie où estoient ses bons seruiteurs, lendemain enuoya sa gallée propre à Trappenne, où il n'y a que trois lieues, qui les admena vers luy à Messine, où le Duc demeura huit iours pour r'afraischir ses gens & mettre en ordre ses vaisseaux. Menfroy Seigneur de Clermont, lequel estoit Seigneur de Messine

fire de Trappenne , & Palerme , & de plus de la moitié de l'Isle Sicillenne, pource qu'il estoit podagreux , manda de ses plus priuez au Duc de Bourbon, que bien fust-il venu en son pays, luy & toute son armée. Et par ce temps que le Duc s'esjouyna en l'Isle, le festoya grandement le Sieur de Clermôt, & le deffraya grandement le Sieur de Clermont de sa despence, tant que le Duc y demeura par huiët iours , ensemble le Sieur de Coucy, & le Comte Deu, & le Côte Daulphin : & quand le Duc de Bourbon voulut partir de Sicile, luy requit le Sieur de Clermont qu'il luy pleust le faire Cheuallier, car de plus vaillant Prince ne le pourroit estre, si en fut moult lié le Duc, & le feit Cheuallier, dōt le Seigneur de Clermôt le remercia. Et au partir dōna au Duc deux beaux coursiers de la race de Clermont, pres de Palerme, au Seigneur de Coucy, vn, au Côte Daulphin, vn, & au Comte Deu vn autre, & aux galles & naues des Geneuois vingt biscuits, chairs sallées, & autres prouisions : & comanda qu'aux autres vaisseaux les viures ne feussent point encheris, si fut faiët son commandement: Et le Duc de Bourbon regardant les agreables seruices qui luy estoient faiëts en celluy pays , en sceut tres-grand gré au Seigneur de Clermont, auquel à son
partement

partement, il donna vne ceinture d'or à sa devise d'Espérance. Plus demanda aux Geneuois quels voyages ils feroient, si luy dirent: Monseigneur, au partir d'icy nous irôs par mer, & pourrez arriuer deuant vne ville qui est au dispos de Romanie clamee Tarrassine, où il y a bel port de mer, & ceux là confortent de viure Affrique; ainsi que faisoit l'Isle de Sardaigne, si ne pouuez mieux faire qu'au passer les assaillir & les destruire, & nous semble que c'est bon d'y aller. Lors entra en gallees le Duc de Bourbon, ses Cheualliers & ses gens, & partis de sa naue de Messine, nagerent par mer aux voilles & aux rames tant qu'ils arriuerent au port de Tarrassine: & de faict entrerent dedans, prinrent la basse ville, & assiegerent le chastel, & dedans deux iours le chastel fut rendu au Duc de Bourbon, qui le bailla aux Geneuois en garde sur les conuenances & promesses qu'auoit faict le Chastel de Cailhe & la Guillaistre. Et de là se partit l'armee & s'en alla à Plombin aupres de Pise, & le Seigneur de Plombin estoit vn grand Gentil-homme, & y auoit eu grand guerre entre le Seigneur Plombin, & les Geneuois qui duroit encores. Le Duc de Bourbon arriué à Plombin, luy requirent fort ceux de Genes, que pour la guerre ancienne qu'ils

auoient entr'eux, & le Seigneur de Plombin; il la voulsist destruire l'en prioient; si dict le Duc de Bourbon: Je ne suis venu pour faire guerre aux Chrestiens, mais s'il est chose de paix en quoy ie me puisse employer, ie le feray volontiers, & l'enuoye-ray querir, vous direz vostre raison & il dira la sienne, & si aucune voye d'accord se trouue, i'en feray deuoir de bon cœur, i'ay icy a grand foison de Cheualliers & Escuyers, & sages gens qui scauront bien ordonner de vostre debat. Si dirent les Geneuois: Monseigneur, nous sommes bien contens, quand de cecy vous plaist prendre la peine, si vous en remercions. Alors le Duc de Bourbon manda par aucuns de ses Cheualliers au Seigneur de Plombin, qu'il vint parler à luy. Si vint ledict Seigneur au Duclyement qui luy feist bonne chere, lors monstra le Seigneur de Plombin au Duc les causes de la guerre, & quelle querelle il auoit, & aussi feirent les Geneuois, lesquelles le Duc de Bourbon meit en conseil avec la noble Cheuallerie qui estoit avec luy. Et sans vous faire plus long conte, les meit le Duc de leurs debats en si bon accord, comme s'ils estoient freres, & deffist vne grande disension: Et de Plombin s'en alla l'armée en l'Isle de Larbe, où les Geneuois di-

ſoiēt auoir aucun droit que le Sire de Larbe leur tolloit, & eſtoit bien vray : mais auant que le Duc de Bourbō s'en allaſt les meiſt ſi bien d'accord qu'ils en feurent contens, & que les Geneuois orent leur droit. Et de Larbe ſe partit l'armée, & arriua à Portefin, aſſez pres de Gennes, & lendemain alla arriuer toute l'armée à Gennes entour midy, de laquelle armee deſcendit la plus grande partie, ſauf le Duc de Bourbon, qui ne voulut point deſcendre à Gennes, ny auſſi le Comte Deu, le Seigneur de Coucy, ne le Comte Daulphin, dont le Duc de Gennes & toute la communauté feurent deſplaiſans, car ils luy vouloient faire de grands dons s'il fut deſcendu : Mais onques nulle conuoitiſe ne le priſt, ſi le prierent fort de deſcendre, auſquels il reſpondit: Meſſieurs, vous me priſtes à Marſeille, & là ie m'en retourneray, s'il vous plaïſt: car alors que i'en partis, ie vouïay à Dieu & à Saint Loys de Marſeille, que ce ſeroit le premier port à mon retour que ie prenrois à entrer au Royaume de France. Ainſi ſe partit le Duc de Bourbon & les Seigneurs au bon gré de Gennes, & s'en allerent à Marſeille, & tous les autres deſcendirent à Gēnes pour ſe rauigourer de la mortalité & des meſaiſes qu'ils auoient eu au ſiege d'Affrique &

en mer, dont il y en ot morts grand' foison, tant de Gennes comme d'autres, & à Gennes mourut le Sire de la Sainte Seue-re, Messire Guichard, fils du Seigneur de Chastelmorant, & des Anglois douze, & mourut le Seigneur de Castillon Bourdelois, & le Seigneur de Cailhac, & le Souldich de Lestaur, le Seigneur de Saint George Grauille, & les autres qui se feurent repaisiez se partirent de Gennes, & s'en allerent en leurs maisons.

Comme le Duc de Bourbon apres son retour d'Afrique, fait son mandement pour ayder la Comtesse de Sauoye sa sœur, & de son douaire qu'on luy retenoit à tort.

CHAP. LXXXI.

LE Duc de Bourbon estant à Marseille où il demeura dix iours, pour secourir luy & ses gens, qui estoient moult foullez du traual & grand' peine qu'auoient eu en ce noble voyage, cependant enuoya le Duc en Forest, où il n'y a que quatre, iournées deuers la Duchesse sa femme, & en Bourbonnois deuers le Seigneur de Nourris, pour querir ses cheuaux & autres habillements, qu'il luy con-

uenoit, & argent, dont il luy failloit grand
foison, qui moult en auoit despendu hono-
rablement : & quand les cheuaux feurent
venus, & ce qui auoit mandé, se partit le
Duc de Bourbon de Marseille, & alla en pe-
lerinage à Saint Anthoine de Viennois,
& à nostre Dame du Puy, & puis en son
Comté de Forest, où tout le peuple luy
venant au deuant en luy faisant la plus gran-
de chere & le plus grand honneur qu'on
luy pouuoit faire par tout où il venoit, &
en sa ville de Montbrison demeura huiët
iours avec la Duchesse sa femme, qui
l'aymoit de vraye amour, où estoient leurs
beaux enfans, Iean & Loys, dont le Duc
s'esioyffoit moult de les veoir. Et ainsi
comme illec s'esioyrnoit le Duc, luy fu-
rent apportées nouuelles, comme à Mada-
me Bonne de Bourbon sa femme, sœur,
Comtesse de Sauoye, on auoit soubstraiët
le gouuernement du Comté & de ses
pays, lequel Comte estoit son fils, & aussi
du Comte Verd son mary trespaslé, & ne
luy vouloient payer son doüaire : si fut de
ce mal content le Duc Loys par expres du
doüaire qu'on luy retenoit à tort, & dict :
puis qu'il en veut à belle sœur faire tel
Party, il me conuient remedier : & lors
incontinent manda les Barons, Cheual-

liers & Escuyers de ses pays , qui feurent à luy à iour nommé : Si se partit le Duc Loys de Montbrison, & à belle compagnie cheuaucha à la ciué de Grenoble, où à sa priere vindrét pour estre à l'ayde & secours de la Comtesse contre les Sauoy siens plusieurs Seigneurs du Daulphiné. C'est à sçauoir Messire Aymard de Clermont Bannet, avec luy trois Cheualliers, quinze Escuyers, & cent hommes d'armes, le Sire de Montchanu à deux Cheualliers & trente hommes d'armes, les Sires de Giers & Raiges, à quarante compagnons bien montez & armez, Messire Henry de Vallins à vingt-deux hommes d'armes, le Sire de Môt-regnault, & Gilles Couppier Cheualliers, à dixneuf compagnons , le Sire de Marmay & Vachon Daches , y vindrent à trente hommes d'armes, François de Saint Andrieu avec dix hommes, & Robinet de la Chassaigne Sire de la Mouliere, en Auvergne, y estoit allé à ses despens, à douze hommes d'armes, dont le Duc luy en sceut bon gré. Lors prist à dire le duc à ses gens d'armes: Puis que cy sommes ensemble, ces vaillans Cheualliers de daulphiné qui sont venus de leur bon gré moy seruir, & accompagner, ferons chose au plaisir de dieu, parquoy belle sœur de Sauoye ne sera mie de-

serte : Alors dirent les Cheualliers tant du
dauphiné comme du duc, qu'il mādast les
deffiances en Sauoye, car ils estoient prests
d'entrer par armes, si que par force la bonne
dame receust son droict, c'estoit son douair
re qu'à tort on luy auoit tollu. Mais le Com-
te Aime (qui puis fut premier duc en Sa-
uoye) certain que le duc de Bourbonnois
estoit si pres de luy mounoir guerre, feiras-
sembler son conseil, où estoient Messire Jean
de Beauffort Chancelier, les Seneschaux
& Mareschaux du pays, Messire Bonifac
de Challant, & Messire Gaspart de Mont-
maieur, & ce notable Escuyer Capitaine
de Pimont Henry de Colombier, qui de
tous temps encontre tous auoit soustenu la
bonne vesue dame, en accroissant tousiours
honneur d'elle, parlementerent tant ense-
mble, que par le moyen du sage Escuyer re-
monstrât au Comte son Seigneur les maux
que pour icelle guerre pourroient ensuire,
fut enuoyée vne noble Ambassade du Co-
te au duc Loys de Bourbon en la ville de
Grenoble, & ja la lettre des deffiances estoit
faicte, que deuoient porter deux Escuyers
du duc de Bourbon, l'un appellé Ponsart
de grand Val, & l'autre Jean du Bois Ly-
mosin, Escuyer d'Escuyrie, quand de-
uant le duc se presenterent lesdicts Ambas-

sadeurs, luy denonçans que pour Dieu il ne
voulüst guerroyer le Comte son parent, &
que ce qui auoit esté faiët tournant à outrag-
e à la Comtesse sa sœur, n'estoit mie venu
de la part du Comte ne des trois Estats, &
assez pouuoit entendre le Duc Loys le par-
ler des Ambassadeurs, qui dirent outre, cō-
me au Duc ne voulüst déplaire du gouuer-
nemēt & administration des pays & Com-
té que pieça on desnie à Dame Bonne sa
sœur: car pareillement Dame Bonne de
Berry, mere de nostre Seigneur le Com-
te, le vouloit auoir, qui nous sembloit
estre ainsée, & haine & enuie entre les
nobles dames, pource a esté deliberé par
conseil que le Comte doit prendre le re-
gime de ses pays, & à Dame Bonne de
Bourbon Comtesse de Sauoye, nostre
grand' dame, sera presentement & de
faiët assignée certaine pension de tout son
douaire, & annuellement payee de tout
ce qu'on luy peut deuoir, ainsi l'a iuré le
Comte nostre Seigneur, & les trois Estats,
sans aller au contraire. Lors le Duc Loys de
Bourbon, comme raisonnable Prince, s'ac-
corda aux parolles des Ambassadeurs, par
ainsi qu'on tint verité à sa sœur, lesquels s'en
allerent à Chambery, racompterau Comte
& cōseille vouloir du Duc qui feurēt moult

lyez d'iceluy accord : si ne dura guere
que la promesse du traiētis ne fust tenuë bië
& deuëmēt à la grande Côtelle de Sauoye
Dame Bonne de Bourbon, de tout son
douaire & des arrerages. Si se partit la Da-
me du pays, que plus ne vult demourer,
& s'en alla à Mascon, où despuis elle vſa
vie moult sainctement & honorablement,
& le Duc Loys son frere, qui de Gre-
noble ne s'estoit voulu partir tant que
sa ſœur fut contentë, remercia les Sei-
gneurs de dauphiné, & tous les autres,
& licentia gens d'armes, excepté ceux de
son hostel, puis s'en repaira à Montbrison,
dont il estoit party, & s'en alla en son du-
ché de Bourbonnois, à Moulins où il trou-
ua le Seigneur de Nourrys, & son conseil,
qui feurent moult liez & ioyeux de leur
Seigneur, & aussi toutes gens.

Comme le Duc de Bourbon alla à Paris

à deuers le Roy.

CHAP. LXXXII.

QVand le Duc de Bourbon & son Sei-
gneurië par aucuns iours en la ville de
Moulins, le sire de Nourrys luy dict, Mon-
seigneur vous estes venu bien à poinct la
mercy dieu, vous estes venu à vostre

grand honneur, & tres-grande renommee tant de vostre voyage d'Affrique, que du secours de vostre sœur. Et aussi le Roy de France, fait le plus grand mandemēt qu'on veit faire long-temps a, dont ie suis certain que vous orrez bien tost nouuelles : mais qu'il sçache vostre venue, & lors demanda le Duc de Bourbō, quelle part le Roy vouloit aller, & ceux de son conseil, si luy dirēt qu'ils auoient entendu qu'il alloit en Bretagne. Adōc leur dit le Duc, les trefues que feir Monseigneur de Bourgongne, entre le Duc de Bretagne, & le Comte de Ponthieure, sont elles rompuës ? ils dirent que ouy, & que Clisson & la Riuere, qui gouuernoient le trosne auoient tout rompu. Si dict adonc le Duc de Bourbon, c'est mal fait & tres-mal conseillé. Ne demouraguieres que le Roy de France ne mandast au Duc de Bourbon, que bien sçauoit sa venue, ses lettres contenans que apres l'hōnorable voyage dont ii venoit, il se vouldist traire deuers luy : & prestement si le feir le Duc de Bourbō pour obeir au Roy, & aussi pour le desir qu'il auoit de le veoir, & à la part où il ot grand chere du Roy, & de tout le monde qui estoit là, & de deux iours entiers le Roy ne le Duc ne parlerent sinon des aduentures qu'ils auoient eues, & estoit

moult de plaisir au Roy ouir parler de celuy honorable voyage d'Affrique, dont le Duc de Bourbon venoit, & feirent bonne chere ces deux iours, & le tiers iour dict le Roy de France au Duc de Bourbon. Beau oncle, nous vous voulons dire aucunes grandes choses que nous auons empris, cōtre le Duc de Btetaigne, qui tousiours ne se peut tenir de nous faire des plaisir, à laquelle chose respondit le Duc au Roy. Monseigneur, si vous n'avez bien grāde cause c'est mal faict: car vous sçavez, que Monseigneur le Duc de Bourgongne vostre oncle, qui à faict la paix d'eux deux ne sera mie content, & par aduenture ceux qui vous ont cecy conseil-
lé, & qui sont avec vous tous les iours, sont partiaux, & regardent à leur faict, & pensent peu au vostre, parquoy vous avez ceste chose à mettre en grande deliberatiō auant que vous entrepreniez le faict. Lors dict le Roy prestemēt, Beau oncle nous auōs tout deliberé, & est nostre mandement faict qui doit estre d'icy à 15. iours au Mans. Si vous priōs qu'à vostre puissance vous nous accōpagniez, & soyez à celuy par deuers nous, & de ce nous vous priōs bien cheremēt. Lors dict le Duc de Bourbon, Mōseigneur ie feray ce qu'il vo^o plaist: mais ie me doute que ce soit mal faict ou vous allez, & ne sçay si Mōseigneur de Bourgongne est cōsentāt

de cecy. Adonc luy diët le Roy hastiue-
ment: Nous n'en prenons point conseil à
bel oncle de bourgongne. Si diët le Duc de
Bourbon au Roy, Monseigneur, il me
semble que c'est mal faiët à vous, car Clif-
son vous faiët estre partial pour le Comte
de Ponthieure, contre le Duc de Breta-
gne qui est vn grand Seigneur, & qui
vous peut bien seruir, & vous ne deussiez
mie prendre à cœur cecy, mais deussiez
mettre peine à leur defendre toute voye
de faiët: car ils sont vos vassaux. Et sur ce
fut faiët le traicté que Monseigneur de bour-
gongne feit à Angiers lequel vous deuriez
tenir, & ne suyure point de partialité.

*Comme le Roy de France alloit en Bretagne faire
guerre au Duc, & comme pour vne maladie qui
luy vint, luy conuint retourner.*

CHAP. LXXXIII.

Charles Roy de France, quand il ot ouy
le bon conseil que luy donna le Duc de
Bourbon ne le vult plus escouter: mais luy
diët: Beau oncle, certes nous auons pro-
mis d'y aller, si le tiendrons & partirons
de Paris d'icy à quatre iours, pour estre au
Mans huiët iours deuant le mandement

afin que toutes gens qui ſçauront que nous ſerons là , y tireront plus volontiers. Et pource vous prions Beau oncle , que vous en veniez avec nous pied à pied , & enuoyez aucun Cheuallier à vos gens , & qu'ils ſoyent à vous à iour nommé. Et auſſi Beau oncle de Berry y ſera , & Beau frere d'Orleans venra avec nous. Alors le duc de Bourbon qui ne pouuoit deſtourner le Roy , enuoyayn Cheuallier à ſes gens afin qu'ils le ſuyiſſent ſi le feirent , & le Roy de France eſtoit jà party de la Cité de Paris , & ſ'en alla au Mans l'an que l'en contoitoit mil trois cens quatre vingt dix ſept , où il demoura douze iours en attendant toute la groſſe puissance de ſon mandement , leſquels vindrent au Roy de tous coſtez. Et eux venus , ſi vult partir du Mans le Roy , pour aller à Angiers. Et ſ'en alla le Mareſchal Boucicault deuant à la Fleſche , pour faire le logis du Roy , & de là à Angiers. Et l'endemain ſe partit le Roy pour ſ'en aller loger à la Fleſche , & paſſa par les plains de Pontvallain , où le Conneſtable de Gueſclin , auoit jadis deſconfit Meſſire Robert Cannolle , & en celluy plain ſuruint vne ſoudaine maladie au Roy , dont il meſt la main à l'eſpee , & couroit ſus à chacun , & tous le fuyoient , car il eſtoit bel Cheuallier

de corps & de membre bien taillé , & estoit bien a redouter. Le bon duc de Bourbon , qui veid le Roy en tel estat , fut moult dolent : prist douze Gentilshommes , & vint à luy , & luy diët , Ha Monseigneur est-ce bien faiët , vous faiëtes belles œuures , vous vous deshonorez : Le Roy qui l'aymoit & le craignoit fut tout hôteux. Adonc se trahit le Duc de Bourbon pres de luy , & luy diët : Estuyez vostre espee , si ne le vout le Roy faire. Quand le duc veid cella , il diët au Roy, Monseigneur baillez la moy , si le feist , & lors le Duc de Bourbon diët , à quatre Escuyers de ses gens bien armez , qu'ils prissent la bride du cheual du Roy , & de Pont valin retourna l'ost , ou fut ramenë le Roy au Mans qui estoit en tres-grande fureur , car il faisoit grande chaleur du Soleil , & ils s'eschaufa en luy mesmes si fort que c'estoit la plus grande merueille du monde , & pour l'eschauffement qu'il auoit en soy conuint demeurer au Mans , l'espace de treize iours en forte continue ; & ce pendant il feit sa neufucine , au glorieux Saint Iulian Patron de celle Cité , & auoit on licencië toutes gens , & s'en estoient retournez en leurs places , & au bout de treize iours , la mercy dieu , le Roy aman-

da fort , & l'amenerent le duc de Berry , & le Duc de Bourbon à Paris , où il fut longuement malade: car il guarissoit pour vn moys , & l'autre moys estoit mallade , & luy dura celle maladie tout l'an , voyre de foys à autre toute sa vie qui fut longue, dequoy il aduint que pour celle maladie les Princes du sang Royal , par especial trois , c'est asçauoir le Duc Loys de d'Orleans frere du Roy , le Duc Iean de Berry, le Duc Philippes de Bourgongne ses Oncles dirent qu'il falloit mettre gouuernement au Royaume de France, dont ils furent en debat. Car le Duc d'Orleans disoit pource qu'il estoit frere du Roy , que le regiment luy appartenoit, le Duc de berry, qui estoit plus aucien oncle, disoit qu'il deuoit semblablement auoir, & le Duc Philippes de Bourgongne, qui estoit vn tres-grand Seigneur , & sage, & aussi oncle du Roy, disoit aussi que à luy deuoit appartenir le Gouuernement, dont par tel debat, & estrif vint dissension au Royaume.

Comment l'Auteur parle vn peu de fortune, & qui luy en semble.

CHAP. LXXXIII.

I'Ay maintesfois pensé à aucunes choses que i'ay veu de long temps; comme fortune, ainsi qu'il me semble, n'est autre chose que permission diuine. Car moy estant en ceste mortelle vie, ay veu plusieurs Royaux par diuision choir en miserable ruyne, dont les plus grands, & mesment les Heritiers estoient dechassez ou morts, & autres esleus en leurs sieges, & obtenir leur Seigneurie. Ainsi fortune par diuerses maniere par sa moquerie tourne au rebours, & iamais n'est stable; en monstrant que sous le ciel n'y a rien. D'icelle parle l'excellent poëte Bocace en son liure du cas des nobles ou chacun Prince tenant Seigneurie se deuroit mirer, afin qu'il n'encheust par son prochast à estre d'escript en celluy volume qui ne parle sinon de la miserable fin aduenüe aux plus grands, dont on ne tiët compte. Et mesme le Philosophe Sophocle Grec, en sa grande vieillesse fait en vers diuerses tragedies, esquelles il d'escriuoit les mauuais & desordonnez fruiets de Roys
& des

& des haults Princes du monde , parquoy ie raconte volontiers ce, pour donner entendement à tous , que fortune est muable: parquoy en elle nul ne se doit fier, mais seulement en Dieu , dont vient tout le bien. Et pour venir au propos de la matiere, ne fut assez mais fortune diuerse, & amere au doux peuple François ; tant de l'estat de l'Eglise que des Nobles, en les naurant de playes cruelles , quand l'un des preux & vaillant Cheuallier du monde, Prince & Roy d'icelle terre, par l'inconuenient d'icelle maladie, ne pouuoit regir son Royaume, dont il aduint que les Ducs ses freres , & ses oncles orent entre eux vn peu d'enuie , par conuoitise de gouuerner ; mais le tres-preud'homme Prince , & vaillant Cheuallier, le Duc de Bourbon alloit de l'un à l'autre, leur monstrant comme craincte & obeyssance estoit deuë au Roy , aussi bien comme deuant. Et que les Seigneurs prissent garde que par diuisiõ ne se moquassent d'eux, les autres natiõs n'euiassent le Royaume, & par especial les ennemis anciës les Anglois qui à si grand peine on auoit mis hors , & volontiers y entroyent s'ils veoyent leur tour. Ce & plusieurs notables dicts, disoit le bon duc de Bourbon, aux autres Princes qui s'amollirent par maniere qui n'y encourust au-

cune voye de faict, & gouuernoient si bien à poinct qu'on se contentoit assez, & nonobstant la maladie du Roy, auoit bonne paix au Royaume, par le moyen du preud'hôme, & bon Prince le Duc de Bourbon, qui à ce maintenir mettoit grand peine, dont à Paris & par tout il estoit loué & honoré, & aymé de tous merueilleusement : & durant celle bône paix, & florissant le Royaume en tous biens, moult de hauts Seigneurs, en autres terres faisoient guerres, & pource enuoyèrent en France, où estoit la gloire de Cheualerie, leurs Messages aux Ducs Seigneurs en France regens le Royaume qu'il leur pleust enuoyer à leur ayde, des Cheualliers qui de bon cœur y alloient, & volontiers es voyages s'employoient pour non estre oyseux, dōt l'un des Seigneurs, qui faisoit guerre en ce temps, estoit le Comte Jean de Haynault, Duc de Hollande, lequel s'intitula Roy de Trise, & entreprit la conqueste, où il alla de France noblé Cheualerie, & vn peu apres alla haulte baronnie de France, & d'ailleurs en Hongrie. Or passé la riuere de Danone, auquel lieu vn Prince de Turquie Sarrazin, appelé basuc, obtint la bataille contre eux, l'an mil trois cens quatre vingt treize, dont moult amoindric en fut la Chrestieté pour les nobles qui là moururēt, & ne tarda guie-

re que le Roy Richard d'Angleterre, apres parlien de mariage (qui est alliâce charnelle) print à femme la fille du Roy de Frâce, nômee dame Ysabeau, dont pour celluy mariage, l'on cuydoit que la paix de deux Royaumes fut faicte pour tousiours: mais fortune qui est variable, tourna sa roüe merueilleusement contre celuy Roy Richart, car quand il pensoit estre au plus haut de sa gloire il descheut, & le trouua on mort: aucuns dient qu'ils fut occis par conspiration des plus grands du pays, & autres disoyent qu'estoit mort en prison: mais en quelque maniere que ce fut, la Roynes sa femme retourna en France, & le Côte d'Herby appellé Henry, esleu fut en Roy d'Angleterre, & appellé par les Barons du pays.

Comme le Duc de d'Orleans fut occis à Paris, & comme le Duc de Bourbon en auoit mere douleur.

CHAP. LXXXV.

EN suyuant la matiere de fortune parleray encôres vn petit, pour ce qu'elle se boute en tous estats, vray est qu'en l'an mil quatre cent, que la paix heureuse duroit en France (côme il sembloit) plusieurs Princes deboutez de leurs Seigneuries venoient

en France, à refuge sous l'esperoir d'estre secourus & remis en leurs Seigneuries, auxquels le Roy quant estoit en santé faisoit bonne chere, & leur donnoit estat bel & grand. Et par ce tēps y estoit venu le Roy d'Arménie des armes de Luzignede, dont est le Roy Chypre, requerāt secours cōtre le Souldā Seigneur d'Egypte, & de Surie qui l'auoit iecté de son Royaume: mais en poursuyuant ce faict mourut à Paris, & fut enseuely en habit Royal, aux freres Prescheurs, tres-honorablement aux despens du Roy de France. Et en celle saison pour vn semblable cas vint en France, par deuers le Roy, ce noble Prince & bel vieillart, Monseigneur Manuel Paleologue Empereur de Constantinople, pource que le Prince de Turquie luy auoit moult de sa terre conquise, auquel le Roy feit bonne chere, & le receut grandement, & fut logé au Louure aupres Bourbon, le duc Loys luy monstroït de grandes amitez, & le traittoit amiablement, dequoy l'Empereur & sa Cheualerie Gregeoise l'auoyent moult à gré. Et par iceux iours quel Empereur Gregeois estoit à Paris, fut faict le mariage de Jean, Comte de Clermont fils au Duc de Bourbon, & de l'excellente, & vertueuse Princesse dame Marie fille au Duc de Berry, laquelle

le auoit esté Comtesse de Blois & d'Elux,
où fut la feste grande & solemnelle, au Pa-
lais de Paris, où y estoit le Roy François, &
le Grec Empereur ensemble, la haute Ba-
ronnie de France, lesquels mariez orent
Loys le premier, qui ne vesquit guieres,
Charles qui fut Comte de Clermont quand
son pere fut Duc, & depuis marié à tres-
noble dame Agnes sœur au duc de Bour-
gogne, qui auourd'hui ont belle gene-
ration, & l'autre Loys ot la Comte de
Montpensier, & fut marié à la fille au Com-
te Dauphin, heritiere d'icelle Seigneurie, &
y ot vne belle fille, leur sœur appelle Ylabel.
Pour retourner au propos de fortune, elle
fut moult perueuse pour le peuple du Royau-
me, ainsi comme le diray. Car le Roy qui
souuent estoit malade, ne pouvoit mie
bonnement gouverner, parquoy eouroit
aucunement hayne entre les Seigneurs à
qui auroit tout le gouvernement. Et du-
rant ceste dissension sans estre monstree
apertement, l'an que l'on disoit mil quatre
cent & sept, vn mauvais ribault Normant
appelle Raullet Danquentouille, qui
estoit en grand puissance, qui auoit trop
gouuernement avec autres les allies, promi-
re entre eux de faire tuer le Duc d'Orleans
frere du Roy de France, & disoit Raullet à

ses sequaces, que le Duc d'Orleans luy auoit
faict perdre vn grand office de Tresorier, qu'il
auoit, & qu'il le vouldroit auoir tué de sa
main, & perseuera tant Raullet en sa mauuai-
stie, que luy & ses alliez espierēt le duc d'Or-
leans vne nuit qu'il venoit de l'Hostel de la
Royne de souper d'avec elle, & la recōforter
des choses qu'elle veoit, & n'auoit guere me-
né de gens le Duc pour le courroux q̄ la Roy-
ne auoit de la maladie du Roy son Seigneur,
qui encores duroit, & au retour que feit le
duc d'Orleans de l'Hostel de la Royne, vne
nuit de S. Clement au vespre bien tard,
Raullet Danquetouille, celuy traistre ribaut,
& ses complices, luy saillirent au deuant, & le
meurtrirent mauuaisemēt, dont grād bruit
fut parmy Paris, & terrible rumeur qui dura
longuement, & celuy ribaut traistre, avec
les liens qui orent faict celuy homicide, &
detestable trahison, celle nuit memes s'en
allerent, & vindrent à Paris. Ainsi fut mort
le Duc d'Orleans, dont hideuse noyse, &
grand debat fut deslors qui a depuis duré
longuement, & moult grand douleur ot le
noble duc de Bourbon qui tant estoit loyal,
& preud'homme de veoir mort l'aîné frere
du Roy son Souuerain Seigneur, par telles
gens comme vous auez ouy, & son propre
nepueu, & pour ce nul ne pourroit penser ny

imaginer les grâdes douleurs q̃ le duc auoit. Apres il voit le Roy son droiturier & Souuerain Seigneur, en la malladie que chacū sçait qu'il auoit, car vne fois il estoit sain, & vne autrefois malade, qui estoient deux ameres douleurs que le Duc de Bourbon auoit en son cœur douloureusement.

Comment l'Aucteur commande fort la patience du Duc Loys, & la belle vie qu'il menoit.

CHAP. LXXXVI.

DV duc Loys de Bourbon, souuenoit bien'que l'homme sage doit estre en peril asseuré, peureux en prosperité, & ferme en aduersité, & pource des choses qu'il veoit estre aduenues au Royaume, par miserable fortune, tant au chef qui estoit le Roy, comme au frere d'iceluy, le Duc d'Orleans son nepueu, qui estoit occis si villainement, patiémēt portoit la douleur, & gracioit Dieu de tout. Et en esperant que Dieu de sa grace enuoyast au Roy planiere santé, demouroit le duc de Bourbon à Paris, où il faisoit faire souuent processions, & donner aumosnes aux Pauures, & se trauiilloit moult d'aller & venir aux Seigneurs, si que rumeur ne fut entre eux, laquelle fort se doubtoit, & que le Royaume n'empirast, &

estant en celle attente tenoit lors le Duc grand tinel à Paris, en son hostel de Bourbon, ainsi que bien l'auoit accoustumé de tout temps, & estoient bien receus toutes gens qui venoyent. Et aduint que quand le Roy estoit malade, qu'il ne tenoit point de Cour, tous ceux qui venoient à la Cour du Roy, & rien ne trouuoient appareillé, disoient, allons nous en dîner à l'Hostel du duc de Bourbon, & nous y serôs bien venus. Ainsi les nobles hōmes, & officiers venoient leans, dont le duc estoit moult ioyeux, & les receuoit liement. Or auoit le Duc de Bourbon vne coustume qui est repute'e digne d'estre belle, car il vouloit que les hommes selon leurs honneurs, feussent assis, & seruis grandement, & bien auoit officiers en celuy Hostel qui le sçauoit faire, dont le Duc se lie'ssoit en les veant ainsi par ordre, & volontiers mangeoit en tinel pour veoir celle cōpagnie, & pource que nul n'entendoit sinon ad ce pourquoy seoit à table, s'estoit à estre bien ayse, il vouloit que nul ne parlât, & afin que plus grand silence fut tenu, luy estant à table, auoit ordonné que deuant luy ne feussent nulles gens ou poy, sinon ceux qui estoient ordonnez à le seruir, c'est asçauoir le Pannetier, l'Eschançon, l'Escuyer tranchât, & baudequin, meschin, le bō Maistre d'hostel

qui de tout le prenoit garde, & pource q nul
nel occupast en son mager, aux deux bouts
de sa table estoient bares closes si qu'on
ne peust passer au derrier de luy pour tur-
ber son entendement, & pour estre plus en-
tentif aux grandes affaires qu'il auoit au
Royaume, tant en conseil qu'en autres cho-
ses, dont il faut biē venir à fin: Et pour auoir
plus haute memoire faisoit lire à son disner
continuellement les gestes des tres-renom-
mez Princes, jadis Roys de France, & d'au-
tres dignes d'honneur, & en ce se delectoit
apres le Seruice Diuin, duquel l'Office il di-
toit tres-reueremment, & luy disné & gra-
ces dictes à Dieu, s'en parloit chacun & re-
tournoient souuent: Si dura si longuement
ceste dance que le Duc de Bourbon se trou-
ua en debte de soixante mil francs d'or, qu'il
deuoit à Paris: car les Marchans luy deli-
uroient ce qu'il demandoit, pource qu'ils le
sçauoient preud'homme, & payoit volon-
tiers. En iceux iours aduint que Loys l'un
des fils au Duc de Bourbon en ieune aage
trespassa de ce siecle, lequel le Duc de Berry
en son viuant auoit moult cher: car il estoit
bel iouuencel, aduenant, plaisant, & son pa-
rent, & pour la bonne amour qu'auoit à luy
se partit le Duc de Berry de Nesle son cha-
stel, passa la riuere de Seine, entra en Bour-

bon en l'hostel du Duc Loys pour le reconforter: & quand le Duc de Bourbon sceut que le Duc de Berry venoit, se pensa pourquoy il venoit deuers luy, car ja auoit sceu engreger la maladie de son fils: mais non obstant ce qu'il sceust la cause, alla il au deuant de luy, comme faire le deuoit: car le plus grand oncle estoit le Duc de Berry, & pour sa franchise le venoit visiter. Et tantost que le Duc de Berry vit le Duc de Bourbon, luy sous-leua le cœur, fremirent ses yeux, & se prist à pleurer si qu'il ne peut mot dire: Adonc le Duc Loys de Bourbon le fit aller deuant & monter en hault, en vne chambre où estoient moult de gens, & commença à dire au Duc de Berry: Monseigneur, ie vous remercie de la bonne uisitation que m'auuez faicte, & de la pitié qu'auuez de beau fils Loys qui est allé à Dieu: car ie scay que pour ce estes venu à m'en dire la certaineté, bien me suffisoit vn mineur Seigneur de vous: mais bon sang n'oublia onques l'amour naturelle que doit auoir l'vn à l'autre. Pourquoi ie vous dy, Monsieur, que ceste vie passible n'est fort vne hostellerie: mais la vie aduenir, & la ferme & propre maison de l'ame immortelle, est la bonne connoissance pour voller à Dieu: car,

Monseigneur, à mon aduis la fin de viure est tres bonne, puisque l'homme a saine pensée, & entiere raison, a naturels sentimens, certains & fermes pour offices, appartenans à vie humaine : & vous sçavez, Monseigneur, que nature mere de toutes choses, a donné à nous hommes, logis pour demeurer ensemble, mais point ne nous a donné maison pour tousiours habiter: Parquoy, Monseigneur, si Dieu a pris mon fils s'estoit son plaisir, il le m'auoit presté, il l'a voulu pour luy, le sien Nom soit benist, par aduantage il eust esté meilleur de toute saparenté: mais fortune qui met les bas en hault, & les haults en bas, l'a mené trop tost à fin. Le Duc de Berry & les autres oyans si saines parolles du Duc de Bourbon, ne se peurent abstenir de pleurer : mais le Duc de Berry deualla le degré, alla à la chambre avec plusieurs nobles hommes où estoit le corps de l'enfant prest de porter en terre, auquel il feit honneur. Et quand le Duc Loys de Bourbon qui estoit à sa gallerie regarda les processions partir de son hostel à tout grand luminaire, & le corps de son fils gisant en biere, luy atendrit le cœur, & larmoya de douleur paternelle, & incōtinēt s'en entra en sa chappelle

où il appella son confesseur Maistre Pierre de Chantelle bon Theologien, & autres Chappellains qui feirent l'Office diuin pour l'ame de l'enfant nouvellement trespaslé, lesqueulx avec la Cheuallerie & Officiers de l'hostel se miroient en la constance & patience du Duc leur Seigneur & Maistre.

Comme le Duc de Bourbon print congé du Roy, s'en vint en son pays, où il ordonna de ses besongnes: Et comme le Sire de Nourrys par son bon conseil pouruoya aux affaires du Duc.

CHAP. LXXXVII.

PVis que l'obsequie du petit Loys fut paracheué, ne cessamie le Duc de Bourbon son Pere de tenir l'estat & tinel qu'il auoit accoustumé, & tant qu'aucuns des Gouverneurs des finances luy dirent plusieurs fois: Monseigneur, tout le monde vient à vostre hostel manger, vous en estes content, & il nous doit bien plaire: mais les Marchands qui baillent les denrees nous chargent fort d'estre payez, si vous supplions que sur ce vous plaise d'aduifer. Aufquels respondit le Duc: Mes amis, vous dites bien, ie me tiendrois mal content si nul se plaignoit de moy: mais ce que i'ay fait

iulques cy, a esté à l'intention que Monseigneur le Roy vint en santé, si que les nobles hommes & seruiteurs de son hostel eussent quel que guerdon de leur seruice: mais que ie voy que à Dieu plaist estre longue infirmité en sa personne, ie l'en regracie, si aduileray à ce que m'auez diôt, & vne chose vous dy, que ne m'estrangez point les Gentilshommes qui ont accoustumé manger en ma Cour, qu'ils y viennent, si luy dirent que non feroient-ils: & sur ce pensa le Duc de Bourbon longuement à luy mesmes trois choses, la premiere de prendre congé du Roy en sa bonne guarison, la seconde, si estoit de se retraire en ses pays, & penser de son ame à regracier Dieu des biens qu'il luy adonnez, le tiers, si estoit de soy acquiter à tous ses debteurs de toute la despense qu'il auoit faiôte en sa vie, afin qu'il ne deust rien à la fin de ses iours, qui estoit belle pensée de preud'homme Seigneur. Si aduint que quand le Roy de France tourna à guarison pour celle fois, luy alla requerir le Duc de Bourbon congé pour aller en ses pays, si ne le vult le Roy donner congé, ains luy diôt: Haha dea beau Oncle, il n'est pas temps de vous en aller, lors luy respondit le Duc de Bourbon: Monseigneur (faiôt-il) si est-il temps, car ie suis vieux mesouen, &

est temps que ie m'en retrahie avec mes Cheualliers & mon pauvre peuple qui m'a aydé à viure, & pour crier mercy à Dieu des maux que ie puis auoir faicts, dont il en y a beaucoup plus que ie ne deusse, & pour moy acquiter à ceux à qui ie doibs, & satisfaire à tous ceux ausqueulx ie pourrois auoir faict tort en mon temps: Et lors le Roy luy dict, Beau oncle, ie vous prie demeurez encores, car il y a moult d'affaires en celuy nostre Royaume, où vous pouuez beaucoup. Alors le Duc luy dict en luy voulant satisfaire: Monseigneur, quand ie seray en mes terres ie puis tousiours venir vers vous, afin que ce que me voudrez commander & employer en tous vos affaires de mon pouuoir. Ainsi obtint congé le Duc de Bourbon du Roy de France son Seigneur, & s'en vint en son Duché de Bourbonnois, & luy estant en son pays fit de belles ordonnances. La premiere, qu'il vult sçauoir toutes les debtes, & outre dict au Seigneur de Nourris, qu'il vouloit sçauoir combien pouuoient monter tous les domaines, c'est à sçauoir, Bourbonnois, Forests, Beauioulois, Combraille, Chastelchinon, & Clermont en Beauuoisis: Et les raisons pourquoy ie fais cecy, dit le Duc, si sont pour regler & tenir estat de moy & de ma femme, & fils, & aussi pour

m'acquiter de tous ceux à qui ie doibs. Lors
luy dict le Seigneur de Nourris: Vous pre-
nez vn bel & bon chemin pour l'ame & pour
le corps, & quand il vous plaira ce qu'auetz
dict sera faict. Adonc dict le Duc; Nourris,
mettez trois Cheualliers qui besongnent en
cecy, car n'y pouuez bonnement estre,
pource qu'il est necessaire que continuelle-
ment vous soyez avec moy, pour aucunes
affaires que i'ay à faire. Alors le Sire de
Nourris par le commandement du Duc
commist en la chambre des Comptes pour
ouyr cecy ceux qui y seroient, C'est à sça-
uoir, l'Hermite de la Faye, Chastelmorant,
& Messire François d'Aubicecourt, pour
trois Cheualliers, & vn Clerc pour escrire
ce que les gens de la chambre des Comptes
monstreroient. Fut la chose si bien demenée
que les Cheualliers commis & ceux de la
chambre des Comptes, au bout d'vn
mois rapporterent au Duc leur Seigneur
qu'il auoit quatre vingt mil francs de do-
maine, qui fut tenu vne belle chose à ceux
qui l'oient. Et lors dict le preud'hôme Sei-
gneur de Nourris, Vous n'estes mie pauvre
desert, car la merci dieu, vous auetz assez pour
vous acquiter, & pour tenir vn tres-grand
estat, lors lui dit le Duc, Sire de Nourris, vous
n'auetz bien aidé à le croistre, & voudrois

bien aduiser ce qu'il touchera à ma despence, & le remanant demeurast pour m'acquitter : Lors luy dict le Sire de Nourris: Monseigneur, la despence de vostre hostel gist en vostre vouloir : car nul n'en peut ordonner que vous, & la faire telle qu'il vous plaira: mais aduisez vne somme pour fournir à vostre despence telle comme vous voudrez, car ces quatre vingt mil francs que ie vous ay dict, n'est pas argent comptant, mais est la recepte de bleds, de vins, poullailles, & maints autres domaines, & auez là, Dieu mercy, en vos pays de Bourbonnois assez viures de toutes garnisons pour viure: mais nonobstant cela il fault moult d'autres choses en l'hostel d'un tel Seigneur, comme vous estes, car il y a besoin foison d'argent pour acheter autres choses que carnaiges espices, & autres affaires qui suruiennent en l'hostel d'un Seigneur, tant en Ambassades comme en messages, & pour vestir vous, Madame, vostre Fils, & ceux de vostre hostel, & aussi conuient donner dons particuliers à moult de gens qui à vous viennent de par les Seigneurs. Si dict adonc le Duc, Sire de Nourris, vous auez tresbien aduise, & est vray ce que vous dictes, pour ce vous prie que vous aduisiez quelle somme il faudra, & mettre en espargne à fournir les choses principales

principalles. Le Sire de Nourris qui veit que
c'estoit le vouloir du Duc, luy dict: Monsei-
gneur, les affaires de vous grand Prince,
sont telles comme il vous plaist, & aucunes-
fois les despens si grands qu'il n'y a point de
mesure, & me suis pensé de moy mesme, que
veu ce que vous auez assez bleds, vins, poul-
lailles, & cire, que si vous auez vingt mille
francs en espargne pour les choses qui vous
pourroient survenir, que vostre estat seroit
honorablement, & outre que vostre pays
de Bourbonnois, de Forests, & Combrail-
le, fourniroient bien tout cecy, comme il a
esté dict: Et encores dict au Duc le Sire de
Nourris, l'ay aduisé avec les gens de vostre
cōseil, que le pays de Beauoulois, Chastel-
chinon, & Clermont en Beauuoisin, vous
auront acquité dedans trois ans de tous vos
debtes: Mais vostre conseil & moy outre
auons aduisé que pour payer les menuës
debtes, dont les pauvres gens sont souffre-
teux, nous chercherons à toutes mains les
vingt mille francs pour payer iceux deb-
tes, & les gros debtes seront assignez sur les
trois pays à certains termes, dont les deb-
teurs seront bien contens, & ainsi serez
quitte: & encores auons aduisé, si vous vou-
lez que la chose s'entretienne, que vous lais-
siez en paix les bastimens de vostre hostel

de Bourbon à Paris, qui tant vous ont cousté & coustent, & tous autres edifices, excepté le Conuēt des Celestins de Vichi, par vous fondé en vostre ville, & si vous faictes ce il nous est aduis qu'auant deux ans passez vous serez quitte, & vostre estat tenu bien grandement. De ces parolles fut si aise le Duc de Bourbon, & siioyeux que merueilles, du bon cōseil & aduis du Sire de Nourris. Vous m'avez jetté d'une des grandes pensées en quoy ie fus ongues, qui m'a duré plus d'un an, dont i'en suis dehors par vostre bon conseil. Mais si ie vous ay donné en moy seruant assez peine, il est raison que ie la doie cognoistre: si dict le Sire de Nourris, Monseigneur, ie suis content de vostre bon vouloir, & prest de vous tousiours obeir.

Comme le Duc de Bourbon enuoya de ses gens en l'Euesché de Mets en Lorraine, en l'ayde de son pere le Cardinal de Luxembourg, qui ores est Saint.

CHAP. LXXXVIII.

LE Duc de Bourbon estant en son pays de Bourbonnois, feurent bien esbahis ses vrais seruiteurs & parens de ce qu'ils ne

le veoient en cour, car il leur estoit refuge à la cour du Roy, si enuoya deuers luy vn sien parent Vvalerien de Sainte Parte, en luy mandant: Mon tres honoré Seigneur, plaife vous scauoir que nostre Sainct Pere le Pape a fait mon frere Pierre de Luxembourg Cardinal, & pour tenir son estat luy a baillé en commande l'Euesché de Mets, qui vault soixante mille florins de Rhin, & est vne grande chose: Mais il est vray qu'aucuns Allemans desobeyssans au Pape, tiennent les places de l'Euesché, lesquelles sans vous ne pourrions recouurer, qui estes nostre tution & gouverneur, pource si vostre plaisance estoit de nous ayder & secourir de quatre cens hommes d'armes, & quelques six cens que i'en fournirois de nos amis & parens, i'ay esperance en Dieu de faire aucun bon fait: car mon propre frere le Cardinal y venrra, qui a bonne renommée de preud'homme, & sans vous qui auez tousiours esté nostre Seigneur & amy, nous ne pourrions ceste chose conduite, & vous supplie que si c'est vostre plaisir d'y enuoyer, que ceux qui y viendront apportent vostre enseigne, si en serons mieux appuyez, & par cela on verra biē que nous ne sommes point desaparentez de Seigneur ne d'amis. Tantost le Duc de Bourbon feit partir vn He-

rault, lequel denonça au Comte de Saint Paul le bon vouloir du Duc, & qu'il ne luy faudroit point de cela, se tint tout assés. Et pour non faire long compte, r'enuoya tantost le Comte de Saint Paul pour remercier le Duc, & luy supplier que ses gens fussent prests d'estre à Arch en Barrois dedans vingt-deux iours : Si feit le Duc de Bourbon mettre ses gens en appareils qu'il vouloit enuoyer, pour estre à celuy iour, & bail la son enseigne à Messire Jean de Chastel morât, qui tousiours la portoit apres le Duc, r'enuoya le Seigneur de Cordebeuf, Messire Regnault de Roie, Michaille, le Bastard de Glarins, Belleuannic, & le Borgne de Veaulse, mettans ces six Cheualliers pour le gouuernement de ses gens, qui estoient quatre cens hommes d'armes, les paya le Duc de Bourbon pour vn mois, & ne faillirent point d'estre au iour qui estoit assigné, & y feurent aussi tost ou plus que les gens au Comte de Saint Paul, lequel y mena de cinq à six cens hommes d'armes, & beaucoup de gens de traict, & luy estant ensemble, & les gens du Duc de Bourbon, diét le Comte de Saint Paul aux gens du Duc: Il y a vne ville à sept lieuës d'icy appelée Commercy, laquelle est au Comte de Sallebrun, il est nostre ennemy mortel, & s'est delecté

contre le Roy, & fi nous la pouuions prendre bien nous iroit, car elle est moult riche. Si dirent compagnons, deslogeons toute nuit, & allons deuant, si le feirent, & fut la ville de Commercy prise par le Comte de S. Paul, ses gens, & les Bourbonnois, & tant y mirent leur entente par bel assault, où feurent les compagnons rafraichis grandement, & y laissa le Comte de Saint Paul garnison pour sa retraicte. Et de là on s'en alla en l'Abbaye de Gorre, qui estoit de l'Euesché, laquelle tost fut prise d'assault, & puis on s'en alla loger aupres du chastel de Champillon del'Euesque, seant à vne lieuë de Mers, ceux qui estoient dans Champillon commis à la garde, auoient de coustume que tous les matins venoient manger des cerises, car c'estoit à la S. Iean, le Bastard de Flandres appelé Messire Riffard, estoit ordonné par le Côte sur le guet de celles gens, il estoit moult vaillant Cheuallier, & veit bien le gouuernement de ceux du chastel, si leur mist vne embusche de nuit, à laquelle il prist par vn matin le Capitaine & les meilleurs de leās qui vinrent manger des cerises, & manda Messire Riffard que tout homes'armast pour venir assaillir la place, car il n'y auoit guere demouré gens dedans, si vindrent tous en ordonnance, & fut l'assault moult grand & bel,

& print la place, il feit coupper la teste au Capitaine qui estoit Allemand, desobeissant au Pape. Et de là allerent le Comte de Saint Paul, le Cardinal, & tous les compagnons, deuant Vich, où est vne Saline qui vault dix mille florins: mais onques les Allemans qui dedans estoient ne le sceurent donner conseil d'eux deffendre, mais feurent pris, qui fut moult bel miracle pour le Cardinal, car il s'en tira vers Mayeu Vich, l'autre Saline qui pareillement feurent pris, & de là à Marsault à vne autre Saline, dont les habitans onques ne se deffendirent, mais feurent pris & mis à la mercy du Cardinal, & sont les trois Salines qui vaillent trente mille florins, & est le meilleur de l'Euesché, & par ainsi on prit cinq places, par droict appartenant à l'Euesque. Les citoyens de Mets qui veirent l'aspre guerre que leur faisoit le Comte de Saint Paul, doubterēt que mal ne leur en vint, pour ce vindrent rendre obeyssance au Cardinal de Luxembourg qui puis fut Saint, & le tindrent pour leur Seigneur & Prelat, & de là partirent les gens du duc de Bourbon & le Comte de Saint Paul, pour venir à Cōmercy, & en venant Messire Ame de Sallbruch ot mis vne embusche pour attrapper les gens qui auoient pris la ville, laquelle embusche fut si lourdement descouuerte,

qu'il y fut que morts que pris bien quatre vingt hommes d'armes, & de là on alla deuant Aspremont vn moult bel chastel de Messire Ame, lequel fut pris, & se retrahirēt les gens apres la prise de Commercy, pour eux r'afraischir, où tous les compagnons se reposèrent vne piece, en attendant que ceux de Mets ne se rebellassent contre le Cardinal afin qu'ils feussent prests à le deffendre, & maintenir son bon droict.

Comme le Duc de Bourbon enuoya de ses gens à son nepueu le Comte de Sauoye, & le terrible assault qui fut à Syon en Valleis.

CHAP. LXXXIX.

EN iceux iours que l'en comptoit l'an de grace, mil quatre cens dixhuiēt, le pays de Valleis marchissant d'vne part à Allemagne, & d'autre à Sauoye, s'estoit contre l'Euesque Prefect & Seigneur rebellé, & par conspiration aucuns de celle rebellion l'auoient tué: si estoiet venus aucuns preud'hōmes en Sauoye, au Comte Ame, denonter celle malle aduanture, & que pour Dieu il y pourueust, auant que la chose allast en pis: Et pour ceste cause aux compagnons estās encorés à Cōmerci vint vn Herault du duc de Bourbon à ses gēs & seruiteurs, mandāt bien à certes aux six Cheualliers qu'avec le Côte de S. Paul auoit enuoyez, qu'il estoit

moult ioyeux, & loüoit Dieu de ce que son parent le Cardinal de Luxembourg auoit recouuré son Euesché, & disoit aux Cheualliers, I'ay eu nouuelles de mō nepueu de Sauoye, qui me requiert & prie que ie luy vueille enuoyer cinq cens hommes d'armes pour aucuns de ses pays qui se sont rebellez contre luy, c'est à sçauoir ceux de Gonieres, & Vaillis, ou en vn chastel appellé Turbillon, les villains ont tué leur Euesque, & fort me prie le Comte mon nepueu que les gēs d'armes ie luy enuoye à Lauzanne, & qu'a si grand besoin ie ne luy vueille point faillir: & à Lauzanne serōt le Sire de S. George, & les Bourguignons qui viennent à son ayde d'icy à dix iours, Si vous mande dict le Duc par sa lettre aux Cheualliers, que vous & vostre cōpagnie soyez à Lauzanne à ce iour, & ie vous enuoyeray d'argēt ce que i'en pourray finer. Si accomplirēt les Cheualliers le commandement de leur Seigneur, & n'orent mie demouré trois iours à Lauzanne que le Duc de Bourbon leur enuoya le Sire de Châpropin avec tout l'argent d'un mois, en leur deffendant qu'ils ne prissent argēt de son nepueu de Sauoye, si n'eussent pas volontiers passé le commandement de leur Prince: si s'en allerent les Bourbonnois & les Bourguignons ensemble au Comte de Sauoye

où le Comte les attendoit à Saint Morice en Chabellais à toute sa puissance où ils trouuerent le Comte de Sauoye, & le Prince de Piemont, qui feirent moult bonne chere aux compagnons, & l'endemain allerent le Comte & le Prince Bourbonnois, & de Bourguignons deuant Turbillion qui auoyent tué leur Euesque, lequel estoit vn moult bel Chastel; mais toutesfois il fut tellement assailly de toutes parts qu'il fut pris par force, & couppé les testes aux traistres qui auoyent tué leur Prelat, & l'autre demain bien matin on alla mettre le siege deuant la maistresse ville du pays appelée Sion en Valleis, ou il y auoit grand commun de rebellion, dont estoient les Capitaines, Pierre de Ranconne Hostelier du cheual blanc sur la montagne de Brigue, par ou l'on entre en Lombardie, & l'autre estoit appelé haufement du pays de Gruiere, & auoyent dedans la ville bien quatre mil hommes rebelles, qui les suiuyent: si furent le Côte de Sauoye, & le Prince de Piemont faict Cheualiers, à la venuë, par la main du Seigneur de Granfon, & maints autres, & feurent ordonnez les assaults, celluy iour les gens au Duc de Bourbon, sur le Rosne aux iardins, & de l'autre part de la porte, le Sire de Saint George, & les Bourguignōs

pour assaillir l'endemain apres la Messe, à icelluy matin commença l'assaut qui fut moult bel, comme vous orrez. Du costé des gens au duc de Bourbon fut moult assailly durement la ville, & n'y auoit autres gens sinon le Seigneur de la Chambre, à tout vingt cinq hommes d'armes (qui porte assez pareilles armes comme celles de Bourbon) & fut si fort assailly qu'on fit sept pertuis au mur, & dura l'assaut des le matin iusques à vne heure apres nuict. Si commanda le Comte de Sauoye faire la retraicte, pource que les Bourguignons s'estoient retraictez, qui tres-bien auoyent esté battus par ceux de la ville à leur assaut, & aussi les Bourbonnois au leur, Si vont dire les Bourbonnois au Comte de Sauoye, Monseigneur vous faictes retraire nostre assaut au plus fort de la besongne, Nous auons faict sept pertuis, & pour faire encores entre deux pertuis vn, il me semble que le mur cherra dans la ville, car il y pend. Si fut bien lié le Comte; mais il dict aux Bourbonnois. Vous auez beaucoup de vos gens blesez, si luy dirent, Monseigneur ne vous chaille: Adonc fut crié l'Assaut, plus fort que deuant, & lors les Bourbonnois allerent commencer ce qu'ils auoyent dict, si fut bien assaillis, bien deffendu, & fei-

rent leur pertuis comme il estoit ordonné entre deux vn : Dequoy il aduint à Soleil couchant, que le mur que l'on cuidoit deuoir tomber à la ville versa sur les gensd'armes bourbonnois, & de ceux qui estoient sur le mur de la deffence en tresbucherent vingt deux és fosses, lesquels feurent tuez, & aussi cinq hommes d'armes des bourbonnois, du mur, & treize vallets, & mort celluy qui portoit le Pennon du Seigneur de la Chambre, & y ot Messire Regnault de Roye le bras rompu, & Messire Jean de Chastelmorant le pied, qui portoit l'enseigne au Duc de Bourbon, & aussi Michaille Froment blessé. Si fut le cry si grand au Comté de Sauoye, & bourguignons que tous vindrent à icelle bresche pour entrer dedans : mais si tost n'y sceurēt venir que le Pénon du duc de Bourbon ne fust entré ensemble les Bourbōnois qui combattoient fort aux villains de la ville, par les rues qui fierement se deffendoient, & furent mors en celle entree par les Bourbonnois, Sauoyars, & Bourguignons deux mille iagues villains, & la ville gaignée, on ot conquis moult de biens, & tirerent le Pennon du duc de Bourbon, & les Bourbonnois, qui n'auoyent entendu à rien piller, aduiserent vn Chastel en hault

de l'Euesque où s'estoit retiré Pietre de Rarongne, & haultement conduiseurs d'icelle villenaille, & au Solcil leuant les Bourguignons & Sauoyarts tirerent en haut, si assaillirent gens d'armes la place si viuement qu'on l'ot d'assault, où fut mort Pietre de Rarongne & autres, & par ainsi ot le Comte de Sauoye sa ville de Sion, & apres cestuy assault requirrent le Sieur de Sainct George, & les Bourguignons, au Comte de Sauoye, qu'il leur donnast congé d'aller courre au Comte de Gruyere, dont estoit faillie ceste rumeur, si y allerent ceux qui estoyēt sains, & y feirent si grand dommage qu'on ne le pourroit nombrer, & courut iusques au More de Brigne, où ils ardirent l'Hostellerie qui estoit belle, & ruerent ius les Pons. Puis le tiers iour s'en retournerent les compagnons en la Cité de Sion, deuers le Comte de Rams, qui leur sçeust grande grace de celle course, & le Comte Ame auoit trouué grand thresor à la ville, si voulut payer les gens du Duc de Bourbon pour vn mois, mais ils ne voulurent rien prendre de luy, disant qu'ils auoyent assez argent, & que leur maistré le Duc quand le sçauoit le prendroit mal en gré: Car il n'auoit pas

accoustumé de seruir ses amis à leurs despens, & lors donna le Comte de Sauoye à Chastelmorant, vn bel coursier, & vingt quatre marcs d'argent, & aux autres quatre chacun vn coursier, & feit parler à part à Chastelmorant, pource qu'il portoit le pennon du Duc de Bourbon, qu'il voulsist prendre pension de luy, lequel dict, que de nul Prince il ne prendroit pension sans le bon congé, & sceu de son bon Seigneur & maistre, qui luy faisoit à foyson biens. Ainsi se partit de la compagnie des Bourguignons, au bon vouloir du Comte de Sauoye, & vindrent à Moulins par deuers leur Prince, le Duc qui ja sçauoit bien le bel exploict qu'ils orent fait, & leur feit moult grande feste, & les receust à lie chere.

*Comme le Duc de Bourbon auoit intention de
faire plusieurs voyages hono-
rables.*

CHAP. LXXXX.

EN celuy an mesmes, ne tarda pas grandement, que le Roy enuoya querre le duc de Bourbon, luy priant ce à certes qu'amerueilles, il se voulüst traire pardeuers luy à Chartres, où il auoit vne iournee emprise, pour la dissention que le Duc pouuoit assez sçauoir pour la mort de son beau frere le Duc d'Orleans, & que le Duc ne vousist poinct faillir: car beau oncle de Berry nous en prie fort, à laquelle parolle du Roy, enclina le Duc de Bourbon, & alla à celle iournee où fut proposée la mort du duc d'Orleans, & fut dict qu'au Duc Iean de Bourgongne, à qui plusieurs donnerent le blasme du faict, que mie n'estoit de croire qu'il eust cecy machiné, & que nul ne l'en mescroyoit, & qu'il peust aller & venir deuers le Roy, comme il auoit accoustumé, & que si le Duc de Bourgongne pouuoit tenir nul de ceux qui auoyent occis le duc d'Orleans, qui les feist punir: & sur ce feurent mandez les Ambassadeurs du Roy.

à deux lieüe de Chartres, où ils estoient, qui de ce se tintres content, & iura la paix cōme les autres: Faict ce traictis se despartirent les Seigneurs en bonne paix, touchant la mort du Duc d'Orleans, & lors le Duc de Bourbon, qui auoit grand desir de retourner en son pays, vint prendre congé qui ne luy vouloit donner pour rien, & meist deux iours auant qu'il peust auoir congé, & aussi le duc de Berry prenoit grād peine qu'il demeurast: Mais oncques ne se voulut accorder. & n'eust point eu congés'il ne feust que le Duc dict au Roy, Monseigneur, i'ay promis de mener la Roynie de Ierusalem à Naples, & desia ay enuoyé de mes gens à Valence la grande, où demeure la Roynie Yolanda sa mère, pour sçauoir quand ils voudroient que i'aille là, & aussi est mon intention au plaisir de Dieu, d'aller en pelerinage où mourut mon Createur visiter son Sepulcre, car apres les faicts du monde conuient seruir Dieu, nul ne m'en pourroit destourner, iy ay ferme vouloir: Si ne valoit tout ce rien au duc de Bourbon, son parler, car le Roy ne le vouloit nullement licencier: Mais ce voyant le duc de Bourbon, dict au Roy, Monseigneur ie m'en vois iusques à mon pays, & là me trouuerez prest à vostre commandement, ie ne suis mie si loing que

toſt ne ſoïs par deuers vous, Adonc s'en partit le duc Louys d'auec le Roy de France, s'en vint en Bourbonnois, où il reigla tout ſon faiët, & enuoya meſſire Iean de Chaſtelmorant en Arragon, & à Valēce la grande, la femme du Roy Loys à barcelonne, où lediët Cheualier demandoit deux Naues, & quatre Galleres, & que fuſſent preſtes, afin que quand le duc de Bourbon ſeroit à Barcelonne, ne le conuint fors entrer en mer pour mener la Royne à Naples: & de cela traicta Chaſtelmorant à Meſſire Regnault de Ceruillō, qui gouernoit tout le Royaume d'Arragon, mais il ne le pouoit trouuer d'accord que la Royne allaſt à Naples, mais diſoit qu'on attendiſt que le roy viendroît en Prouence. Ainſi ſe partiſt meſſire Iean de Chaſtelmorant d'Arragon, & s'en vint au Duc ſon maiſtre, & luy diët les choſes qu'il auoit faiëttes, & que Meſſire Regnault de Ceruillon auoit rompu ceſte empriſe dont le Duc fut moult dolent & courroucé: car il auoit de haultes péſees en luy. La premiere eſtoit de mener la Royne à Naples, & allant ſon chemin, de prendre la ſaiſine du prince de la Morée, que l'on clame Achaye qui eſtoit ſienne. Car ceux de la Morée n'attendoient que luy, pour le receuoir à Seigneur, ja le duc de Bourbon y auoit enuoyé deux
fois

fois Chastelmorât, qui auoit apporté le scel-
le de fils de l'Archadie, & de la Moree, iroit
le Duc à Naples, & delà estoit l'intention
du Duc de Bourbon d'aller en Cypre, qui
deuoit estre sien de raison: & de Cypre en
Ierusalem au Sainct Sepulchre. Si pouuez
veoir de grandes entreprises de noble cœur
de Seigneur, que sur son aage ne vouloit
point estre oyseux.

*Comme le Duc de Bourbon auoit en propos d'user
sa vie aux Celestins à Vichi, avec quatre Cheual-
liers, & comme a Souuigni luy vindrent nouuel-
les que Ame de Viry guerroyoit son pays de Bres-
se, & le bon remede que le Duc y meit.*

CHAP. LXXXI.

QVand le Duc de Bourbon cogneut que
pour celuy temps les voyages qu'il
vouloit faire, il ne pouuoit accomplir, fut
mal content: mais non obstant ce delay mēt
les esperoit accomplir & acheuer briefue-
ment, & luy estant en son pays de Bour-
bonnois avec ses Barons & autres (ausquels
il faisoit bonne chere & grande) il n'y auoit
nul que de luy ne trouuaist ayde & secours,
& tous les iours auoit le Duc de Bourbon des
nouuelles de France, qui luy desplaisoient,

car le Roy despendoit argent, & le bailloit à gens de petit estat, varlets de Chambre, deux ou trois qui faisoient grands Palais en Paris, & dehors, & a celluy tēps tout le gouuernement du Roy, estoit Montagu, auquel on feist couper la teste. Si veid le Duc de Bourbon tousiours les choses du royaume estre en dissention, pource n'ot volonté de bouger de ses pays, & auoit volonté de faire le reglement des Celestins de Vichy, qu'il auoit de nouuel fondee la plus belle que on peust regarder, à la fournir d'ornemens riches & pretieux, de reliques plus qu'il n'y en auoit donné: & outre vouloit faire maison pour son estat, car il auoit intention qu'apres son retour des honorables voyages, dessus declarez qu'il entendoit à faire, de là tousiours demourer, & quatre Cheualliers avec luy qui ne bougeroyent poinct, que à tout le moins les deux, ou les trois y feussent tousiours, & estoient les quatre vieux Cheualliers qu'il auoit ordonnez pour son corps, Messire Robert de Vendach, Messire Guichard Dalphe, Messire Jean de Chastelmorant, & Messire Jean de Bonnebault, avec certains autres ses officiers, & s'il eust vescu deux ans plus qu'il ne feit, sans faute il s'en y venoit à vser le remanant de sa vie, & seruir Dieu. Or ne tarda

pas demy an, que on commença vne guerre sur le Duc de Bourgogne à Arras en Picardie, en son pays de pardelà. Et pour cause de celle riote le retrahit le Duc de Berry en poictou, & de toute ces rumeurs & debats qui lors estoient en ce Royaume l'an quatre cens neuf, le Duc de Bourbon qui estoit lié hōme & ioyeux, prinst vne grāde melancholie en sa teste, qui luy auança bien sa mort, car onques puis n'ot guieres de ioye & tāt qu'il en perdoit le dormir, qui fort l'affoiblit: mais il regracioit Dieu de ce qu'e ses plains iours le laissoit veoir la paix de l'Eglise, dont le schisme auoit duré des la mort du Pape Greg. qui passa de ce siecle à Rome l'an mil trois cens septante trois, iusques à la dacte de cestuy an, quatre cēs neuf, que par inspiration diuine, vn hōme de bōne vie, & grand Theologien nōmé maistre Pierre de Cādie fut en Cōcille general à Pise, créé en souuerain Pontife, & appellé Pape Alexandre, de laquelle paix le Duc de Bourbon se lieffa. Et pour ceste lieffe qu'auoit le Duc de Bourbon, du faiēt de l'Eglise, il alla par deuotiō en sa ville de Souuigny, au priore, faire son oraison, auquel lieu il auoit faiēt edifier vne belle Chapelle, & sa sepulture pour dormir apres ses iours, & la luy vindrēt nouuelles du pais de Beauuolois biē hastiues cōme

Ame de Viroy qui auoit biē mille cheuaux estoit venu courre son pays de bresse, & auoit pres sa ville de Cha lemont, & tenoit le siege deuant le Chastel de Lan, dont il auoit prins & pillé la ville, & qui a ce faire le Comte de Sauoye luy bailloit gens, & luy faisoit faire cecy. Si fut le Duc de Bourbon moult dolent, & courroucé des nouuelles qui luy vindrent vn vèdredy aoré à dix heures. Si ordonna tantost à ses clerks de faire demy cens paires de lettres tant de Bourbōnois que de Forest, & en Beauuolois, & que tout homme tirast là, & ordonna ce iour le Duc apres le seruice, que le Sire de Chastelmorant, prestement monrast à cheual, & portast son pennon avec ceux de son hostel s'en allast, qui se trouuerent quatorze, & en eux en allant de tire recueilloient ce que peurent trouuer de gens, & tant qu'ils se trouuerent bien soixante hommes d'armes, & quand Messire Iean de Chastelmorant, & les siens feurent prests de Troissy, vne ville au duc de Bourbon, leur fut dict que Ame de Viry vouloit le lendemain assaillir la ville, si se meirent en chemin, passerent la Saonne à vespre, & entrerent à la ville de Toissy en tour minuiet, & Ame de Viry la deuoit assaillir l'endemain à Soleil leuant. Si ne dormirent point les compa-

gnons toute la nuit : mais ordonnerent leur guet , & deffence par maniere que si Ame de Viry venoit , que bien trouueroit qui le receuroit , & deffendit Messire Iean de Chastelmorant , que homme ne se monstast iusques à ce qu'ils verroient les ennemis au pres du mur , & quand Ame de Viry seroit au plus fort de son al-
lault , que le Pont de Toissi baissé , si ysseroient Chastelmorant à tout le Pennon du Duc , où en sa compagnie estoient bien quatre vingt hommes d'armes Et ainsi fut fait , Ame de Viri , enuoya ce matin soixante combatans assaillir , & se meist luy en bataille loing d'un trait d'arc , & quand les soixante feurent es fossez de Toissi , & au pied du mur , s'abandonnerent fort , & lors feurent sur les murs de ceux de la ville autres soixante qui iettoient pierres , & traux à val , & par la porte issirent les quatre vingthommes d'armes , qui feirent par telle maniere que les assaillans feurent prins , & mort , & se retrahit Ame de Viry , & sa compagnie à Renerieu , entre estang pour faire son logis fort , où il demoura huit iours , & à la fin de huit iours vindrent à Toissi où estoit Chastelmorant de Bourbonnois , de Forests , & Beauuolois , trois cens hommes

d'armes & pouuoient estre ensemble quatre cens hommes d'armes , qui estoit vne belle compagnie , & depuis vint à eux à Toissy Messire Robert de Challus, qui en auoit bien quatre vingt, Et quand il fut à Toissy tenrēt les Cheualiers vne emprise d'aller combattre Ame de Viry, qui encores estoit à Riuerieu , ou s'il ne failloit de son logis l'assiéger: si partirent les compagnons Bourbonnois de Toissy en bataille. Mais quand Ame de Viry sceust par ses espies, que si grosses gens venoient sur luy , il ne les oza attendre: mais par vne autre laiz des estangs se deslogea à Rochetaillie , la riuere dayns , outre tout le pays de Beaujoloys , & quand ce virent les Cheualiers, Robert de Challus , & Iean de Chastelmorant avec leurs gens, allerent apres pour enluiure Viry , & se logerent sur la riuere Dayns , & demeurèrent quatre iours en attendant, quelle chose Ame de Viry feroit. Mais luy & ses gens s'en estoient fuis en Bresse , & allez en Sauoye : si enuoyerent messire Iean de Chastelmorant , & messire Robert de Challus Tiercellet, neveu de Chastelmorant à tout deux cens hommes d'armes , prendre vne place en Bresse qui estoit à vn des maistres d'hostel du Comte de Sauoye, laquelle ils prindrent & la bruslerent , & s'en repairerent deuers

leurs maistres, & lendemain rapporté on à meſſire Robert de Challus & Meſſire Iean de Chaſtelmorant, que Ame de Viry, & les enfans de Bouen deuoient paſſer la riuie-re Dains pour les venir combattre par deçà.

Comment le Duc de Bourbon vint à Ville Franches, où le Roy de France luy enuoya gens d'armes pour luy ayder de ſa guerre contre Sauoyens. Comme Ambreu fut pris. En comme le Comte de Sauoye rendit Ame de Viry au Duc.

CHAP. XCII.

QVand les Bourbonnois apprirent ces nouuelles, oient à dire enſemble qu'il eſtoit de faire. Si ordonnerēt que meſſire Robert de Challus demourer au pont dains avec ſes gens, & meſſire Iean de Chaſtelmorāt alla vers Rochetaillie, à rout deux cens hommes d'armes, ſçauoir s'il trouue-roit les Sauoyens, ou ſi Ame de Viry auoit faiēt appareil de paſſer deçà, & cheuaucherent toute la nuit Chaſtelmorant & les ſiēs & trouuerent que Ame de Viry ot faiēt faire vn pōt à vouloir paſſer la riuie-recōtre eux & la des Sauoyens outre le pont eſtoient

passiez trente deux hommes d'armes, qui furent tous morts & prins par les Bourbonnois, & en y ot aucuns qui se noyerent, & fut le pont rompu & depessé, qui ny peurent plus passer, lors s'en retourna Chastelmorant & ses compagnons au pont dains, où estoient demeurez quatre cēs hommes d'armes avec Messire Robert de Challus: si furent liez & ioyeux de la bonne aduenture que leurs cōpagnons auoient eue, & lendemain se sererent toute la Cheuallerie ensemble, qui estoit de Bourbonnois, de Forests, & de Beauiois, où il y auoit de vaillants gens, pour sçauoir qu'estoit de faire: car au pays du Duc de Bourbon, n'estoit demeuré qu'une place nommee Ambrieu que toutes les autres ne fussent conquises par les Bourbonnois, sinō celle, & estoit tout le pays que le Duc de Bourbon a en Bresse, d'accord que les Cheualliers, & les gens allassent mettre le siege deuant Ambrieu, qui leur estoit contraire, si l'afermerent Chastelmorant, & Challus, & disoient bien: Mais aucuns Cheualliers dirent, qu'ils pouuoient trouuer voye & maniere de passer en Sauoye, comme Ame de Viry, & les siens Sauoyens estoient passez en Bresse, ce seroit vn bel honneur au Duc de Bourbon: Si dict tout la

cheuallerie, que bien estoit vray, mais qu'on peust trouuer passage. Lors dirent aucuns, bien trouuerons le chemin: celle nuict se reposerent, & lendemain du Pont Dayns se deslogerent Bourbonnois bien matin, & allerent deuant vn chastelet de l'Abbé d'Ambonnay, où y auoit vn meschant pont, lequel chastelet & l'Abbé dedans fut pris par force, & reparerent le pont, où ils meirent toute la iournée: Et apres minuict s'en allerent, & chevaucherent en Sauoye iusques aupres d'Ambonnay où celuy matin se meirent en bataille, & se trouuerēt qu'ils estoient bien six cens hommes d'armes, disans que assez estoient pour faire grand dommage en Sauoye: Lors s'aduancerent leurs courreurs qui coururent deuant icelle ville d'Ambonnay, laquelle n'estoit pas bien forte, & ne se prenoit garde: si entrerent dedans les premiers courreurs Bourbonnois, & les autres qui les suiuoient à effort de cheuaux apres: Et trouuerent bien en la ville les compagnons Bourbonnois quatre vingts cheuaux de Ame de Viry, qui s'esjournoient là, lesquels feurent gaignez, & aucuns de ceux qui les gardoient occis, & les autres qui virent l'effroy se retrahirent en l'Abbaye, qui estoit forte, si fut la ville courruë, où les compagnons firent grandement leur faict, &

feurent bien refourbis , car le butin montant ensemble quatre mille francs , & demeurèrent deux iours Bourbonnois en ladite ville pour eux rafraichir , & en ces deux iours coururent toute la terre de la montagne , & celle des enfans de Bouâ qui estoient ennemis mortels , & porta-on par terre leur bassecourt , & ardit-on leurs moulins , & admena-on bien deux mille chets de bestial , & se vindrent retraire Bourbonnois au pont Dayns , où ils gaignerent le pont qui est de la riuere , & se logerent en la ville de deça , comme autresfois y auoit esté. Lors Messire Robert de Challus , & Messire Iean de Chastelmorant , dirent aux compagnons : Messieurs , il est temps d'aller maintenant deuant Ambrieu , car vous avez bien faict vos besongnes , or allons là , & ne nous en partons iusques à ce que l'ayons : car nous sçauons de certain qui sont bien leās de vos ennemis quatre vingts combatans. Si se deslogerent Bourbonnois du pont Dayns , & s'en allerent loger deuant le chāstel d'Ambrieu ; où il y a bellogis & grand , & là demeurèrent quatre iours pour faire habillemens à l'assaillir , & durant ce siege vint le Duc de Bourbon à Villefranche en Beauiois , à quatre cens hommes d'armes , lesquels il enuoya au siege d'Ambrieu (où il n'y

a que trois lieues, avec les autres, & il demeura audict Villefranche: Si aduint qu'au bout de quatre iours feurent faicts les habillemens, & fut assailly Ambrieu, & en la basse court du chasteel estoient aucunes maisonnettes couuertes de paille, où l'en jettale feu, & fut toute arse la basse court & le Prioré, & tous les viures, & se retrahirent ceux d'Ambrieu dans la tour, qui est moult forte & belle: mais pource qu'ils n'auoient que manger se rendirent au Duc de Bourbon à sa volenté, dont il y en auoit treize Gentilshommes de Sauoye, & prindrent Chastelmorant & Challuz, tous ceux de la garnison, & les enuoyerent tous en pou point, liez à vingt & vne charrette au Duc de Bourbon à Villefranche: & quand le Duc les veit ils'eslouyt moult & sa compagnie, & tantost les feit boire & manger, puis commanda qu'on les gardast en prison, & manda le Duc à Challus & à Chastelmorât qu'ils auoient moult bien beſongné, & qu'ils ne se retrahissent point, mais qu'ils aduisassent quelque bel logis & se tinssent tous ensemble, iusques à ce que le Duc auroit autrement ordonné, & leur manda le Duc que le plus bel logis qu'ils peussent, c'estoit Montlueil, qui estoit moitié de ses alliez, & moitié du Comte de Sauoye, & ainsi le feirent: Mais

pendant cecy enuoya le Roy de France à son oncle le Duc de Bourbon pour son ayde à la guerre qu'il faisoit en Sauoye, fix cés hommes d'armes & les gens de son hostel, & aussi feit le Seigneur de Concy de tout ce qu'il peut faire, le Comte Deu pareillement, le Comte de Saint Paul aussi, le Comte de Harcourt, & le Comte d'Alençon, & tant que le Duc de Bourbon se trouua à quatre mil hommes d'armes largement, & tous le conseilloyent qu'il meist peine à destruire du tout le Côte de Sauoye, qui sçauoit tout cecy & estoit moult esbahy, & enuoya deuers le Duc de Bourbon en quatre iours trois ambassades, par lesquelles il desaduouoit Amede Viry, & iurant grand serment, que onques il ne luy auoit commandé de luy mouuoir guerre, ne il ne voudroit auoir fait à luy, qui estoit son oncle, vne si outrageuse villennie : car le Duc de Bourbon pouoit bien penser que le Comte de Sauoye le seruiroit s'il auoit besoin de luy. Si ot le Duc de Bourbon aduis avec les Cheualliers qui luy conseilloyent fort de destruire le Côte de Sauoye : Mais le Duc de Bourbon qui estoit le plus honorable Prince, & le plus preud'homme qu'on peüst trouver, leur respondit : Puis que mon nepueu de Sauoye s'escondit, & qu'il faiet si grand serment, & aussi il est fils

de ma sœur, & n'a point de querelle à moy, il me semble que ie le dois croire, & dict le Seigneur d'Allebret: Monseigneur, le Comte voit bien que si vous voulez il est en vostre pouuoir de le destruire, & de le chasser hors de ses pays, & c'est ce qui luy faict dire ce qu'il dict, à laquelle parolle luy respondit le Duc de Bourbon: Beau cousin d'Allebret supposons qu'il eust ce fait faire, si ne le voudrois-je pas pourtant destruire, luy qui m'est si prochain, nonobstant qu'il en est bien en ma puissance: mais ie dois croire son esconduit, Le luy feray, dict le Duc, vn autre party, que puis qu'il dit que mien n'a esté ceste guerre de son commandement, & qu'il desaduoue Ame de Viry qui l'a faicte, lequel est son homme, le me le baille le Comte en mes mains à en faire mon vouloir, de le pendre ou autrement, & ie me departiray & croiray ce qu'il m'a mandé: Si feurent bien contents les Ambassadeurs Sauoyens, & rapporterent ce au Comte leur Seigneur, qui enuoya incontinent Ame de Viry au Duc de Bourbon à Villefranche, lequel Ame de Viry se tenoit pour mort, & dict plainement qu'il estoit homme du Comte de Sauoye, & que le Comte son Seigneur luy auoit fait faire la guerre qu'il auoit faicte contre le Duc en ses villes de Bresse, & de ccla Ame

faisoit grand serment. Celles parolles vint rapporter Messire Robert de Challus au Duc de Bourbon, de laquelle chose respondit le Duc, ce qu'il dict il dict, pour peur de mourir, & dois mieux croire mon nepueu fils de ma sœur, que luy : car i'auois assez puissance à me vanger de mon nepueu, & à faire mourir cestuy-cy, c'est petite vëgeance: mais ie le renuoyeray à mō nepueu chargé des parolles qu'il a dites pour veoir quelle punition il en fera : car c'est pour son Maistre vn grand reproche, & ainsi le fit le Duc de Bourbon, dont le Comte de Sauoye tint Ame de Viry, long-temps banny de son pays, & ainsi demourerent les choses, & outre plus r'enuoya le Duc les treize Gentilshommes en Sauoye, francs & quittes, & par sa franchise licentia celle communauté qu'à luy s'estoit renduë à la prinse d'Ambrieu.

Comme le Duc enuoya de ses gens au Marechal Boucicault, dont Chastelmorant estoit Chef, & qu'ils feirent auant qu'ils feussent à Gennes.

C H A P. LXXXIII.

Estant encores le Duc de Bourbon en sa Baronnie de Beauuolois à Villefranche son hostel, en celuy an mesme, mil quar-

tre cens huiet, enuoya le Marechal Boucicault, gouuerneur de Gennes pour le Roy de France, que le Duc de Bourbon auoit nourry, Iean de Neufuis Escuyer de bon affaire deuers le Duc, afin qu'il luy pleust d'enuoyer au Marechal douze cens hommes d'armes, pour aucunes grandes rebellations que les gēs du Marquis de Môtferat auoiēt fait au Roy de France, comme de luy auoir destrouffē huiet cens hommes d'armes du pays d'Auuergne, dont estoit Capitaine Messire Guillaume de Saigne, & feurēt desconfis entre Montdebis & Sainte Claire, & outre enuoyoit le Marechal trois mille ducats, pour payer les compagnons iusques au Daulphiné, & au Daulphiné il bailleroit le payement pour vn mois aux gens d'armes, iusques ils feussent à Gennes, & outre prioit le Marechal au Duc de Bourbon, qu'il luy voulüst prester Messire Iean de Chastelmorant, pour les conduire, qui autresfois auoit demouré en Lombardie vn an, avec le Marechal: si luy accorda le Duc de Bourbon que tous ceux qui y voudroient aller y allassent, & que Chastelmorant fut chef d'icelle cōduite, & le demain diēt le Duc à Chastelmorant: allez vous en à Riuerieu, où sōt encores presque tous les gēs d'armes, & veez ceux la qui voudront aller, tāt de mes allicz cōme

autres aillent en vostre compagnie, i'en suis content, & ie vous baille mes lettres comme ils vous croient. A tant se partit Messire Iean de Chastelmorant, & s'en alla à Ryuerieu, & parla aux Souldoyers, qui feurent bien d'accord, mais qu'ils feussent payez pour vn mois, ou en partie tant qu'ils venroient à Gennes, & feurent les Capitaines que Messire Iean de Chastelmorant emmena: premierement, cent hommes d'armes que le Sieur d'Allebret luy bailla, d'ôt estoit Capitaine Emynion d'Allebret, & Gaucourt, qui auoit foison de gës, le Sire de Ionfelle fils du Seigneur de Sainct George, qui tenoit bonne compagnie d'hommes d'armes, le Barrois, Iean de Neufuis, Iean grand de Bourgongne, le Veau de Bar, le Sire de Myrambel, & Raulet de Treserte, & avec ces Capitaines & Chastelmorant pouuoient bien estre douze cens hommes d'armes, & leur fit vn prest Chastelmorant, & les mena en Briensonnais à l'entrée de Piemont, & là trouua Messire Iean de Chastelmorant, le Bouque Caqueran, & Loys Coste, qui presterent à Chastelmorant le surplus du mois, & dict le Bouque Caqueran à Chastelmorant: Si vous voulez venir avec moy & vos gens sur ceux qui ont destroussé les gens du Mareschal Boucicault, ie vous y meneray:

fi en

si en fut content Chastelmorant, & au partir de là s'en allerent deuant le Montdebis vne moult grosse ville en Piedmont, où le Borgne Caqueran auoit faict l'emprise. Parquoy le Montdebis fut pris qui estoit du Marquis de Montferrat, & baillé en garde au bon Cheuallier Ame de Sauoye, Prince de Piedmont, & recouura-on beaucoup de bagues des gens au Marechal Boucicaule qu'ils auoient perdu l'année deuant, & de Montdebis Chastelmorant & la compagnie s'en allerent à Sainte Claire, vne moult belle place du Marquis de Montferrat: Mais les maisons estoient couuertes de paille, si bouta-on le feu dedans, & fut la place toute arse, & y mourut bien deux cens villains, & y trouua-on les cottes d'armes, les estédars & les harnois de Messire Guillaume de Saignes, qui illec auoit esté destrouffé: Puis tirerent les compagnons à cinq lieuës de là, à vne ville appellée les Autels, de laquelle les habitans auoient esté à la destrouffe de Messire Guillaume de Saignes: de là on s'en alla à Sainte Gemme vne belle forteresse, qui fut prise d'affault, & punis les villains du mal qu'ils auoient faict, & de Sainte Gemme cheuaucherent tous les gens d'armes que conduisoit Messire Iean de Chastelmorant pour le Duc de Bourbon, à la cité de Gem-

nes, où le Mareſchal Boucicault les attendoit iour & nuict, ſi fut moult lyé & ioyeux, & les contenta & paya pour vn autre mois.

Comme le Mareſchal Boucicault & les gens au Duc de Bourbon deſconfirent le Marquis de Vorſé, & les Brigans deuant Milan.

CHAP. LXXXIII.

LE Gouverneur de Gennes, Meſſire Ican le Meingre, diët Boucicault, Mareſchal de France, diët à Meſſire Ican de Chaſtelmorant, & aux autres Capitaines qu'il auoit amené avec luy en l'ayde du Mareſchal, de par le Duc de Bourbon : Meſſeigneurs, ie remercie moult de fois Monſieur le Duc de Bourbon, qui n'a mie oublié ja ſon ſeruiteur : mais m'a enuoyé vne ſi noble compagnie comme vous eſtes, & vous ſoyez les tres-bien venus : l'ay ſçeu, dit le Mareſchal, comme vous avez bien vengé l'iniure qui fut faiète l'année paſſée à Meſſire Guillaume de Saignes, au pays de Môtferrat, dont moult me plaift : Or eſt ainſi que la Dieu grace, j'ay gardé ceſte cité de Gennes au nom & pour le Roy de France vn long-temps, ſi ſerois-je tres ioyeux que la Seigneurie fut eſlargie plus auant : on m'a

conté les debats des deux freres , le Duc de Milan & le Comte de Pavie, & qu'ils ne sont mie bien d'accord ensemble : Si m'est aduis que veu celle diuision, & que ceste cité est bien à mon commandement, & aussi que j'ay grands gens, il seroit bon que ie me retirasse en Lombardie avecques vous, pour veoir si pourriôs faire chose parquoy le Roy eust profit & nous honneur : Alors dict le Sieur de Chastelmorant au mareschal: Monseigneur, vous sçavez les subtilitez des Lombards & leurs partialitez, si vous laissez ceste cité desgarnie les gens sont motis, & est doute qu'ils ne fassent quelque rebellion, & si vous tirez en Lombardie où il n'y a que diuision, ce sera fort, que rien ou peu y faciez, ou puissiez conquerir: Adonc dict le Mareschal Boucicault, Chastelmorant, par ma foy vous dictes bien : mais sans faute j'iray là, & icy lairray gens esquels ie me puis fier. Lors se partit le Mareschal, Boucicault de Gennes, & toute sa compagnie, & s'en alla en la Comté du Marquis de Versel es hautes montagnes de Gennes & de Lombardie, & le Marquis de Versel qui sentoit le Mareschal venir avec ses gens, fait mettre dedans vne Eglise bien deux mille villains, & deux cēs hōmes à cheual, pour vouloir cōbatre la cōpagnie, & n'estoit

demeuré homme en la ville que tout n'y feust, lesquels s'estoient mis en bataille sur vne greue belle place pour cōbatre les François venans de Gennes, & les François qui veirent que ce n'estoient que gens de pied, laisserent cinq cens hommes sur cheuaux pour arrieregarde, si se ferirent parmy & les desconfirent, & des villains y ot bien morts trois cens, & le remanant prins, & ceux de l'arrieregarde qui veirent les deux cens cheuaux tappis & mussez aupres de l'Eglise, tous à vn tas, alierent ferir à eux, ruerent ius les Maistres qui feurent prisonniers, & gaignerent les cheuaux, & entra on en la chaste en la ville de Versel avec eux, où il y ot gaigné cent mille francs, & se retrahit le Marquis de Versel en vnetour, & feist traicter au Marechal Boucicault, qu'il deuiendroit homme du Roy de France, par feaulté: mais qu'on luy rendist la ville, & le Marechal qui veid que la ville estoit comme gastée, & que ses gens estoient tant riches qu'à peine les pouuroient porter, la rendit au Marquis, & le reçeut en hommage du Roy de France, dont les lettres sont à Paris: Et ce faict se partit le Marechal Boucicault, les gens du Duc de Bourbon & les autres Capitaines, passerent les montagnes, & entrerent au bel pays Placorem deuant la cité de Plaisance,

laquelle se rendit au Roy, & le pays de Lie-
stot, & aussi le pays des Angoisieux, dont le
Mareschal Boucicault auoit quinze mille
ducats pour mois de truage, que les villes
rendent en Lombardie: & de là passerent le
Pau, & allerent à Paue au Comte, qui gue-
re encores ne se pouuoit ayder, car eux deux
freres auoit debat le Duc de Milan & luy: Si
feit le Comte hommage au Roy de France
en la main du Mareschal, lequel il meit de-
dans sa ville, ensemble toute la compagnie,
& au bout de huit iours alla le Mareschal
Boucicault de Paue à Milan, à toute sa cō-
pagnie, auquel le Duc de Milan feit ouuer-
ture: mais on y osa mie bien entrer, pource
que c'est vne grosse ville forte & bien peu-
plée, & lors pria le Mareschal à Messire Iean
de Chastelmorant, qu'il vouldist entrer à
Milan à tout quatre cens hommes d'armes,
pour descouurir s'il y auoit nulles gens:
Chastelmorant luy accorda, & à la premie-
re porte laissa cinquante hommes d'armes
des siens à la garde, & à tout trois cens cin-
quante entra Chastelmorant dedans Mi-
lan, & alla au Duc qui luy feit grand' feste, &
le feit mener par toute la ville, du long & du
large, & requist messire Iean de Chastelmo-
rant au Duc de Milan, qu'il le laissast entrer,
luy & sa compagnie, pour garnison en son

chastel de Porte Eusebe, si diët le Duc que nō, & que nul n'y entreroit plus fort de luy: mais si vous Chastelmorant y voulez venir à treize compagnons pour veoir dedans, ie suis cōrent, ainsi Chastelmorāt y alla veoir, & n'y trouua que la garnison, & s'en retourna au Marechal boucicault qui estoit en bataille dehors Milan, & luy feist son rapport, disant, qu'il n'y auoit point de garnison, & qu'il y pouuoit entrer seurement: mais il me semble, diët il, qu'aux ruës pres des portes vous deüriez faire loger deux cens hommes d'armes, afin que nul ne peust y sir ny entrer que ne le scachiez: Ainsi le feit le marechal boucicault, & demeura la compagnie douze jours en la ville à grand ioye & liesse, & grand estat tenoit le Duc. Or aduint que le tiers iour que François furent logez à Milan, saillit des Faulxbourgs vn Capitaine de par Guibellins appellé Pierre de Sabergonne, à bien douze cens hommes Guibellins qui hayent les Guelphes, lesquels destroufferēt bien douze cēs hommes de fourageurs aux François: Si vint le cry à Chastelmorant & à bourredon à leur porte, qui saillirent hors à tout quatre cens hommes d'armes, pour à l'ayde de leurs gens, & rencontrerent ces brigans, qui furent tous desconfits & pris, & roy orgagné trois cens Aubergeons d'acier, & fut mort Pierre de Sabergonne, son frere

prisonnier qui paya dix mille ducats, & dix aubergeons d'acier, & onques puis pour celle fois n'y eut rebellion en Lombardie & vous certifie que si bien se maintinst le Mareschal Boucicault à l'aide des gens au Duc de Bourbon & des autres Capitaines & cōpagnōs qu'il prenoit de treūage accoustumé en Italie tousiours, de Reuēne, de Versel, de Plaisance, de Paue; de Milan, d'Yuerie, 79. mil ducats d'or, pour payer la compagnie, & auoit faiēt vne telle conqueste pour le Roy.

Comme le Duc de Bourbon fait son mandement pour ayder ses nepueux d'Orleans.

CHAP. LXXXV.

POUR la guerre qui ot esté menée au Duc Jean de Bourgongne en Picardie, il en ot si grād despit, que de fait il ira de tout son pouuoir destruire les enfās d'Orleās, & tous ceux qui seroiēt en leur aide: car il disoit que les hoirs d'Orleans auoient conduit le Roy en ses pays pour le guerroyer: Si aduint que pour maintenir la querelle du ieune Duc & de ses freres, s'allierent par serment les Ducs de Berri & de Bretagne, de Bar, & avec eux le Comte d'Armignac, & assemblerent grand nombre de leurs amis & alliez à Gien sur Loire, qui iurerēt par feu & glaiue guerroyer le Duc de Bourgongne, & ceste alliance mesme iura le Comte de Clermont, qui là

estoit à tenir pour luy & pour son pere le Duc de Bourbon, qui à son fils sceut tres-mauuais gré de l'auoir promis en son nom, s'en excusant à ceux qui luy rapportèrent le traicté, que le fils n'a point de pouuoir de lier en nul serment le pere, parquoy disoit le Duc: l'ay faict vne fois serment à monseigneur le Roy, si ne le puis ne dois faire à nul autre, & ce beau fils Iean à ce faict sans mon sceu, fort m'en desplaist. Or ne tarda guere que le Duc Charles d'Orleans enuoya vn sien Cheualier nommé messire Guillaume de Laire en ambassade pour le faict de sa guerre, au Duc de Bourbon, & dict au Duc le Cheualier: Tres-honoré Prince & puissant Seigneur, le Duc Charles d'Orleans monseigneur & maistre, avec ses freres vos nepueux, vous prient & requierent sur affinité de lignage, que vous leur aydiez en leur guerre qui est iuste, & mainteniez leur querelle encontre le Duc de bourgogne, qui à tort les veut desheriter, car les autres Seigneurs (cōme vous scauez) s'y veullent employer, & l'ont iuré pour monseigneur vostre fils, qui à ce s'accorda. Lors prist à dire le Duc de Bourbon, Guillaume de Laire vous n'avez mie bien pensé que c'est de commencer guerre, le commencement est bref, mais la fin

en est tardive, vous estes vn fol, qui conseillez mes nepueux à commencer la guerre à si forte partie, comme ils ont à faire, ils ont vn poy d'argent, ie penle que vous & autres leur voulez faire despendre, puis demeureront pauvres & souffreteux, ils sont ieunes & ne scauent que c'est de tel mestier. Allez vous en à eux, & les acertenez qu'au besoin ne les faudray mie qui les oppresse-
roit : mais ie serois bien d'accord qu'ils feussent en aage, & se congneussent en maniere que leur argent ne fust mie dependu sans cause. Adonc s'en alla Messire Guillaume de Laire, au Duc Charles d'Orleans luy dire ce qu'il auoit trouué, & le Duc de Bourbon demeura à Montbrison vne piece, avec la Duchesse sa femme, où partant de fois escrirent & enuoyerent Ambassades les Ducs de Berry, de Bretagne, de Bar, le Comte d'Armignac, & le sieur d'Albret Connestable de France, au Duc de Bourbon, luy remonstrant que le Duc Ican de Bourgongne faisoit grand mandement à destruire les Orfelins d'Orleans, & ia celuy Duc les auoit defiez, & qu'il y eust pitié. Si pensa vn peu le Duc, & puis dict. Puis que ie veoy que cest à certes que l'on veut destruire mes nepueux, j'ay veu m'a chair & mon sang respandu inhumainement sur les

carreaux, & ceux a qui il en deust douloir sôt plus obstinez à en faire. Si vouë & promets à Dieu, que tât côm e i' auray vie, ie mettray corps, auoir & pouuoir à deffendre la querelle de mes nepueux, & me declare estre de leur partis, & lors cômêça à dire le duc Loys à la Duchesse sa femme: Dame Anne d'Auphine tres-chere compaignie, ie euydois prendre congé de vous pour aller où ma deuotion estoit, & est afin que sur ma vieillesse ie laisse le monde, & seruir à dieu faisant ma demeurance au Couuent des Celestins de Vichy: mais ie sçay de certain que le duc Jean de Bourgongne entend à destruire mes beaux nepueux d'Orleans, si ay vouë d'estre allencontre de tout homme qui leur voudra nuyre, & celle guerre affinee puis que ie ne puis plustost, ie voudroys accomplir les voyages, lesquels i'auois proposé à faire au plaisir de dieu, ie vseray le remanant de mes iours à Vichy, comme le l'ay ordonné. Si vous dy à Dieu ma femme, & de bien bref ie vous reuerray, lors la baïsa le Duc & se partit de la ville de Montbrison à belle compaignie, & Messire Loys de Cullant, qui despuis fut Admiral en France, ensemble Pourfard de Veauual Escuyer, & d'autres del'Hostel du duc, prindrent congé du duc, & s'en allerent en Grenade Royaume Sar-

razin, & à si bonne heure y vindrent qu'ils feurent au siege d'Antoguiere, que tenoit nom Ferrant Infant de Castille, despuis Roy d'Arragon, laquelle fut prinse par les Espagnols, & conqueste sur le Roy Sarrazin qui moult belle Cheualerie auoit de plusieurs contrees, l'an mil quatre cent dixneuf, & le duc de Bourbon venu à Moulins commanda au Comte son fils aller à Poictiers vers le duc de Berry, pour sçauoir la certaineté de leur traicté, & où leurs gens s'assemble-royent. Si se partit le Comte, & alla à Poictiers pour sçauoir ces choses, & le duc son pere cheuaucha à Bourbon-Larchambault son chastel, & appella maistre Estienne de Bar son secretaire, luy commandant escrire lettres de mandemens en grand nombre, qui feurent escriptes & mandees loings & pres aux Cheualliers & Escuyers, & gens-d'armes, qui de bon cœur s'offroyent avec la personne de si bon preud'homme valleur Cheuallier, & notable Prince comme il estoit, pour estre en la deffence, & ayde des enfans d'Orleans, comme vn noble homme desire fort à ioustener la querelle: si fut aux mandez assigné iour a Montlucon, où le duc estoit qui se esbatoit à la chasse en les attendant pour les mener avec ses alliez en la guerre.

*Comment le bon Duc Loys de Bourbon trespassa de
ceste vie.*

CHAP. LXXXVI.

PVis que le mandement fut fait s'ap-
presta chacun endroit luy & moult de
Cheualliers & Escuyers vindrent à Mōt bri-
son, que le duc veoit volontiers, & entant
qu'il attendoit les autres compagnons l'en-
demain d'une Saint Laurent, se sentit vn
peu deshaïté le duc, dont tout celuy iour
netint conte: mais apres la solemnité de
la my-Aoust, que le Duc auoit solemnisé
en grande deuotion, il se sentit aggregié.
Congnoissant la fin de ses iours approcher
leüa Dieu deuotement, en le regratiant de
sa volonté qui estoit telle de l'appeller: se
print à dire le Duc à plusieurs Cheualliers,
& gens de nom qui pres de luy estoient:
Mes amis ie regracie Dieu de tout mō cœur
qui m'a presté vie telle que i'ay vescu iusques
icy par son commandement, certes la mort
ne me desplaist mie: mais si au Createur eust
pleu, i'eusse volontiers veu la Santé de
Monseigneur le Roy, l'union des Princes
des fleurs de lys, & la paix de celluy tres-
desolé Royaume de France, ie y ay de tout

mon pouuoir belongné à le pacifier, & estoit mon vouloir en ce voyage (où aller cuydois) m'employer en maniere que bon accord si fut mis, & pource qu'aller ie ny puis, ie recommande l'affaire à dieu le tout puissant. Vous loyaux, & bons seruiteurs sçauéz comme pieça i'ay faict mon testament lequel ie veux qu'il soit tenu comme ie l'ordonay à mes executeurs, la Duchesse ma femme, Messire Hutin de Baneux, Messire l'Hermite de la Faye, & maistre Pierre de Chantelle mon confesseur, & commande que les pompes qui se font és obseques des Princes, qui tant coustent en reuerence de dieu, ne me soyent poinct faictes, mais telle somme d'argēt qui pourroit estre employée, soit distribuee aux pauvres, vous aurez mon ame pour recommandée, & priez Dieu si i'ay faict chose contre sa volonté, qu'il le me vueille pardonner, & ie vous en prie, la duchesse ma femme vous soit pour recommandée; elle n'est mie icy, ne Jean mon fils, qui est mon heritier, il est vostre Seigneur apres mon decez, conseillez le, & ayez, & honorez loyaument, comme vous auez faict moy de ce, ie vous en supplie, & luy direz de par moy qu'il soit defendeur contre tous oppressions de la cou-

ronne de France, & ce ie luy enioinçts expressement. Les cheualliers oyans parler le duc de Bourbon, parolles si loüables pleuroyent tendrement, & luy promirent de faire, & tenir ce qu'il commandoit. Alors, requist le Duc que ses cheueux feussent ostez, si feurent tondus, & quand ils les tinst il parla en ceste maniere : Beau sire Dieu Iesus Christ mon pere Createur, ès delicts de ceste vie mortelle, où ie me suis plus esbatu en mes cheueux, si ie ne veux mie que ceste me suyue, veez les là en despit d'orgueil, lors les foulla à ses pieds, & chacun se partit, & il demoura en son oratoire, & nonobstant que le Duc eust de coustume de soy souuent confesser & communier, la malladie durant le fait par plusieurs fois, & par especial le Dimanche dixseptiesme iour d'Aoust, se sentant empiré se reconseilla par la confession tres-deuote, & reueramment ouyes ses trois, Messes dictes ses heures canoniaux, iectans pleurs & souspirs de ses pechez criant mercy à Dieu son Createur de cœur contrist & d'humble pensee, receust benignement le corps de Dieu par les mains de son Chappellain & Confesseur, maistre Pierre de Chantelle, lequel à son Prince & Seigneur, vult apporter son Createur en son siege, pource que fort

estoit affoibly : mais l'humble Seigneur disoit : A moy indigne, n'est mie raison que le digne Createur vienne, lors se leue & tendrement plorant s'agenouïlla deuant l'Autel, disant : Mon Dieu mon pere veez cy ta pauvre creature aye mercy d'elle par la tienne grande misericorde, & les pechez que ie puis auoir faiçts, desquels fort me desplaist, de ta digne grace ils loyent effacez, car ie les ay de cœur & de bouche, regis & confessez veritablement à la confusion de l'honneur de l'humaine nature, & à la saluation de mon esprit, lequel en tes mains ie recommande, lors fut communiqué le Noble Seigneur, & par ces deux iours ne faisoit sinon adorer Dieu, luy requerant qu'à l'heure de son trespas, eust ferme memoire de sa benoïste passion : Et receust tous ses sacremens, comme Prince vray Catholique ferme en la foy Chrestienne, & obeyssant fils de Sainte Eglise, souvent disoit que la mort n'estoit à nul preud'homme à redouter, & continuellement sa bouche nommoit, & louoit le nom de dieu, se recommandant à luy piteusement, à la glorieuse Vierge Marie son aduocate, où gisoit son esperance, & parfaicte fiance, & aussi requeroit l'Apostre de France, le glorieux martyr Sainct Denis qui priaist à Dieu

pour le salut de son ame, pareillement supplia au deuot confesseur patron des Roys tres-Chrestiens François, S. Loys iadis Roy d'icelle Seigneurie (duquell lignage il estoit descendu) & à tous les Saints & Saintes de Paradis, Anges & Archanges prioit que à l'heure de son trespas, l'esprit de luy ne voulsissent esloigner, or celle bonne memoire, puis que la veuë luy fut troublé, & la parolle cessée tenant la croix entre ses bras, & que son confesseur luy denōçoit la passion de son createur, deuotement rendit l'esprit à dieu en la ville de Montlucon, le mardy dixneufiesme iour d'Aoust, l'an de son aage soixante & treize, & l'an de grace, mil quatre cens dixneuf. Auquel tres-preud'homme Prince on trouua deux cordes ceintes en sa chair nuë, l'vne de fouët nouuant de nœud, & l'autre de cordon choron, & nuls de ses seruiteurs sa vie durant ne s'en estoit apperceu: & celle nuit meisme puis que les choses appartenantes à Prince trespasé, feurent faictes, le meit on en vne liçtiere & fut porté à Cosne, en l'Eglise où l'on le veilla, faisant priere au Dieu pour son ame, par les chemins où l'en menoit le corps estoient les gens à grandes tourbes regrettant leur Sieur, plorans & crians, si hault que les voix en ressonnoient

ſonnoient bien loing, & diſoyent: Ha ha mort, tu nous a oſté à ce iour noſtre ſouſtenement, celluy qui nous gardoit & deſfendoit de toutes oppreſſions: c'eſtoit noſtre Prince, noſtre cōſors, noſtre Duc le plus preud'homme de là meilleure conſcience, & de la meilleure vie qu'on ſçeuſt trouver, & le plus treſuert en ſon viure qu'o peult trouver, & là nulle part. Et ces pleurs apporta on le corps du tres-excellent Prince à Souuigniau Prioré conuentuel, où apres les obſeques funereaux, fut enſeuclý & inhumé en ſa belle chappelle, qu'en ſon viuāt il auoit fondée, & donnée richement de rentes d'ornemens ſacerdotaux de calices, de liures à tous les iours, pour le remede de ſon ame, le Soubprieur de leans accompagné d'autres religieux, chantant à note vne Meſſe des treſpassez, & autres oraiſons, ils diſent ſur la tombe. Si ne demeura gueres qu'au Comte de Clermont ne fuſt denoncée la mort de ſon pere, qui ſe partiſt du Duc de Berry ſ'en vint en Bourbonnois moult dolent d'icelle mort, & ſes beſongnes appointees comme duc & Seigneur, fut ſubrogué à mener les gend'armes, que le feu duc Loys ſon pere auoit mandé. Siauoit de Cheualliers & d'Eſcuyers noble compagnie que le Duc Iean de Bourbon mena deuers

le Duc de Berry pour ayde de leur guerre,
les enfans d'Orleans les germains cousins.

*Comment le Duc Loys est digne de re-
commander.*

CHAP. LXXXVII.

L'Homme vertueux doit estre loué apres sa mort, & magnifié pour sa bien heurée fin, pource que le Duc de Bourbon est passé de ceste vie glorieusement, il faiët moult à recommander, car congnoissant en sa plaine vie, que l'ame est celeste, & descendue de haut lieu, & le corps est terrestre, & bas, & que l'ame est immortelle, & le corps est mortel, vesquit en telle maniere que son ame est montee en hault, dont elle estoit descenduë, & elle vnie à son corps comme tous doit vouloir raisonnablemēt, l'vne seruoit le corps, & le corps obeyffoit à l'arne, en luy recordant en son vivant que l'ame iuste est perpetuelle deuant dieu, ordonna en sa bonne memoire œuure perpetuelle, afin que si son ame estoit en gloire qu'elle priaist dieu pour le salut des autres estans en purgatoire, & si elle alloit en lieu de purgation par icelle œuure eust refrigeré: pource fonda Messe, & obits perpetuels,

pour le remede de luy, & de ses predeceffeurs, & successeurs. Et premierement en fonda vne à tousiours, pour l'ame de feu le duc Pierre son pere, aux freres prescheurs à Poictiers, & pour luy & les siens en l'Abbaye de Clugny, vne à note des trespassez, laquelle est le Sainct Conuent des petits Innocens. Au mans vne pour le salut du Roy de France Charles sixiesme de ce nom, à Chartres vne de nostre dame, à Chasteauchinon, deux Meises perpetuelles, vne aux Augustins de Tholouze, à Tours en l'Eglise Sainct Martin, vne à nostre dame de Paris vne & deux obits pour les trespassez, & pour la ferme deuotion qu'il auoit à la Vierge Marie, fonda en sa ville de Moulins vn college de douze Chanoynes perpetuels, & aussi l'Hospital Sainct Nicolas lez Moulins, à substanter les pauures vieux officiers Sainct Iulien dudiect lieu, & pauures malades passans, fonda aussi le deuot lieu des Celestins de Vichy où grand desir auoit de demourer, aussi à Souuigny fonda pour tousiours à note solemnelle en sa belle chappelle qu'il fait faire, où il gist, & par tout les lieux, & Eglises par luy fondez, donna rentes, & ornemens de les armes complets, calices & liure à faire le seruice diuin: tous les iours oyoit trois Messes,

en très grande deuotion plorant les pechez, requérant mercy à dieu de ses mesfaits chacun vendredy de l'an luy, mesme à treize pauures, donnoit à chacun treize deniers bōs à l'issuë de la Châbre, où nul ne le veoit. Et au iedy Sainct deuant Pasques, à treize pauures creatures, lauoit, essuyoit, & baisoit les pieds en reuerence de Dieu, les seruoit à table, & donnoit de son argent, dont il est à presumer que pour tels biens, & maincts autres qu'il faisoit secrettemēt l'ame de luy soit en bō lieu. Regarda aussi le duc Loys que l'hōme sage qui se garnit d'armures celestes, cōtre les ennemis inuisibles, se doit ganyr de forteresses contre les ennemis visibles, & pource que son peuple feust en tēps de guerre plus asscuré, fit fermer & pauer aucunes ses villes comme Vichi, Varennes Villefrâche en Bourbonnois, & Fleurs, & Thiert, & ediffia les chasteaux de Molins, & Verneul, & en repara plusieurs comme celluy de Belleperche, où il feit le donjon, à Bourbon commença deux belles tours, le chastel de Herisson, moult amenda celluy de Mōt-lucon, la tour à Billy, vne tour, & s'alle leua à Murat. Et en Cōbraille le chastel d'Auzanne ediffia, & celluy de la ville en Haiz, & feist bastir son bel Hostel à Paris, que tant cousta, où il dressa vne gente chappelle en

laquelle il esperoit fonder Chappellains à servir Dieu: il admonestoit les Chevalliers en tout honneur, disant, qu'ils ne seussent conuoiteux de villennie, par laquelle trahison est accreuë & multipliée, & qu'ils se gardassent de mal faire, & de mesdire d'autrui, car ce sont les œuures qui corrompent & malmettent cheualerie: & disoit que Cheuallier ennieux ne seroit ja aise Cheuallier, ne doit auoir enuie que d'une chose, c'est de bien faire plus que nul de toute la compagnie, a ce doit estre ententif son courage: car c'est le commencement de conuoitise, parquoy celle enuie soit sans orgueil & sans villennie, & disoit le Duc Loys que luy & les Cheualliers deuoient bien aymer leurs bōs & loyaux seruiteurs, car nul greigneur thresor n'y peut auoir l'y hault home avec luy, que celuy qui l'ayme de cœur loyal & entier, & d'amour certaine. Le Duc Loys aymoit les armes quand mestier en estoit, & receut par armes grands honneurs, & n'en faisoit fors s'humilier enuers toutes gens, honneur ne luy changea onques les mœurs, son nom fut moult profitable à l'hostel de France, par ses bons conseils & hautes vertus, la diuision qu'il veoit entre les Royaux, luy monstroit le mal que deuoit aduenir, souuēt feit son deuoir de les pacifier, il estoit

profitable à tous communement, & moult meritoit grand' peine à garder ce qui luy sembloit iuste, moult auoit en luy grand' mesnee. A peine scauroit-on trouuer son pareil, il estoit prest d'armes & de droicteure à deffendre France, qui a beaucoup perdu à sa mort. Bien pouuoit dire le bon Duc en son viuât (qu'il veoit la diuision estre creüe) ces parolles. I'apperçoy que nully n'aura honte de aneantir le Royaume, & ceux qui mieux le deuroient garder & augmenter le defferont: car chacun entendra à son propre profit, non pas à l'aduancement du peuple: mais au destruisement. Bien-heureux est le Duc de Bourbon qui est passé de ceste vie, & vollé au Ciel par ses merites, au moins n'a il veu les horribles maux aduenus en France, dont il se doutoit. Parquoy peuuent dire ceux du Royaume en celuy noble Prince. Ha ha Cheuallier & loyal discret, sage en conseil, seur & fier en armes, tât faites à plaindre. Si France eust beaucoup de tels deffendeurs cōme vous estes, elle peut moult longuement maintenir sa franchise: car vous ordonnez la chose publique par conseil, par raison, & par meure deliberation. He Seigneurs des trois Estats, que tât vault vn preud'homme au besoin, par vn preud'homme est monté vn lignage, deffen-

du vn Royaume à mille hōmes par vn iour
garentift les vies, Dieu l'a pris à fa part , & a
laiffé le Royaume par le peché des hom-
mes en la ballance de fortune , iufques à fon
plaifir. Ha noble Duc l'inuafion des An-
glois n'eust ja tant duré. Si vous feuffiez en
vie, ne la diuifion des Seigneurs en France,
rebelles contre leur Souuerain , à tout euf-
fiez trouué remede , fi conclud que travail
de tous ouuriers dechet & perit. mais travail
d'efcrire faiët ainfi comme l'homme viure,
& eftre tousiours en memoire, il y appert :
car après la mort du bon Duc Loys de Bour-
bon dure encore fa vie pour fa bonne re-
nommée : car on trouue le lieu de fa fepul-
ture honorable, & les efcrits qui pour l'hon-
neur de luy font faiëts, dont partie des bon-
nestaches vous font racomptées cy arriere,
que vous tres-noble Prince Charles de
Bourbon Comte de Clermont auez com-
mandé à defcrire & mettre au net , & est le
Liure compilé par le non fçachant C A-
B A R E T, pauvre pelerin, riche de plaifir
& de ioye, de ce que Dieu & Gentilleffe qui
tant aima , ont promis l'œuure plaifant à
bonne fin eftre acheuée.



T A B L E
D E S P R I N C I P A L E S
C H O S E S C O N T E N V E S
en ce present Liure.

A

- A**ge du Duc de Bourbon à son retour d'Angleterre, où il auoit demeuré pour hostage. 5.
- Actions de graces & loüanges données à Dieu pour la victoire gaignée contre les Flamans, 225. Combien la France demeura en paix puis après, 226.
- L'Admiral de France va guerroyer en Angleterre, & les faicts d'armes qu'il y fit, 83. Le butin qu'ils prirent, & comment le Prieur de Leans fut prisonnier, & ce qui aduint, 84.
- Aduertissement fait par le Duc de Bourbon aux Princes du Sang pour les maintenir en l'obeyssance du Roy & en paix. 337.
- Auis que le Sieur de Nourris donna au Duc de Bourbon de son reuenu, & comme il conuenoit en vser, tant pour payer ses debtes que pour maintenir son estat. 352.
353. Assignation aux debtors sur ses pays. *ibid.*
- Auis donné au Roy durant la paix, par le Duc de Bourgogne, pour aller batailler en Angleterre, 227.
228. Comme l'aduis fut loüé des Seigneurs, 229. Ce qui fut ordonné pour afin de l'accomplir, *ibid.*

TABLE DES MATIERES.

- Advis que le Duc de Bourbon eut pour assieger Roche Sennadoire, & la disposition du siege,* 115. 116.
Advis que donna le Duc de Bourbon pour clore le siege deuant Affrique, 292. L'ordonnance pour le garder, 292. 293.
Advis entre les Seigneurs de Nantes pour endommager les Anglois, 153. Comme ils dresserent l'embasche, 154.
Advis que le Duc de Bourbon donna au Roy & au Duc de Bourgogne pour faire lever le siege de l'Escluse. 197. ce qui en aduint, 198. 199.
Ambassade de ceux de Gennes au Roy de France, 273. 274. La responce qu'il leur fit, 275. Il accorda leur demande à la priere du Duc de Bourbon. 276.
Ambassades des villes de Flandres pour pacifier avec leur Seigneur, 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400.
les Anglois arrivez à Brines, de combien diminuer, 64
Anglois de combien diminuer deuant Nantes, 165. 166
Anglois desconfits par Messire Loys de Sanxerre, 28. 30. 31. Puis autrefois par le Connestable, 46.
Armée du Roy assemblée à l'Escluse, 231. Le nombre des combatans, ibid. Nombre des navires que le Duc de Bourgogne avoit amassées à cest effect, ibid. 232. 233.
Armes faictes entre un Chevallier François & un autre Anglois, 152. Avec quelle condition, & ce qui en arriva, 163.
Armes que devoient faire cinq des Seigneurs du Duc de Bourbon contre autre cinq Anglois, 156. Furent différens, & pourquoy, ibid. Puis accomplies & comment, 159. Leur ordre, 160. Ce qui en aduint, ibid.
Armes qui furent faictes à la mine du chasteau de Vertueil, & par qui, 187. 188.
Assault fierement attaqué & courageusement défendu, 37. 38. 39.

- Arrivée du Roy à Thoulonse, & le cry qu'il fit faire pour soulager le pauvre peuple* 171.
- Arrivée du Duc & des Genevois en Affrique, & comme l'armée fut disposée en camp de bataille, 287. Le siege posé devant la ville,* 288.
- Arrivée des Genevois à Marseille, & le conseil pour l'ordonnance de l'armée aux nauires, 283. 284. Leur prouision,* ibid.
- Arrivée du Duc de Bourbon en son pays, du voyage d'Affrique, & la ioye du peuple, 325. Son seiour à Montbrison avec sa femme, & les nouuelles qu'il receut de sa sœur Comtesse de Sanoye,* 325.
- Arrivée des Seigneurs de France à Nantes pour la deffendre des Anglois, 145. 146. Comme ils prirent les clefs des portes à un Chanoine, 146. Ce qu'ils luy firent,* 147.
- B* *Arrière, appelée amourenses* 59.
- Bastie de Saint Maur prise par le Connestable,* 31.
- Bastiment que fit le Duc de Bourbon des Celestins de Vichy,* 354.
- Bataille ordonnée devant Troye en Champagne par les Anglois, où le Roy estoit, & ce qui fut fait, 61. 62. Ordonnance du Roy pour ce sujet,* 62.
- Bollabre & autres places en Poictou rendues au Duc,* 40.
- Bourbourg assiegée par le Roy, comment assailly, & ce qui fut fait en l'assault, 234. Puis rendue, & le debat qu'il y eut entre les Seigneurs,* 235.
- Bourcharente assiegé, la subtilité faicte apres laquelle tost se rendit,* 172. 173.
- Breschy assiegé, la disette des assiegez, & l'auenture des assiegeans,* 54.

- C**ardinal de Luxembourg remis en son Euesché par
 le secours que luy donna le Duc de Bourbon, 355.
356. Villes rebelles qui furent prises, 357. 358.
 Cardinal de Luxembourg Euesque de Mets est canonisé,
358.
 Chasteau de Dul en Allemagne, pris par le Duc de
 Bourbon, & par quelle finesse, 256. 257.
 Chasteau de Raudon pris par le Connestable, & comme
 il mourut deuant, 142. 143. Louange qu'on luy don-
 na apres sa mort, *ibid.* Où il est enterré, *ibid.*
 Chasteau de Champillon proche Mets, comment fut
 pris, 357.
 Chasteau de la ville de l'Escluse par qui fut fait, 180.
 4. Cheualliers ordonnez pour les affaires du Duc, 22.
 Cité de Gennes a prospéré pendant que le peuple est de-
 meuré d'accord, 273. Comme ils eslisoyent leur Gou-
 verneur, *ibid.*
 le Comte de Sauoye desaduoué Ame de Viry pour l'a-
 uoir incité à faire la guerre au Duc de Bourbon, 381.
 La punition qu'il recent, 382.
 Congé que demanda le Duc de Bourbon au Roy, les rai-
 sons qu'il luy dict afin de l'obtenir, 349. 350.
 Congé que prirent les Seigneurs qui estoien venus pour se-
 courir le Roy en son voyage d'Angleterre, 236.
 le Connestable perdit 4. de ses Gentilshommes & com-
 ment, 109. La vengeance qu'il en prist, *ibid.*
 Constance du Duc de Bourbon sur la mort de son fils,
 montrant sa pieté, les propos qu'il tint au Duc de Ber-
 ri qui estoit venu pour le consoler, 346. 347.
 Corbies chasteau en Poictou, par quelle finesse fut pris,
 192. Et quel butin y fut gaigné, *ibid.*

Coiuardise du Duc de Bretagne, 264. 265.
Courtray ville de Flandre prise en la poursuite des Fla-
mans, 218. Comme le Roy y alla, 219.

D.

DEliberation que prist le Duc de Bourbon avec ses
Seigneurs, pour assaillir la ville d'Affrique, 309.
Demande que faict le Duc de Bourbon au Roy pour les
Geneuois, 281. 282. La responce du Roy, ibid.
Demande que fit le Capitaine de Plancy au Duc de
Bourbon pour s'opposer aux Anglois, & ce qui fut
faict, 58. 59.
Desconfiture des Anglois par le Duc de Bourbon estant
en Espagne, 244.
Destrouffe des gens du Mareschal Boucicault par les
gens du Marquis Montferrat, & la vengeance qui
en ensuiuit, 383. 384. & suivant.
Deuise du Duc de Bourbon, 7. Deuise de son Ordre, 14.
Diligence des gens au Duc de Bourbon pour deffendre
ses pays, & comme ils poursuiuoient de pres leur en-
nemy, 373. 374. & suivant.
Disposition que le Duc de Bourbon voulut mettre pour
sçauoir le reuenu de tous ses domaines, 350. 351.
le Duc de Bourbon est poussé par la tempeste en la Sicile,
la bonne reception & les presens que luy fit le Seigneur
du pays, 319. 320. Accorda la paix avec les Gene-
uois & le Seigneur de Plombin, 321. 322. Il ne voulut
descendre à Genes à son retour, & pourquoy, 323.
le Duc de Bourbon estant en Espagne comment il pour-
suiuit les Anglois, & les affaires qu'il leur donna, 243.
244.
le Duc de Bourbon demanda l'aduis de tous ses Cheual-
liers, sçauoir si le traicté de ceux d'Affrique leur sem-
bloit honorable, ce qu'ils dirent, & l'ordre comme ils
parlerent, 312. 313.

DES MATIERES.

- le Duc de Bourbon assiege belle Perche, 92. Il est contre
assiege par les Anglois, 93. 94. Les beaux exploits
d'armes qui s'y firent. 95. 96. 97.
- le Duc de Bourbon va en Sauoye voir sa sœur, d'où le Roy
l'enuoye querir, 72. 73. Quelques vns de ses Seigneurs
allerent en Prusse, où ils firent de beaux faicts d'ar-
mes, 74. 75.
- le Duc de Bourbon quelle constume il auoit en disnant,
344. 345. Sa lecture ordinaire, 345.
- le Duc de Bourbon faict Cheualier le sieur de Montfer-
rand Anglois, & comment aduint cela, 186.
- le Duc de Bourbon constitué pour la garde du Roy, 200.
A qui il donna le gouuernement de son pays, & le bon
reglement que y mit le gouuerneur, 201. 202. Et com-
bien il luy augmenta son reuenue, 203. 204. & suyuant
c. 224.
- le Duc de Bourbon va en Normandie pour batailler con-
tre le Roy de Navarre, 77.
- le Duc de Bourbon mandé par le Roy du siege de Ver-
tueil pour secourir le chasteau de l'Escluse, 180. 181.
l'Aduis qu'il prist des Seigneurs, dont il enuoya s'ex-
cuser. 182. 183.
- le Duc de Bourbon fit retirer les Sarrazins, & comme il
les alla assaillir en leurs tentes, 306. 307.
- le Duc Loys de Bourbon alla en Angleterre pour hosta-
ge, 2. Le temps qu'il y demeura, 3.
- le Duc de Bourbon & le Connestable vont à la tour de
Bro, où estoit la mere au Duc, laquelle luy fust rendue
110. 111.
- le Duc d'Orleans assassiné, 342. La douleur qu'en con-
cent le Duc de Bourbon, ibid. & 345.
- le Duc de Iuliers est sommé de faire obeysance au Roy de
France, & ce qu'il respondit, 258.
- Duchesse de Bretagne prise par les gens du Duc de Bour-

T A B L E

bon la courtoisie qu'elle receut de luy, 44.
 Duel entre le Bastard de Glarains, & un Anglois, &
 comment aduint la querelle, 117. 118. 119.

E

E Dicts de par le Roy à son retour de Flandre, de
 porter les armes au Louvre, & pourquoy, 223.
 Le nombre, *ibid.* Les seditieux punis, 224.
 l'Eglise des Celestins de Vichy fondée par le Duc de
 Bourbon, comme il esperoît là demeurer, & constituer
 sa maison, 370.
 Embusche dressée aux Anglois, proche de Sens par le
 Sieur de Clisson, & ce qui en aduint, 63.
 Enfans du Roy Dompierre tenus en une cage de fer, 132.
 A quel aage ils y furent mis, & ce que dict le Roy
 d'Espagne au Duc de Bourbon, & sa response, 133.
 Entrée du Duc de Bourbon à Paris pour le Roy, & ce
 qu'il fit, 220. Le Roy y entra puis apres, en quelle
 ordonnance, & ce qui fut ordonné pour la nuit suy-
 uante, 221.
 Escarmouches faictes sur les infidelles par les Chrestiens,
 & leurs yssues, 295. 296. 297. Tous les Cheualliers y
 allerent l'un apres l'autre, puis le Duc de Bourbon
 y alla en personne, 298.
 Escarmouches faictes sur les Anglois deuant Nantes,
151. 152.
 Estat de l'homme sage, 343.
 Estrene que firent les Seigneurs au Duc, avec remerci-
 ment de l'honneur reçu, 9. 10.
 Estrene que fit le Duc aux Seigneurs de l'Ordre par luy
 institué, 8. Et sa signification, 13.
 Exploicts d'armes des François en Allemagne. 259.

FErandon Capitaine, bruslé au Chasteau de Gaure,
& comment, 79.

la Feste de Noel celebree par le Roy à Paris, assisté de
de toute sa Noblesse, & les ordonnances faictes puis
apres, 35.

Feste des Roys comment celebree par le Duc de Bour-
bon, & qui estoit Roy, 17. 18.

Festin et bonne reception que fit le Comte Phebus de Foix
au Duc de Bourbon, 248.

Festin excellent fait par le grand Maistre de Prusse,
aux Cheualiers & pourquoy, 76.

Flamans defaicts par le Mareschal de Sanxerre au pont
de Commines, & comment, 210. surprise faicte
sur vne de leur villes, & le butin qu'on gaigna,

211. 212.

Fosse nommee Enfer que c'estoit, 21.

Fortune bien aduerse pour le Royaume de France,
337.

Fortune que c'est, ses effects diuers, 336.

Fouage fait par les Poictenins pour faire la guerre,
268.

CAure Chasteau en Normandie, où estoit le tresor
du Roy de Nauarre, pris, puis rasé, 80.

Genealogie du Duc Loys de Bourbon, 1. 2.

Gens que le Duc de Bourbon enuoya au Mareschal
Boucicault pour vanger l'injure faicte au Roy de
France, 383. 384.

T A B L E

*Guerre iuree par le Duc de Bourgongne contre la maison
d'Orleans, 395. Ligue des Seigneurs pour la deffendre,
ibidem.*

H

H Arangue que fit le Roy de Thunes aux deux
Roys Sarrazins, pour impetrer secours. 294.
Heraut qui vint au Duc de Bourbon, luy apportant let-
tre du Roy d'Espagne, & pourquoy, 157.
Honneur que fit le Duc de Bretagne aux Cheualliers
Francois, 162.

I

I Acques Dartenelle esleu protecteur des Flamans en
leur rebellion, 207. tué en la bataille, 216. une
femme portoit son enseigne, *ibid.*
Intention du Duc de Bourbon de guerroyer à son retour
d'Espagne, & où, 247.
Isles de Iarsee & de Grenesie, prises par le Duc de Bour-
bon & le Connestable avec les chasteaux en icelles,
52. 53.
Joye du Roy, & de tous les Princes, pour la victoire gai-
gnée sur les Flamans, & que tous les Anglois estoient
chassez de France. 225. 226.
Jugon pris, & le prouerbe qui courroit pour lors, 48.
Justice du Duc de Bretagne, 164.

L

L Etres prises à la Duchesse de Bretagne, & le profit
qu'en aduint au Roy de France, 44. 45. 49.
Livre présenté au Duc de Bourbon, appelé Pelloux, ce
qui

qui contenoit, & ce que le Duc en fit, 10. II.
 Louange que l'on donnoit au Duc de Bourbon pour la
 prise de son chasteau, 102

M.

- M**aladie d'esprit au Roy qui luy dura toute sa vie,
 quand & comment elle luy print, 333. 334. Pour
 laquelle les Princes eurent noise ensemble, 335.
 Maladie du Duc de Bourbon dont ensuiuit la mort, 396
 Maladie au camp des Anglois deuant Nantes, 155.
 Mandement que fit le Roy à ses Soldats de se trouuer au
 Mans, & comme il fut assisté de ses Princes, 333.
 Mandement du Duc de Bourbon à ses Cheualliers de se
 trouuer en Sauoye, & la raison, 360. Les villes qu'il fu-
 rent prises, & les seditieux punis, 361.
 Mandement du Duc de Bourbon à tous ceux qui le vou-
 droient suivre à la guerre contre les Infidelles, 282
 Manuel de Paleologue Empereur de Constantinople
 vient vers le Roy, & la raison, 340.
 Mariage accordé entre Philippe Duc de Bourgongne,
 & la fille du Comte de Flandre, 57.
 Mariages faits par le Duc de Bourbon, des Dames qu'il
 auoit amenees d'Espagne, 248.
 Mariage du fils au Duc de Bourbon avec Dame Marie
 fille au Duc de Berry, 340. Les enfans qu'ils eurent,
 & leur mariage, 341.
 Mariage du Roy d'Angleterre avec une des filles de Fran-
 ce, & la fortune qui arrina, 339.
 Mariage du Duc Loys de Bourbon, 23. 24.
 Marquis de Versel desconfit par les gens du Duc, 388.
 Embusche qu'il auoit mise pour les attendre, 387. Le
 butin gaigné, 388
 Meschanceté du Pere ne doit estre punie aux enfans, 133.

T A B L E

<i>Messire Loys de Sanxerre est fait Marechal de France,</i>	47.
<i>Messes & Obits que le Duc fonda durant son viuant en plusieurs lieux,</i>	402. 403.
<i>Montcontour pris par assault, 106. Où le Capitaine des Anglois fut pendu, & pourquoy,</i>	106. 107.
<i>Mort du Roy de France Charles V. 144. Mort du Connestable, où il est enterré,</i>	143.
<i>Mort du Roy d'Espagne denoncée aux Princes qui pour lors faisoient la guerre en Espagne,</i>	244
<i>Mort du Roy Richard d'Angleterre, comment elle aduint, 339. Qui fut esleu Roy apres luy,</i>	ibid.
<i>Mors tres-recommandable du Duc de Bourbon pour sa grande pieté, humilité, & deuotion aux Saints de Paradis, 396. & suuant l'annee qu'il mourut, & en quel an de son aage, 400. Propos qu'il tint auant sa mort à tous ses Seigneurs,</i>	396.
<i>Mort du Duc d'Orleans conspiree, 341. Comment & quand executée,</i>	342.
<i>Mort du Roy d'Armenie aduenüe à Paris, où il fut inhumé, & à quels despens,</i>	340
<i>Mort de six Gentilshommes qui moururent en Affrique, & comment,</i>	308
<i>Mort du grand Dauid,</i>	101. 102

O.

O <i>Euures pieuses que le Duc de Bourbon faisoit tous les Vendredis de l'annee, & le Ieudy Saint deuant Pasques,</i>	403.
<i>Officiers que le Duc Loys ordonna pour son hostel,</i>	18.
<i>Ordonnances que le Roy fist sur le fait de ses guerres & de son pays,</i>	33.
<i>Ordonnance du Roy de passer l'armee en Angleterre, &</i>	

DES MATIERES.

pourquoy la chose ne reussit,	85. 86.
Ordonnance du Roy pour batailler en Allemagne au Duché de Guerles contre le Duc, dont trois villes furent prises, & le pays gasté,	260.
Ordonnance à Messire Loys de Sanxerre, pour mettre garnison aux frontieres,	25. 26.
Ordre de la Table faict par le Maistre de Prusse avec sa deuse,	77.

P.

P aix accordée entre les Cheualliers de Prusse & le Roy Letho Sarrazin,	76.
Paix iurée entre le Duc de Bretagne & le Comte de Ponthieure par deuant le Duc de Bourgongne enuoyé du Roy, 265. La deffence qu'il leur fit pour ce mieux faire,	266. 267.
Paix iurée au Roy par les Ducs de Iuilliers & de Guerles,	260. 161.
Paix au Royaume de France, & combien elle dura,	226.
Pape créé au Concile de Pise, en quel an,	371.
Parentez qu'auoit le Duc Loys de Bourbon avec le Roy de France & le Roy d'Espagne, & autres Seigneurs,	4.
Partement du Duc de Bourbon de la guerre d'Espagne, & pourquoy il se departit dont il alla en Navarre,	245. 246.
Partement de l'armée naualle & leur ordonnance,	285. 286.
Partement des gens du Duc pour aller en Grenade, où ils furent contre les Sarrazins,	395.
Partement des Anglois de Belleperche avec grande perte des leurs,	101. 102.

TABLE

Partement du Duc de Bourbon d'Affrique, & comme il ordonna les gēs en bataille pour entrer es vaisseaux, l'embusche qu'il dressa aux Sarrazins, se doutant de leur perfidie, 314. 315. Où il alla aborder, 316. Advis qu'il prist des Geneuois pour encore guerroyer, 316. 317	
Paye de 2000. hommes combien montoit lors,	237.
Pelerinage du Duc à S. Iacques,	135.
Pelerinage que fit le Duc de Bourbon apres les ennemis chassez d'Auvergne,	126.
Pelerinage que fit le Duc apres son retour d'Affrique,	325.
Penitence que faisoit le Duc durant sa vie qui ne fut sceüe de personne qu'apres sa mort,	400.
Perfections excellentes en Loys Duc de Bourbon,	3.
Pieté du Duc de Bourbon,	371.
Pieté & deuotion grande du Duc de Bourbon durant sa vie, & principalement en sa mort, 398. Actes d'humilité prof. de en receuant son createur, 398. 399. 400.	
Places que le Duc alla assieger apres son retour d'Angleterre, 16. 17. Comme elles furent prises, 20. 21. 22. Du depuis plusieurs places furent prises par armes, 50.	
Places prises en Normandie par le Duc de Bourbon, 78. 81. quelques vnes rasées,	80. 81.
Place que le Duc d'Anjou prist en Guyenne à l'ayde du Duc de Bourbon,	69. 70.
Places assiegées & prises en Poictou, 169. 172. 173. 174. 177.	
Places que les Seigneurs au Duc de Bourbon conquērent en son absence avec les Poictuins, 191. 192. 193.	
Places prises en Sardaigne par le Duc de Bourbon, & baillées en garde aux Geneuois,	318.
Places en Poictou rendues,	109. 110.
Places prises en Auvergne,	112.
Plainte faicte au Roy par son Connestable Clisson du	

DES MATIERES.

<i>Duc de Bretagne,</i>	262.
<i>Poictou rendu par traité, 107, Puis le chasteau pris par assant, qui y entra le premier,</i>	108.
<i>Ponteau de mer assiéé par l'Admiral, & comment,</i>	81.
<i>Presens que le Roy d'Espagne fit au Duc de Bourbon & à tous ses gens,</i>	134.
<i>Present que fit le Duc au Heraült d'Espagne avec la réponse qu'il fit, dont le Roy de France fut courroncé,</i>	128.
<i>Present que le Duc de Bourbon fit au Connestable,</i>	140.
<i>141.</i>	
<i>Present du Duc de Bourbon au Sieur de Montferrand,</i>	188. 189.
<i>Present du Comte de Bouquignan Anglois à Chastelmorant, & la raison,</i>	165.
<i>Presens que fit le Duc d'Anjou au Duc de Bourbon & à ses Seigneurs,</i>	71.
<i>Presens que ceux de Poictiers donnerent au Duc de Bourbon pour les auoir deliurer des Anglois,</i>	108.
<i>Prieres, aumosnes, & deuotions, que faisoit faire le Duc de Bourbon pour la santé du Roy,</i>	343.
<i>Princes estrangers dejettez de leur pays viennent en France requerir secours, 339. 340, Reception que leur faisoit le Roy,</i>	ibid.
<i>Promesse de tous les Seigneurs au maintien de l'Ordre, institué par le Duc,</i>	14.
<i>Propos que tint le Duc de Bourbon à sa femme touchant son intention de viure, & ce qui le destourna,</i>	394.
<i>Proposition de la mort du Duc d'Orleans entre les Princes, ce qui fut fait,</i>	366. 367.
<i>Prouisions très-grandes du Duc de Bourbon pour le fait de la guerre d'Angleterre,</i>	230.
<i>Prudence requise à un Gouverneur quand il vent entreprendre quelque chose,</i>	389.

T A B L E

R.

- R**ebellion meüe par la Noblesse de France, un peu
 appaisée, les ordonnances que le Roy fit, 200. 201.
- Rebellion des Flamans contre leur Seigneur, & la raison,
 206. Supplication que le Comte fit au Roy de vouloir
 le remettre en sa Seigneurie, 207. 208. Comme le Roy
 fit diligence pour s'y acheminer, *ibid.* Comme sa No-
 blesse l'alla trouver, 209.
- Reception que faisoit le Duc de Bourbon des Seigneurs à
 sa table durant la maladie du Roy, 344. De combien
 il se trouua endebté pour ce sujet, *ibid.* L'intention
 pourquoy il faisoit cela, 346.
- Reception que fit le Roy d'Espagne au Duc de Bourbon,
 152. Et ce qui aduint durant son sejour, *ibid.*
- Reception que firent les Seigneurs au Roy en son voyage
 de Languedoc, 270. Des lieux qu'il passa, & combien
 de iours y demeura en chascun, & ce qu'il fit en son
 voyage, 270.
- Reception des Geneuois au Duc de Bourbon & leurs pre-
 sens, 286.
- Recompence des Poicteuins aux Seigneurs de Bourbon-
 nois, 193.
- Regrets qu'auoit le Duc de Bourbon peu deuant sa mort,
 396. 397.
- Remerciment que fit le Duc aux Seigneurs de son Ordre
 pour leur bon seruice, 15.
- Remonstrances salutaires que faict le Duc à ses Sei-
 gneurs, estant au liët de la mort, 397. 404.
- Requeste du Duc de Bourbon au Roy qu'il luy permist
 d'aller contre les Sarrazins avec les Geneuois, 275.
 276.
- Reparations qu'a faictes le Duc aux villes de ses domai-
 nes, 403.

DES MATIERES.

- Requeste que fit le Comte Phebus au Duc de Bourbon qui luy accorda,* 249. *Conseil qu'il luy donna pour guerroyer en son chemin.* 251.
- Requeste des Poicteuins au Duc de Bourbon, & sa response.* 189. *Ce que le Duc leur accorda,* 190.
- Resolution du Duc de Bourbon au Siege de Belleperche,* 94. 97.
- Respect que le Duc de Bourbon portoit aux Dames & Damoiselles,* 3. 13.
- Response digne d'un Cheuallier d'honneur,* 164. 165.
- Response du Duc de Bourbon à l'Ambassade que luy enuoyoit le Duc d'Orleans,* 392. 393. *Sa resolution pour luy ayder.*
- Retour du Duc Loys de Bourbon en France,* 5.
- Retour du Duc de Bourbon à Paris & les Seigneurs de Bretagne, qu'il amena au Roy,* 46. *Puis à un autre retour, & la reception que le Roy leur fit,* 56.
- Reuenue qu'auoit le Duc de Bourbon de ses Domaines,* 351.
- Reuenue que les villes d'Italie payoient au Roy,* 395.
- Ribauts pris & pendus,* 221. 222.
- Roche Sennadoire prise par un beau assault,* 121. 122.
- Puis deux autres places,* 123.
3. *Rois Sarrazins viennent pour combattre les Chrestiens, & surce prist le Duc de Bourbon l'aduis des Seigneurs,* 291.
- le Roy & les Seigneurs donnent gens au Connestable pour aller contre le Duc de Bretagne,* 262. 263.
- le Roy grandement ioyeux de la victoire qu'il eut contre les Flamans, & des prieres & oraisons qui apres furent faictes,* 225.
- le Roy delibere d'aller en Bretagne guerroyer dont il est desconseillé par le Duc de Bourbon, & pourquoy,* 331. 332.

T A B L E

332. <i>Ma'adie qui aduint au Roy en ce voyage,</i>	333.
<i>le Roy d'Espagne ne va point guerroyer en Grenade, & pourquoy,</i>	133.
<i>le Roy vient de Flandre à Paris, & n'osa entrer en la ville, la cause, & ce qui fut ordonné, & comme tout se passa,</i>	220.
<i>le Roy donne terme que son armée se treuuaſt à l'Eſcluse pour paſſer en Angleterre,</i>	229.
<i>le Roy de France va batailler en Allemagne, & en quelle année,</i>	ibid.
<i>le Royaume de France eſt loicé & honoré par toutes les nations de la terre,</i>	272. 273.

S.

S <i>Acres du Roy à Rheims, 144. Ce qui fut fait apres,</i>	145.
<i>Salines en Allemagne & leur reuenu appartenantes à l'Eueſché de Mets,</i>	358.
<i>Sarraſins comment bruſlerent la machine des Chreſtiens, 301. comme ils les repouſſerent,</i>	
<i>Saincte Seuerre priſe par aſſault, 36. Comment il fut ordonné, ibid. Serment que firent les Anglois pour leur deſſence,</i>	37.
<i>Sauſs-conduits enuoyez aux Seigneurs François pour aller accomplir leurs armes avec les Anglois,</i>	157. 158.
<i>Schiſme & le temps qu'il fut en l'Egliſe,</i>	371.
<i>Secours enuoyé à Nantes pour la deſſendre des Anglois,</i>	149.
<i>Secours qu'enuoya le Roy & pluſieurs Seigneurs au Duc en ſa guerre de Sauoye.</i>	350.
<i>Secours enuoyé au Roy d'Espagne, commis à deux Capitaines, leur excuſe, & la demande qu'ils firent au Duc,</i>	238. 239.

DES MATIERES.

les Seigneurs qui vinrent assister le Duc en la guerre contre les Sauois siens pour le tort qu'on faisoit à sa sœur,
325. 326.

Siege posé par les Chrestiens deuant Affrique, 298.

Siege deuant l'Escluse par les Anglois, 196. comme il est desfaict, 198.

Siege tenu deuant S. Brio, par le Connestable, 265. ce qu'il fit pendant le siege, 265. comme il prist plusieurs villes, 265.

Sion en Vallois rudement assailly, & la disposition de l'assaut, 362. 364. sa prise aspre, ibid. Le degast que l'on fit par le pays, 364.

Somme d'argent que le Comte Phebus de Foix presta au Duc de Bourbon, 247.

la Somme pour laquelle le Duc Loys de Bourbon estoit detenu en Angleterre, 2.

Sortie des Sarrazins sur les Chrestiens, & combien il en mourut, 289.

T

T Aillebourg assiegé, les escarmouches, & les embuches faictes, 169. 170. comment il fut pris par traicté, 170. 171.

Traicté qu'accorda le Duc de Bourbon à ceux d'Affrique, et tres-honorable, & pourquoy, 312. 313.

Traicté faict à ceux du Chasteau de Moleon, 176. 177.

Traicté de paix proposé entre le Roy d'Espaigne, & de Portugal, 245. Raison pourquoy le Duc de Bourbon ne le voulut ratifier, ibid.

Traicté que requierent ceux d'Affrique aux Geneuois, & ce que leur respondit le Duc de Bourbon, 300. subiet du traicté, & la peine que l'on eust à le faire accorder, 311.

TABLE

<i>Trahison de ceux de Briues au Roy de France,</i>	64.
<i>Tempeste terrible, & espouuantable, & les ruynes qu'elle fit,</i>	175.
<i>Tristesse arriuée au Duc de Bourbon, 371. en quoy il se resionyssoit,</i>	ibid.
<i>Tristesse du Duc de Juilliers pour la prise de son Chasteau, & pour les grandes pertes qu'il en receuroit</i>	258.
<i>Trois choses que pensoit le Duc de Bourbon,</i>	249.
<i>Turbillon, Chasteau, pris par force, & l'execution qu'on fit des rebelles,</i>	361.

V

V <i>Aillance d'un Chef aucunefois blasmee,</i>	68.
<i>Venue de trois Roys Sarrazins deuant Affrique, pour faire leuer le siege aux Chrestiens, & ce qui aduint,</i>	294.
<i>Vertueil assiegé par le Duc de Bourbon, & quels Seigneurs il auoit avec luy, 178. Mine faicte pour le prendre, comment ordonnée, & 179. 180. Comment le Duc de Bourbon y fist armer le premier, & ce qui aduint,</i>	184. 185. 186.
<i>Villes prises en Bourdelois par le Duc de Bourbon à son retour d'Espagne,</i>	253. 254.
<i>Visite de tous les Seigneurs à son retour d'Angletere, & les parolles qui leur dict,</i>	6. 7.
<i>Volonté derniere du Duc touchant sa sepulture.</i>	397.
<i>Voyage en Poictou entrepris par le Duc de Bourbon pour obeyr au Roy,</i>	104. 105.
<i>Voyage qui esperoit faire le Duc de Bourbon pour la grande deuotion, 367. ses grandes entreprises</i>	368.
<i>Voyage que Roy pretendoit faire en Angleterre, est</i>	

rompu & comment,

233.

Voyage du Duc de Bourbon en Espagne, comme il fut bien accompagné, 241. Sa responce sur ce qu'on luy dict que les Anglois se mourroyent en leur camp, & les poursuivit.

242.

Voyage que le Duc de Bourbon fit en Auvergne pour reconquerir quelques places,

112.

Voyage du Duc en Espagne, & les Seigneurs qu'il y mena, 128. 129. il passa par Avignon pour voir le Pape, 130. Sa reception, *ibid.* comme le Duc conuoia le Pape au sortir d'Avignon, *ibid.* suyuant son chemin, il alla en Arragon, & la reception que luy fit le Roy, 131. Il visita plusieurs Saints lieux. *ibid.*

Voyage que le Duc de Bourbon entreprist pour aller contre les infidelles, est divulgué par tout, & comment plusieurs l'assistèrent, 277. 278. Nombre des Galeres, 279. Le temps du partement, *ibid.* II alla en Avignon avec le Roy voir le Pape, dont il eut pardon de coulpe, & de peine luy & les siens. *ibid.*

Voyage du Roy en Languedoc avec ses Seigneurs, & comme il y mit un gouverneur, 269.

Voyage qu'entreprent le Duc de Bourbon pour la seconde fois d'aller batailler en Poitou, à la requeste du Duc de Berry, 167.

1872
The following is a list of the
names of the persons who
were present at the
meeting of the
Board of Directors
of the
City of New York
on the 1st day of
January, 1872.
The names are
as follows:
The Mayor,
The Aldermen,
The Board of
Common Council,
The Board of
Police, and
The Board of
Fire.

The names of the
persons who were
present at the
meeting of the
Board of Directors
of the
City of New York
on the 1st day of
January, 1872,
are as follows:

The Mayor,
The Aldermen,
The Board of
Common Council,
The Board of
Police, and
The Board of
Fire.

The names of the
persons who were
present at the
meeting of the
Board of Directors
of the
City of New York
on the 1st day of
January, 1872,
are as follows:



EPISTRE D'VN NOMME

Laurent Preuner, à tres-excellent
& Noble Prince Louys, troisieme
Duc de Bourbon, par laquelle il
luy dedie la traduction qu'il fit par
son commandement, du liure de
Ciceron intitulé, *De Senectute*,
escripte en l'an 1405.



Tres-excellent, glorieux & Noble Prin-
ce Loys, Oncle de Roy de France, Duc
de Bourbon, Comte de Clermont & de
Forests, Seigneur de Beau-jeu, grand
Chambrier, & Pair de France, droict-
ment & bien user de vostre dignité, & puissance terrien-
ne, victoire désirée de tous voz ennemis manifestes & ca-
chez, accroissement de bonnes mœurs & vertus, & entier
accomplissement de vostre bonne esperance, & à vous,
comme Seigneur & Prince, prompte et plaine obeysance
de moy Laurent vostre humble Clerc & subiect, volotaire.
Je ne scay, & ne puis trouver parolles suffisantes ny sen-
tences assez dignes pour raisonner aucunement, avec vous,
en excusant au moins la petitesse de moy quand j'ay droict
consideré l'excellence, la gloire & la Noblesse de vous, qui

estes selon la droicte ligne de generation, ou quint degre de consanguinite en descendant de ce tres-Sainct, & tres-glorieux Monseigneur saint Loys, jadis Roy du temporel Royaume de France. Ou gouuernement duquel il tellement se contint, & porta enuers Dieu & le peuple que Dieu luy eust cõmis, que apres son temporel Empire, selon la iuste retribution de Dieu, il fust, & est conuertý ou Royaume perdurable avec le bon Jesus Roy des Roys. Et pource que par moy ne peuuent asses, ne à moitié estre racontees voz loüanges, ie prens vn vers de Virgile, qui semble premierement auoir esté fait pour vous. Voicy icy, (dit Virgille) vn nouueau fils qui du haut Ciel est descendu en terre, pour seruir à Dieu par vraye religion, & pour secourir aux hommes par Justice. Puisque doncques vous estes descendu du Ciel, non pas une seule fois, mais deux, c'est asçauoir quant au corps de par le sang & lignee de vostre tres-Sainct Ancien deuant dict, & quant à l'ame par regle generale, selon laquelle le Createur fait les ames estant en son haut Ciel, par puissance Celeste: vous par ainsi deuez auoir double desir & inclination de retourner à vostre pays naturel, qui est le celestial Palais. Afin doncques que vostre S. desir ne cesse, & ne s'entre-rompe par le deceüement des faulses delectations mondaines, vous comme Prince sage & prudent ayez, & ensuyuez l'estude de Dame Philosophie, qui plainement enseigne la verité des choses diuines & humaines: Et afin que par plus leger, & par plus seur chemin vous puissiez atteindre, & paruenir à la cognoissance de ces choses diuines & humaines, vous des vostre enfance auez fait continué douces amitiés & benignes accointances avec aucuns Philosophes nourris & abreueuez du doux lait des mammelles de la Dame dessusdicte. Et pource que verité nous apprend que naturelle Philosophie ne suffit

pas à plainement instruire & enseigner le courage du bon Prince Chrestien, vous aymez & hantez les liures, & les hommes raisonnans, & fondés en Sainte Theologie, laquelle est le fort escu & le mur defensible de la foy Catholique. Et pource que vous aymez Philosophie, & ceux aussi qui la hantent & suiuēt, vous auez deseruy comme dit Pythagoras, estre dict Philosophe, qui est vn nom si tres-aduenant à Prince, que tous Empereurs & Roys qui n'ont art ny science ne sont Empereurs ne Roys, mais sont semblables à Asnes coronnez. Car science & vertu sont la premiere & la droicte naissance de mondaine Noblesse. Vous par ainsi noble Duc qui entre plusieurs volumes auez choisi le liure de Vieillesse, lequel dicta & escriuit le Noble Philosophe & Prince d'Eloquence Tulle, Consul Romain, dedans la poictrine duquel Philosophie naturelle & morale eslent son domicile, iagoit ce que vous venillez auoir, lire & entendre ledict liure cydeuāt escrit en trescorreēt Latin, & apres conuertye en langage François, pource que selon cours de nature vous approchez de l'aage de vieillesse à qui est deu, reuerence, & honneur selon les merites & les biensfaits de l'aage precedent. Si croy toutesfois que vous desirez ce liure, afin que vous cognoissiez plus à plain que ce au gouvernement du Royaume de Frâce, ou de autre quelconque Segnorie, Dame Vieillesse la sage, & attrēpee n'est preserée & mise deuāt ieunesse la folle, & là demesuree; tel Royaume & si faicte Segnorie est semblable à la nef faicte de vieilles tables, qui est sans gournenal tres-loing de port es ondes de la Mer. En obeissant du tout à voz cōmandemēs, ie me suis essayé de couertir en François au moins mal que i'ay peu, ce liure auant nommē, qui est comme vous scauez en lāgage Latin, faict par grād artifice & de

sentences moult graues & soubtiles. Ou procès duquel ie ne conteray aucunement histoires pourtant que ie delaisse la principale matiere de ce liure, qui gist en rien historial, ains est de Philosophie naturelle & morale: & combien que le fardeau dont vous m'avez chargé surmonte la petitesse de mes forces toutes voyes pour rendre l'obeyssance que ie vous dois, ie me suis essayé à la porter sur mes foibles espaules en gardant deux choses, l'une pource que en langage vulgaire ne peut estre gardé plainement art de Rhetorique, i'oseray de parolles et sentences promptement entendibles & cleres aux liseurs, & escouteurs de ce liure, sans rien laisser qui soit de son essence, l'autre chose est que ce qui semble trop bref ou trop obscur, ie l'alongeray en exposant par mots, & par sentences. Je doncques attribue & dedie à vous tres-noble Duc & Prince dessus nommé, cette translation, & la transporte en vous, en depriant qu'il vous plaise d'y reprendre le tout & la partie de la defence d'icelle contre les enuieux, si aucuns parauenture sans iuste cause s'efforçoient de la calomnier. Et quant aux choses moins bien dites ou faictes, ie demande pardon & benigne excusance, en soubmettant moymesmes & mon œuvre à la correction d'un chacun plus sachant & mieux instruit à telles choses, & requiers humblement, & deprie celuy Dieu qui par sa toute puissance peut toutes choses bonnes, qu'il enlumine mon obscur entendement, qu'il mette en ma bouche droictes et bien sonantes parolles, qu'il conduye ma main, afin que ie ne mette parolles ne sentences contraires à bonnes & saintes mœurs:



